

83. 3 (5 ғз 8)
й - 69

Умурзоқ ҮЛЖАБОЕВ



**БАДИЙ ТАСВИРНИНГ
ҲАҚҚОНӢИЛИГИ**

83. 3(59) 1989	125571 5100/56
Умортовъ Умурзакъ	
Байди бенъ казакъ	таскир-

Китобларни вактида топшириш вароги

й - 68

Умурзок Ўлжабоев

БАДИЙ ТАСВИРНИНГ
ҲАҚҚОНИЙЛИГИ



«Зиё» нашриёти

Гулистан-2008

Масъул муҳаррир:

**Ҳайитбой Мирҳайдаров, филология
фанлари номзоди профессор.**

Тақризчилар:

**Анқабой Қулжонов, филология фанлари
доктори, профессор.**

**Р Мажидов, филология фанлари
номзоди доцент.**

**Ҳ Бобобеков, тарих фанлари доктори,
профессор.**

Ушбу монография Гулистон давлат университети Илмий кенгашининг 2007 йилнинг 5 декабрида бўлган 3-сонли ийғилишида нашрга тавсия этилган.

Монографияда бир қатор ўзбек адиларининг иккинчи жаҳон уруши мавзусида ёзилган асарлари ҳақида сўз боради. Аввало, тадқиқотчи биз яшаётган кунларда ўтган уруши даври билан боғлиқ воқеалар тасвирининг қандай аҳамиятга эга экани ҳақидаги фикр – мулоҳазаларини ўртага ташлайди. Сўнгра, Сайд Аҳмад ва Ўткир Ҳошимов каби улкан ёзувчиларнинг шу йўналишдаги асарларини монографик кўринишда тадқиқ этишга ҳаракат қиласди. Шунингдек, китобда М.Муҳамедов, С.Анорбоев, Й.Сулаймон, Ф.Мусажонов каби адиларнинг ҳам шу мавзуга дахлдор асарлари таҳлилга тортилган. Муаллиф текширган асарлар ҳақидаги фикр – мулоҳазаларини бир адабий муаммо, яъни тасвир ҳаққонийлиги ва ёзувчи маҳорати деган масала атрофида уюштиришга интилган.

Бу асар ҳозирги адабий ҳаёт билан қизиқадиган талабалар, магистрантлар, аспирантлар, ўқувчилар ва барча адабиёт мухлислари учун мўлжалланган.



Мазкур китобни менга ҳаётда ўрнимни топишимга доимий эътибор кўрсатган, вақтида вилоятимизнинг таниқли педагогларидан бири бўлган, кўпчилик одамларда инсон сифатида ўзидан нурли таассуротлар қолдирган тоғам Ҳақназар Шерназаровнинг ёрқин хотирасига багишлайман.

Муаллиф.

МУҚАДДИМА (Мавзунинг долзарбилиги ҳақида баъзи қайдлар)

Иккинчи жаҳон урушининг тутаганига ярим асрдан ошиқроқ вақт ўтди. Бу, инсон умри нуқтаи назаридан анча катта бир давр. Лекин ушбу ўтган давр одамларнинг хотирасидан унинг даҳшатларини, фожиалари қолдирган изларни ўчира олмади. Тўғри, ўша омонсиз жангларнинг иштирокчилари бўлган, оғир кунларнинг синовларидан ўтгайлар тобора қамайиб бормоқда. Лекин бу ҳолат ўша кунларга эътиборнинг сусайишига эмас, балки янада ошишига сабаб бўлмоқда. Ота — оналаримизнинг ўша кезларда кўрсаттан жасоратига, матонатига ва иродатига кейинги авлодларнинг ҳайрат ва ҳурмати тобора кучаймоқда. Мана шу ўтган даврда уруш тарихи тинимсиз ўрганилди, турли миллат вакиллари кўрсаттан жасорат ва матонат тарихи янги фактлар ва тафсилотлар билан тўлдириб борилди. Эндиликда уруш ҳақидаги ҳақиқатни очиб берадиган кўплаб тарихий, илмий, бадиий ва бошқа йўналишдаги асарларга эгамиз.

Шу ўринда, биз ўтмишга, ундаги муҳим тарихий воқеаларга нима учун мурожаат қиласиз, уларни қандай мақсадда ўрганамиз, деган савол юзага чиқади. Бундан икки мақсад кўзда тутилади. Биринчидан, тарихнинг муайян даври ёки воқеаси ҳақидаги ҳақиқат шу йўл билан тўлдирилиб, аниклаштирилиб, мукаммалаштирилиб борилади. Бу — жуда муҳим. Чунки тарих битта, ҳақиқат ягона бўлса — да, унга муносабат турлича бўлиши мумкинлигини, битта матнни сиёsat кўзойнагида ҳар хил ранг ва оҳсангда, ҳатто бузиб ўқиш мумкинлигини узоқ давом этган мустамлака давридаги ҳаёти мисолида халқимиз яхши билади. Бу борада бўлаёттан ҳозирги саъй — харакатлар ҳам, табиийки, шу билан боғлиқ. Иккинчидан, муайян тарихий воқеа, ўтмиш шунчаки ўрганилмайди. Ўтмиш, билан боғлиқ хотираларда, ҳужжатларда ҳозирги одамлар ва келажак авлодлар учун сабоқ бўладиган, ҳаётда ибрат вазифасини ўтайдиган жиҳатлар мужассамлашгандир. Тарихни қай йўсингдадир (хоҳ илмий, хоҳ бадиий, хоҳ бошқача тарзда) ўрганишга бел боғлаган киши масаланинг бу масъулиятли томонини эътибордан соқит қилиши мумкин эмас.

Хўш, шу нуқтаи назардан ўтган иккигичи жаҳон уруши тарихига назар солсак, қандай манзара намоён бўлади? Дарҳақиқат, бу борада жуда кўп ишлар қилинди. Ўтган урушда собиқ СССР таркибиға кирган ҳар бир республика — ҳозирги мустақил давлатлар ўзига хос тарзда иштирок этган эди. Масалан, ўша оғир кунларда фашистлар томонидан босиб олинган Белоруссиядаги ҳаёт билан Ўзбекистондагини тенглаштириб бўлмайди, албатта. Лекин уруш ҳамма халқларнинг бошига ғам — кулфатлар келтирган, айрилиқ ва фожиалар солган умумий қисмат бўлган эди. Ҳ.Олимжоннинг «Роксананинг кўз ёшлари» балладаси қаҳрамонларидан бирининг сўзи билан айтганда,

«Бу уруш кўп халқларнинг
Озорини ҳам қўшди,
Тақдирини қилди тенг,
Мозорини ҳам қўшди».

Ана шу ҳамманинг «озорини ҳам», «мозорини ҳам» қўшиб юборган уруш ҳақида, унда шаҳид бўлганларнинг хотирасини эъзозлаш, жасоратли ишларни улуғлаш бўйича катта ишлар қилинди. Бу муқаддас тарихни ҳар бир халқ ўзининг миллий психологиясидан, одат ва удумларидан келиб чиққан ҳолда абадийлаштириб, ҳурматлаб, ҳаётта кириб келаётган авлодларга тушунтириб келаяпти. Бу тарихнинг қанчалик улуғлигини ва умумийлигини яна шунда ҳам кўриш мумкинки, собиқ СССР барбод бўлиб, мустақил давлатлар сифатида жаҳонда эътироф этилган миллий республикаларда ҳар йили 9 май — фашизм устидан қозонилган Фалаба куни энг ҳаяжонли байрамлардан бири сифатида нишонланади. Бизда бу санага кейинги йилларда янада кенгроқ ва чуқурроқ маънно берилди — уни Хотира ва Қадрлаш куни сифатида нишонлаш жорий қилинди. Ўзбекистон мисолида шу нарсани айтиш мумкинки, ўтган уруш тарихига, шаҳид кетганлар хотирасига ҳурмат билан қарааш, унинг ҳозир яшаётган иштирокчилариға ғамхўрлик қилиш давлатимиз амалга ошираётган сиёсатнинг муҳим йўналишларидан бирини ташкил этади. Бу юртбошимизнинг қатъий тарзда айтилган қуидидаги сўзларидан ҳам билиниб туради: «Уруш йиллари — Ўзбекистон тарихининг узвий бир қисми. Биз тарихимизнинг бирор саҳифасини ҳам олиб ташламаймиз. Бу тарих — бизники, уни унутишга ҳеч кимнинг ҳаққи йўқ»¹.

Бу кескин гаплар бежизга айтилаётгани йўқ. Унинг, фикрмизча, асослари бор. СССР тарқаб, собиқ республикалар мустақил давлатларга айлангач, ўтган кунларни ёппасига инкор қилишга мойиллик, бу даврда қилинган яхши ишлардан ҳам кўз юмиш, шу жумладан, фашизмга қарши турли миллат вакиллари

¹ И.Каримов. Ватаи саждагоҳ каби муҳаддас. Т., «Ўзбекистон» нашриёти, 1995 йил, 246—бет.

биргаликда курашган иккинчи жаҳон уруш тарихига ҳам бошқача қараш ҳолатлари сезила бошлиди. Инсон қони билан битилган муқаддас тарихга бундай нописандлик, хотираларга нисбатан ҳурматсизлик маънавиятда ноxуш натижаларга олиб келиши муқаррардир. Президентимизнинг юқорида келтирилган гапларида ана шундай оқибатлардан огоҳлантириш, унинг олдини олишга даъват оҳангি сезилиб туради.

Аввало, инсан қони тўкилган ҳар бир воқеага, ҳар битта тарихга (у қайси ҳалқ ҳаётида бўлишидан қатъий назар) ҳурматсизлик билан қараш – ўтакетган маънавий тубанлик белгиси. Сўнгра, бу ўтган уруш ҳалқимизнинг, бутунги мустақил Ўзбекистоннинг тарихида ҳам алоҳида саҳифаларни ташкил этади. Ахир, унда, энг сўнгги ҳисобларга кўра, салкам бир ярим миллион юртдошларимиз иштирок этишган – ку! Бу – ўша пайтдаги Ўзбекистон аҳолисининг (у даврда 6,5 миллион эди) тахминан ҳар тўрттасидан бири қўлига қурол олди, деган гап. Шундан тўрт юз мингга яқин одам жанг майдонларидан қайтмаган (ҳалок бўлган ёки бедарак йўқолган). Бу – ҳар ўн олти кишидан бири шундай қисматга дуч келган деган гап. Шунга бу ернинг ўзида (у бежизга меҳнат фронти деб аталмаган) қилинган, ҳақиқий қаҳрамонлик деб аташга лойиқ ишларни қўшсак (бу ишларда, асосан, кексалар, хотин – қизлар, болалар иштирок этишган), қандай манзара секин чиқиши мумкин? Шунингдек, урушнинг энг оғир кезларида Ўзбекистон ҳалқи қанчалаб одамларга бағридан жой бериб, етим гўдакларнинг бошини силади, дастурхонида борини биргаликда баҳам кўрди. Мамлакат ичкарисида одамларимизда намоён бўлган бундай ёрқин инсоний фазилатлар жанг майдонларида ҳалқимиз фарзандлари томонидан кўрсатилган жасорат ва қаҳрамонликларга уланиб кетади. Буни бироз олдинроқ эълон қилинган қуидаги рақамлардан ҳам кўриш мумкин: ўзбек жангчиларидан 120 минг нафардан ортиғи турли даражадаги орден ва медаллар билан тақдирланган; 280 нафар ўзбек жангчиси Совет Иттифоқи Қаҳрамони унвонига сазовор бўлган; 32 нафар жангчимиз эса «Шуҳрат» орденининг ҳар уч даражасини ҳам тўлиқ олишга муваффақ бўлган. Демак, умумий тарзда айтилаётган мана шу гапларнинг ўзи ҳам юртимизнинг ўтган урушдаги иштироки қанчалик салмоқли, ўзига хос эканини кўрсатиб турибди. Юқоридагиларни кўрмаслик, қайсиdir шаклда бўлмасин, бу уни инкор этиш ҳақида фикрларга бориш маънавий гумроҳликдан бошқа нарса эмас.

Ўтган уруш давридаги ҳаётни, бундай оғир, ҳаёт – мамотни ҳал қиласидиган бир шароитда қўлида қурол билан душманга қарши жанг қилган, кечаю кундуз фронтдагиларни қўллаб – қувватлаш, мадад бериш, шу йўл билан фалабани яқинлаштиришга ҳисса қўшиш учун тинимсиз меҳнат қилган юртдошларимиз сиймосини

абадийлаштириш бўйича бизда кўп ишлар қилинган. Хусусан, бу борада бадиий адабиёт анча эътиборли ўринни эгаллайди. Ўша уруш ҳақидаги машъум хабар эшитилгандан бошлаб ҳозирга қадар ёзувчиларимизнинг бир неча авлоди бу давр ҳаётига бағишлиб турли бадиий шаклларда кўплаб асарлар яратиши. Бу мавзудаги асарлар йифиладиган бўлса, у жуда катта миқдорни ташкил этади. Хатто, у, «ҳарбий – ватанпарварлик адабиёти», «ҳарбий йиллар адабиёти», «ҳарбий лирика», «ҳарбий проза» каби номлар билан аталиши ҳам бизга унчалик файритабии туполмай қолди. Гап бундай атамаларнинг пайдо бўлишида эмас, балки XX аср ўзбек адабиётида шундай бир йўналишнинг мавжудлигига ва унинг йилдан – йилга ривожланиб, мукаммаллашиб, тўлишиб бораётганида.

Иккинчи жаҳон уруши мавзусидаги адабиёт турли халқлар адабиётида ўзига хос хусусиятларга ва ҳар хил даражадаги мавқега эга. Чунончи, украин, белорус, рус адабиётида бу йўналишдаги асарларнинг салмоғи ғоят баланд. Ўтган уруш давридаги ҳаётни бадиий тадқиқ этиш, у билан боғлиқ ҳақиқатни адабиёт кўзгуси орқали кўрсатиш бу халқлар адабиётида ўнлаб ёзувчиларнинг номларини дунёга машҳур қилди. Лекин бир жиҳат кўзга яққол ташланишини таъкидлаш лозим. Бу халқлар адабиётида бевосита жанговар воқеалар тасвири, қўлида қурол билан душманга қарши жанг қилган инсонни кўрсатиш устунлик қиласди. Ўзбек адабиётида эса бошқачароқ манзара кўзга ташланади. Шу ўринда озроқ чекиниш қилишга тўғри келади. Маълумки, ўша уруш йилларининг ўзида ҳам, кейинги ўтган даврда ҳам ўзбек ёзувчилари фронтдаги ҳаётни, жангчи образини бадиий тарзда ифодалашга кўп харакат қилишган. Бу борадаги ишлар орасида йиллар синовидан ўтиб келаётган, айrim бадиий фазилатлари билан кейинги авлодларнинг эътиборини ўзига жалб қила оладиган асарлар ҳам йўқ эмас. Бундай асарларнинг одамларга фронт ҳаёти ҳақида, бу ҳаёт – мамот олишувида юртдошларимизнинг қилган жанговар ишлари, кўрсатган жасоратлари хусусида тасаввур беришда аҳамияти сезиларли даражада бўлган. Уларда кўпроқ уруш бир томонлама – ўша пайтдаги мағкуранинг талабига биноан, асосан, совет давлатининг, совет кишисининг устунлигини кўрсатиш, ижобий воқеалар тасвирига асосий эътибор қаратиш йўлидан борилган бўлса – да, бундай асарларнинг иккинчи жаҳон уруши ҳақида ўзбек адабиётида ҳозирги катта адабий йўналишнинг вужудга келишида ўзига хос ўрни бор. Лекин масаланинг бошқа томонига эътиборни қаратмоқчимиз. Мана, орадан ярим асрдан ҳам ошиқ вақт ўтди. Шундай саводни қўйисак, эҳтимол, унчалик ноқулай бўлмас: ўтган уруш ҳақида ўша кунлардан тортиб, ҳозирга қадар ўзбек адабиётида яратилган кўпсонли асарлардан қанчаси давр синовларидан ўта олди? Халқнинг маънавий мулки бўлиб қолдими?

Албатта, бу саволга түфри, холис ва очиқчасига жавоб бериш осон эмас. Чунки бунда ҳар хил истихолали ҳолатлар бўлиши мумкин. Лекин ҳаётнинг ўзи ҳамма нарсани жой – жойига қўяди, ҳар бир нарсанинг ҳақиқий баҳосини беради. Ахир, вақт – олий ҳакам, деб бекорга айтилмайди – ку! Шу нуқтаи назардан қарасак, мафкура талаблари биринчи ўринга қўйилган, сиёсат андозаларига маслаб ёзилган, воқеанавислик етакчилик қилган асарлар ўқувчиларнинг эътиборидан қолганига анча бўлди. Қачон ёзилган бўлишидан қатъий назар, уруш инсон ҳаётида фавқулодда бир ҳодиса сифатида кўрсатилган, ана шу фавқулоддаликнинг инсон руҳиятида берган садолари акс этган, ўшандай даҳшатли синовларга дучор бўлганлар учун, бу, оғир қисматта айланганлиги чуқур масъулият билан англанган ва мавзуга юксак бадиийлик талаблари асосида ёндошилган асарлар эса яшаб қолаяпти. Эҳтимол, бундай асарлар сон жиҳатдан унчалик кўп эмасдир. Аммо шуниси аниқки, ўтган ҳарбий йиллар ҳақидаги адабиёттаги айнан ўшаларга суянган ҳолда ривожланиб бораюпти.

Шу ўринда бир масалага эътибор қилиш жоизга ўхшайди. Биз фикр юритаётган йўналишдаги асарлар ҳақида гапирилганда, уларга баҳо берилганда бевосита уруш даврининг ўзида яратилган асарларга эҳтиёткорлик билан муносабатда бўлиш лозим. Бунда бадиийлик бўйича қўйиладиган талаблар билан даврнинг фавқулоддалиги ва ўзига хослиги, шунингдек, тарихийлик принципи каби жиҳатларни торозига баравар қўйиш керак. Шунда ўша мураккаб шароитда яратилган асарларни холис баҳолаш, уларнинг адабиётдаги ўрнини түфри ва адолатли белгилаш мумкин бўлади, деб ўйлаймиз.

Энди олдинги баён қилаётган фикримизга қайтайлик. Дарҳақиқат, ўзбек адабиётида бу масалада бошқачароқ манзара кўзга ташланади. Гарчи фронт ҳаёти тасвирига багишлиланган асарлар сон жиҳатдан кам бўлмаса ҳам, уларнинг ҳаммаси ҳам адабиётда бир хил мавқеларга эга бўла олмади. Мамлакат ичкариси деб аталган Ўзбекистонда ўша пайтлардаги кечган воқеалар, одамларда намоён бўлган хусусиятлар, уларнинг меҳнати ва матонати ҳақида ёзилган асарларнинг салмоғи, аҳамияти, бадиийлик даражаси юқори эканлиги ҳозир сезилиб туради. Бу йўналишда уруш йилларининг ўзида ёзилган бир қатор асарлар ҳам, ундан сўнгти давларда яратилган талай ҳикоя, повесть ва роман жанрларига мансуб асарлар ҳам адабиётимиз хазинасидан муносиб ўрин олди, десак хато бўлмайди. Бунинг боиси нимада, деган саволнинг бўлиши табиий, албатта. Унга жавоб шундай бўлиши мумкин: биринчидан, бу – ёзувчилик маҳорати, мавзуга қанчалик масъулият билан ёндошилишига боғлиқ масала (маълумки, адабиётда буларсиз мақсадга эришиб бўлмайди); иккинчидан, уруш даврининг шу жабҳасидаги ҳаёт ёзувчиларимизга яхшироқ таниш

бўлган, бинобарин, шу жараёнда яшаган, меҳнат қилган, курашган, қийинчилкларга чидаган одамларнинг ҳолатини улар аниқроқ тасаввур ва ҳис эта олишган (бу ҳам ижодий жараёнда жуда муҳим). Агар юқорида айтилганларга якун ясайдиган бўлсақ, иккинчи жаҳон уруши ҳақида ўзбек адабиётида яратилган асарлар сон жиҳатдан оз эмас. Улар турли шароитларда, адабиётимиз ривожининг турли босқичларида яратилган. Шунинг учун уларга турлича мағкуравий талаблар қўйиб қелинган, шу тариқа турлича баҳоланганд. Аммо бу асарлар яратилган даврида муайян аҳамиятта эга бўлгани, маълум маънавий – эстетик вазифани бажаргани шубҳасиздир.

Бу ўринда биз ушбу йўналишда уруш йилларининг ўзида ва ундан сўнгги бир неча ўйнилликларда турли авлодга мансуб бўлган ёзувчиларимиз томонидан амалган оширилган ишларни назарда тутмоқдамиз. Дарҳақиқат, бу ҳам мураккаб, ҳам қизиқарли масала. Чунки собиқ совет мағкураси ҳукмрон бўлган шароитда яратилган, турли авлод ёзувчиларининг тажриба ва изланишларини ўзида мужассамлаштирган бу йўналишдаги кўпсонли асарларни ҳозир биз яшаётган давр – истиқлонимиз руҳиятидан келиб чиқсан ҳолда кўздан кечириш, мушоҳада қилиш анча фикр – мулоҳазаларга асос беради.

Тўғри, бу ўтган даврларда адабиётшуносликда анча ишлар қилингандигини эътибордан соқит қилиб бўлмайди. Иккинчи жаҳон уруши мавзуида ўзбек адиллари яратган асарлар ўша даврнинг ўзидаёқ ўрганила бошлаган эди. Ҳатто, ўша пайтларда бу мавзунинг нафақат бугунги аҳамияти, балки келажак адабиётида тутадиган ўрни, мавқеи ҳақида ҳам фикрлар билдирилган эди. «Замонамиз, айниқса, Улуг Ватан уруши даври салмоқдор бадиий асарлар яратиш учун хилма – хил темаларга бой, – деб ёзган эди атоқли адабиётшунос И.Султон ўша йилларда, – уруш тугаб, тинч ҳаётимизга кирганимиздан кейин ҳам адабиётимиз олдига катта вазифалар келиб чиқади: адабиётимиз даҳшатли ва мислсиз жангдан чиқсан улуг баҳодир ҳалқимизнинг саноқсиз маънавий жароҳатларига малҳам топиши, унга маслаҳатгўй ва йўлбошчи бўлиши керак»¹. F.Фулом, Ойбек, Ҳ.Олимжон, М.Шайхзода, F.Каримов, Р.Соҳибоев, А.Умарий ва бошқа қатор адаб ҳамда адабиётшуносларимиз бу давр адабиётининг ўзига хос жиҳатларини, ютуқ – камчиликларини таҳлил этадиган катта – кичик ҳажмдаги кўпгина тадқиқотлар яратдилар. Кейинги даврларда ҳам адабиётимизда бу йўналиш тадқиқотчиларнинг диққат майдонида турди. Айниқса, 60 – йиллардан бошлаб адабий жараёнда бу мавзуга қизиқиш ошгани, яратилаётган асарларнинг салмоғи сезила боргани сари адабиётшуносларнинг унга нисбатан

¹ Назат Султон. Китта имтиҳон. Тўғт жондлик. Иккигач жилд. F.Фулом номидаги Адабиёт ва санъат шашриёти. Т., 1972, 27-бет.

эътибори кучайди. Олимларимиздан О.Шарафиддинов, М.Қўшжонов, Л.Қаюмов, У.Норматов, С.Мирвалиев, Н.Каримов, Н.Владимирова, П.Шермуҳаммедов ва яна кўплари бу мавзуда эълон қилинган асарларни таҳлил этадиган анча мақолалар ёздилар.

Иккинчи жаҳон уруши мавзусининг ўзбек адабиётида ифодаланишини ўрганиш борасида адабиётшуносликнинг ўзида икки йўналиш кўзга ташланади. Биринчи йўналишда ўша кунларнинг ўзида бошланган анъаналарни давом эттириб, уруш даври адабиётининг хусусиятларини маҳсус тарзда ўрганишга интилиш сезилади. Бу ўринда Т.Собировнинг «Улуғ Ватан уруши даврида ўзбек совет адабиёти» (1954), Ж.Ҳожиматовнинг «Жанговар йиммар поэзияси» (1968), Т.Ҳамидованинг «Улуғ Ватан уруши йилларида рус – ўзбек адабий алоқалари» (1973), С.Мамажоновнинг «Улуғ Ватан уруши даври ўзбек адабиёти» (1975), Б.Саимовнинг «Улуғ Ватан уруши даври ўзбек адабиётининг жанр хусусиятлари» (1983), Ў.Нурмуҳаммедовнинг «Жангчи – шоирлар ижодида ҳарбий ватанпарварлик» (1985) каби бир қатор илмий – тадқиқотларни тилга олиш мумкин. Яна бир китоб борки, бу соҳада унинг ҳам алоҳида қимматга эгалигини эътиборга олиш лозим бўлади. Бу – «ўзбек жангномаси» деб аталадиган китоб. Унда бир гуруҳ ўзбек ёзувчилари ва адабиётшуносларининг мақолалари жамланган. Китобнинг биринчи қисми «Жанговар йилларнинг оташин куйчилари», деб номланиб, унда уруш йилларидаги ўзбек адабиёти ҳақида сўз кетади. «Жанговар анъаналар давом этади» деган ном билан аталувчи иккинчи қисмда кейинги даврларда шу мавзуда яратилган асарлар тилга олинган ва таҳдил этилгандир. Шу жиҳати билан у гёё ўтган уруш мавзуидаги адабиётни ўрганаётган илмнинг икки йўналишини бир – бири билан боғлагандек бўлади. Демак, маълум бўляяптики, бу соҳада иккинчи йўналишга кирувчи тадқиқотлар – фашизмга қарши кураш воқеалари ҳақида кейинги ўн йилликларда яратилган бадиий асарлар ўрганилган, унинг ўзига хос томонларини аниқлашга бағишлиланган адабиётшунослик асарларидир. Бунга Н.Бекмирзаевнинг «Жасоратнинг бадиий талқини» (1991) китоби ва яна бошқа айrim тадқиқотларни киритиш мумкин. Жумладан, мазкур китоб муаллифи ҳам бу йўналишда «Мардлик ва матонат тасвири» (1976), «Ўзбек ҳарбий прозасида характер яратишнинг баъзи муаммолари» (1989) каби китоблар эълон қилган. Биринчидан, бу кузатиш ва тадқиқотлардаги бадиий асарларга қўйилган талаблар, уларни баҳолаш мезонида эски мафкура таъсири сезилиб туради. Бу эса иккинчи жаҳон уруши мавзусида турли даврда ёзилган ўзбек адиларининг асарлари, жумладан, ҳарбий проза намуналарига ҳам мустақилларимиз чўққиларидан туриб қайта қўз ташлаш, таҳлил этиш муҳим ҳаётий зарурият эканлигини кўрсатади. Иккинчидан, юқорида келтирилган адабиётшунослик асарлари ҳали бу

йўналишда катта, бой ва ранг – баранг адабиётнинг ҳамма жиҳатларини ўрганиб чиқди, атрофлича қамраб олди, деган гапларни айтиш даражасида эмас. Эҳтимол шу мавзудаги асарларни жанр ва бошқа жиҳатлардан умумлаштириш, обзор қилиш борасида муайян ишлар қилинган бўлиш мумкин. Лекин уларнинг ҳақиқий бадиийлик даражасини белгилаш, чунончи ҳаётнинг тўғри ва реал манзараларини бериш, характер ва фавқулодда шароит ўртасидаги муносабатларни кўрсатиш, ёзувчиларнинг услуби ва маҳорати билан боғлиқ жиҳатларга чуқурроқ кўз ташлашдек масалалар бўйича қилинадиган ишларнинг кўпи ҳали олдинда турибди.

ЙЎЛ БОШИДА

Уруш манзаралари тасвири, бу даврда яшаган кишиларнинг руҳий оламини, ҳиссиётини бадиий тадқиқ этишда бевосита уруш даврида яшаб ижод қилган адилларнидан жаҳон уруши бошланганида ижод оламига эндиғина қадам қўя бошлаган ёхуд болалиги уруш даврига тўғри келган адиллар таянадиган эстетик тамойиллар тамомила фарқ қиласди. Уруш даврида яшаб ижод қилган ёзувчилар учун уруш муаммоси кундалик, долзарб масалалар бўлган бўлса, у ҳақда болалик ёки ўсмирлик хотираларига суюниб асар ёзган адиллар учун маънавий мезон, инсоннинг инсонийлигини ўлчайдиган, уни синовдан ўтказадиган ахлоқий тарози дейиш мумкин. Уруш ҳақида ўша даврнинг ўзида ҳам, уруш тутаганидан сўнг асар битган адиллар бу давр руҳини чуқурроқ акс эттирганликларини қайд этиш лозим. Бундай ёзувчилар адабиётда бутун бир силсилани ташкил этади.

Ўзбек ҳарбий прозасининг ривожида шулардан бири ёзувчи Сайд Аҳмаднинг хизматлари алоҳидадир. У ўзининг ўнлаб ҳикояларида ўтган уруш даври билан боғлиқ воқеаларга турли муносабатлар билан мурожаат этди. Адип истеъодонинг натижаси ўлароқ ўзбек ҳарбий прозаси урушнинг инсон учун нақадар оғир қисмат эканини ҳозирги китобхонга ҳис қилдирадиган, бадиий жиҳатдан бақувват бўлган қатор асалар ҳисобига бойиди. «Уфқ» трилогияси эса, гарчи адабий танқидчиликда турлича баҳоланган бўлса – да, ўзига хос бир адабий ҳодиса сифатида муҳлислар қалбидан, хотирасидан жой олди. Лекин Сайд Аҳмад бундай натижаларга осонгина эришгани, бу маҳорат чўққисига бирданига чиқиб олгани йўқ. Буларнинг ҳаммасининг замирида кўп изланишлар ва катта ёзувчилик меҳнати турганини тасаввур қилиш қийин эмас. И.Фафуров ёзувчи ижодига бағишлиланган китобида «Сайд Аҳмаднинг илк ижоди 1940 – 1949 йилларни қамраб олади»,¹ деган бир гапни айтган. Бу – қисқа муддат эмас. Агар шунга

¹ И.Фафуров. Прозанинг шонри. Ф.Фулом помидаги Адабиёт ва салгъат ишлариётси, Тошкент, 1981, 13 бет.

ёзувчининг «Тортиқ» (1940) тўплами чиққунга қадар бўлган изланиш ва машқларини ҳам қўшадиган бўлсак, ушбу чегара янада кенгайиши мумкин. Буларни таъкидлашдан мурод ўзбек ҳарбий прозасининг тарақиётидаги Сайд Аҳмад номи билан боғланадиган ютуқлар, бадиий натижалар қандай юзага келганлигига эътиборни қаратишдир. Тўғри, Сайд Аҳмад фақатгина ҳарбий мавзуда қалам тебратадиган ёзувчи эмас – иккинчи жаҳон уруши даври воқеаларини ифодалаш ёзувчи ижодининг муҳим бир йўналишини ташкил қиласди, холос. Лекин шу йўналиш бўйича кузатишларнинг ўзи ҳам ёзувчининг илк ижодидаги изланишлар қанчалик ўзига хослигини бемалол кўрсата олади. Бу жиҳатдан, хусусан, бевосита ўша шароитнинг ўзида – урушнинг мащаққатли воқеалари содир бўлаётган кезларда ёзилган унинг бир қатор асарлари дикқатимизни ўзига тортарди.

Сайд Аҳмад, бевосита уруш йилларида «Тепки», «Мастонбиби», «Кутиш тараффуди», «Ирода», «Қўшиқ» каби талай ҳикоялар яратган. Албатта, улар бадиийлик нуқтai назаридан турли даражадаги асарлардир. Шуни ҳам айтиш керакки, бу ҳикояларни Сайд Аҳмаднинг уруш мавзусида кейин яратган асарлари билан ҳам тенглаштириб бўлмайди. Лекин Сайд Аҳмад бадиий оламига хос хусусиятларнинг айрим белгилари илк бор мана шу ҳикояларда учрайдики, буни эътибордан соқит қилиш мумкин эмас. Шунинг учун ҳам ёзувчининг бу даврда яратган асарларининг ўзгача аҳамияти бор.

Ёзувчининг шу давр ижоди ҳақида фикр юритилганда, унинг айниқса, «Мастонбиби» ҳикояси тез – тез тилга олиниб турилади. Бу ҳикоянинг ўша пайтлари яратилган талай асарлар, жумладан, «Ботирали», «Асрор бобо» (А.Қаҳҳор) ҳикоялари билан анча ҳамоҳанг ўринлари бор. Бу ҳамоҳанглик, аввало, мамлакат ичкарисидаги меҳнати билан урушдаги ғалабага ўз ҳиссасини қўшаётган кишилар образини яратишда кўзга ташланади. Сўнгра асарнинг марказий сюjetи чизифи – чол ва кампир образини уларнинг фронтдаги ўғлига муносабати орқали очишда ҳам маълум ўхшашликлар бор. Ниҳоят, ўғлидан «Бир ярим ойдан бери на хат, на хабар» келмаётганига хавотир олиб ҳар хил инжиқликлар қилаётган Мастонбибига қарата чоли уста Қобилнинг айтган қўйидаги гапларида ҳам таниш оҳанглар учрайди: «Кўп ғалва қилма, – дейди у. – Хўш, ёшинг нечага борди? Бор, ана олтмиш бешга кир. Ўз тенгдошларингни кўрасанми, кетмон чопаётибди. Заводга кириб, электр машина юргизяпти. Сен – чи, сен Худоёрхоннинг хотинидек, етти қават кўрпачада ўтириб, гап

сотиши биласан, холос. Кетмөн чопаётган кампирларнинг сенчалик ташвиши йўқми?»¹

Асарнинг марказида, номидан ҳам кўриниб турганидек, Мастонбиби образи туради. Ёзувчи бу қаҳрамони образи орқали уруш шароити таъсири ва талаби натижасида ўша пайтдаги одамларда содир бўлган ички ўзгаришларни кўрсатиши максад қилган. Дарҳақиқат, ҳикояда Мастонбиби иримчи, уй ташвиши билан банд бўлган оддий бир кампирдан меҳнат жараёнининг фаол иштирокчисига айланади. Фақат ўзи ўзгарибгина қолмай, бошқаларга ҳам таъсир эта оладиган даражагача боради. Албатта, асарда ёзувчи ниятининг бу шакда қўйилишига эътиroz йўқ. Чунки уруш даври ҳаёти учун бундай ҳодисалар энг типик ҳол эди. Бунинг исботига доир фактларни ўша даврдан истаганча келтириш мумкин. Лекин асарнинг муддати фикри иштирокчидан шу билангина боғлиқ эмас, албатта. Асарнинг бадиийлик даражаси ёзувчининг муҳим мақсади юксак савиядаги, чуқур ҳаётий мантиқа асосланган ижрони ҳам талаб этади. Шу нуқтаи назардан қараганда, «Мастонбиби» даги бош қаҳрамон образи талқинида анча мулоҳазабоп ўринлар борлиги кўринади. Айниқса, характер мантиқи билан ҳисоблашмаслик, бу борада тажрибасизлик икки ҳолатда яққол сезилиб қолган. Ҳикоянинг бошланиш қисмида Мастонбиби келини Хосиятхонни уччалик «жини сўймаслиги» бизга маълум бўлади. Унга Хосиятхоннинг бригадирлик қилиши, кеча – ю кундуз меҳнат ташвиши билан юриши ёқмайди. У чолининг қайтаришига қарамай, келини ҳақида анча – мунча гапларни айтишга улгуради ҳам. Шундан сўнг кампирнинг ўғлидан келини номига келган хатни неварасига ўқитиш эпизоди берилган. Характерли жойи шундаки, Саид Аҳмад бадиий оламига хос бўлган қувноқ юмор унда ҳам ярқ этиб кўзга ташланиб туради. Шу ўринларни ўқиёттандан кулмасдан иложимиз йўқ. Лекин хатда ёзилган бир жумлани эшлиши биланоқ кампирнинг келини ҳақидаги фикри тўсатдан ўзгариб қолиши, «Қирқокил келиним ҳам чакки эмас – ку!» дейиши, унга бирдан «меҳри товланиб» кетиши сунъий чиқиб қолган. Иккинчи шундай ҳолат, Мастонбибининг мажлисда айтган ваъзига алоқадор. Кампир келини ҳақида мақола чиққан газетани кўтариб, уни излаб колхоз клубига – мажлис кетаётган жойга келиб қолади. У ҳосилотнинг эртадан бошлаб колхозимизнинг «ҳамма кекса ва ёшлари далада бўлиши керак!» деган гапларини эшитади. Ҳозиргина унинг «уй бекаси бўлиб ўтирадиган хотини Ойшахоннинг қандай ясан – тусан» қилиб юрганини кўрган Мастонбибига бу гаплар кор қиласи ва «бир саволим бор» деб ўрнидан туриб, яхшигина «нутқ»

¹ С.Аҳмад. Уч жилдик. З-жислд. Ф.Гулом номидаги Адабиёт ва санъат институти, Тошкент, 1982, 9-бет. Мазкур листдин мисолларни шу нашрдан келтирилди.

сўзлайди. Бу «нұтқ»да ўзининг далага чиқиб ишлашини, келинининг юзини ерга қаратмаслигини айтади ҳамда нима учун раис ва ҳосилотнинг хотини далага чиқмайди, деган масалани қўяди. Ҳосилот «Кампир тўғри айтадилар. Эртага хотиним ишга чиқади, деб сўз бераман», деб зўрга қуттилади. Турган гапки, кечагина тушга ишониб худойи қилиб юрган, келиннинг вазифаси яхши кийиниб уйда ўтириш ва шу ердаги ишларнигина қилиш, деб тушунадиган кампирнинг бигданига бу даражада ўзгариб кетиши бизни ажаблантиради.

Қаҳрамондаги маънавий – психологик ўзгаришларни кўрсатишда асарда ички бир узилиш, бўшлиқ борлигини сезамиз. Тўғри, ҳикояда ўша бўшлиқни тўлдиришга баъзи ҳаракатлар бўлган. Масалан, Ойшахон пластинка сўраб келиб кетганидан сўнг кампирнинг хаёлидан шундай гаплар ўтади: «Мастонбиби келини ҳақида ўйлаганида, кўпинча, келинчакларга ўхшаб ясанган, ҳамма вақт қошида ўсма, кўзида сурма бўлишини орзу қиласи эди. Лекин Ҳосилотнинг хотинини шу ҳолда кўриб, орзусидан айниди. Негаки, авжи иш қизиб турган бир пайтда, миннатдор бўлсанг босаман, деб пўрим бўлиб юриш алланечук кўринар экан». Бу – қаҳрамон ҳарактери талқинидаги муҳим психологик нуқта. Лекин у Mastonbibidagi кескин ўзгаришни кўрсатишда сезилиб қолган бўшлиқни тўлдира олмайди.

Ҳикоядаги воқеалар ривожи давомида Mastonbiibi фақат ўзи ўзгарибина қолмасдан, айни чоқда «Еганим одимда, емаганим кетимда, давлатим оқсоч олишни ҳам кўтаради» деган ўйда юрган Ойшахоннинг, айни иш қизигин пайтларда тўқайга уриб кетиб, нашавандлик қилиб юрган Али полвонларнинг ҳам ўзларидаги ҳар хил қусурларни енгиб ўтишларига, синов кунларида кўпчиликнинг сафида, элнинг қаторида бўлишларига сабабчи бўлади.

Сайд Аҳмаднинг уруш йилларидаги ижодидан «Ирода» ҳикояси ҳам эътиборни ўзига тортади. Агар биз юқорида қўрган «Мастонбиби» мамлакат ичкарисидаги ҳаёт тасвирига багишлиланган бўлса, «Ирода» – бошдан – оёқ фронт воқеалари ҳақида ёэилган асар. Шу нуқтаи назардан унинг ёзувчи ижодида алоҳида ўрни бор. Чунки Сайд Аҳмаднинг уруш мавзусида ёзган асарлари, асосан, меҳнат фронтидаги ҳаётга багишлилангандир. Фронт ҳаётига оид гаплар онда – сонда, бирор муносабат билан берилмаса, деярли учрамайди. Шу жиҳатдан, таъкидлаганимиздек, «Ирода» ҳикояси ажралиб туради.

Ҳикоянинг композицияси шундай тузилган: дастлаб бош қаҳрамон – учувчи йигит Усмонов ҳақидаги маълумот унинг қуролдош дўйстлари тилидан берилади. Ҳикоянинг бошланиш қисмидаги эпизодда гап, асосан, у тўғрисида кетади. Уларнинг гап –

сўзларидан Усмоновнинг моҳир учувчи эканини, жасоратли ишларини билиб оламиз. Айни чоқда радиост йигит берадётган маълумотлардан унинг сўнгги парвози – сўнгти жанговар учиши давомида қилаётган ишларидан ҳам хабардор бўлиб борамиз. Ҳикоянинг иккинчи асосий қисмида эса бевосита қаҳрамоннинг ўзини кўриш ва кузатиш имкониятига эга бўламиз. Лекин айтиш керакки, ҳикояни ўқиётган пайтимизда бир нарсадан кўнглимиз хижил бўлиб турди. Қаҳрамон қилаётган айнан бир хил жанговар ишлар икки марта такрорланади – биринчи бор радиост тилидан хабар берилса, сўнг ўзи кўрсатилади. Яна аниқроқ қилиб айтадиган бўлсак, ҳикоянинг биринчи қисмида айтиладиган гаплар, унинг иккинчи қисмида кенгайтириб такрорланади. Масалан, биз олдин ҳам темирийўл кўприги ва ўқ – дори омборига бомба ташланганини, Усмоновнинг самолётидаги бензин бакига ўқ текканини радиостнинг хабари орқали билган эдик. Шу гаплар кейинроқ бошқачароқ тарзда яна қайтарилади. Бундай қайтариқларнинг мавжудлиги ҳикоянинг композицияси пухта эмаслигидан далолат беради.

Ҳикоянинг иккинчи қисмида Усмонов ва унинг ёрдамчиси Оксананинг учиши давомида бажарган бизга маълум ишлари қандай амалга оширилгани ҳақида гап боради. Бунда энди ўша ишларнинг бажарилиш жараёни тафсилоти кўрсатилади. Албатта, Усмонов қилган ишлар – дастлаб темирийўл кўпригининг, сўнгра фашистларнинг қурол – аслала омборининг портлатилиши, бензин баки ўқ тегиб, тешилгач, самолётдаги охирги бомбаларни душманларнинг «ниқобланган «Зенит» тўплари» устига ташлаши, ўзи оғир ярадор бир ҳолатда машинани ўрмон ичидағи ялангликка қўндириши кабилар уруш шароитида кўрсатилаётган том маънодаги жасорат. Лекин бу мураккаб ва қийин воқеалар тасвири бизга у қадар таъсир қилмайди. Бу гапларни урушнинг оддий бир маълумоти сифатида қабул қиласиз, холос. Ҳикоя қаҳрамони бажараётган жанговар ишлар, у тушган фожеавий ҳолат инсоний туйғуларга йўғрилган ҳолда берилмаган. Биз Усмоновнинг инсоний қиёфасини аниқ кўз олдимизга келтира олмаймиз. У асадра жуда умумий тарзда берилади, аниқ – индивидуал инсоний белгилари билан ажралиб турмайди. Тўғри, бир жойда бунга интилиш бор. Чунончи, Усмонов штурвал ўртасига севган қизи Лазокатнинг суратини ёпиштириб қўяди. Шу деталдан фойдаланиш мақсадида, ёзувчи уни бир неча ўринда эслатади. Лекин бундан тузукроқ бадиий маъно юзага чиқмайди. Баъзан эса ёзувчи берадётган тафсилотлар бир – бирига зид келиши ҳоллари ҳам учрайди. Масалан, бир ўринда «Самолёт нам ҳавони кесиб шаҳд учиб бормоқда. Қуйидаги сарғайган қайин барглари, кўм кўк арчалар

худди гилам каби, туман орасида кўзга ташланади»¹ дейилса, сал нарироқ бориб, иккинчи бомба ташланганда «ўт алангалари ҳамма ёқни ёритиб юборади» дейилади. Энди бу ерда кундуз куни ўт алангаси қандай қилиб ҳаммаёқни ёритиб юборишини кўз олдимизга келтира олмай қийналамиз. Хуллас, ёзувчи ҳикоя жанри табиатига хос бўлган тасвирдаги лўндалика ва аниқликка мазкур асарда эришолмаган. Бунинг сабаблари бор, албатта. Аввало, бу ҳикоя йигирма уч яшарли, изланиш жараёнига хос қийинчилкларни эндиғина бошидан кечираётган бир адаб қаламига мансуб эканини унугтаслигимиз керак. Бундан ташқари ёзувчи ўзи билмайдиган, ҳис қилмаган ҳаётий материал асосида ҳикоя яратишдек қалтис ишга урингани ҳам унга панд берган. Бу гапни таъкидлашимизнинг боиси бор. Масалан, «Мастонбиби»да сезилиб турдиган Саид Аҳмад ижодига хос хусусиятлар учқунини мазкур ҳикояда кузатиш қийин. Асарнинг мавҳум ва хира таассуротлар асосида ёзилгани билиниб туради. Шунинг учун ҳам унда ёзувчининг кейинги ижодига хос бўлган жонли манзаралар, тиниқ инсоний туйгулар тасвири куртакларига деярли дуч келмаймиз.

Таниқли адабиётшунос И.Фафуров шундай ёзади: «Эпик тасвирни лўнда ва худди ўртасидан кесилгандай бўлиб кўринадиган жумла – услугуб билан олиб бориш ва айниқса, теран психолигик таҳлиллар қилиш қийин. Катта насрнавислар бу усуlda ишламаганлар. Улар бадиий прозани, унинг услуги ва тилини, ритмикасини ҳаддан ташқари соддалаштириб юборишидан чўчиганлар. Абдулла Қаҳҳор «Қўшчинор чироқлари»да шундай қилиб кўрган эди. Сўнг бу усулага қайтмади. «Хукм»да топилган проза усули эртак усулига ўхшайди, лекин эртакнинг худди ўзи эмас. Ифодаларда эртакдан кўра маданийлашув ва адабийлашув аён кўринади. Лўндалик эпик тасвир талабларига жавоб бериши учун у яна андак батафсиллик касб этиши керак эди. Бу иборалар қанчалик ғалати бўлиб кўринмасин, лекин шундай батафсилликка Саид Аҳмад кейинроқ бориб ўзининг умрлик асари «Уфқ» трилогиясида эрищди. Ўзбек прозасининг бошқа намояндаларида учрамайди бу эпик лўндалик. У Саид Аҳмаднинг ўзига, унинг проза мактабига хос хислат бўлиб қолмоқда».¹ Танқидчи таъкидлаётган тасвирдаги бу «эпик лўндалик», гарчи ёзувчининг йирик проза асарлари муносабати билан айтилаётган бўлса – да, уни Саид Аҳмаднинг ҳикояларига ҳам бемалол тадбиқ этиш мумкин. Муҳими, шу «эпик лўндалик»нинг куртаклари ёзувчи ижодининг дастлабки босқичларида яратилган ҳикояларда ҳам тоҳ – тоҳ учраб туради. Айниқса, бу хусусият асар матнида муайян мақсадлар билан

¹Саид Аҳмад. Қўдирдоң дисталир. Ўздавнешар. Тошкент, 1957, 202-бет Мазкур ҳикоялдан парчалар шу натижада келтирилди.

¹ И.Фафуров. Прозанинг шоирин. 153-бет.

берилаёттан манзара тасвирида аниқ күзга ташланади. Масалан, «Мастонбиби»даги ушбу манзарага эътибор қиласлилек: «Қосимжон ўз қўли билан ўтқазиб кетган шафтоли кўчати бу йил нишонага гуллади... Ҳамма ёқ кўм – кўк майса билан қопланган. Қўргон деворларидан оша энгашиб тушган мева дарахтлари оқ, пушти гуллар билан ўралган, асаларилар гулдан – гулга қўниб бол йигадилар. Ёш – яланларнинг чеккасида гунафша...» («Қадрдон далалар», 188 – бет). Бу ерда баҳорнинг энг гўзал кўринишларидан бири хассослик билан, худди рассом чизган манзарадек аниқ гавдалантириб бериляпти. Лекин фарқ шундаки, у бир лаҳзага тўхтатилган, қотирилган манзара эмас, балки жонли, харакатдаги манзарадир. Бу манзара тасвирига киритилган деталлар унга табиийлик бағишилаган.

Сайд Аҳмаднинг уруш йилларида яратган ҳикояларини кузатар эканмиз, тасвиридаги «эпик лўндалик»ка ёзувчи фақат манзаралар тасвирида эмас, балки баъзан образлар, айниқса, улардаги у ёки бу ҳолат талқинида ҳам эришганига гувоҳ бўламиз. «Мастонбиби» ҳикоясидаги яна бир ўринга диққатимизни қаратайлик. Мастонбиби чоли уста Қобил билан Али полвонниги зиёфатга боришганда, унинг фронтдан таътилга келган жиянини кўришади. Бу жангчи йигит уларнинг ўғли Қосимжон билан фронтда бирга экан. Чол – кампир дарҳол ўғилларининг соғлиқ – саломатлигини суриштиришади. Йигит жавоб бериб, «Сор бўлганда қандай, нақ тўлишиб Рустами – достон бўлиб кетган», дейди. Бундай хушхабар уларни шошириб қўяди. Шундан сўнг чол – кампирда рўй берган руҳий ҳолат қўйидагича берилади: «Мастонбиби ҳўплаган чойни халқумидан ўтказолмади, фарғара қилиб ерга пуркаб ташлади. Уста Қобил эса шошиб оғзидаги носини ютиб юборди» («Қадрдон далалар» 191 – бет). Кўряпмизки, мана шу лўнда, айни чоқда сермаъно, озгина юмор сингдирилган тасвир қаҳрамонлардаги ҳолат ҳақида ҳар қандай таъриф – тавсифдан кўра яхшироқ тасаввур беради.

Сайд Аҳмаднинг илк ижодига мансуб «Қўшиқ» ҳикояси ҳам шу жиҳатдан эътиборни ўзига тортади. Унда ҳам баъзи ўринларда биз ёзувчи ижодига хос «эпик лўндалик»нинг дастлабки кўринишларига дуч келамиз. Ҳикоянинг экспозициясидаги қўйидаги тасвир дарҳол диққатни тортади: «Ёзниг иссиқ кунлари эди. Ҳамма ёқ қуёшнинг олов селига чўмган. Чумчуқлар ҳам дарахтларда жимгина мудрарди. Бир жуфт сада кўланкасидаги қизил чойхонада одам кўринмайди. Қайрагоч тагидаги боқдол иссиқда мудраган, хира пашишлар қовун пўчоқлари устида гингфиллашади. Самоварчи чойхўрлар камлигидан шикоятланиб белбоги билан ўзини тўхтовсиз елпийди» («Қадрдон далалар», 208

бет). Саид Аҳмад прозасига хос бўлган тасвиридаги жонлилик, табиийлик, тиниқлик бу ерда шундайгина кўзга ташланиб туради. Жазирама иссиқ манзарасини ўқувчига бунчалик аниқ гавдалантириб бериш ҳар қандай ижодкорнинг ҳам қўлидан келавермайди. Бунинг учун ёза олиш малакасидан ташқари, Саид Аҳмаднинг ўзи бир муносабат билан таъкидлаганидек, қалам тебратеётган кишига «... рангларни рассомдек кўриш, товушларни бастакордек эшитиш, табиятдаги ҳидларни асалариdek сезиш» каби хусусиятлар ҳам зарур бўлади. Юқоридаги парчада бериладеётган деталлар – дараҳтларда мудраеётган чумчуқлар, иссиқдан карахтланган боққол, қовун пучоги устида фингилаеётган пашибалар, белбоги билан ўзини елпиётган самоварчи – ҳаммаси бирниб, бир мақсадга узошиб, аниқ бир манзарани – бу ўринда ёзнинг энг иссиқ кезларидағи таниш картинани жонлантириш Саид Аҳмаднинг қаламига қанчалик хос хусусият эканини кўрсатади.

Шунга ўхшаш рассомчасига берилган картиналарни ҳикоянинг яна бир неча ўрнида учратиш мумкин. Баъзан қаҳрамонларнинг нутқларида ҳам ялт этиб Саид Аҳмад асарларига хос бўлган белгилар кўзга ташланиб қолади. Лекин булар "Қўшиқ" ҳикоясида учқун каби кўринган ёзувчининг ижодий изланишлари қийинчиликлар билан кечаетганини, ҳали у ҳикоя жанрига хос бўлган мураккаб хусусиятларни яхши эгаллаб олмаганини кўрсатади. Бу ердаги воқеалар марказида Сайдали ва Лида образлари туради. Аниқроғи, сюжетни ёзувчи шу тарзда режалаштирган. Лекин улар аниқ бир қиёфалари билан ажралиб турмайди. Чунончи, Сайдалининг на муҳаббат туйгулари, на фронтдаги жанговар ишлари тўғрисида тасаввурга эга бўламиз. У кўз олдимизда юради, турли харакатлар қиласи, ҳар хил гаплар айтади. Кўп кишилар билан муомалада бўлади, аммо буларнинг бирортаси ҳам унинг инсон сифатидаги дунёсини билишимизда калит вазифасини ўтай олмайди. Ҳикоянинг номланиши ҳам аслида Сайдалидаги туйгуларга нисбат бериб қўйилган. Асар сўнгиде берилган қўйидаги парча ҳам шундан далолат беради.: «Сайдали секин–секин юриб анҳор бўйидан кетарди. Унинг Лидаға бўлган муҳаббати гоҳ денгиз довуллариdek ҳайқиргувчи, гоҳ тонг шаббодасидек майнин эркалатувчи муҳаббат қўшиғига айланган эди («Қадрдон далалар», 222 – бет). Ёзувчи шунчалик пафос билан асарнинг сарлавҳасигача чиқарган Сайдалидаги бу туйгуларнинг пайдо бўлиши мантиқан яхши асосланмаган. Уларнинг танишлиги тарихи бор – йўғи бир кун чегарасида бўлади, холос. Бунчалик тез пишиб етилган муҳаббат туйгулари тасвирига китобхонни ишонтириц, унун беради ҳар ки ишлар қилиш лозим эди. Лекин бундай харакат ҳикояда сезилмайди. Аниқроғи, ёзувчининг ўша пайтдаги маҳорат даражаси бунга имкон бермайди. Китеблончи

AXBOROT RESURS MARKAZI

INV № 123498

INV № 5100X56

AXBOROT RESURS MARKAZI

1285/Х
17

қаҳрамонлар ўртасида муносабатнинг жиiddийлигига, туйгуларнинг ростлигига ишонтириш учун Сайд Аҳмад бир мунча харакат қиласди. Масалан, бир ўринда Сайдали фронтга жўнаб кетишини айтганда, «Лида қизиқ бир ҳолга тушди» дейилади. Ўша куни кечаси хайрлашашётганларида ҳам шунга ўхшаш вазият бўлади. («Лида унинг елкасига қўйини ташлаб илиқина қилиб ўпид олади—да, югуриб кўпприқдан ўтиб, қоронғида қўздан фойиб бўлади»). Бошқа бир ўринда — Сайдали урущдан қайтаётганда унда «Л.К.» деган ёзув тикилган тамаки халтаси борлиги эслатилади. Лекин бу ишоралар ички асос чуқур бўлмагани учун зарур натижаларни бера олмайди.

Лида образи талқинида ҳам турлича ноаниқликлар учрайди. аввало, бу қизнинг қайси миллат фарзанди эканини билишда қийналамиз. Ёзувчининг турли жойларда берган изоҳларидан унинг Украинадан келганини, исми—шарифи ҳам Лиде Кузменко эканини билганимиз ҳолда, бир ўринда бу қизнинг «Бизнинг русларда бир маҳол бор», деб гапириши кишини ўйлантириб қўяди. Сўнгра Лиданинг Ўзбекистонга келиб қолиш сабаби ҳам қоронғи бўлиб қолган. Бир жойда қизнинг госпиталдан соғайиб чиққач, бу томонларга келгани айтилади. У госпиталга қандай тушганлиги — қандай ярадор бўлгани (жанг майдонидами, эвакуация пайтидами) бизга номаълумлигича қолади. Хуллас, ҳикояда бундай ўринлар анчагина. Албатта, ҳикояда бу хил камчиликлар учраши ёзувчи ижодидаги ўша босқич учун табиий ҳол эди. Муҳими, бу изланишлар Сайд Аҳмаднинг кейинги даврда — 50—60—йилларда яратган асарларида ўз самараларини берди. Чунки ўша изланишлар, қилинган тажрибаларсиз ёзувчининг уруш мавзуини ифодалашда эришган сўнгти ютуқларини тасаввур қилиш қийин.

Айтилганларни хуносалаб, шундай дейиш мумкин: юқорида таҳлил қилинган ҳикоялар, гарчи жиiddий камчиликлари бўлса — да, Сайд Аҳмад ижодида алоҳида ўрин тутади. Улар бу улкан сўз устасининг номи билан аталадиган бадиий оламнинг ичига кира олишимизда, маҳорат мактабининг сирларидан воқиф бўлишимизда, адаб истеъоди табиатини тушунишимизда ўзига хос бир калит вазифасини ўтайди.

ҲИКОЯ ЖАНРИНИНГ ИМКОНИЯТЛАРИ

«Сайд Аҳмад Ватан урушида бевосита қатнашган эмас, уруш ийлари у меҳнат фронтида бўлган, — деб ёзади йирик танқидчимиз Умарали Норматов ёзувчининг уч жиildlik «Сайланма»сидаги сўнгги сўзида. — Адаб ўз ижодий принципларидан келиб чиқиб, асарларида ўша даврнинг бевосита ўзи шоҳид бўлган, яқиндан билган лавҳаларини — кишиларимизнинг фронт орқасидаги ҳаётини, урушнинг уруш

ортида қолғанлар тақдидиңи изларини, урушдан қайтганлар қисматини ифодалайды¹. Дархақиқат, ёзувчининг шу йўналишида кейин яратган асарларини кўздан кечирад эканмиз, уруш шароитининг аёвсиз синовларидан ўтган, бу синовлар тақдидира ўчмас из қолдирган одамларимизга хос сифатларни ўзларида мужассамлаштирган талай ҳалқичил, жозибали характерлар билан адабиётимиз хазинаси бойиганининг гувоҳи бўламиз.

У.Норматов юқоридаги мақоласида Саид Аҳмад асарларини мавзу ва муаммолари жиҳатидан уч гурӯҳга ажратади: уруш ва унинг оқибатларини кўрсатувчи асарлар; севги—садоқат, оилавий—маиший ҳаёт масалаларига, маънавий—ахлоқий муаммоларга бағишлиланган асарлар ва меҳнат кишисини улуғловчи асарлар. Ёзувчининг бу ерда бизни қизиқтирган «уруш ва унинг оқибатларини кўрсатувчи асарлари» рўйхатида унинг анчагина ҳикоялари ҳам ўрин олгандир. Бу ҳикояларда инсон қисмати ҳарбий ишга тўғридан—тўғри алоқаси бўлмаган ҳалқ вакиллари характерларини чизиш орқали кўрсатилган. Шу йўсинда ёзувчи уруш ва инсон тақдиди деган даврнинг энг асосий, бош муаммосига ўз муносабатини билдиради.

Ҳақиқатан ҳам У. Норматов таъкидлаганидек, Саид Аҳмаднинг кейинги йилларда ёзган ўндан ортиқ ҳикоясида қаҳрамонлар тақдиди уруш ва унинг оқибатларига алоқадор воқеалар орқали кўрсатилади. Айни чоқда ёзувчининг яна шундай ҳикоялари ҳам борки, гарчи уларда бундай тасвир асарнинг марказида турмаса—да, уруш персонажлар тақдидида ўз изини қолдиради. Масалан, ёзувчининг «Сурхон ҳикоялари» туркумига кирган «Ўйлар»ида Меҳри кампир ҳаётидаги энг ҳаяжони дамда—ўғлининг гоят масъулияти ва шарафли бир топшириқни бажаргани жўнаётган бир пайтда «бундан йигирма тўрт йил аввал елкасига қопини ташлаб, шу йўлдан кетган», «уруш шамоли комига тортиб», қайтмаган умр йўлдоши Анарбойни эслайди. Ҳаёллар эрини унинг бағридан юлиб олиб кетган «Юлдузлар муз парчасидек совуқ чақнаган ўша куз оқшоми» томон етаклаб кетади. Кўз олдида «эри урушга кетган бари аёллар каби уйқусиз» ўтган тунлар, Анарбойнинг ҳаётини чинор шохидга ёлғиз титраб турган япроқча қиёс қилиб ўтказган кунлар қайта жонлангандек бўлади. Шу тариқа ҳаётининг энг ширин дамлари уруш даврининг изгириналарига дуч келган аёлнинг кўнглидан кечеётган ўйлар оқимида гоҳ маъюс, армонли пардалардаги нолалар эшитилса, гоҳ саҳт—сумбатидан қилиқларигача отасига тортган ўғлининг камолотини кўриб, қувонаётган, фахрланаётган юракнинг тафти сезилиб туради. «Сумбул» ҳикоясидаги Ваҳобжоннинг қишлоқдаги бемаъни одатлар туфайли Гулсумга бўлган муҳаббати bemavrid

¹ Саид Аҳмад. Сайлинига. Уч жислдлик. Рафур Ғулом номидаги Адабиёт ва санъат ишларининг Тошкент, 1982 йил, 3-жилд, 625-бет.

хазон бўлади. Йигитнинг бундай оғир руҳий жазога дуч келиши айнан уруш бошланган кунларга тўғри келади ва у ҳеч ўйлаб ўтирмай жанг майдонларига йўл олади. «Ваҳобжон фронтда тўрт йил» кезади. «Баданлари ўқдан илма – тешик бўлиб» кетади. Урушдан ҳар ҳолда тирик қайтади. Лекин севгилиси қолган, ўзи қувғин бўлган Сумбулсойга эмас, туғилиб ўсган қишлоғи Чинозга келади. Орадан йигирма олти йил ўтиб, қизи Зарофатни излаб қишлоққа боришга, ўзининг ilk севган кишиси билан учрашишга тўғри келади. Ёзувчининг машҳур «Жимжитлик» ҳикоясининг қаҳрамони Толибнинг тақдиридан ҳам уруш ўзига хос чизиқ бўлиб ўтади, унинг олдинги ҳаёти билан кейингиси гўё дарёнинг икки қирғоғига ўхшаб, бир – биридан ажраб қолади. Бундай мисолларни Саид Аҳмад ижодидан яна анча келтириш мумкин. Ушбу ҳолат шуни кўрсатадики, ёзувчининг ранг – баранг, бой, серқирра бадиий оламида уруш ва унинг оқибатларини тасвирилаш муҳим ифодавий компонент, персонажлардаги сифатларни намоён этувчи ўзига хос бир ҳаётий кўзгу вазифасини ўтайди. Бу кўзгу орқали қаҳрамонларнинг бўй – басти ҳам, ҳаёт йўли ҳам, маънавий олами ҳам кўз олдимиизда ёрқинроқ, мукаммалроқ тарзда гавдаланиб туради.

Саид Аҳмад ижодида уруш давридаги ҳаётнинг айнан ўзини кўрсатувчи асарлар кейинчалик, яъни тинч қурилишнинг дастлабки ийларида ҳам яратилади. Бу ўринда унинг «Куёв» ҳикоясини келтириш мумкин. Унда ҳам ёзувчи ўзи яхши биладиган материалга – меҳнат фронтидаги кишиларимиз ҳаётига мурожаат қиласи. Асарда биринчи кўзга ташланадиган жиҳат шуки, ёзувчи ҳикоячилик поэтикасини ўзлаштиришда, даставал, композицион яхлитлика интилганлиги яққол сезилади. Ҳикоянинг номи бежиз «Куёв» деб аталмайди. Бу билан ёзувчи асаддаги Алихўжа образига, унда содир бўладиган маънавий – психологик ўзгаришлар жараёнига ургу бермоқчи бўлади. Алихўжа – Назар отанинг куёви. Қайнотасининг бошига мусибат тушиб, ҳовлида бир ўзи ёлғиз қолганда, «қўйарда – қўймай уни уйига кўчириб олиб» келади, шу йўл билан оғир кунда унга руҳий мадад бўлади. Қайнота билан куёв ўртасида келишмовчилик Назар ота ҳосилотликка сайланган кундан бошланади. «Илгарилари бинойидек бир звенони эплаб турган Алихўжа «ҳосилот ўзимиздан чиқди, ошиғимиз олчи» деган ўй билан гузардаги колхоз дўконини сўраб, ариза» беради. Ўша кунлари «Фарҳод» га (Фарҳод ГЭСига – У.Ў.) одам олиб кетган Назар ота келиб қараса, куёвининг ишлари юришиб кетган, савдони бошлаб юборган бўлади. У бундай ишлардан жаҳли чиқиб, раис билан айтишиб қолади. «Одамларни ўзингиз бузаяпсиз, девдек – девдек йигитларни енгил – елли ишга ўтказиб юбордингиз, – дейди раисга қарата. – Шукрулло тегирмонда, Асқад омборда, Маърифжон самоварчи, энди Алихўжа дўконга ўтдими? Пахтани

ким экади, ёш болаларми, кампирларми? Ҳадеб ўзбошимчалик қилаверасизми, болам? Бунаңанги ишларга фронтдан келган инвалид болаларни қўйиш керак. Йўлда Хирмонтепа тагида Мұҳсин қўлтиқтаёқ билан кетмон чопяпти, титраб кетдим... Инсоф ҳам керак – да, ахир!»¹ Кейинчалик ўзи раис этиб сайлангач, ўша мажлиснинг ўзида куёви Алихўжани ҳам, Асқад билан Шукруллони ҳам роса танқид қилиб, уларнинг ўрнига бошқа одам тайин қилишни таклиф қиласди. Бу таклифни, гарчи бутун мажлис аҳли қарсак билан кутиб олган бўлса – да, лекин ўша одамларнинг ўzlарига бу ёқмайди. Ҳикояда бунга алоқадар тафсилотлар қайнота ва куёв ўртасидаги муносабат орқали кўрсатилади. Табиийки, «ёғли» жойдан ажралиш Алихўжага ёқмайди. У ичиб келиб, аламини хотинидан олади. «Дўконда ишласам, уч – тўрт танга пул ортираман, бу пулни ёлғиз ўзим ермидим, рўзгорга сарф қиласман, отанг ҳам мана шу қозондан овқат. ейди – ку, ахир!» – дея нималаргадир писанда қиласди. Кўчада Назар ота унинг кайфи борлигини билиб, саломига алик олмай тескари қараб ўтиб кетса, «Раис бўлиб димоги кўтарилиб қопти – ку», деб орқасидан изма – из устахонагача боради. «Салом берсак, алик олмайсиз, нима, энди чўқинамиз шекилли», дея пичинг ҳам қиласди. «Ҳар куни кириб – чиқиб турган эшигингизни қаттиқ ёпманг. Кейин дилингиз озор топиб қолади», деб пўписа ҳам қилиб қўяди. Кўраяпмизки, қайнота – куёв ўртасидаги муносабатлар анча мураккаблашиб қолади. Бунда Назар ота қарияларга хос босиқлик қилаётган, ҳали «ҳовридан тушиб қолади» деган андиша билан юрган бўлса, Алихўжа қизиқ устида маънавий чегарадан анча ўтиб ҳам кетади, чолга малол келадиган галарни гапириб қўяди. Фикримизча, ёзувчи ҳикояда мазкур персонажлар ўртасидаги муносабатга бундай драматик тус беришда, бу даражага олиб келишда маълум бадиий мақсадларни кўзлаб иш тутади. Алихўжадаги «хужумкорлик» кайфиятини кучайтириш орқали Назар ота қалбига, руҳида мавжуд бўлган ва кечеётган драматик жараёнга йўл топишга харакат қиласди. Тўғри, ҳикояда ёзувчи бунга тўлиқ муваффақ бўлган, деб айтиш қийин. Чунки, мазкур ҳаҳрамондаги ҳолат, кайфият бундан кўра мураккаброқ, драматикроқ тасвири тақоза этиши кўриниб турибди. Чунончи, Алихўжа томонидан айтилган баланд – паст галлар отанинг дилида қўзгалган ўйларга, изтиробларга ўзига хос бир «калит» бўлиб хизмат қиласди. «Назар ота Алихўжанинг ҳамма гапига чидаса ҳам, «ҳар куни кириб – чиқиб турадиган эшикни қаттиқ ёпманг» деганига асло чидай олмади. Бу нима дегани? Уйимга иккинчи қадам босишингни ўйла, деганими? Тўғри, Назар ота куёви Алихўжанинг уйида туради. Лекин унинг бу уйга кўчиб келишига сабаб, турмуш оғирчилиги ёки муҳтожлик эмасди

¹ Санд Аҳмид. Сайланни. Уч жилдлик. Учинчи жилд. Ф.Ғулом помидаги Адабист ва санъат илмириёти. Тошкент 1982 йил, 27-бет. Бундан кейиниг ўз жилдиди кеятирилган парчаларнинг бетини кўрсантиш билан чекланамиз.

албатта» («Сайлланма», учинчи жылд 26 – бет). Бу ўринда қаҳрамондаги ўйлар оқими умумийроқ тарзда күрсатылған. Сал ўтиб эса отадаги асосий руҳий драмага бир оз яқинлашилди, унинг бунчалик маломат гаплар эшитиши, ўз уйини бировга бериб, қуёвникига келиши сабаблари маълум бўлади. Назар отанинг бу аҳволга тушиб ўтиришига уруш сабабчи эканини, унинг якка – ёлғиз ўғли фронтда ҳалок бўлганини билиб оламиз. Очиги, қаҳрамондаги бундай мураккаб, драматик кечинмаларни беришда ёзувчининг маҳорати етишмаганилиги сезилиб қолади. Шу сабабли асарнинг энг жиддий, ҳаяжонли нуқталаридан бўлиши лозим жойлар оддий ахборотнома гаплар йигиндисига ўхшаб кетган. Табиийки, бундай тасвириларнинг натижаси ҳам шунга яраша бўлади.

Ҳикоя сўнгидаги куёв – Алихўжа ўзгара бошлайди. У, аввало, «қайнотасига таъсир кўрсатаман, деб ўзи кўпчилик ўртасида майна бўлиб қолганини» сезади. Хаёлидан «қайнотам тўғри иш қилдими? Отам ўрнидаги бир киши менга ёмонлик кўзламас, ахир», деган фикрлар ўтади. Ниҳоят, дўёнини Мұҳсинга топшириб, «юзини занг босган чалгини кўтариб», ўроқчиликка чиқиб кетади. Асар хотимасида Алихўжанинг одамлар эшитадиган қилиб, «магазинчидан қанақа ўроқчи чиқишини бир кўриб қўйишиш!» деган гапларни айтиши унинг ўзгарганинга ишора.

«Куёв» ҳикояси ҳақидаги мулоҳазаларни умумлаштириб, шуни айтиш мумкинки, ёзувчи уруш мавзусидаги бу асарида конфликтни маълум нуқтагача ривожлантириб боришга, воқеалар, персонажлар ўртасидаги муносабатга қисман бўлса – да, драматик тус беришга эришган. Лекин шу харакатлардан келиб чиқадиган натижаларни беришда маҳорат етишмаслиги панд бериб қўйган. Эҳтимол, бу масалада ҳикоя ёзилган давр – урушдан кейинги йиллар ҳаёти, адабиётдаги баъзи салбий кўринишларнинг ҳам таъсирни бордир.

Ёзувчи ўз маҳоратини ошириш учун тинимсиз изланишлар олиб борди, кўп ҳикоялар ёзди, тасвир жараёнида янги – янги ифода усусларини қўллашга харакат қилди. Булар, албатта, изсиз кетмади. Саид Аҳмаднинг кейинги йилларда ёзган бир гурӯҳ ҳикоялари борки, уларда уруш азобини, жабрини тортган, бу машъум давр вужудида қайсиdir шаклда учмас жароҳатлар қолдирган кишилар тақдирни башка бир «холис» нигоҳ – ҳикоячи қаҳрамон назари орқали кўрсатилади. Шу жиҳатлари билан бу асарларнинг А.Қаҳҳор ҳикояларига қандайдир яқинлик, ҳамоҳанглик томонлари бордек туюлади. Фақат устоз санъаткорда бу иш учинчи шахс нигоҳи орқали амалга оширилган бўлса, Саид Аҳмад ҳикояларида эса у башқачароқ ифода усулида намоён бўлади. Саид Аҳмад уларда кўпинча ҳикояни биринчи шахс тилидан олиб боришини маъқул кўради, асосий воқеаларни ҳикоячи образига алоқадор шаклда тасвирлашга харакат қиласи. Бундан ташқари ёзувчининг бу типдаги асарларининг поэтикаси ҳам унинг олдинги

ҳикояларидан фарқ қиласи. Агар «Мастонбиби», «Куёв» каби асарларда уруш даври ҳаёти түгридан – түгри күрсатилган, китобхон персонажлар ҳақидағи гапларни бевосита қабул қиласидиган бўлса, биз назарда тутаётган ҳикояларда воқеалар эмоционал тарзда – ҳикоячи қаҳрамоннинг муносабати, кечинмалари билан қўшиб ўқувчига тақдим этилади. Бу ўз навбатида фақат уруш ва унинг оғир оқибатларини кўрсатишгагина эмас, айни чоқда муайян вақт масофасидан туриб унга нисбатан бўлган одамлардаги кейинги муносабатни ҳам бера олишга имконият яратади.

Шундай ҳикоялардан бири – «Кўклам тароналари» дир. Асар композицияси шундай қурилганки, ундаги ҳар бир тасвир, тафсилот сюжетдаги асосий воқеага олиб борувчи муайян босқич вазифасини бажаради. Эътибор берайлик. Томоша зали, саҳнада «Кўклам тароналари» сюитаси ижро этиляпти. Ҳар бир чолғу асбобидан чиқаётган садолар эшигувчига ўзича таъсир этяпти, ўзича нималарни дир эслатяпти. Шулардан скрипкадан чиқаётган оҳанглар ажратилади, унинг садоларидан ҳосил бўлаётган тингловчи туйгуларига эътибор қаратилади. «Скрипка ҳамон нозик пардаларда. У сочига умр қирови қўнгандан қарияларнинг ич – ичидаги қалбининг энг теран ерларида яшириниб қолган ёшлик хотираларини, болаликнинг беозор ўт – олов кунларидан узилиб қолган дамларини ёдга солар, ўша кунларга беихтиёр етакларди» («Сайланма», 3 – жилд. 80 – бет) дега бу ҳолатга изоҳ берилади. Ёшлиқда техникумда бирга ўқишиган, ўша пайтлари бир – бирига унчалик бефарқ бўлмаган, дўстлик билан муҳаббатнинг ўртасида айтилмаган туйгулари қолиб кетган ҳикоячи қаҳрамон билан Саодатнинг учрашуви шу фонда содир бўлади. Аниқроғи, ёнида ўтирган аёлни – Саодатни дастлаб ҳикоячи қаҳрамон кўради, танийди. Унинг эса бутун хаёли саҳнада ижро этилаётган сюжетта қаратилган. «Узун кириклар орасида ҳамиша чақнаб турадиган катта – катта кўзлари ҳозир ёш йилтираяп»ган бир ҳолатда бўлади. Шу сабабли ёшлик хотиралари, ўқиш давридаги бирга ўтказилган дамлар ҳикоячи қаҳрамон назари – хотираси орқали жонлантирилади. Кўз олдимиздан ҳозир бутун хаёли саҳнада бўлган аёлнинг талабалик даври, романлар ўқишини яхши кўрадиган, «ўқиган китобларининг қаҳрамонлари ҳақида ўз фикрларини айтиб, соатлаб» тортишадиган кезлари гавдаланади. Бу ҳикоя ичидағи ўзига хос «ҳикояча»да Саодатдаги бошқалардан фарқ қиласидиган бир жиҳатта алоҳида ургу берилади. Бир жойда ундаги бу хусусият ҳақида «у шамолдан, момақалдироқдан жуда қўрқарди. Кеч бўлди – ётогидан чиқмас, бўрон кечалари қизларнинг ўртасига кириб ётиб оларди», дейилади. Бошқа бир ўринда эса яна «Саодат уруш ҳақидағи китобларни, охири фожиа билан тугайдиган романларни ўқимасди. У ўлимдан, баҳтсизликдан, ҳатто бемаҳал шитирлаган

ногаҳоний овоздан ҳам қўрқар эди», деган гап бор. Ҳатто, бир жойда ҳикоячи қаҳрамон юракдаги туйғуларнинг айтилмасдан қолиб кетишига Саодатнинг «ӯша қўрқоқлиги туфайли кечалари кўчага чиқмас» лиги сабаб бўлди, деб афсуслангандек ҳам бўлади. Табиийки, қаҳрамондаги битта сифатга бунчалик ургу берилаётгани, қайта – қайта таъкидланаётгани китобхон эътиборидан четда қолмайди. Бунинг боиси, ёзувчи қўллаётган бу усульнинг натижаси кейинроқ маълум бўлади. Концертнинг биринчи қисми тутагач, чироқ ёнади. Бир пайтлар ўтакетган қўрқоқ бўлган ӯша қизнинг ва ҳозирги Саодатнинг кўксидаги иккита Қизил Йолдуз ва Ватан уруши ордени ялтираб турганини кўрамиз. Бу манзара – ақл бовар қиммас ҳодиса ҳикоячи қаҳрамон идроки, ҳиссиёти орқали шундай изоҳланади: «Ажаб? Наҳот, ӯша қўрқоқ Саодат шу бўлса?! Демак, у фронтга борган, қаҳрамонлик кўрсатган.

Кўпинча биз ўзимизни қўрқоқ ҳис қиласиз. Олисдан даҳшатли, енгиг бўлмас бўлиб туюлган нарса билан юзма – юз келганимиздагина танамида тўхтатиб бўлмас жасурлик пайдо бўлганини сезмай қоламиз. Уруш кимларни ўзгартирмади. Тунда кўчага чиқишига қўрқадиган, момақалдириқ вужудига титроқ соладиган ожизгина бу қиз даҳшатли портлашлар, ҳар минути ўлим таҳдид қилиб турган ўқ ёмғирлари остида қаҳрамонга айланганига ажабланмай бўладими! Ҳозир ёнимда ўтирган қиз ӯша Саодат эканлигига ишонмасдим» («Сайланма», 3 – жилд, 82 – 83 – бетлар).

Ёзувчи асарда ҳикоячи қаҳрамондаги ҳиссий ҳолатга, жараёнга алоҳида эътибор берар экан, бунда муайян мақсадни кўзда тутади. Бу билан урушнинг даҳшатини, инсон ҳаётини нақадар ўзгартириб юборишини, ундан яширин имкониятларни қандай қилиб юзага чиқаришини таъкидламоқчи бўлади. Китобхон хаёлидан, энг қўрқоқ бир қизки, шунчалик иш кўрсатибди, бошқалар нималар қилдийкин, деган фикр беихтиёр ўтади.

«Кўклиам тароналари»да урушнинг инсонни ўзгартирувчилик қудратигагина эмас, унинг тақдирида қолдирадиган ўчмас жароҳатларига ҳам эътибор қаратилади. Муҳими, бу жиҳат ҳам ҳикоячи қаҳрамон нигоҳи, муносабати орқали эмоционал рангларда, товланишларда берилади. Персонажлар, ниҳоят, бир – бирини таниб, суҳбатлашиб ўтирганда, гап орасида Саодат «Ўзгармабсиз... Ҳали ҳам ўшандайсан» (улар ёшлиқда «сен»лашиб гаплашган!) дейди. Ҳикоячи қаҳрамон «сен ҳам» деб жавоб беради. Бунга Саодат «Э – ҳе, нима деяпсан, жуда ўзгарганман. Илгари сен билган Саодатдан энди ном – нишон ҳам қолмаган», деб бош чайқайди. Ҳикоячи қаҳрамон унинг гапларига эътиroz билдирганда, Саодат кулади. Бу кулаги «бирон ери зирқираф оғриб турган кишининг ихтиёrsиз кулгусига ўхшарди» дей изоҳ берилади.

Дарҳақиқат, бундай кулгининг сабаби концерт тутагандан кейингина маълум бўлади. Саодат кийим учун берилган рақамни

узатиб, пальтосини олиб туришни илтимос қиласы. Кейинги воқеалар құйидаги берилади: «Гардеробда одам күп зди. Навбатим етиб, Саодатнинг калта мех пальтосини құлымга олдим — да, атрофимдан уни излай бошладим. Кимдир костюмимнинг баридан тортди, әнгашиб қарадим. Худди оёқларим тагида Саодат тиззалаң турарди. Күзим хиранлашиб нималар бўлаётганини билмадим» («Сайланма», 3-жилд, 84-бет). Сўнгра ҳикоячи қаҳрамон Саодатнинг пальтосини кийғизиб қўйганлиги, у «андавадек икки тахтакачга таяниб, сакраб—сакраб кўчага» чиққанлиги, қўлтиғидан олиб машинасига чиқазганлиги ҳақида гапиради. Бу жараён, яъни ҳикоячи қаҳрамондаги ҳолат, Саодатта нисбатан бўлган ундаги эмоционал муносабат ҳам ёзувчи эътиборидан четда қолмайди. Саодатнинг танасида уруш қолдирган жисмоний тамға унинг нигоҳи, ҳиссиёти орқали олиб ўтилади. Бир ўринда у Саодат «қўлларим титраётганини сездимикин» деса, бошқа жойда «худди ухлаётган одамни уйғотиб юбормаслик учун шивирлаб» гапиранлигини айтади.

Кўрганимиздек, «Кўклам тароналари»да қаламга олинган уруш асорати ҳар қандай кишини ларзага солади. Асарнинг поэтикасида қўлланилган ифодавий усул ва воситалар эса унинг таъсир қувватини янада ошириб юборган.

Сайд Аҳмад ҳикояларидаги бундай ифодавий усул ва воситалар, ундан келиб чиқадиган бадиий натижалар ҳақида У.Норматов шундай ёзади: «Ёзувчи ҳикояларини кўпинча қаҳрамон («мен») тилидан айттиради. Ҳикоячи қаҳрамон асарда воқеаларни ҳикоя қилиб борувчи шахс тарзида эмас, балки авторнинг «вакили» сифатида иш кўради, яъни ёзувчининг позициясини ошкора ифода этиб беради. Ҳикоячи қувончли ҳодисаларни кўрганда севинчдан тўлиб—тошади, кўнгилсиз ҳодисаларга дуч келганда ғазаби аланга олади. Бу жиҳатдан ҳикоячи қаҳрамон лирик асарлардаги лирик қаҳрамонга ўхшаб кетади...»¹ «Ҳикоялардаги ҳикоячи қаҳрамон лирик қаҳрамонга ўхшаб кетса—да, лекин айнан ўзи эмас — деб бошқа бир ўринда бу ҳақдаги кузатишларини янада аниқроқ айтади у.— Лирикада лирик қаҳрамон — бош қаҳрамон. Сайд Аҳмаднинг энг яхши ҳикояларида ҳикоячи қаҳрамон ҳеч қаерда бош қаҳрамон тарзида берилмайди. Ҳар бир ҳикоянинг ўз бош қаҳрамони бор... Ҳикоячи қаҳрамон воқеаларга аралашар экан, бу билан у бевосита асарнинг бош қаҳрамони бўлиб қолмайди, балки воқеаларнинг гувоҳи, ҳикоячиси, шарҳловчиси ролини ўтайди. Ана шу образ воситасида ёзувчи асар драматизмини ифода этади»²

Танқидчи билдираётган фикрларнинг тўғрилигига юқорида кўриб ўтган ҳикоя — «Кўклам тароналари» мисолида ҳам амин

¹ Норматов У. Сайд Аҳмад - F. Фулом номидаги Адабиёт ва санъат нашириёти. Тошкент, 1971 йил, 12 бет.

² Ўтил китоб, 13 бет.

бўламиз. Дарҳақиқат, унда бундоқ қараганда ҳикоячи қаҳрамонга алоқадор «гаплар» кўпроқдек туюлади. Лекин ёзувчи асардаги тасвири шундай уюштирадики, бутун диққатимиз урушнинг инсон тақдирида қолдирган изларини, фожиасини кўрсатувчи образ – Саодатга қаратилади, ҳикоядаги айтилмоқчи бўлган асосий гаплар шу характерга мужассамлашганини ҳеч бир изоҳсиз сезиб турдимиш.

Ёки ёзувчининг «Турналар» ҳикоясини олайлик. Уруш туфайли икки фарзанди – Шамсиiddин ва Фазлиiddиндан ажralиб, «Дунёда фарзанд кўрмагандек бўлиб» яшаётган «аламзада, ҳижронзада, лекин метин иродали» Собир бобонинг фожиали қисмати унинг ўзининг сўзлари билан ҳикоячи қаҳрамон нигоҳидан ўтказилади. Собир бобонинг ҳар бир харакати, ҳолатига нисбатан ҳикоячи қаҳрамоннинг эмоционал муносабати кўрсатилган. Бу, Собир бобонинг ўз тақдири ҳақидаги ҳикоясида фожиавий оҳангни оширишга, тасвирдаги драматизмни кучайтиришга олиб келган. Лекин барибир мазкур ҳикояда ҳам ҳикоячи қаҳрамон тенг ҳукуқли персонаж сифатида эмас, балки асосий қаҳрамон – Собир бобо образига алоқадор трагик маънони юзага чиқарувчи восита сифатида берилаётганини сезиш қийин эмас.

«Кўклам тароналари», «Турналар»да ўрнида кўлланилган лиризм, бош қаҳрамон тақдирига муайян восита орқали билдирилган эмопоционал муносабат асардаги драматик руҳнинг кучайишига олиб келган, булар ҳаммаси ғоят табиий берилган тасвир орқали амалга оширилган эди. Лекин ёзувчининг айрим ҳикояларида тасвирнинг қайсиdir нуқталарида ана шу табиийлик, ички мантиқ бузилади. Жуда чиройли, маҳорат билан ёзилган ҳикоядан қолган таассуротда нимадир етишмаётгандек, унинг қаеридаидир кемтик жойи бордек туолиб туради. Масалан, «Тўлқинлар»ни олиб кўрайлик. Ҳикоянинг бошланишидаёқ Сайд Аҳмад қаламига хос бўлган жозибали тасвир бизни ром қилади. Ҳикоячи қаҳрамон – мухбир йигит хотираси орқали жонланган тасвир бизни урушнинг даҳшатли кунларига қайтаради. Ўша пайтдаги халқнинг ҳаёт тарзи, турмуш ташвишлари кўз олдимиздан ўта бошлайди: «Йигитлар фронтда жон олиб, жон бераётган оғир кунлар эди. Дала ишлари аёлларга қолиб кетган, ҳаммаси тажанг, ҳаммаси асабий эди. Уларнинг интизор кўзлари фронт йўлида, қўллари меҳнатда, фронтчиларни зориқтирмаслик, душманни тезроқ яксон қилиш учун тинимсиз ишлар эдилар... Қишлоқ анча файзсиз бўлиб қолган, йўллар ўйдим – чуқур, иш ҳайвонларининг тинкаси қўриган, емга ёлчимаган сигирлар сутдан қолган эди. Аёллар дурустгина кийинишмас, пардоз – андоз кўнгилларига сифмасди. Кимнинг қанақалиги билиниб қолган ўша

пайтларда урушга чап бериб бормай қолган эркак зоти кўзларига бало бўлиб кўринарди» («Сайланма» 3 – жилд, 162 – бет).

Мухбир йигит хотирасидаги уруш даври аёлларига тааллуқли бу гаплар ҳикояда асосий муддаога олиб борувчи ўзига хос «ўтиш кўприги» вазифасини ўтайди. Дарҳақиқат, шундан сўнг биз ҳикоянинг асосий қаҳрамони «эри фронтта кетган аёллардан бригада тузиб, юқори ҳосил олишида бутун областга овоза бўлган йигирма беш ёшлиардаги қора қош, лўппи юз, кўкракдор, полвон аёл» Жўрахон билан танишамиз. Ҳикояда мухбир йигит хотираси орқали Жўрахонга тааллуқли бир эпизод берилади, холос. Шунинг ўзидаёқ бу қаҳрамоннинг ким эканлиги кўринади – қўяди. Фақат ундаги эмас, ҳатто бригададаги бошқа аёлларга хос бўлган энг муҳим маънавий фазилат – фронтдаги эрларига садоқат, вафодорлик каби сифатлар ҳам бу эпизодда ярқ этиб кўзга ташланади. Бунинг учун ёзувчи гапни кўпайтириб, тасвирини чўзиб ўтирумайди, балки, аксинча, ихчам ифода, характерли деталь орқали бадиий мақсадга эришади. Жўрахонни далага излаб борган мухбир йигит ғаройиб манзаранинг устидан чиқади, «катта йўл четидаги теракка қизил этик кийган хотинчалиш бир йигит белидан ҳали кудунги бузилмаган саккиз тепки атлас билан боғлаб қўйилган» бўлади. Хотинлар гоҳ қулишиб, гоҳ қарғашиб, унинг юзига упа сурди, қошига ўсма қўяди. Жўрахон эса унга дўқ уриб «Бу хотинларнинг эрлари фронтда ўқ тагида юрибди – я, шуларга кўз олайтиридингми? Ҳа, номард!» – дейди. Бу сазойиликнинг сабабини мухбир йигитга у шундай тушунтиради: «Зебига айланишиб қопти. Шундай суқсурдай эри борки, кўрганнинг кўзи тегади. Тирноғига арзимайди бу ҳеббим. Тушлиқда Норин бўйига кел, саккиз тепки атлас совға қиласман, дебди. Ушлаб олдик» («Сайланма», 3 – жилд, 163 – бет).

Агар ҳикоячи қаҳрамон хотираси орқали бизга етиб келаётган Жўрахоннинг бу гапи мазкур лавҳага ойдинлик киритса, унинг кейинги гапи ўзининг ҳам, бошқа аёлларнинг ҳам қиёфасини, кўнгилларидағи дард – аламларини, қувонч ва ташвишларини аён қиласди: «Эри омон – эсон қайтиб келгунча биронтасининг ҳам шаънига ёмон гап юқтирумайман. Иссиқими, совуқми ҳаммамиз бирга баҳам қўрамиз, қайси бирининг эридан хат – хабар узоқса, бараварига юпатамиз. Бирга йиғлаймиз, бирга куламиз. Шунинг учун ҳам ишнинг оғирлиги унча билинмай кетади. Ахир, бу бечораларга ҳам қийин, авжи ўйнаб – куладиган пайти». («Сайланма», 3 – жилд, 163 – бет)

Ҳикоячи қаҳрамоннинг «Ҳозир Жўрахон анча қариб қолгандир? Ўсарбой урушдан эсон – омон қайтиб келдимикан?» деган гаплари билан диққатимиз ҳикояда тасвириланадиган кейинги воқеаларга кўчади. Биз ҳам ҳикоячи қаҳрамон билан биргалиқда бу персонажларнинг сўнгги тақдиди билан қизиқамиз. Ёзувчи

Ҳикоянинг бу қисмида тасвирга драматик тус беришга астойди. Ҳаракат қилади, бошқа қўшимча воситаларни ҳам ишга солади. Дастрлаб воқеалар ҳикоячи қаҳрамон орқали берилётган бўлса, энди унинг ёнига «воситачи қаҳрамон» (У.Норматов) — меҳмонхона қоровули ҳам қўшилади. Жўрахон ҳаётига, қилган ишларига оид тафсилотлар бу қисмда қўшалоқ восита, яъни бирдагина икки кишининг муносабатини ўзида мужассамлаштиради. Меҳмонхона қоровулининг гапи бўйича Жўрахон кейин ҳам кўп ишлар қилган, колхозга раис бўлиб, уни оёққа турғазган, оғир кезларда одамларга далда бера олган. Адирдан сел келганда колхоз чорвасини қутқазаман, деб ўзи сувга чўкиб, ҳалок бўлган. Бу фожиага нисбатан собиқ муҳбир йигитнинг ҳам, қоровулининг ҳам муносабати ҳикоядаги драматизмни кучайтиради. Ёзувчи бошқа восита орқали ҳам бу йўналишдаги тасвирни янади қулоқлаштиришга интилади. Бунда Жўрахон вафотидан кейин олти ой ўтгач фронтдан қайтган, шу вақтгача уйланмай унинг хотираси билан яшаб келаётган Ўсарбой ёзувчи учун қўй келади. Хуллас, оғир синов йиллари кўп яхши ишлар қилиб, бир сабаб билан ҳалок бўлган аёл, унинг садоқатига садоқат билан жавоб беришга умрини бағишилаб келаётган Ўсарбой ҳақида гапларни ҳаяжон билан ўқиймиз. Ҳаяжон билан ўқиймизу, лекин нимадандир қониқмагандек бўламиз. Бунга энг яхши жавобни ёзувчининг ўзи беради. У А.Қаҳҳор ҳақида эълон қилган хотираварида шундай ёзади:... «Тўлқинлар» деган ҳикоя «Совет Ўзбекистони»да босилгандан кейин Абдулла ака ўқиб, бош чайқаган эди.

— Биттагина жумла шундоқ яхши ҳикояни ҳароб қипти. Наҳотки ҳайвон учун одам ўлса?.. Одам одам учун ўлиши керак.

Ҳикояда колхоз раиси бўлган бир аёл селда қолган молларни қутқараман деб, дарёга чўкиб кетади.

Ҳикоянинг ҳамма жойи мукаммал. Тили ҳам, тасвир ҳам, ҳолат ҳам ниҳоятда яхши. Мана мен деган ёзувчи ҳавас қиласа, арзийдиган ҳикоя. Афсус, битта жумла шунча меҳнатни йўқа чиқазган.

Барибири устознинг бу гапидан ҳам дилим оғриди. У кишининг ҳақ эканликларини орадан уч-тўрт ой ўтиб тушундим. «Литературная газета»да Чингиз Айтматовнинг «Адабиётда инсонпарварлик» деган мақоласи босилди. Унда менинг ҳикоямдаги ҳайвон учун одам ўлиши файри инсонпарварлик деб баҳоланган!»¹.

Умуман олганда, ўзининг катта ёзувчилик маҳоратини, юксак истеъоди имкониятларини сустеъмол қилиш, А.Қаҳҳор таъбири билан айтганда, битта жумла билан яхши ҳикояни йўққа чиқариш ҳодисаси Саид Аҳмад ижодида гоҳ—гоҳида учраб туради. У, масалан, айрим асарларда жуда кучли драматик руҳ яратади,

¹ Саид Аҳмад. Устоҳ чироги. Хотиравар, «Шарқ юздуни», 1980, 8-сон, 127-бет

бундан китобхон қаттиқ таъсиранади. Қаҳрамоннинг тақдирига катта қизиқиши билан қарайди, оғир ҳолатларда унга чин дилдан қайғуради ҳам. Лекин воқеалар ривожи маълум нуқтага борганда, қаҳрамонни бу аҳволга соглан, китобхонни хаяжонлантирган тасвирнинг замирида ҳаёт мантиқидан келиб чиқмайдиган сунъий, ясама бир гап турган бўлиб чиқади. «Тўлқинлар»да шундай бўлган эди. Унинг «Тўй кечаси» деган ҳикоясида ҳам шундай тасвирга дуч келамиз. Ҳикояда бутун ҳаётини ёлғиз қизига бағишилаган, уни деб уйланмасдан умрини ўтказган отанинг тўй кечаси тутаб, ҳамма тарқалгандан кейин ҳувиллаб қолган ҳовлида якка ўзи қолиши, шу аснода унинг хаёлидан ўтаётган ўйлар берилган. Дарҳақиқат, бу инсон ҳаётидаги ўзига хос, мураккаб, драматик бир ҳолат. Ота турмушида кескин ўзгариш содир бўлган, бир босқичдан иккинчи босқичга – бутун бошли ҳовлида танҳо яшашдек шароитга эндиғина ўтган бир нуқтада турибди. Қобилжоннинг хаёлида кечаётган ўйлар оқимидан унинг нега бундай аҳволга тушиб қолганлиги тафсилотлари ойдинлаша боради. «Уруш оловининг гирдоби Қобилжонни ўз қаърига тортиб» кетганда ҳомила доғлари тушган юзларидан ёш думалаётган Шарофат «зор қақшаганича поезд ортида милитираган қизил чироқ қоронгилликка синтиб кетгунча» қараб қолади. «Қирқ йил қирғин бўлса ҳам, ажали етган ўлади, деганларидек, Қобилжон урушдан омон» чиқади. Энди у гимнастёркасининг чўнтагида олиб юрган Шарофатнинг эри урушдалигига туғилган қизи Кароматни қўтариб тушган расмига «биринчи марта бехавф, ишонч билан» тикилади. «Илгарилари у суратга боқаркан, юрагининг аллақаери жиз этиб қўяр, омон кўрармиканман, деган ўй бошидан йилт этиб ўтарди. Энди у қизини, хотинини омон кўради. Уруш тугади – ку ахир!» («Сайланма», З – жилд, 261 – бет).

Кўринадики, ёзувчи қаҳрамондаги туйғулар харакатини, ички тўлқинларни тобора юқори мавжларга йўналтиряпти. Бу усул Қобилжон бир вақтлар ўзи урушга жўнаб кетган разъездга келгандан кейин бошқачароқ тарзда яна давом эттирилади. Бу ерда уни ҳеч ким кутиб олмайди. Станцияга қовун олиб тушган аравада қишлоғига кетаётганда нимагадир аравакаш чол унга қарамасликка харакат қиласди. «Сўроқларига калта – калта қилиб ноаниқ жавоб беради – ю, ора – сира: «Ё ҳақ, ё эгам» деб қўяди. Ўзидан – ўзи «Бирор ўтда, бирор сувда ўлади. Бунча бераҳмсан, эгам? Яратишга яратиб қўйиб, бунча қийнайсан. Тупроқни нимага яраттансан? Бу тупроғинг қачон одамга тўяди? Урушда шаҳид қилганларинг камлик қилганмиди?» деб ғалати гаплар қиласди. Чол гапни айлантиргани сари Қобилжондаги таажжуб, ташвиш ошиб бораверади. Охири у «оғир бўл, бутун эрталаб хотининг оламдан ўтди», деб ҳақиқатни очиқ айтади. Шундан сўнг «Қобилжон қандоқ қилиб аравадан сакраб тушганини», «арава олдида тупроқни чангитиб, бирпастда

күздан» йўқолганини чол билмай қолади. Ёзувчи кейинчалик ҳам тасвирдаги драматизмни турли воситаларда беришга, иложи борича уни давом эттиришга харакат қилади. Масалан, бир ўринда «айвон даҳанига ўтирганича бошини силкиб—силкиб» йиглаётган Қобиљоннинг тиззасига қизчасини ўтқазиб қўйишади. «Бола ётсираб ижирғанади—ю, ерга тушиб мурда ётган уйга эмаклаб кириб кетди», дейлади. Ёки қуйидаги парчага эътибор берайлик: «Ҳамма жим. Сула четида сув тўлдирилган бир қучоқ гул. Гулга асаларилар қўниб, гўнгимлашади. Шарофат бу гулларни эрта аzonда узиб сувга ташлаб қўйган эди. Эрини шу гул билан разеъзда кутиб олмоқчи эди. Саҳарлаб нон ёпилган тандирда ҳамон тошкўмирнинг ўчмаган чўфи милитирайди. Қобиљоннинг куядори кетсин, деб дорга ташлаб қўйилган тўйда кийган костюмига офтоб келиб қопти. Эрининг насибаси деб бирорга тегизмай асраган икки бош оқ чиллакини энди чумчуқ талаяпти» («Сайланма», 3—жилд, 262—263—бетлар). Мана шу картинадаги арилар қўнган гул, ҳали чўфи милитираб турган тандир, устига офтоб келиб қолган костюм ва чумчуқ таләётган икки бош оқ чиллаки каби деталлар вазиятга фоят драматик тус беради. Бу картина олдинги қизгача алоқадор тасвир билан қўшилиб, китобхонни ларзага солади, ҳар қандай кишининг ҳам юрагини титратиб юборади.

Тасвирдаги ана шундай драматик чўққидан туриб, хўш, ўзи нима бўлган, Қобиљоннинг хотини Шарофат нима сабабдан бемаврид вафот этган, деб масалани аниқламоқчи бўлсан, ғалати бир аҳволга тушиб қоламиз. Ҳикояда Шарофатнинг ўлими ҳақидаги тафсилот мутлақо тасодиф бўлиб, мантиқий асосланмаганлиги билиниб туради. Маълум бўлишича, Шарофат «Эрининг келиши куни юрга ош бермоқчи» бўлиб, «тишида тишлиб юрган пули»га бозордан танача сотиб олади. «Танача кучга тўлган осов эди» деб изоҳ беради ёзувчи. Бир жойга келганда, танача сувга интилади. Бундан сўнг содир бўлган воқеа шундай берилади: «Хаёл суриб келаётган Шарофат унинг сувга интилганини сезмай, арқонни зарб билан тортган эди, танача алам устида унинг биқинига икки шохини зарб билан ботирди, Шарофат ариққа ағдарилиди. Шу ағдарилганича қайтиб ўрнидан турмади. Тушга яқин ўлигини ҳовлига олиб келишди» («Сайланма», 3—жилд, 262—бет). Ҳикоядаги бутун драматизмга асос бўлган воқеа—мана шу. Майли, тўрт йиллик урушнинг оғир алғов—далғовларидан сўнг бир аёлнинг одамни сузиб ўлдирадиган даражадаги «танача»ни сўйиб, юрга ош бериш имконияти ўша кезларда бўлиш—бўлмаслигини ёзувчининг ўзига ҳавола қиласайлик. Лекин асадаги драматизмнинг шундай бир тасодиф, одам ишониши қийин бўлган воқеа устига қурилишини қандай изоҳлаш мумкин? Бунга А.Қаҳҳорнинг машҳур таъбирини

бир оз ўзгартириб, ёзувчи ўзидағи жуда құдратлы маҳорат күчини ўтинге сарф қылған, дейишидан бошқа иложимиз йўқ.

Сайд Аҳмаднинг уруш мавзуига дахлдор асарлари орасида «Хазина» ҳикояси алоҳида ажралиб туради. У ҳақда адабий танқидчилікта ҳам яхши фикрлар билдирилган. Уларни умумлаштириб, шунни айтиш мүмкінки, «Хазина» фақат ёзувчи ижодидагина эмас, балки 60—йиллар ўзбек ҳикоячилигида ҳам сезиларли асарлардан бири ҳисобланади. Ёзувчи уруш оқибатларини инсон тақдиди орқали беришда бунга мос келадиган қаҳрамонни ҳам, тасвирий усул ва воситаларни ҳам муваффақиятли топа билган. Ҳикоядаги Уста Мақсад тақдиди мисолида уруш қолдирған жароҳатлар ҳам, инсондаги ирода ва бардош ҳам бир нуқтага мужассам бўлади.

Ёзувчининг қатор ҳикояларида асосий қаҳрамонга дахлдор гаплар кўп ҳолларда ҳикоячи қаҳрамон орқали, баъзан бунга воситачи қаҳрамон ҳам жалб этилган ҳолда берилади. Уларда воситачи қаҳрамон ҳикоячи қаҳрамоннинг гапларини тўлдирадиган, давом эттирадиган ёки бирон жойига аниқлик киритадиган шахс сифатида гавдаланади. «Хазина»да шундай муҳим ифода воситаси бўлган воситачи қаҳрамон ҳикоядаги воқеалар ривожига, ташқи томондан қараганда, фаол аралашмайди, кўпроқ ҳикоячи қаҳрамоннинг раъйига бўйсуниб харакат қиласи. Лекин у ёпиқ, яширинган бир тарзда асарда муҳим вазифани бажаради, тасвир сўнгида бош қаҳрамон тақдирига алоқадор драматизм тўлқинларини бир нуқтага тўпловчи, уни бир неча марта кучайтириб китобхонга етказувчи ўзига хос бир адабий воситага айланади. Бошқача қилиб айтганда, бу воситачи қаҳрамон асарда муайян вазиятлардан ҳосил бўладиган ҳиссий ҳолатларни кучайтириб берадиган, ҳикоядаги драматизмни, эмоционал жиҳатларни оширадиган муҳим вазифани адо этади.

«Хазина»да Уста Мақсад ҳаётига оид тасвир учта лавҳага бўлинади. Биринчи лавҳага оид тафсилот урущдан олдинги ҳаётга тааллуқли. «У вақтда Уста Мақсад йигирма беш ёшлардаги вужудидан куч ёғилиб турган бақувват йигит» бўлган. Бу лавҳадаги тафсилот мухбир йигитнинг хотираси шаклида берилади. Бундаги гапларга воситачи қаҳрамоннинг алоқаси йўқ. «Катта Фарғона канали қурилишида мухбирлик қилиб юриб, шу «Темир кўпприк»ка ҳар келганимда алла — паллагача чой ичиб ўтириб, унинг машқларини эшитардим, — деб эслайди мухбир йигит. — Куни билан тупроқ қазиган қурувчилар то ярим кечагача самоварда қолиб кетишар, оғир меҳнат чарчогини ижро этилаётган куйнинг сехри билан унугашарди. Уста Мақсад, айниқса, «Тановар» йўлларини билар, уларни ажиб бир маҳорат билан ижро этарди».¹ Қаҳрамонга доир бу маълумотлардан сўнг унинг санъатининг

¹ Сайд Аҳмад. Сийахи. Уч жиҳозлик, З-жилдилик, 191-бет.

сөхрини күрсатувчи кичик бир эпизод берилади: «Бир куни кечаси редакцияга телефонда материал берип, кечроқ чойхонага келсам, сүриларда жой қолмабди. Ҳамма жим. Үртадаги сүрида Уста күзларини чирт юмиб, «Фарғона тановари»ни чаларди. Четроқдаги сүрида Йўлдош ота куй мақомига тебраниб ўтирибди. У ҳар замон тиззасига ориқ бармоқларини беозоргина уриб қўяр, кўзларини Устанинг тор чертаётган бармоқларига тикиб, хаёл сурарди».² Кейинги парчада эса маҳорат билан ижро этилаётган бу куй ҳикоячининг ўзига қанчалик таъсир этаётгани, уни қанчалик сөхрли огушига олгани кўз олдимиизда гавдалантирилади: «Мен азим туп толнинг бужур танасига суюниб, кексалар қалбида аллақачон ухлаган ёшликтнинг қайноқ ҳисларини ўйғотиб юборган, йигитлар кўксидаги йилт этган муҳаббат учқунини алнга олдираётган сөхрли куй садоларига берилиб жимгина ўтирадим. Уста тор чертишдан тўхтаб, атрофга кулимсираб бир қараб олди – да дуторни эҳтиёт қилиб ёнига қўйди.

Одамлар уйқудан уйғониб кетгандек атрофга қараб олишди».

Шу лавҳадаги ҳикоячи қаҳрамон хаёлидан ўтган хотира орқали Уста Мақсаднинг ким эканлиги, у собиқ мухбир йигитни қайси жиҳати билан қизиқтириши маълум бўляпти. Энди бошқа масалага эътибор берайлар. Ҳикоячи қаҳрамон ҳамроҳини (воситачи қаҳрамонни) автобусдан «Темир кўприк»да қўярда – қўймай олиб тушади, «Битта дутор эшишиб кетайлар. Ажойиб бир машшоқ бор. «Тановар»ни ундан зўр чаладигани йўқ. Эшишиб, ўзингиз ҳам қойил қоласиз» дейди. Бунга ҳамроҳи «пешонаси тиришиб», «Э, суф сизга – е, ҳали шунга йўлдан қолиб ўтирибмизми? Зап ғалати одатларингиз бор – да! Радиодан дутор эшифтмаганмисиз?» – деб норозилик билдиради. Ҳикоядаги воситачи қаҳрамоннинг Уста Мақсад тақдирига алоқадор гапларга – асардаги бутун бошли ўзига хос драмага муносабати шу нуқтадан бошланади. Ундаги бу кайфиятга шу нуқтадан эътиборан китобхон диккати қаратилади, қайта – қайта таъкидлаб борилаверади. Буларнинг ҳаммасидан муҳим бир бадиий мақсад кўзда тутилади.

Собиқ мухбир ҳамроҳида «Темир кўприк»ка тушиб қолгандан кейин пайдо бўлган дастлабки кайфиятни «мендан жуда ҳафсаласи пир бўлгани кўзидан билиниб турарди» деб изоҳлайди. Чойхонага келгандан кейин ҳам ундаги ҳолат ўзгармайди, «чөхраси очилмай, сувнинг қирғоққа сапчиб урилишига беларво қараб» ўтиради, бир оз туриб газетадаги «Тамакининг зарари» деган мақолани ўқишга киришиб кетади.

Шу ўринда Саид Аҳмад услубига хос бир жиҳатни таъкидлаш лозим. У ҳикоянинг асосида турган воқеага нисбатан турлича, ҳатто қарама – қарши муносабатларни кўрсатиш каби усулдан ҳам фойдаланади. Агар ҳикоячи қаҳрамон муносабатида Уста Мақсад

² Ўши асар, 191-бет.

сөхрини кўрсатувчи кичик бир эпизод берилади: «Бир куни кечаси редакцияга телефонда материал бериб, кечроқ чойхонага келсам, сўйриларда жой қолмабди. Ҳамма жим. Ўртадаги сўрида Уста кўзларини чирт юмиб, «Фарғона тановари»ни чаларди. Четроқдаги сўрида Йўлдош ота куй мақомига тебраниб ўтирибди. У ҳар замон тиззасига ориқ бармоқларини беозоргина уриб қўяр, кўзларини Штанинг тор чертаётган бармоқларига тикиб, хаёл сурарди».² Жейинги парчада эса маҳорат билан ижро этилаётган бу куй ҳикоячининг ўзига қанчалик таъсир этатганни, уни қанчалик сеҳрли юғушига олгани кўз олдимиизда гавдалантирилади: «Мен азим туп толнинг бужур танасига суюниб, кексалар қалбида аллақачон ухлаган ёшликтининг қайноқ ҳисларини уйготиб юборган, йигитлар кўксида йилт этган муҳаббат учқунини аланга олдираётган сеҳрли куй садоларига берилиб жимгина ўтирадим. Уста тор чертишдан тўхтаб, атрофга кулимсираб бир қараб олди – да дугорни эҳтиёт қилиб ёнига қўйди.

Одамлар уйқудан уйғониб кетгандек атрофга қараб олишди».

Шу лавҳадаги ҳикоячи қаҳрамон хаёлидан ўттан хотира орқали Уста Мақсаддинг ким эканлиги, у собиқ мухбир йигитни қайси жиҳати билан қизиқтириши маълум бўляпти. Энди бошқа масалага эътибор берайлик. Ҳикоячи қаҳрамон ҳамроҳини (воситачи қаҳрамонни) автобусдан «Темир кўприк»да қўярда – қўймай олиб тушади, «Битта дугор эшишиб кетайлик. Ажойиб бир машшоқ бор. «Тановар»ни ундан зўр чаладигани йўқ. Эшишиб, ўзингиз ҳам қойил қоласиз» дейди. Бунга ҳамроҳи «пешонаси тиришиб», «Э, суф сизга – е, ҳали шунга йўлдан қолиб ўтирибмизми? Зап фалати одатларингиз бор – да! Радиодан дугор эшифтмаганимисиз?» – деб норозилик билдиради. Ҳикоядаги воситачи қаҳрамоннинг Уста Мақсад тақдирига алоқадор гапларга – асадаги бутун бошли ўзига хос драмага муносабати шу нуқтадан бошланади. Ундаги бу кайфиятга шу нуқтадан эътиборан китобхон диққати қаратилади, қайта – қайта таъкидаб борилаверади. Буларнинг ҳаммасидан муҳим бир бадиий мақсад кўзда тутилади.

Собиқ мухбир ҳамроҳида «Темир кўприк»ка тушиб қолгандан кейин пайдо бўлган дастлабки кайфиятни «мендан жуда ҳафсаласи пир бўлгани кўзидан билиниб турарди» деб изоҳлайди. Чойхонага келгандан кейин ҳам ундаги ҳолат ўзгармайди, «чеҳраси очилмай, сувнинг қирғоқча сапчиб урилишига бепарво қараб» ўтиради, бир оз туриб газетадаги «Тамакининг зарари» деган мақолани ўқишига киришиб кетади.

Шу ўринда Саид Аҳмад услубига хос бир жиҳатни таъкидлаш лозим. У ҳикоянинг асосида турган воқеага нисбатан турлича, ҳатто қарама – қарши муносабатларни кўрсатиш каби усуслдан ҳам фойдаланади. Агар ҳикоячи қаҳрамон муносабатида Уста Мақсад

² Ўша асрар, 191-бет.

тақдирiga нисбатан тасдиқловчи, унга интилевчи жиҳат устун бўлса, воситачи қаҳрамоннида инкор қилувчи, ундан узоқлаштирувчи майл мавжуд. Ифода усулидаги бундай зиддият, ранг – баранглик тасвир объектига ҳаётийлик бағишлади, асарда асосий драматик йўналишга ёндош равища ёрдамчи йўналишни вужудга келтиради, кульминация янада таъсирили чиқишини таъминлади.

«Хазина»даги иккинчи лавҳада бевосита бош қаҳрамоннинг ўзи кўринади. «Қайрағоч тагидаги сўрида олдига чойнак қўйиб ёлғиз ўзи хаёл сўриб ўтирган Устани» ҳикоячи қаҳрамон шеригига кўрсатади. Самоварчи болага дутор олиб келишни буориб, ўзи унинг олдига келади, сўрашади. «Темир кўпприк»да тушиб қолиш сабабини айтаб: «Йўлдош отага чалиб берган машқингиз ҳали ҳам қулоғимдан нари кетмайди. Малол келмаса, бир эшитиб кетсан. Жуда кўпдан бери орзу қиласан», – деб илтимос қиласи. Шундан сўнг қаҳрамонда содир бўлган ҳолат қуийдагича берилади: «Уста бесаранжом бўлиб қолди. Сал фурсат ўтмай, кўзларини бир нуқтага тикиб, оғир тин олди, хижолат чекаётгандек ийманиб деди:

– Дутор ушламаганимга ўн беш йилча бўлиб қолди. Шунақа...» У тўнининг енгини билагигача шимариб тирсагидан пасти йўқ чап қўйини кўрсатади. «– Шунақа. Дутор чаладиган қўлни уруш кесиб ташлаган», – дейди. Гувоҳи бўлган бу воқеа ҳикоячи қаҳрамонни лол қолдиради, унда мураккаб ҳиссий кечинмалар оқимиини вужудга келтиради. Ушбу кечинмалар оқимида эса унинг ўзи ҳозиргина дуч келган вазиятга нисбатан ҳам, Уста Мақсаддек одамни севимли санъатидан жудо килган урушга нисбатан ҳам муносабати, қалб нидоси ифодаланган. Бунда ёзувчи бош қаҳрамонга нисбатан муносабатни фақат бир томондан, яъни ҳикоячи қаҳрамон нигоҳи орқалигина кўрсатади.

Учинчи лавҳада Уста Мақсаддинг меҳмонларни шогирди механизатор жувон Инобатнинг ёнига бошлаб келиши, унинг устозидан ўрганган санъати билан келгандарни ҳайратга солиши тасвиrlанади. Унга ўтишдан олдин ёзувчи янада воситачи қаҳрамондаги қайфиятга мурожаат қиласи. «Дутор эшиитгингиз келаётган бўлса, бақса юринг!» деб Уста Мақсад мухбир йигитни Инобатхон томон бошлаганда, у ҳамроҳи ҳам борлигини айтади. Ҳамроҳи эса бу гапга «энсаси қотгандек пешонасини тириштириб зўрга» кўнади, бунинг устига «Аслида ўзим кетаверсам бўларкан. Нега гапингизга кириб, автобусдан тушиб қолдим – а», – деган гапларни айтади. Яна бир жойда ҳикоячи қаҳрамон «Ҳамроҳим ҳар замонда менга бир хўмрайиб қўярди. «Нима, умримда дутор эшиитмаган эканманми, намунча зарур бўлмаса» деб Устага билдиримай минғиллар эди», – дейди. Инобатхоннинг дутор чалиш

картинасида эса ҳикояда турлича тарзда кўриниб келаётган драматик чизиқлар ҳам, эмоционал муносабатлар ҳам бир нуқтага йифилади. Тасвирдаги бундай изчиллик юксак бадиий натижаларга олиб келади, ёзувчи маҳоратини намойиш этади. Уста Мақсад санъатининг вориси, давомчиси бўлган Инобатга оид тафсилот ҳам босқичлари билан берилади. Дастреб, у «устасининг салобати босаётгандек журъатсизлик билан кўйни» бошлайди. Сўнгра «ҳиссиз, шунчаки бошланган куй бирданига ўтирганларнинг хаёлини олиб» қўяди. Бора—бора Инобат «ўзи чалаётган кўйдан ўзи» таъсирланиб кетади. Энди унинг қўллари, «пардалар устидан эркин йўргалар, гўё дутор дастасини эзиб, ундан анвойи оҳангларни сиқиб олаётгандек, бармоқлари эса торларни худди қалбни тирнаётгандек тимдаларди». Маҳорат билан ижро этилаётган кўйнинг таъсири, кўнглида қўзғалаётган ҳислар мухбир йигит тилидан шундай изҳор қилинади: «Бу куй менга ёшлигим, болалигимни яна қайтариб келди. Торларнинг гоҳ денгиз довуллариdek шиддаткор, гоҳ саҳар еллариdek юмшоқ садолари йиллар ўтиб, қалб қаърида унутилиб кетган ажиб болалик ҳисларини түғёнга келтирди. Вужудимда ҳалигача ҳеч ким билмаган ва ҳеч ким қилолмайдиган аллақандай зўр, жуда ҳам зўр ишлар қила олишга қодир бир куч пайдо бўлаётгандек эди. Дуторга жўр бўлгим, атрофда мавж уриб турган баҳор манзараларини қўшиққа солиб куйлагим келарди»¹.

Биз юқорида воситачи қаҳрамоннинг, яъни мухбир йигитта ҳамроҳ бўлиб келган одамнинг асосий воқеага нисбатан қарашининг, муносабатининг қай даражада тескари эканини кўрган эдик. Ёзувчи ундаги бу бефарқликка, лоқайдликка қайта—қайта урғу бериб, таъкидлаб турганини ҳам биламиз. Сўнгги лавҳада ёзувчи яна бир бор унга эътиборимизни жалб қиласди. Энди кўз олдимизда мутлақо бошқача манзара, бошқача одам гавдаланади. Ундаги ҳолат, ўзгариш ҳикоячи қаҳрамон нигоҳи орқали шундай берилади: «Ҳамроҳимга қарадим: унинг кўзида ёш йилтиради. У иягини кафтлари орасига олиб, жимгина ўтирас, елкаси тез—тез силкинаётганини сезмасди».

Ёзувчи ҳикоядаги драматик оҳангни кучайтириш, ундан келиб чиқадиган натижани янада таъсирлироқ қилиш, ўз олдига қўйган бадиий мақсадга эришиш учун турли имкониятлардан фойдаланади, юқорида кўрганимиздек, бир неча ифодавий воситаларга мурожаат қиласди.

«Хазина» асари билан Саид Аҳмад ҳикоячилик имкониятлари беқиёс эканлигини, агар ёзувчи чинакам истеъдод соҳиби бўлса, шу

¹ Ўша пепар, 194-195 бетлар.

имкониятлар юксак ижодий натижалар келтиришини яна бир бор амалда күрсата олди.

Юқорида Саид Аҳмаднинг қатор ҳикоялари мисолида ҳикоячи қаҳрамон, воситачи қаҳрамон, деган атамаларни кўп ишлатдик. Бунинг сабаби бор, албатта. Чунки ёзувчи айнан бир хил ифодавий усулга жуда кўп мурожаат қиласди. Масалан, унинг ҳикояларида, айниқса, ҳикоячи қаҳрамон образига тез – тез дуч келиб турамиз. Тўғри, бу усулнинг яхши томонлари кўп. Ҳикоячи қаҳрамон орқали асаддаги ҳиссий – эмоционал жиҳатлар кучаяди, лиризм чуқурлашади. Лекин у ҳадеб асаддан – асарга ўтаверса, такрорланаверса, ўз аҳамиятини йўқотгандек, сийқалашгандек туюла бошлайди. Бу жиҳат асарнинг қанчалик «қош – кўзи» жойида бўлмасин, китобхонда қолдирадиган умумий таассуротга салбий таъсир этмаслиги мумкин эмас.

Саид Аҳмаднинг уруш мавзусига даҳлдор бошқача йўналишда ёзилган, ўзгача ифода усули қўлланилган ҳикоялари ҳам талайгина. Шулардан бири «Лайлак келди» ҳикояси. Унда ҳикоялаш учинчи шахс тилидан олиб борилади. Муҳими шундаки, ёзувчи бундай ифода усулiga мурожаат қилганда ҳам, бари бир унинг асарида лиризм, эмоционаллик яққол сезилиб туради. «Лайлак келди»да бош қаҳрамон – Умри хола тақдиридаги уруш билан алоқадор мотивлар характерли деталь воситасида кўрсатилади. Эҳтимол, уни ҳикоядаги воқеалар ривожида ўзига хос тарзда иштирок этувчи персонаж деган маъқулдир. Хуллас, кампирдаги урушга алоқадор оғир хотираларнинг қўзғалишида лайлак келиши билан боғлиқ жиҳатлар бўлади. Буни ҳикоянинг бошланишиданоқ сезамиз. Умри холада ҳурпайган сават уясида турган лайлакка кўзи тушиши биланоқ қандайдир ўзгариш содир бўлади. У «бирдан бўшашиб кетди. Қандай қилиб чой дамлаганини, неварасининг лой бўлиб кетган шимини қандай чўткалаганини билмайди. Унинг хаёли жуда узоқларга кетиб қолган. Невараси портфелини кўтариб чиқиб кетганда ҳам ҳар қунгидек орқасидан остонаяча бормади, у дараҳтзор оралаб мактаб томонга кетгунча кузатиб қолмади. Айвон даҳанига бедармон чўйкалаганча қимирламай ўтириб қолди»¹. Бунинг сабабига доир маълумот ҳам кетма – кет берилади: «Кампир бу лайлакни танирди. Лайлак ҳам унга ўхшаш ёлғиз жуфтини қор қуюнлари орасида йўқотган. Икки аламзада, икки ҳижронзада, бир хафтача мана шу уйда дардлашган, бирга йиглашган» («Сайланма», 3 – жилд, 265 – бет). Кампир билан лайлакнинг тақдирлари ўртасида боғлиқ томонлар борлиги ҳақидаги гаплар уруш даври ҳаётига келиб боғланади: «Урушнинг охирги йили, эрта кўклам эди. Ҳали баҳор келмай, кунлар исиб кетган, дов – дараҳт бемаҳал куртак

¹ Ўши асар, 265-бет.

очиб қўйган, деҳқон бир томчи ёмғирга зор кунлар». Кўряпмизки, ёзувчи мана шундай табиий воситалар орқали бизнинг диққатимизни ҳозирги кундан уруш даври ҳаётига – ўша қаттол, беомон кунларга қаратади. Ҳикояда бевақт ёқсан қор, унинг совуғи, изғирини ҳақида гап бор. Ана шу сабаб бўлиб совқотган лайлак «...хувиллаб қолган уй остонасида ўтириб, олиса жон олиб, жон бераётган ўғлининг, эрининг дуюи жонини» қилиб кун ўтказаётган Умрихоннинг олдига иссиқ жой излаб келиб қолади. Бу лайлакнинг жуфти эса адашиб, совуқда далада қолиб кетиб, эрталабгача музлаб қолган бўлади. Мана шу тариқа бутун хаёли жанг – майдонларида бўлиб ўтирган кампир билан бевақт тушган қор туфайли жуфтидан ажralиб қолган лайлак биргалиқда яшашади. Бевақт ёқсан қор, жуфтидан ажralган лайлак ҳақидаги тасвир ҳикояда ички драматик оқимни вужудга келтиради. Тасвир мантиқи бу оқимни ўз – ўзидан трагик нуқта томон олиб боради. Умрихон фронтдан қора хат олади. Почталъон бу хатни беради – ю шошганича жўнаб қолади. Унинг ушбу шум хабар туфайли тушган ҳолати яхши очиб берилган: «Бирпасда кўз олди қоронғилашади – ю, остонада ўтириб қолади. Хаёлига хеч нарса келмас, ўзи ҳам ҳеч нарсани кўрмасди. Танасида ҳам жон йўқдек эди». Айниқса, Умрихоннинг бир оз карахтиликдан сўнг ўзига келиши, дод солиб, почтачининг орқасидан югуриши foят таъсирли чиққан. «Ўқдек отилиб ўрнидан турди. Рўмоли ўтирган жойида қолди. У тўхтамай югуради. Югурганича соchlари тўзғиб кетди. Йўлда учраган одамлар унинг аҳволини кўриб тўхташар, орқасидан қараб қолишарди. Охири у почтачини қувиб етди. Елкасига осилиб, кўйлагини йиртиб юборди. У негадир бу шум хабарни мана шу одам олиб келган, деб ўйларди. Шу тоғда у фақат шуни биларди: почтачи ё эрини, ё ўғлини ўлдирган»¹ («Сайланма», 3 – жилд, 268 – бет). Кейин маълум бўлишича, у ўша куни эридан ажralган экан. Шундай қилиб, унинг «бир бурчида лайлак, бир бурчида Умрихон» ёлғиз қолади.

Кунлар исигач, лайлак ҳам кетади. Вақтлар ўтиб, унинг ўрнига энди лайлакчалар кела бошлайди. Шунингдек, Умрихоннинг ҳам бағри тўлади, ўғли фронтдан қайтади, тўй қиласи, келин кўради. Вақти келиб, неваралик ҳам бўлади. «Неварасининг шўхлиги уйдан ҳижрон аламларини аритгандек, Умрихоннинг юзидағи ажинларни ёзиб юборгандек бўлади». «Аммо ҳар баҳор лайлак келганда, чорбоғ тепасида унинг ногорасини эшитганда юраги эзилиб кетади. Бу товуш унга эридан келган қора хатни, ярим қоронғи уйда икки ҳижронзаданинг товушсиз йиғлаган кунларини эслатиб қўяди».

Саид Аҳмаднинг ҳикоячилик фаолиятига назар солар эканмиз, унинг уруш оқибатларини кўрсатишда қариялар, шу жумладан,

¹ Ўша асар, 268-бет

оналар образидан анча кенг фойдаланишга, улар воситасида тасвирдаги драматик, трагик жиҳатларни таъкидлашга интилишининг, бу борада сезиларли ютуқларга эришганининг гувоҳи бўламиз. Лекин шуни ҳам таъкидлаш лозимки, ёзувчи ҳамма вақт ҳам бир текисда шундай муваффақиятга эришган, дейиш қийин. Унинг айрим ҳикояларида тасвирланган уруш даври ҳаёти ишонарли эмас. Бу хил ҳикояларидағи воқеалар ҳам, шу билан боғлиқ тарзда берилган қаҳрамон фаолияти ва кечинмалари ҳам, гарчи улар қанчалик ўқишли, қизиқарли бўлмасин, чуқур ҳаётий асосга эга эмас, шароит ва давр руҳининг мураккабликларини ўзида тўла ифодаламайди.

Масалан, ёзувчининг кейинги пайтлардаги ёзган асарлари жамланган «Юлдуз» тўпламидаги «Чўглар» деган ҳикоясини олиб кўрайлик. Бундек қараганда ҳикоядаги ҳамма нарса жойидага ўхшайди. Асар қаҳрамони Зоҳида бибининг тақдири – эрининг меҳнат армиясига кетганлиги, шу сабабли ҳозир ёлғиз эканлиги, эрининг ўжарлиги туфайли бирор касб – ҳунар орттира олмагани, натижада қимиirlаган жон иш билан банд бўлган бир шароитда бекор ўтириши каби жиҳатлар тўлиқ драматик тасвирга материал бера олади. Баъзан ёзувчи шу муносабат билан қаҳрамон хаёлида пайдо бўлган ўйларни ҳам берган. Масалан, бир ўринда шундай тасвир бор: «Дунёнинг ишлари шу экан – да, – деб ўйлади у. – Қимиirlаган жон борки, юрга нафим тегсин, деб ер тирнаяпти... Мен нима деган одам бўлдим улар олдида? Наҳотки, бирон нафим тегмаса одамларга? Наҳотки мен шунчалар нотавон, шунчалар ношуд одамман? Йўқ, нимадир қилиш керак. Бу аҳволда эрта – индин юрга бетига қаралмай, кўзим ерда бўлиб қолади¹. Табиийки, қаҳрамоннинг ўзига нисбатан бундай муносабати яхши. Унга ҳеч бир эътиroz билдириб бўлмайди. Хўш, шундай руҳий «ҳисоб – китоб» жараёнидан кейин қаҳрамон қандай қарорга келди, нима иш қилди? Зоҳида биби эрининг ишхонасига бориб, тошкўмир билан бўшаган консерва банкалари олиб келади – да, уларни Кўкчадан Чорсугача йигирма чоқли симёғочга қоқиб, ҳар куни чўф билан тўлдириб туради. Бундан кашандалар баҳраманд бўлишади, маҳоркаларини тутатиб олишади. Бир қарашда, албатта, бу галати кўринади. Наҳотки Зоҳида биби уруш шароитида, ўзининг гапи билан айтганда «қимиirlаган жон борки, юрга нафим тегсин» деб турган бир пайтда бундан бошقا иш тополмаган бўлса, деган фикр хаёлдан ўтиши муқаррар. Лекин Сайд Аҳмад бунинг йўлини қилишга харакат қилган. Ҳикояда маҳорка ёндиришни шупақа муаммо даражасига кўтарадики, гўё у ўша йиллардаги энг асосий, ҳал қилувчи масалалардан биридек таассурот қолдиради. Зоҳида биби эса шундай муҳим ишга ўз ҳиссасини қўшганидан ўнгидан ҳам,

¹ Сайд Аҳмад. Юлдуз. F.Гулом номидаги Адабиёт ва санъат нашриёти. Тошкент, 1986, 8-бет.

тушида ҳам мамнун бўлади. Фикримизча, бу ёзувчининг сохта йўллар, сунъий тасвирлар билан асарда драматик рух ҳосил қилишга уринишидан бошқа нарса эмас.

АДИБНИНГ УМРЛИК КИТОБИ

(«Уфқ» триологиясидаги Икромжон, Жаннат хола, Турсунбой образлари юзасидан баъзи мулоҳазалар)

Сайд Аҳмад — қаҳрамон характерини турли ҳаётий шароитларга мос деталь ва тафсилотлар орқали очиб беришга уста ёзувчи. Унинг бу борадаги маҳорати, асосан, икки йўналишда намоён бўлади. Масалан, бир йўналишда унинг қаҳрамон характерини комик ва юмористик вазиятларда кўрсатишга мойиллиги бўртиб сезилиб турса, бошқа йўналишда тасвирни драматик пардаларда беришнинг жуда ҳадисини олганлиги яқъол кўзга ташланади. Буни, яъни иккинчи йўналишнинг ифодасини биз юқорида унинг ҳикоялари таҳлили мисолида кўрсатишга харакат қилдик. Шу жиҳат ёзувчининг «Уфқ» триологиясидаги баъзи образлар талқинида ҳам аниқ сезилиб туради. Асардаги етакчи қаҳрамонлардан бўлган Жаннат хола образи бу ўринда мулоҳаза билдириш учун кенг имкониятлар беради.

Трилогиянинг биринчи қисми — «Қирқ беш кун»да китобхон бу қаҳрамон ҳақида анча—мунча тасаввурга эга бўлади. Унинг ҳаётидаги қувончли воқеалар билан ҳам, изтироб ва армонли жиҳатлар билан ҳам танишади. Ана шу таассуротлар билан иккинчи китобни ўқишига киришган ўқувчи дарҳол Жаннат хола ҳақидаги тафсилотларда мантиқий зиддиятга дуч келади. Олдинги китобда бу қаҳрамон бизга хушрўйгина, қирқ ёшлар атрофида жувон сифатида таниширилган эди. Бу ерда эса уни «кексагина бир хотин» қиёфасида кўрамиз. Яна сал ўтиб, бир иш билан бу уйга келган эрининг дўсти, қўшниси Умматали уни «Жаннат хола¹» деб чақириб келади. Олдинги китобда Умматали унга «синглим» деб «сан»сираб мурожаат қилган эди («Уфқ», трилогия, 196—бет), бу ерда бирданига бундай ўзгариш бўлганининг сабабини тушуна олмай қоламиз. Ҳатто бир жойда «кампир» ҳам дейилади. Ҳар ҳолда бу асарнинг ёзилиш тартиби билан яхши таниш китобхон бундай зиддиятнинг сабабини қайсиdir даражада тушунар, ҳатто борингки, кечирап ҳам дейлик. Лекин «Уфқ» ни яхлит бир трилогия сифатида ўқийдиган, унинг яратилиш тарихини китоблардан билиб олган

¹ С.Аҳмад. Уфқ. Трилогия. F.Улом номидаги Адабиёт ва сиймат наприёти. Кейинги парчаларида шу наприётининг бетини қаве итди кўрсатиш билан чекалдамиз. Тошкент. 1976 йил, 286-бет.

кейинги авлод бундай мантиқий қарама – қаршиликларни қандай қабул қиласа ва баҳолар экан? Назаримизча, ёзувчида «Уфқ» ни трилогия сифатида кўриш, ўқувчига тақдим қилиш истаги унга сарф қилинадиган меҳнатдан устунлик қилиб кетган кўринади. Акс ҳолда китобни нашрга тайёрлашда оддий кўзга ташланниб турадиган, ўқувчининг таъбини хира қиладиган бундай гаплар таҳрир қилинганди бўларди.

Тўғри, Жаннат холанинг ва умуман, инсоннинг тез ўзгариб қолиши мумкинлигини инкор этмоқчи эмасмиз. Ҳаётда ҳамма нарса бўлиши мумкин. Айниқса, уруш йилларида бундай ҳодисаларнинг учраб туриши, айрилиқ, мусибат эрта қаритган одамлар кўп бўлгани сир эмас, албатта. Бу ҳам адабиёт, ёзувчи учун уруш даврини кўрсатишда, китобхонда бундай ҳодисага нисбатан муносабат уйготишида муҳим тасвирий – ифодавий восита вазифасини бажариш мумкин. Лекин «Ҳижрон кунлари»даги Жаннат хола ҳақидаги гаплар, афсуски, бундай таассурот қолдирмайди.

Ёзувчи Жаннат хола образини қўпроқ Турсунбойга муносабат орқали кўрсатишга харакат қиласи. Биз «Қирқ беш кун»да бу аёлнинг ўғли атрофида қандай парвона бўлишини, уни қанчалик аяшини кўрган эдик. Бу ерда ҳам Жаннат холанинг Турсунбой ҳақидаги ўй – хаёллари бирданига кўзга ташланади. Тўғри, унинг ўғли ҳақидаги ўйлари муайян сабаб, шароит тақозоси билан юзага чиқарилган. Турсунбой урушга кетган. Олдинлари кўз олдида юрган ўғлини ер – кўкка ишонмайдиган онанинг у фронтта кетгач, қандай аҳволга тушишини, қандай хавотирлар билан яшашини тасаввур қилиш қийин эмас. Яна бунинг устига Икромжон ҳам урушда. Дастреб Жаннат холанинг шундай ҳолатда – ҳам ўғлини, ҳам эрини фронтга жўнатиб, улардан хабар кутиб, хавотир олиб, интиқ бўлиб ўтирган бир ҳолатда кўрамиз. Кейинги воқеалар ривожи давомида қаҳрамондаги бу ҳолат бир оз ўзгаради – Икромжон фронтдан қайтади. Шу ўринда ёзувчи учун Жаннат холадаги маънавий имкониятларни янада чуқурроқ, кўламрироқ тарзда кўрсатиш, тадқиқ этишга шароит туғилади. Икромжоннинг урушдан мажруҳ бўлиб қайтишига муносабат орқали бу қаҳрамондаги ўй – кечинмалар оқимини янада ранг – баранг, сертўлҳин қилиш мумкин эди. Лекин ёзувчи бу имкониятга у қадар эътибор бериб ўтирумайди. Жаннат хола образи талқинидаги биринчи китобда кўзга ташланган йўналишни давом эттираверади.

«Ҳижрон кунлари»да турли муносабатлар билан Жаннат холанинг ўғли туфайли вужудга келган кечинмаларига тез – тез

мурожаат қилинади. Мана шулардан бири. Тоғанинг Найман ҳақиқидаги галарини эшитгандан сўнг Икромжон хотинига, ўша ерга борсак, «у ерда иш кўп, зора овунсак», деган гапни айтади. Хотини очиқдан – очиқ қарци чиқмаса – да, айни чоқда розилик ҳам бермайди, «Болам келса, қидириб сарсон бўлиб қолмасмикан?», «Зирилламадан Тоға иш топиб берар» қабилида ланжроқ жавоб қиласди. Эр – хотин ўртасида бўлган бу гап шу билан тўхтайди. Икромжон ҳам уни маслаҳат сифатида айтгани учун бошқа тайнли бирор нарса демай, уйқуга кетади. Жаннат холанинг эса уйқуси қочади, яна шу гап баҳона ўғлини ўйлаб кетади. «Унинг хаёллари жуда олисларда. Йўлга кирмай тупроқча қўйган болалари, эрининг бола етаклайдиган кунларини кутиб ўтказган пайтлари, ниҳоят, Икромжон Турсунбойнинг кўлидан етаклаб Зирилламага олиб чиқиб кетгани, боланинг гузардан этаги тўла ширинликлар билан чуғиллаб кириб келгани, ана ўшаңда эрининг юзидағи бир чиройли табассум, Турсунбой эртага мактабга боради, деган куни эр – хотин кечаси билан кийим дазмоллаб чиққанлари, ўша оқшом эрининг болани сартарошга олиб чиқиб, сочини олдиргани, бола дарсдан чиққунча мактаб остонасида ўтирганлари, эрининг фронтга кетиши, унинг йўлига кўз тикиб ўтган кеча – кундузлари, Турсунбойга повестка келганда йиғлаганлари, шулар ҳаммаси бир – бир кўз олдидан ўтаверди» («Уфқ», трилогия, 295 – бет).

Эри безгакка чалинган Низомжонни бошлаб келганда, унга меҳрибонлик қилатуриб ҳам ўғлини кўз олдига келтиради, «назарида Турсунбой келгану, чарчаб сандал четида ётиб қолган» дек бўлиб туюлади. «Ўз боласининг нафаси, ҳиди келиб турган бу бегона бола бошида ўтириб ёлғизи Турсунбойни» ўйлади, ўғлининг болалик кезларини, кўкйўталга чалинмасин, деб отасининг кўкқарға овлаганини, Турсунбой соғлом бўлгани учун бу дардни енгил ўтказганини эслаб кетади. Низомжон иситма зўридан алаҳсирайди, ингранади. «У ҳар интраганда Жаннат холанинг юраги эзилар, кўзига Турсунбой бўлиб кўриниб кетар эди. Турсунбой қонга беланиб, бегона кишининг уйида ётибди. Нотаниш хотин унинг бошида ўтириб ярасига малҳам қўяяпти» («Уфқ», трилогия, 305 – бет).

То Турсунбой ҳақиқати очилгунга қадар тасвир шу тарзда – гоҳ отанинг фарзанди билан боғлиқ туйғулари кўрсатилса, гоҳ у онадаги кечинмалар билан ўрин алмашган ҳолда давом этаверади. Аниқроғи, бу сир ошкор бўладиган нуқтага қадар Жаннат холадаги кечинмалар тасвирига, нисбатан, кенгроқ ўрин берилган. Бу нуқтадан эътиборан эса асосий диққат, драматик таранглик Икромжон томонда бўлади. Жаннат хола эса Икромжонда содир бўлаётган ана шу руҳий жараён, ҳолат фонида

гоҳ — гоҳ диққатимизни тортиб туради. Бир жойда у деворга суюнган ҳолда «дағ—дағ титраб», «ранги қум—қум оқарип» турганини кўрамиз. Бошқа жойда Турсунбойнинг панжа излари қолган, Жаннат хола ҳар куни уни қўли билан сийпаб неча мартараб кўзига, юзига суртадиган деворни бузайтган Икромжонга «Нима қиляпсиз, нима қиляпсиз?» деб ёпишаётган ҳолатда дуч келамиз. Учинчи жойда у Икромжоннинг қўлидан ёғоч оёққа уриб синдирилган Турсунбойнинг рамкадаги суратини тортиб олади. Яна бир ўринда уни «супада бир тиззасига бошини қўйиб, девор тагида дон талашаётган мусичаларга хомуш тикилиб қолган» бир ҳолатда учратамиз. Кўриняптики, ёзувчи китобдаги энг мураккаб лавҳалардан бўлган мазкур кўринишда хоин фарзанд келтирган маломат юкининг бор оғирлигини Икромжоннинг елкасига қўяди, шу муносабат билан унда содир бўлаётган руҳий коллизия оқимига асосий эътиборни қаратади. Жаннат холадаги ҳолатни эса шу жараёндан келиб чиқиб мантиқан тасаввур қилишни китобхоннинг ўзига ҳавола этади. Унинг биз юқорида эслатган ҳолат ва харакатларидан эса маълум даражада вазиятга мос келадиган ана шундай драматик маъно англашилиб туради.

Китобнинг учинчи бўлимига келиб, Жаннат хола ҳақидаги гаплар асосий ўринга чиқади, диққатимиз кўпроқ шу қаҳрамоннинг тақдирига, кишини ларзага соладиган ҳолат ва кечинмалари тасвирига қаратилади. Умуман олганда, иккинчи китобдаги бу образ талқини хусусида адабий танқидчиликда анчагина фикрлар билдирилган. Уларнинг ичида танқидий мулоҳазалар ҳам бор. Жумладан, унда фуқаролик туйғуси етишмайди, Жаннат хола фақат ёлғиз ўғлига боғлаб қўйилган, деган мазмундаги гаплар ҳам айтилган. Бундай мулоҳазалар айтилгандан сўнг орадан ўтган йиллар мазкур образга яна синчиклаб эътибор беришни, унинг замирига ёзувчи сингдирган мақсадни чуқурроқ илғаб олиш зарурлигини тақозо этади.

Танқидчи У.Норматов билан сухбатда ёзувчининг ўзи бу хусусда шундай дейди: «Қаҳрамондаги, қолаверса, кишидаги гражданлик туйғусини бир хил мезон билан ўлчаб бўлмайди, бу ноёб туйғу фоят хилма — хил кўринишда намоён бўлиши мумкин. Айрим асарлардаги она образларидан фарқли ўлароқ мен яратган она ўзининг гражданлик туйғусини эл — юрт олдида намойишкорона кўз — кўз қилмайди¹». У. Норматов ҳам ўша сухбатда ёзувчининг гапини янада ойдинлаштириб, «Она ноқобил фарзандидан сўнгти дақиқаларгача кўнгил узолмайди, айни пайтда шу ноқобил фарзандининг ножӯя хатти — харакатлари туфайли эл — юрт кўзига тик қаролмай, ўз дардини ҳатто яқин кишисига ҳам айтолмай,

¹ У.Норматов. Талант тарбияси. «Ёш гвардия» нашириёти, Тошкент, 1980, 94-бет.

юрагини ёролмай, ўқинч, ғам – алам исканжасида оламдан ўтиб кетади. Шунинг ўзи гражданлик туйғуси эмасми?» деган гапларни айтади. Ҳар ҳолда бу гаплар мазкур образ ҳақида, юқорида айтилгандек, чуқурроқ ўйлаб кўришга, мулоҳазалар билдиришга имкон беради.

«Ҳижрон кунлари»нинг иккинчи бўлимида фарзанд келтирган иснодга акс садо, асосан, Икромжондаги ҳолат ва руҳий коллизиялар таҳлили орқали берилган эди. Жаннат холага, агар шундай дейиш мумкин бўлса, ўша саҳифаларда қандайдир пассивроқ рол ажратилган, бу ҳодисага нисбатан унинг муносабати бир оз сирироқ тарзда ифода этилгандек эди. Тўғри, Икромжонда содир бўлган айрим кескин руҳий ҳолатларда унинг бевосита ҳиссаси бор. Жаннат холанинг гаплари бу ҳолатларниң юзага чиқишида туртки вазифасини ўтаган эди. Бундай пайтда у фаоллашгандек туолади. Бошқа ўринларда эса у ҳар нарсага аралашавермайди, кўпроқ ўзи билан ўзи овора бўлади, юрагида нима кечаяпти, қандай ўй – фикрлар, хаёллар билан яшапти – бу ўкувчи учун қоронғи бўлиб туради. Ҳатто эр – хотин ўртасида ҳам, гарчи ҳар қайсиси ўзича куйиб – ёниб юрган бўлса – да, бу масала ҳақида ҳеч гап – сўз бўлмайди. Лекин бундан ёзувчи мазкур қаҳрамондаги руҳий ҳолат ифодасини бутунлай унутиб қўйган, деган маъно келиб чиқмаслиги керак. Фақат Жаннатда кечётган шундай мураккаб жараён ифодасида ўзгачароқ йўл танланган, ўзгачароқ тасвирий – ифодавий усулга мурожаат этилган, холос. Масалан, бир ўринда Икромжон урушда ҳар хил чалкашликлар бўлиб туришини бир – икки воқеалар мисолида гапириб, «Ажаб эмаски, Турсунбой масаласи ҳам шундоқ бўлиб чиқса» (328 – бет), деган гапни айтганда, Жаннат холада бир неча кун давомида кечётган ички туйғулар лоп этиб юзага чиққандек бўлади. У қандай ўй – хаёллар билан юргани дарҳол маълум бўлади – қолади. Жаннат холанинг «кўзлари чақнаб, аллақандай умид учқунлари ёнгандек» бўлади, «ялт этиб эрига қарайди», «Айтганингиз келсин, айтганингиз келсин, илойим», («Уфқ», трилогия, 328 – бет) дейди. Шоша – пиша айтилаётган мана шу сўзларда Жаннат холанинг юрагидаги дард – алам бирданига тилига – у айтиётган сўзларга кўчади. Икромжон айтган ўша таскин берувчи сўзлардан сўнг, эътибор берилса, Жаннат хола ўзи тушиб қолган караҳт, жонсарак бир аҳволдан уйғонгандек бўлади, харакатларида, гап – сўзларида маълум даражада ўзгариш сезилади. Низомжонга шу ерда қолишини, Найман чўлига бирга боришини маслаҳат берадиган Икромжоннинг гапига аралашиб, у ҳам «Шунақа қила қол. Амакинг билан бўлсанг бир – бирларингга далда бўласизлар. Иссиқ – совуғингдан ҳам хабар олиб турадиган бор бу жойда. Шу маъқул гап, болам» («Уфқ», трилогия, 329 – бет) дея маслаҳат беради. Эрининг сал чиройи

очилиб «овқат – повқатиң борми, опкелсанг – чи, ўлдиридинг – күсириб» деган гапидан сүнг чақыон харакатлар қилиб, ўтоқ бошига боради, ўт ёқиб, совиб қолган шовлани иситиб олиб келади. Ёзувчи қаҳрамондаги бундай ҳолатта эътиборни алоҳида тортмайди. Лекин мана шу ҳолатда фарзанди ҳақидағи озгина илиқ, умидбахш гап, юрагига кирган сал ёруғлик Жаннат холани қанчалик жонлантириб, харакатта киритиб юборганини пайқаш қийин эмас.

Биз бу ўринда ёзувчи қаҳрамонлардаги рұхий ҳолатни күрсатиши, уни китобхонга англашиларлы даражага көлтириш учун түрлича воситаларни ишга солғанининг гувоҳи бўламиз. Икромжоннинг оғзидан чиққан сал таскин берадиган гап Жаннат холада шунча ўзгариш ясади. Хўш, худди шу дақиқада Икромжоннинг ўзи қандай аҳволда эди? У ҳам шундай бўлиши мумкинлигига ишонармиди, деган савол табиий равишида хаёлимизга келади. Бу саволимизга шу эпизоддан жавоб излашга киришамиз. Ёзувчи буни эътиборда тутиб, Жаннат холадаги ўзгаришнинг содир бўлиш сабабларини кузатиш имконини беради. Аниқроғи, қаҳрамонларнинг биридаги бундай қисқа муддатли рұхий енгиллик иккинчиси томонидан қанчалик қийинчилик билан амалга оширилганини, бу ҳам ўзига хос бир кичик драматик саҳна эканини кўрамиз. Чунки Икромжон бундан олдин Тоганикida ўғли билан боғлиқ оғир рұхий зарбага дуч келган – бир бефаросатнинг билмасдан айтган гапи билан дили вайрон бўлган, ҳали шунинг асорати вужудидан кетиб улгурмаган бир аҳволда эди. Лекин Икромжон, зарбанинг таъсири қанчалик оғир бўлмасин, ўз рұхий ҳолатидаги, хатти – харакатидаги ҳар бир ифода хотини Жаннат хола қалбида қандай акс – садо бериши мумкинлигини сезмаслиги, бунга эътибор бермаслиги мумкин эмасди. Шу сабабли у ҳовлига киришдан олдин ўзини қўлга олади. «Икромжон ҳар қанча изтироб чекмасин, эр киши сифатида хотини олдида ўзини дадил тутиши, кўз ёшини яшириши, бирон харакати билан алам чекаётганини билдириб қўймаслиги керак. Бу қийин. Аммо илож қанча?» («Уфқ», трилогия, 327 – бет). Ундаги ҳар бир ҳолатни бутун вужуди билан кузатаётган Жаннат хола «Эрининг авзойини кўриб кўнгли сал таскин топғандек» бўлади. Ёзувчи шу ўринда қаҳрамоннинг бундай ишларни қилиши, юзидағи ҳар бир ифодани илҳақлик билан кузатаётган хотинини бу тарзда «алдаши» осонлик билан кечмаётганини таъкидлашни ҳам унутмайди. Чунончи, бир ўринда Икромжон хотинининг кўзларига қараашга ботина олмаётгани айтилади. Назаримизча, қаҳрамон ҳақидағи ёзувчининг ушбу изоҳи шу эпизодда тасвирга сингдирилган драматизмни ҳис қилишимизга ёрдам беради.

Икромжон хотинига фақат таскин берибгина қолмай, уни овутиш, оғир ўйлардан чалғитиш йўлларини ҳам ахтаради. Масалан, Икромжон уни ўзи билан бирга Найманга олиб кетмоқчи бўлади. Бу Икромжоннинг чўлга бирга кетиш ҳақида унга иккинчи бор гапириши эди. Жаннат хола эрининг бу қарорига бу гал ҳам дастлаб иккиланиброқ жавоб қиласди. Икромжон бундай қарорининг сабабларини тушунитиришга харакат қиласди. Айниқса, унинг мақсадини аниқроқ қилиб, «Ростми ёлғонми, шу гап бўлиб турганда эл олдида бош кўтариб юришга қийналаяпмиз. Найманга кетсан, шу таъналардан сал узоқроқ туармиканмиз, дейман – да» («Уфқ», трилогия, 328 – бет), деган гапларидан сўнг Жаннат хола кетишга розилик беради. Икромжондаги бу қарор Тоганинг, ҳозирча хотин – халажлар қолади, деган гапидан кейин ҳам ўзгармайди, «хотинини ёлғиз ташлаб кетишга кўнгли» бўлмайди, ундан «ҳувиллаб ётган уйда бир ўзи қолса, ич – этини еб қўяди» деб хавотир олади.

Шу кичик бир воқеа мисолида ёзувчи қаҳрамонлари руҳиятига чуқур кириб боришга муваффақ бўлган, нобоп фарзандлари туфайли бошлари эгилиб қолган икки ҳамдард инсоннинг шундай оғир пайтларда бир – бирини қанчалик чуқур тушунишларини, ҳис этишларини ишонарли деталлар орқали ифодалаб берган. Аниқроғи, тасвири шу томонга йўналтириш қаҳрамонлар характеристига хос муҳим бир хусусиятни очиб беришга хизмат қиласди.

Найманга кўчиш воқеаси Жаннат хола руҳий оламини тадқиқ этишда ёзувчи учун кенг имкониятлар яратади. Чунончи, кўчиш вақти – соати аниқ бўлганда, Жаннат холага бу хабар бошқача таъсир қиласди, яшаётган уйи билан боғлиқ бутун ҳаёти кўз олдидан ўтади, қувонч ва аламга тўлиқ хотиралар бир – бирига уланиб кетади. Қаҳрамонда бундай ўйлар натижасида вужудга келган ҳолатга ёзувчи, «Жаннат хола бирдан бўшашиб ўтириб қолди. Ранги ўзгарди. Юраги эзилиб, бирпасда хәёли аллақаёқларга учди» («Уфқ», трилогия, 342 – бет) дей изоҳ беради. Шу сабабли у олдинги фикридан қайтади, уйда қолишга қарор қиласди. Унда тўсатдан бўлган бундай ўзгаришга дастлаб Низомжон ҳайрон қолади. Икромжон эса хотинини бирга кетишга кўндиришга яна астойдил харакат қиласди. Эри кетма – кет қисталанг қиласвергач, «кетаверинг, дадаси. Мени йиглайди, ўзини – ўзи еб қўяди, деб ўйламанг, хотиржам кетаверинг» («Уфқ», трилогия, 344 – бет) дей уни тинчлантирган бўлади. Икромжон ҳам дилдан тилга кўчган бу сўзлардан сўнг хотинининг кўнглидаги қандайдир илинжин англағандек бўлади ва шу сабали уни бирга кетишта мажбур қиласмайди.

Ёзувчи шу пайтга қадар асосий эътиборни Икромжонга, ундаги ички кураш жараёнини кўрсатишга қаратиб, Жаннат хола характеристи билан боғлиқ драматизмни фақат ташқи томондан кўрсатиб келаётган эди. Саид Аҳмаднинг бу қаҳрамонга нисбатан муносабати гўё уни шу тарзда олдинда турган катта синовларга тайёрлаётгандек, маънавий имкониятларини вақти – вақти билан чамалаб кўраётгандек таассурот қолдиради. Жаннат холага доир кейинги гаплардан бу қаҳрамон ўз ҳаётида дуч келиши муқаррар бўлган оғир дақиқалар яқинлашаётгани сезилиб туради. Чунончи, бир эпизодда ундаги шундай оғир руҳий кайфият берилади: эри Тошкентга борадиган бўлиб қолади. У чўлдан келиб, апил – тапил овқатланиб, кийиниб бўлгач, кета туриб яна олдинги гапини тақрорлади – қайтиб келгач, чўлга бирга кетамиз, дейди. Жаннат хола сафарга кетаётган одамга аниқ бир гап айтмай «Аввал келинг, чўлга бориш бир гап бўлар», дея яна мавҳумроқ жавоб қилади. Эрининг машина кузовига қанчалик қийналиб чиқаётганини кўриб, Жаннат хола эзилиб кетади, маъюс бир кайфитга тушади. Бу ҳолат олдинги шунга ўхшашиб воҳеани – фронтга кузатишни эсга солади, юрагида қат – қат бўлиб ётган дард, алам пардаларига тегиб кетгандек бўлади. «У Икромжонни, Турсунбойни фронтга ана шундай кузатиб қолган эди. Бири ногирон қайтди. Бири қочди. Ўлик – тириклиги номаълум... Бормикан? Бормикан? Бор бўлса, қаерларда сарсон – саргардон бўлиб юрган экан?» («Уфқ», трилогия, 367 – бет) деган ўйлар бир лаҳзада хаёлига қўйилиб келади. Гап орасида ёзувчи қаҳрамон ҳақида «У Икромжон чўлга кетгандан бери ёлғиз уйда ўйлайвериб қон бўлиб кетди», деган кичик бир тафсилотни ҳам қистириб кетади. Бу Жаннат холадаги маъюс кайфиятни ҳам, Икромжоннинг унга чўлга кетиш тўғрисидаги гапини қайта – қайта айтиш боисини ҳам ойдинлаштиргандек бўлади. Шу ўринда ёзувчи илк бор хоин фарзанд туфайли тегадиган маънавий зарбанинг тигини Жаннат холага қаратади. Бунга қадар шундай зарбага, асосан, Икромжон рўпара келар, Жаннат холага у орқали ўша зарбаларнинг таъсири етиб келаётган эди. Ўша эрини кузатаётгандек жойида ёмон бир гап бехосдан унинг қулоғига киради. Хўжалик мудири Абдухалилнинг «Тоға ҳам қизиқ, мунча энди бу одамга ёпишиб олмаса? Битта боласини тийиб ололмаганга бутун бошли бригадани бериб қўйибди. Ой чиқса ҳам шунга, кун чиқса ҳам....» («Уфқ», трилогия, 367 – бет) деган гапларини эшитиб қолади. У тап тортмасдан яна шу мазмундаги гапларни давом эттиради. Фақат буларни эшитиш, унга чидашдан ўзга иложи бўлмаган Жаннат холанинг бу зарбадан кейинги ҳолатини ёзувчи шундай беради: «Жаннат холанинг ичи куйиб кетгандек бўлади. У кўчада эл кўзида телбага ўхшаб юришдан истиҳола қилиб уйига қайтди. Ўша – ўша жимжит уй худди ютаман, дейди» («Уфқ», трилогия, 368 – бет).

Дарҳақиқат, Жаннат холанинг бутун дарду изтироблари бор бўйича юзага чиқадиган вазият яратилади. Икромжонни Тошкентга кузатган куни кечаси шунча алам ва изтироб, иснод ва надомат келтирган Турсунбой ўз ёғи билан уйга кириб келади. Бизнингча, Жаннат холанинг ўғли билан илк учрашуви тасвирига бағишиланган мазкур бобни трилогиянинг энг ҳаяжонли, энг ёрқин нуқталаридан бири дейиш мумкин. Бундай дейишилизнинг икки сабаби бор. Биринчидан, шу пайтга қадар фақат Турсунбойнинг қилмиши туфайли унинг ота—онасида пайдо бўлган изтиробли ҳолат, кечинмалари кўрсатилиб келинаётган; ўзи эса воқеалар оқимида бевосита иштирок этмаётган эди. Шу сабабли унинг воқеалар оқимида пайдо бўлиши тасвирда янги драматик ва олдингилардан кўра, табиийки, кучлироқ тўлқинни вужудга келтиради, уни янада мураккаброқ босқичга олиб ўтади. Иккинчидан, шу пайтта қадар кўпроқ Икромжондаги ички ҳолат, мураккаб кечинмалар оқими асосий ўринда берилиб, Жаннат холадаги ҳолат, асосан, ташки томондан кўрсатилаётган эди. Шу нуқтадан эътиборан ёзувчи бу қаҳрамондаги руҳий жараённи ҳам ана шундай кенг йўналишда кўрсатишга киришади. Аниқроғи, тасвирда шунинг учун қулай вазият вужудга келади. Бу имкониятдан, айтиш мумкинки, ёзувчи анча маҳорат билан фойдаланган, она қалбидаги ношгуд фарзандига нисбатан бўлган туйгулар оқимини мураккаб бир ҳолатда, турлича товланишларда кўрсатишга муваффақ бўлган.

Жаннат хола шунчалик гап—сўзлардан сўнг ҳам илк бор ўғлининг овозини эшитганда, титраб кетади, «Эшик ҳалқасини қандай туширганини билмай», шошиб қолади. Сўнгра «Ўғлининг ачимсиқ ҳид буруқсаб турган бўйнига осилиб» юрагида тўпланиб, ичини ёндириб ётган бор дардларини бир дақиқада «Вой болагинам, болажонгинам. Бормисан? Қаёкларда қолиб кетдинг? Ёмонлар ўлсин, ёмонларни қора ер ютсин! Не—не гаплар тарқатишмади. Бор экансан, омон экансан», («Уфқ», трилогия, 368—бет) дея тўкиб солаёттанига гувоҳ бўламиз. Ёзувчи мураккаб руҳий вазиятдаги Жаннат холанинг ҳам, Турсунбойнинг ҳам ҳар бир харакатини жуда аниқ, табиий беришга харакат қиласиди. Чунончи, онасининг гапларига Турсунбойнинг парво қилмагани, унинг қўлларини эса бўйнидан олиб ташлагани, эшик ҳалқасини шошиб илиб, ичкари уй томон югургани айтилади. Жаннат хола эса олдинига ўғлининг харакатларига уччалик эътибор қилмай, юрагидаги дардларини айтишни давом эттираверади, кейинчалик у ҳам Турсунбойнинг орқасидан югуряди, чироқ ёргуғида унга кўзи тушиб бир дақиқа лол бўлиб қолади, фарзандини соқоллари ўсиб, озиб, қорайиб кетган бир аҳволда кўриб, юраги жизиллаб кетади, «Емай едирган, киймай кийдирган эркаси, шамолни раво кўрмаган ёлғизи шу кўйга тушдими?» («Уфқ», трилогия, 369—бет) деган изтиробли ўйлар

хаёлидан ўтади. Ўғлининг очкўзлик билан овқат ейишлари уни лол бир аҳволга солиб қўяди. Ўзининг «Қочганинг ростми?» деган сўроғига тасдиқ жавоби олгач, «Онанинг вужуди қақшаб» кетади. «Кўзлари жовдираб, бир пастда киприклари пирпираб», «хўнграб йиглаб» юборади. Шу дақиқада «бутун истаклари, орзу – умидлари шамолда тўзиб кетгандек чорасиз бир аҳволда дунё кўзига қоронфи бўлиб» кўриниб кетади. Онада шу пайтгача фарзандига нисбатан бўлган соғинч туйгулари ўрнини норозилик эгалайди. Ёзувчи ундаги бу ички ўзгаришни «Ёш думалаб турган кўзларини боласига қадади» дея ифодалайди. Дарҳақиқат, онанинг ўғлига айтган олдинги сўзлари билан эндиғисини қиёслаб кўрсак, улар тобора кескинроқ чиқаётганининг, шиддатлироқ айтилаётганининг гувоҳи бўламиз: «Куч – қувватдан қолган отанг ҳам қўлига миљтиқ олиб урушга борди – я! – дейди у Турсунбойга қарата. – Бир оёгини урушга ташлаб келди – я! Сен, шу гавданг, шу кучинг билан қочдингми? Отангни тириклай ўлдиридинг – ку, мени адойи тамом қилдинг – ку! Эртага юртнинг кўзига қандай қарайман? Даданг қандай қилиб кўчага чиқади? Шуни ўйладингми?» («Уфқ», трилогия, 370 – бет).

Онадаги бу руҳий шиддат яна маълум муддат давом этади. Дадаси ҳақидаги гаплардан бехабар Турсунбойнинг буни эшишиб, «Дадам ҳани? Келиб қолмасдан кетай», деган гапини «Дада» дема!...» дея кесиб ташлайди. Лекин она қалби фарзандига нисбатан бундай кескин муносабатни узоқ сақлаб туролмайди, бунга юраги дош бермайди ва орадан сал ўтгач унга ялинишга ўтади. Турсунбойга, даданг билан бамаслаҳат иш қил, юрт олдида гуноҳингни ювиш йўлини ўйла, дея илтижо қиласди. Бундан даҳшатта тушган ўғлининг «Мана бу еримдан отиб ташласинми?» («Уфқ», трилогия, 371 – бет) деган гапига, худди ҳозир ҳақиқатдан ҳам шундай бўладигандек, она бирдан қўрқиб кетади. Исқирт аҳволга тушган ўғлининг юваниши учун сув иситиб, сандиқдан кўйлак олади, дадасининг устарасини келтириб қўяди. Турсунбой юваниб, кийиниб келади. Жаннат холанинг шу дақиқалардаги ҳолатини, кайфиятини ёзувчи қуидагича ифодалайди: «Унинг дийдорига қараб она юрагидан бояги ваҳималар нари кетгандек бўлди. Турсунбой янги, тоза либосларда бегуноҳ, покиза бўлиб кўриниб кетди. У келишган, юзлари, кўзлари яшнаган йигит эди. Шу топда она кўнглида ҳам меҳр, ҳам ташвиш, ҳам ғазаб бор эди. Шу уч ҳис орасида қолган она қалби қай тарафга ён босишини билмасди» («Уфқ», трилогия, 372 – бет).

Мазкур психологик лавҳада қаҳрамон дуч келган оғир маънавий – руҳий тўлқин гоҳ кўтарилган, гоҳ сусайган ҳолда давом этади. Онанинг юрагидан кечәётган гоҳ унли, гоҳ унсиз нидолар

ўқувчини лоқайд қолдирмайды. Қорнини түйғазиб, одам қиёфасига кириб, неча күнлик дарбадар, ўғринча ҳаётдан сүнг күзлари уйқута кетгән хоин, қочоқ ўғлининг тепасидаги онанинг чорасиз ҳолати, қиёфаси кишини ларзага солади, түйғуларни жунбушга келтириб юборади: «Қоп – қора осмоннинг бир чети билинар – билинмас оқарид келаётганини, саҳархез хўрозларнинг олис – олислардан қичқираётганини сезмасди. У ҳамон ёғиз боласининг дийдорига тўймай тикиларди.

Қалби вайрон бўлган, умидлари совун кўпигидек сассизгина учган онанинг хаёллари сўнгсиз эди. Самарасиз эди...» («Уфқ», трилогия, 372 – бет).

Жаннат холадаги бундай руҳий ҳолат янада мураккаблашиб, унинг тасвирида ранглар тобора қуюқлашиб бораверади. Бир лавҳада онанинг араванинг орқасига сигирини боғлаб, Найманга кўчиб келганини биламиз. Ёзувчи қаҳрамоннинг бу ердаги турли харакат ва ҳолатларини кўп ҳолларда Низомжон нигоҳида кўрсатишга интилади. Масалан, бир ўринда у Жаннатнинг тўқай тарафга сигир етаклаб бораётганини кўриб қолади. «Бемаҳалда тўқайга сигир обориб нима қиласди? Кеч кириб қолди – ку?» деб ўйлади. Бошқа ўринда энди унинг тўқайдан сигир етаклаб келаётганини Низомжон кўриб қолгани ва келиб қўлидан арқонни олгани айтилади. Дарҳол ёзувчи Низомжон нигоҳи орқали бу қаҳрамондаги ўша ҳолатта, кўринишга баҳо беради: «Жаннат холанинг кўзлари қизарган. Йиғлаганга ўхшайди. Унинг юзларида эрталабки кулигидан нишон қолмаганди. Қадди ҳам букилиб қолгандек». Табиийки, Низомжон онадаги оғир руҳий ўзгаришни кўради – ю, унинг сабабини англай олмайди. Ўзича «холироқ жой топиб йиғлаб – йиғлаб аламини босиб келаётганимикан», деган ўйга ҳам боради. Жаннат холанинг кейинги харакатлари Низомжондаги бундай ўйларни янада мураккаблаштириб, унинг таажжубини ошириб юборади. Чунки у «эртасига тушликдан кейин янга ўша тарафга қараб тутунча билан худди одамлардан яширингандек аланглаб кетаётганини кўриб ҳайрон бўлиб қолади. Қаёққа боради? Тўқайда нима қиласди?».

Жаннат холадаги ғалати харакатлар янга давом этади. Яна бир гал тонг маҳали Низомжон Жаннат холанинг тўқай тарафга кетаётганига, чақирганда уни кўрмай, «шошиб қамишлар орасига кириб» кетганига кўзи тушади. Кейинроқ «Аzonлаб тўқайда нима қилиб юрган эдингиз, хола?» деганда у қўрқиб кетади, «Бу гапни бирор эшитмадимикан, деган шубҳа билан атрофга аланглаб» олади. Шу орада бошқа бир ажабланарли иш ҳам бўлади – Икромжоннинг устараси сирли равишда йўқолиб қолади. Қишлоққа тушаётган

Икромжон, сен ҳам бораман деган эдинг, юрмайсанми, деса, унга қарамай, «кетаверинг, қишлоқда мен нима қиласман» (эсласак, оддин у бу ерга, яни түқайга келишни пайсалга солганди – У.У.) деб жавоб беради. Ёзувчи қаҳрамоннинг шу дақиқадаги ҳолатини «У негадир эрининг кўзига қараёлмасди», дейа изоҳлади.

Ёзувчи Жаннат холадаги руҳий ҳолат билан боғлиқ ўзгаришларни кўрсатиш, ўқувчининг диққат майдонида тутиб туриш учун тез – тез унга эътиборни қаратишга интилади. Булар ҳаммаси, табиийки, мазкур образ талқинидаги драматик оҳангни кучайтиради. Уни навбатдаги босқич – трагизм томон боришини тезлаштиради.

«Ҳижрон кунлари» китобининг учинчи бўлимидағи IX бобни драматик руҳи нуқтаи назаридан трилогиянинг энг юқори нуқталаридан бири дейиш мумкин. Бу ерда Жаннат холадаги бутун дард – алам, изтироблар рўйи – рост, батафсил кўрсатилади. Оддин ҳам бу қаҳрамондаги мураккаб кечинмалар бевосита гуноҳкорнинг ўзи – Турсунбой билан унинг юзма – юз бўлиши орқали берилган эди. Лекин ўша эпизод билан бу эпизод ўртасида анча фарқ бор эканлигини сезиш қийин эмас. Китобда батафсил берилган биринчи эпизодда онанинг гап – сўзларида, харакатларида ҳали қандайдир ўқтамлик, нимагадир ишонишга ўхшаш нарса сезилиб туради. Бу – мантиқан тўғри ҳам. Чунки унда ҳали ўғлим гапга тушунар, бу йўлдан қайтар, гуноҳини ювиг эл – юрт олдида ўзини оқлар, деган умид, илинж йўқ эмасди. Иккинчи эпизодда эса она бутунлай адойи тамом бўлган, гариб, ночор аҳволга тушган бир ҳолатда кўринади. Буни тасаввур қилиш қийин эмас. Чунки ёзувчи бунинг учун бизга имкон берган. Низомжон нигоҳи орқали онанинг неча мартараб түқайга бориб – келаётганини, ўша пайтлардаги унинг ҳолатини, кўринишларини кўз олдимизда жонлантирган эди.

Ёзувчи Жаннат холадаги ўзгаришни, руҳий чўкиш жараёнини кўрсатар экан, бунинг сабабини очишга харакат қиласми. Шу боисдан яна Турсунбой образи тасвир марказига чиқарилади. Уни асарда иккинчи бор яқиндан кузатиш, шундан келиб чиқкан ҳолда бу кимсага тўғридан – тўғри баҳо бериш имконияти яратилади.

Шу ўринда бир мунозарали фикрга эътибор қилишга тўғри келади. Филология фанлари номзоди Ч.Ниятов шу образ ҳақида адабий танқидчиликда айтилган баъзи фикрларга эътироҳ билдириб, шундай дейди: «Романдаги Турсунбой образи танқидчилар ўртасида хилма – хил мунозараларга сабаб бўлди. Н.Худойберганов ёзади: «Илгари ярамас хатти – харакатлари билан кўзга тушмаган, аксинча, меҳнатда ва муҳаббатда софлик ва

ҳақиқатта интилган одам сифатида тасвирланади – ю, аммо қандай қилиб унинг сотқин, ярамас одамга айланиб қолгани чуқур ва атрофлича ёритилмайди» («Эҳтирос тўлқинлари», Т., 1970, 235 – бет). Бунга ўхшаш даъволарни У.Ўлжабоев ҳам «Мураккаб тақдирли кишилар» («Шарқ юлдузи» 1970, 4 –сон) номли мақоласида билдиради, – деб давом этади у. – Чунончи, унинг айтишича, Турсунбой образининг ишонтириш қуввати Жекшенқул (Ч.Айтматов, «Юзма – юз»(?) ва Датико, (Н.Думбадзе, «Мен қуёшлини кўряпман») образларига нисбатан бирмунча пастроқ савияда туради. У.Ўлжабоевнинг ўз сўзлари билан айтганда, Турсунбойнинг хоинлик йўлига кириши чуқур асосланмаган. Ҳарқалай икки танқидчининг ҳам муҳокамаси чуқур ўйлаб айтилганга ўхшамайди. Гап шундаки, ижодий жараённи бир қолипга солиб бўлмайди. Ёзувчиларнинг ҳаммаси хоин образини асар марказига қўявериши шарт эмас. Шахснинг маънавий инқирози Ч.Айтматов ва Н.Думбадзенинг асосий эътиборида туради. Саид Аҳмад эса Икромжон характерини янада кенгроқ ва ёрқинроқ чизиш мақсадида Турсунбой воқеасини асарга киритади, холос. Ҳар бир ёзувчининг бу образларни яратишда ўз нияти ва мақсади бўлган, албаттага. Шу боисдан бу хилдаги образларга ягона бир мезон билан ёндашмаслик керак».¹

Биринчидан, бу ерда бир аниқлик зарур. Н.Худойберганов ўз фикрини ҳали трилогиянинг ilk китobi – «Хижрон кунлари» эндиғина эълон қилинган кезларда билдирган. У пайтларда «Уфқ» ҳозирги ҳолатида, яъни трилогия шаклида эмас эди. Буни, энг аввало, ёзувчининг ўзи тан олган ва У.Норматов билан қилган сұхбатида трилогиянинг яратилиши ҳақида галириб, «... адабий танқид роман қаҳрамонлари Икромжон билан Турсунбойлар характерларининг шаклланишида қандайдир етишмовчилик борга ўхшайди, деб таъна қилган эди. Бирдан менда янги ёзадиган китобимни «Уфқ»нинг биринчи китобига айлантириш ва ўша характерларида етишмовчилик бўлган қаҳрамонларни киритиш фикри туғилиб қолди»,² (Бу ерда гап «Уфқ» трилогиясининг биринчи китobi – «Қирқ беш кун»нинг қандай ёзилгани ҳақида кетяти – У.Ў.) деб эътироф этган ҳам эди. 1984 йилда китоб эълон қилаётган мутахассис олдин танқидчи ёзувчининг қайси китоби бўйича ва қачон фикр билдираёттанини аниқлаб олиб, сўнгра ўз мулоҳазаларини баён қилса, оз – моз мантиқли иш қилган бўлар эди. Ҳозирги ҳолатида Турсунбой образи муносабати билан Н.Худойберганов томонидан айтилган танқидий фикр «боғдан келса», унга эътиroz билдиromoқчи бўлаётган Ч.Ниятовнинг гаплари «тоғдан келяпти».

¹ Ч.Ниятов. Ҳозирги ўзбек прозасида характер проблемаси. «Фан» пашриёти. Тошкент, 1984, 45–46 бетлар.

² У.Норматов. Талашт тарбияси. «Ен гвардил» пашриёти. Тошкент 1980, 83–84 бетлар.

Иккинчидан, шуни таъкидлаш керакки, Ч.Ниятовнинг бу эътиrozларининг ўзи қатор эътиrozлар уйғотади. Аввало, мунозара қилиш учун у ёки бу манбадан мисол олинаётганда парчадаги сўзлар ва рақамлар аниқ бўлиши лозимлигини ҳар бир адабиётшунос яхши билади. Лекин ҳамма биладиган бу оддий нарсага қанчалик амал қилинганини баъзи жойларга биз томонимиздан қўйилган сўроқ аломатлари кўрсатиб турибди. Журнал сонининг чалкаштирилишини қўя турайлик – у, лекин асар қаҳрамонларининг номларини беришдаги адашишлар, юмшоқроқ айтганимизда, бизга ғалати туюлади. Чунки Жекшенқул «Юзма – юз»нинг эмас, балки «Сомон йўли»нинг қаҳрамони эканини адабиёт муҳлислари яхши билишади. Ч.Ниятовнинг бошқа эътиrozларига ҳам қўшилиб бўлмайди. Чунончи, у бизга нисбатан «икки танқидчининг ҳам муҳокамаси чуқур ўйлаб айтилганга ўҳшамайди», «ижодий жараённи бир қолипга» солмоқчи бўлади каби айблар қўяди. Буларнинг асоси сифатида, Саид Аҳмаддан ҳам худди юқорида номлари тилга олинган ёзувчилар каби хоин образини асарнинг марказига қўйиб тасвираш талаб этилади, деган гап айтилади. Бу даъволарнинг нотўгри эканини шунда ҳам кўриш мумкини, Жекшенқул ҳам (Ч.Айтматов, «Сомон йўли»), Датико ҳам (Н.Думбадзе, «Мен қўёшни кўряпман») асосий қаҳрамонлар сифатида талқин қилинмаган, балки эпизодик образлардир. Улар шароитнинг, одамларнинг қанчалик мураккаб эканлигини чуқурроқ англашимизга ёрдам беради, бу ҳақдаги тасаввуримизни янада кенгайтиради. Шунингдек, адабиётшуноснинг асосий қаҳрамонлар ҳақидагина фикр билдириш маъқул бўлади, деган гапига ҳам қўшилиб бўлмайди. Чунки, агар бадиий асарни бир имораттага қиёслайдиган бўлсанк, унинг нафақат тагзамини ёки томи, балки эшик – деразалари ҳам, ҳатто ҳар бир фишти ҳам жой – жойида бўлиши лозим. Уларнинг биттасининг бузилиши бутун бошли иморатнинг кўринишига ҳам, сифатига ҳам қанчалик таъсир этишини тасаввур қилиш қийин эмас. Бевосита Турсунбой ҳақидаги мулоҳазаларга келадиган бўлсанк, Ч.Ниятовнинг «Саид Аҳмад... Икромжон характерини янада кенгроқ ва ёрқинроқ чизиши мақсадида Турсунбой воқеасини асарга киритади, холос», деган гаплари ҳам ҳақиқатдан йироқдир. Аввалимбор, Турсунбой ҳақидаги гаплар асарга фақат бир восита сифатида киритилган, дейиш унчалик тўғри эмас. Бу образ замира, бизнингча, жуда салмоқли, даврнинг шафқатсиз ҳақиқатини кўз олдимизда жонлантирадиган воқеа турибди. У орқали уруш йилларида оғир шароит одамлар учун ўзига хос синов бўлганини, бу синовдан ҳамма ҳам бир хил даражада ўтмаганини, ўта олмаганини тасаввур қиласиз. Қолаверса, Турсунбой тимсолида ёзувчи бир инсон шароитнинг мураккаб, хатарли синовларига дош беролмай маънавий тубанликни бўйнига олганини, шахснинг бундай

тубанлашуви уни жисмоний фожиага ҳам олиб келганини күрсатишиň үз олдига мақсад қилиб қўйган. Демак, бу образ зиммасига юкландын вазифа оддий воситачиликдан кўра салмоқлироқ экани шундоқ кўриниб турибди. Бунинг устига у фақат Икромжон билангина эмас, балки, кўрганимиздек, Жаннат хола билан ҳам мустаҳкам боғлангандир. Халқимизда «Бирники мингга, мингники туманга...» деган гап бор. Турсунбой қилган ишнинг исноди, гарчи қўпроқ ота—онасининг гарданига тушган бўлса—да, бошқалар ҳам ундан бенасиб қолишмайди. Шу хонадонга ўзини яқин деб ҳисоблайдиган одамларнинг ҳаммасининг ҳам боши эгилиб қолади, бутун қишлоқ аҳли бу ишни ўзлари учун номус деб ҳисоблашади. Буларни биз Тоғанинг шу воқеа билан боғлиқ ўй—фикрларида, қийналишларида, Икромжон бошига тушган бу ташвишдан хабар топган унинг эски қадрдони Й.Охунбобоевнинг афсусланишларида, одамларнинг ҳарбий комиссариатдан келган йигитдан қочоқ ҳақидаги гап—сўзларни суриштиришларида ва бошқа қатор тафсилотларда кўришимиз мумкин. Айтилганлар шу хulosага олиб келадики, Турсунбой «Уфқ»даги образлар тизимида алоҳида ўрин эгаллади. Уни қандайдир воситачи қаҳрамон сифатида талқин қилиш эса бу образнинг моҳиятини тўғри тушунмаслик, асар воқеалари силсиласида тутган ўрнини билмаслик билан тенгдир.

Энди олдинги гапларимизга қайтайлик. Биз олдин ҳам Турсунбой билан учрашган, уни кузатиш имкониятига эга бўлган эдик. Лекин унда биз бу қаҳрамоннинг характеристидаги хоинликка олиб келган худбинлик психологиясининг баъзи қирралари билан танишган эдик, холос. Албатта, ўша қирраларнинг ўзи ҳам бу қаҳрамон ҳақида муайян хulosалар чиқариш учун асос берарди. Лекин ўзининг нопок иши билан отанинг қаддини бukkan, онани бунчалик азоб—уқубатларга гирифтор қилган бу персонаж билан ёзувчи китобхонни янада яқинроқ таништиришга, худбинликдан маънавий тубанлик сари юз тутган шахснинг психологиясини чуқурроқ очиб беришга аҳд қиласди. Шу боисдан ҳамма ўз иши билан бўлиб кетган бир пайтда «шошиб ун чалиб, қўймоқ солган», «болтани қўлига олиб, тўқайга қараб» кетаётган Жаннат хола орқали бу гал Турсунбойни қамишзорда, «қамиш кана олдида тиззасини қучоқлаб дарвеш қиёфасида ўтири»ган ҳолатда учратамиз. Унинг фақат ташқи кўринишининг ўзиёқ ҳаётдан керагича жазосини олиб бўлган одамнинг қиёфасини эслатади. Мана, ўша кўриниш: «Совун тегмаган бетлари кир, ҳам кўрпа, ҳам тўшак ўрнини босган тўнининг енглари титилиб, этаклари балчиқча беланганидан доғ босиб кетганди. Унинг бир вақтлар қизларни шайдо қилган қоп—қора кўзлари энди маъюс, атрофга маъносиз боқарди» («Уфқ», трилогия, 398—бет). Бу қаҳрамоннинг руҳий

оламида содир бўлган ўзгаришларга ҳам эътиборимиз қаратилади. Ёзувчи бу ишни ўзига хос ифода воситаси – характерли бир деталь орқали амалга оширади. Чунончи, «Кеча саҳар пайтида осмони фалақда турна ўғди» деган хабар келтирилади. Биламизки, турна – баҳор даракчиси. Баҳор эса уйғониш, янгиланиш фаслидир. Шу ўринда турна детали қаҳрамон ички оламидаги ҳолатни кўрсатишида муҳим бадиий вазифани адо этади: «Турна қанотида бу чўлларга баҳор олиб келди – ю, аммо Турсунбойнинг қалбида уйилиб, муз битиб ётган қорни эритолмади. Унга баҳор келмади» («Уфқ», трилогия, 398 – бет). Бинобарин, бу деталь воситасида қиёсий йўл, аниқроғи бир – бирига зид ҳолат ифодаси билан қаҳрамон ҳақидаги тасаввуримиз кенгайтириляпти. Энди ёзувчи Турсунбойдаги маънавий тубанлашувни кўрсатиш учун бошқа – иккинчи воситага ҳам мурожаат қиласи, яъни бир пайтлар яхши кўрган қизи Зебини нотаниш йигит билан кўргани айтилади. Бунга Турсунбойда қандай акс – садо бўлади? Эҳтимол, унда ҳеч бўлмаса рашкка ўхшаш туйгулар пайдо бўлгандир?! Йўқ, бундай туйгулар унинг хаёлига ҳам келмайди. Мана, ўша ҳолатда у Зеби ҳақида нималарни ўйлади: «Агар ёлғиз учратолса эди, албатта, овқат келтиришни ялиниб сўрарди». Бунга биз ажабланмаймиз. Чунки қочқинлик ҳаёти ундан одамларга хос кўп хусусиятларни йўқоттан, кўп туйгулардан уни маҳрум қилган эди. Турсунбойга ҳаёт, келажак деган нарсалар ҳақида ўйлаш бегона бўлиб қолган эди. «У кўпинча эртани эмас, тақдирни эмас, онасининг олиб келадиган овқатини кутарди. Шундан бошқа ҳаётдан илинжи қолмаганди».

Ёзувчи бу қаҳрамондаги маънавий тубанлашув ҳақида муайян деталь ва тафсилотлар орқали шу йўсинда тасаввуримизни кенгайтиргандан сўнг яна биринчи эпизоддаги усулага қайтади – она ва ўғил ўртасида бўлаётган муомала мисолида Турсунбойнинг башарасини кўрсатишини давом эттиради. Қочқин ҳаёт уни қанчалик очкўз қилиб, ҳайвонийликка яқинлаштириб қўйгани янги тафсилотларда очила боради. У хабар олгани келган онасининг қўлидан тутунни олади – ю, ўзини овқатга уради. Бу картина шундай берилади: «У бир умр овқат кўрмагандек пишиллаб, шалоплатиб қўймоқни еб бўлди. Ёф бўлиб кетган қўлларини ялади» («Уфқ», трилогия, 399 – бет). Дарҳол шу ҳолатнинг она ҳиссиётларидаги акс садоси берилади: «Унга қараб турган онанинг юрак – бағри эзилиб, кўзларидан мўлт – мўлт ёш думаларди», дейилади бу ҳақда. Бечора она ўғлида инсонга хос туйфу қолдиқлари қолдимикан, деган умидда унга таъсир этиш мумкин бўлган хабарларни айтиб кўради. «Даданг бир оёқдан ажралиб келган», дейди. Таъсир у қадар сезилмайди. «Тоганинг ўғлидан қора хат келган, хотинига билдирамаяпти», деб кўради. Турсунбойга сал таъсир этгандек бўлади. Чунки Тоганинг ўғли – болалик ўртоғи. У

бош эгиб, қимирламай ўтириб қолади. «Азизхон қаҳрамон бўлди», деган гапга эса қўл силтаб тескари қарайди. Она, эҳтимол, ўзим ҳақимда айтсам таъсир этар, деган умидда ўз аҳволини гапиради: «Шу кунда ўзимнинг ҳам анча мазам йўқ. Безгак тутяпти. Дадангта билдирмаяпман. Билиб қолса, қишлоққа тушириб юборади. Мен кетиб қолсам, ҳолинг нима кечади? Кечалари танам зирқираб оғриса ҳам тишимни тишимга қўйиб чидаяпман. Пешонам қурсин, бунча шўр бўлмаса» («Уфқ», трилогия, 400 – бет), дейилади. «Тиззаларимда дармон қолмади», деган шикоятига «эртага овқатни кўпроқ олиб кел!» деган жавобни эшитади. Ўғлидан юрагини ўртаб ётган алам ва изтироб туйғуларининг бирортасига таскин бўладиган акс – садо топмаган она ғоят ноумид аҳволга тушади. Унинг қайтаётган пайтдаги ҳолатини ёзувчи «Жаннат хола, боласини қабрга қўйиб келаёттандек, юрагида оғир дард билан орқасига қайтди» деб ифодалайди.

Ёзувчи воқеалар оқимини ранг – баранг товланишларда кўрсатишга харакат қиласди. Бир ўринда, ҳатто, уни Турсунбой назари орқали беради. Бундан мақсад қаҳрамон характеристини турли қирраларини очишига интилишдир, албатта. Лекин ҳамма ўринларда ҳам ёзувчи бу усули қўллашда мантиқан иш тутган, дейиш қийин. Чунки атрофда бўлаётган ишларга Турсунбойдаги муносабатни кўрсатишга берилиб кетиб, талай деталлар ноаниқлигига йўл қўяди. Бу ердаги ҳар бир ҳодиса, катта – кичик тасвир Турсунбойнинг нигоҳи орқали берилаётгани унутилади. Масалан, Турсунбой кузатиб турган масофадан бир кишининг иккинчисига қандай пиёлада чой узаттанини кўриш қийин бўлса керак. Ёзувчи эса уни бемалол сопол пиёла дейди. Шунингдек, онанинг қуруқшаб қолган лабларини шунча масофадан туриб Турсунбойнинг кўриши ҳам мантиққа зиддир.

Ёзувчи, сезишимизча, Турсунбойдаги икки жиҳатни кўрсатишга эътибор беради. Биринчи жиҳат – унинг Зебихонга бўлган муносабатини кўрсатиш, шу тариқа сюжетдаги бу чизиқни сўнгги тўхтамга олиб келиш. Бизга улар, яъни Турсунбой билан Зебихон ўртасидаги олдинги муносабатлар маълум. Шу сабабли бу ўринда Турсунбойнинг Зебихонни узоқдан кузатишининг сабабини тушунамиз. Дарҳақиқат, Зеби билан Низомжоннинг бундай ҳолатда туришлари Турсунбойга маълум даражада таъсир этгандек бўлади. Зебихонни кўриб, кулишларини эшитиб, хотиралар гира – шира жонланади, унинг бўйнига қўлини ташлаган, лабларидан ўшган кунлар эсга келади, «Қани энди, шу кунлар қайтиб келса? Келармикан?» деган ўйлар хаёлидан ўтади. Айни чоқда бундай куннинг келмаслигига, гарчи қиз турган жой узоқ бўлмаса – да, «чақиришнинг ҳам, ютуриб етишнинг ҳам иложи йўқ» бўлган

маънавий масофа ўртада турганини ақлининг қайсиdir нуқталари билан сезади. Шунинг учун энди унда Зебихон бегона йигитга меҳрибонлик қилиб фуфайкасини елкасига ташлаганда қўлини мушт қилиб туғищдан, унинг билагига осилганда ғазаб билан кузатищдан бошқа илож қолмаган эди. Ёзувчи қаҳрамоннинг кўнглидан кечётган бу муҳим жараёнга эътиборни қаратишни унутмайди. «Турсунбой ҳамма нарсадан кечганда ҳам биргина шу Зебидан кечмас эди. Шу танҳоликда ҳам кўнглининг бир чеккасида қачонлардир у билан топишиш илинжи яшарди. Энди у шу илинжидан ҳам маҳрум бўлганига ишонди... Турсунбойни ҳаётда ушлаб турган ҳеч нарса қолмади» («Уфқ», трилогия, 402–403 бетлар)

Турсунбой характеристикаси билан боғлиқ иккинчи жиҳат, бу – унинг Жаннат холага нисбатан бўлган муносабатини кўрсатиш. Юқорида биз она фарзанди келтирган дард – алам ўтида ёниб, адойи тамом бўлаётганини айтган эдик. Дарҳақиқат, шундай. Бу – онанинг харакатларида яқъол сезилади. Сўз юритилаётган лавҳада ёзувчи сўнаётган шамдек тутаб бораётган онага нисбатан фарзанди қандай муносабатда бўлганини бадиий тадқиқ этишга харакат қиласди. Бу ишни амалга оширишда воқеалар оқимининг Турсунбой нигоҳи орқали кўрсатилиши имкон беради. Шу саҳнада Жаннат хола тўқайдан «илдиз орқалаб» чиқсани, «бетоблигидан илдизларни аранг кўтариб» келаётгани, «юқдан мункайиб, бурни ерга тегай – тегай» дейиш даражасидаги бир ҳолатда экани, нотаниш йигит югуриб келиб юкни олгани, «кампир қотиб қолган белини силаб ерга ўтириб қол»гани тасвирланади. Муҳими, онанинг аҳволини Турсунбой кузатиб туради, бу ишлар унинг кўз олдида содир бўлади. Бу ўринда ёзувчи тасвири орқали ҳақиқий худбинлик психологиясининг сифатлари намоён бўлади. Қарангки, унга Турсунбой ўзи кўриб туриб қилмаган ишни бажарган бошқа «нотаниш бола ниҳоятда бадбашара, ниҳоятда ёвуз бўлиб» кўринади. Бунинг сабаби нима экан, дея қизиқамиз. Маълум бўлишича, «Гўё онасининг меҳрини шу бола ундан тортиб олиб қўяёттандек. Уни онасидан бегона қилаётгандек туюлди». Кейинги бобда Жаннат хола образи талқини билан боғлиқ йўналиш ўзининг юқори нуқтасига кўтарилади. Олдинги тасвирларда сюжетнинг бу йўналишидаги драматизм кучайиб бораётгани, унда трагик оҳанг етакчи ўрин олаётгани кузатилган эди. Жаннат хола қиёфаси, хатти – харакатлари, руҳий ҳолати ана шундай мураккаб тасвир фонида кўрсатилади. Ёзувчи Жаннат холанинг аҳволи тобора оғирлашиб бораётганини бир неча бор таъкидлайди. Бу билан гўё онанинг аҳволи ва ҳолати ҳақида тасаввур бергандек бўлади. Чунончи, бир ўринда ундаги ҳолат ҳақида «Жаннат хола ярим жон бўлиб ётиб қолган. У гоҳ ҳуд, гоҳ беҳуд» дея маълумот берилади.

Унинг нима бўлса ҳам ётиб қолмасликка харакат қилаётганини кузатамиз. Бунинг боиси маълум: «Ётиб қолсам, Турсунбойнинг ҳоли нима кечади, деб ташвишланади», у. Шу сабабли тўқайга боришига ҳар хил баҳона, сабаб ахтаради, у ердан ҳеч бир керак бўлмаса ҳам ўгинбоп илдизлар келтиради. Мана, бу гал ҳам одамларнинг далада ишдалигидан фойдаланиб, Жаннат хола гарчи, «кечадан бери ўрнидан туролмай ётган бўлишита қарамай», бир амаллаб ўрнидан туриб, овқат пиширади, грелкага чой дамлаб олади. Албатта, оғир бетоб ҳолдаги одамнинг бу ишларнинг бажариши осон эмас. Шунинг учун ёзувчи бу ишлар қанчалик харакатлар эвазига амалга ошаётганини таъкидлаш маъносида бир ўринда унинг мункиллаб кетаётганини айтса, бошқа ўринда «Пешонам қурсин, не кунларга қолдим» дей «мункайганича аламга тишини тишига қўйиб чидаб» бораётганини эслатади. Табиийки, адоги йўқ бу азоб – уқубатлар, вужудини емираёттан дард – аламлар онанинг ўйларини бир тўхтамга олиб келади: «Бу хилда яшаб бўлмайди, энди бас! – деган хулосага келади пировардида. – Турсунбойни инсофга келтириш керак. Эгилган бошни қилич кесмайди. Урушга борсин. Ўзини оқласин. Ягона йўл шу! Агар Турсунбой кўнмаса, уни ўзим тутиб бераман. Шундай қиласман!» («Ўфқ», трилогия, 404 – 405 бетлар). Қаҳрамоннинг кўнглидан кечган бу ўйларнинг даражасини таъкидлаш маъносида «Онанинг қарори қатъий эди» дей ҳолатта изоҳ берилади. Лекин, афсуски, она юрагида етилган бу қарорни амалга оширомайди. Чунки у ўғли турадиган жойга келганда Турсунбойнинг чайла ичида бетоб ҳолда ётганини кўради. Бу ҳолат онанинг фикрларини остин – устун қилиб юборади. У ўғлининг устига ўзини ташлайди. Турсунбой аранг кўзини очиб, бир ҳафтадан бери туз тотмаганини айтганда Жаннат хола ҳайрон қолади, шу пайтгача зовур ортига қўйиб кетаётган овқатларни ўғлига насиб қилмаганини англаб етади. Баданидан ачимсиқ тер ҳиди келиб турган, иситманинг зўридан ингранаётган ўғлининг аҳволини кўриб, она ўз дардини унугтади, унинг юзларини силаб, «кўзларини бир нуқтага тикканча овоз чиқармай» йиглайди, умидсиз, армон билан тўлиқ ўйлар уни ўз гирдобига тортади, ҳозир бармоқлари билан юзларини силаб турган, бошига шунчалик мусибатлар келтирган боласининг «йўлга кирган кундаги қувонч, тили чиқиб, биринчи марта ая, дегандаги олам салтанатига тенг шодликлар, дадаси опичлаб гузарга олиб чиқиб кетаётганда эшик олдида орқасидан қараб қолгандаги ҳеч нарсага тенг кўриб бўлмайдиган баҳт, биринчи бор мактабга кузатганда оппоқ кўйлак, гарч солиб тикилган этик кийиб, чопқиллаб кетаётгандаги тонгдек тиниқ орзулар» бирма – бир кўз олдидан ўтади. Бетоб фарзандининг алаҳсираб айтаётган ҳар бир сўзидағи маънони юраги билан ҳис этаёттан онадаги руҳий ҳолат вазият таъсирида энг юқори босқичга кўтарилади. Тақдирнинг бу

шафқатсиз ситами она тилидан «Э, худо, менда шунча қасдинг бормиди!» дега фарёд бўлиб отилиб чиқади. Шу аҳволда у қоронги тушганча қолиб кетади. Ўзини қидириб, отини айтиб чақираётган одамларнинг овозини яқиндан эшигтгач, у ҳушига келади. Она учун яна мушкул вазият пайдо бўлади – бир томонда инграб ётган ўғил, бошқа томонда унга яқинлашиб келаётган одамлар: «она икки ўт орасида қолди. Кетса, боласидан кўнгли тинчимайди. Ким билади, ҳоли нима кечади? Кетмаса, ҳозир уни қидириб келиб қолишади. Унда нима бўлади?» («Уфқ», трилогия, 406 – бет). Жаннат хола noctor, ноилож ҳолатда шудгор тарафга қараб югурга бошлайди. Олдин Низомжон, сўнг Икромжон унинг олдига етиб келишади. Онадаги ҳолат шундай берилади: «Унинг кўзлари бежо. Фақат қўлларини муттасил силкитиб, тўқай тарафга қараб қичқиравади. Она ақлдан озган эди. Низомжон уни суюб, ҷодир олдига олиб келунча терга пишиб кетди. Жаннат хола ҳамон тўқайга қараб қичқирав, унинг қўлидан чиқиб, ўша ёққа югурмоқчи бўларди. Ҷодир ичига киришганда, у бирдан жимиб қолди. Ҳолдан тойиб, тўшакка ўзини ташлади – ю, қимирламай шифтга тикилиб ётаверди» («Уфқ», трилогия, 408 – бет). Она шу ётганча қайтиб турмайди, «ягона фарзандидан умид узолмай, унинг баҳтини кўролмай армон билан ҷодирда жон» беради.

Сайд Аҳмад ана шу воқеа – онанинг вафоти муносабати билан ҳам Турсунбой қиёфасига эътиборимизни қаратади, ундаги маънавий тубанлашув даражасининг қанчалик пастлашиб кетганини яна бир бор таъкидлайди. У кимдир вафот эттанини сезади, дағи маросимини қамишлар орасидан кузатиб туради. Лекин «ким вафот этканини билмасди. Дадасининг тобут олдида бел боғлаб йиғлаб кетаётганини кўрди – ю, кўзлари бежо бўлиб кетди. Ахир, у куни билан онасини кутаётган эди. Унга овқат олиб келмоқчи эди. Нима бўлди? Наҳотки ўлган бўлса? Энди унинг ҳоли нима кечади? Энди унга ким овқат олиб келади?» (407 – 408 бетлар), дега Турсунбой хаёлидан кечаётган ўйлардан китобхонни воқиғ қиласи. Онанинг ўлеми муносабати билан ёзувчи бошқа қаҳрамонларига ҳам бир назар ташлаб олади, уларда шундай кунларда намоён бўлган сифатларни кўрсатади. Масалан, бу хабар етиши биланоқ Икромжоннинг Тоға бошлиқ ёр – биродарлари бу ерга етиб келишади. Ўз фарзанди қамишлар орасида томошабин бўлиб тургани ҳолда Низомжон ҳасса тутиб, тобут олдига тушади, дағи маросимидан сўнг ёлизламасин, деб Икромжоннинг ёнига кўчиб келади. Низомжон нигоҳи орқали Икромжоннинг эрталабгача «тиззасини қучоқлаганча қимирламай» ўтириб чиққанини таъкидланиши руҳий вазиятнинг нақадар оғир, ҳаддан ташқари таранг ва драматик эканлигидан далолат беради. Бошқа деталлар, чунончи, унинг «оқ оралаб қолган соқолида ёш томчилари

титраб» тургани, ҳамма дард – аламларга гувоҳ Низомжоннинг буни кўриб ҳўнграб йиғлаб юборгани кабилар бу тараангликнинг даражасини янада ошириб юборади.

Шу ўринда ёзувчи тасвирдаги трагизм оҳангини кучайтиришга берилиб кетиб, баъзи тафсилотлар ифодасида мантиқдан чекинганини ҳам таъкидлаш лозим. Масалан, Жаннат холанинг бу ерга дағи қилиниши, назаримизча, фақат Турсунбойдаги муносабатни кўрсатиш учунгина қилингандек таассурот қолдиради. Ҳар ҳолда ёзувчи бу масалада мантиқ бўйича иш тутса, ўзбекчиликда майитни тўғри келган жойга қўя бермаслик каби одатлар борлигини ҳисобга олса, яхши бўларди. Чунки бу ерда ҳали палаткалардан бошқа ҳеч нарса йўқ. Одамлар ҳам бутунлай кўчиди келган эмас. Бунинг устига Икромжоннинг авлод – аждодлари ётган қабристон у қадар узоқда эмас. Демак, кўриняптики, бу масалада ёзувчи бир томонни ҳисобга олиб, бошқа томонни унугиб қўйган.

Энди Сайд Аҳмаднинг «Уфқ» трилогиясида ёзувчининг характер яратиш услубининг ўзига хос жиҳатларини кўздан кечирайлик. Трилогиянинг биринчи китоби – «Қир беш кун» да ёзувчи услубига хос қатор хусусиятларни кузатиш мумкин. Биз китобнинг экспозициясидаёқ Икромжонни кўрамиз, Турсунбой билан танишамиз. Китобда кейинчалик асосий гап Азизхон ҳақида кетса ҳам ёзувчи гоҳ – гоҳ Икромжон, унинг ўғли Турсунбой ҳақида ҳам маълумот бериб боришига харакат қиласи. Бу маълумотлардан Турсунбойнинг ҳаддан ташқари арзанда эканини, айниқса, болалари ўлавериб юрак олдириб қўйган онаси Жаннат хола уни еру кўкка ишонмаслигини, ҳатто Икромжоннинг унча – мунча дакки беришларига ҳам йўл қўймаслигини билиб оламиз. Дастлабки лавҳалардаёқ «тентаккинасига» «тансиқроқ бир нима пишириб берай» деб, оғир оёқли бўлишига қарамай ўтин ёрган, ийқилиб шикастланган, шунда ҳам бу ишларга қарашмаган ўғлини койимоқчи бўлаётган Икромжондан «Боламга қаттиқ гапирманг. У нимани билади, ёш бола – ку», – дея уни ҳимоя қилаётган Жаннат холани кўрамиз. Яна шу эпизодларда Турсунбойнинг ўз «ёлғизлигини сезиб, ундан фойдаланиш», «уй юмушларига қарашмас»лик каби одатлари борлигидан ҳам хабардор бўламиз.

Шунингдек, худди шу саҳифаларда ўғлининг бундай одатлари сабабли илк бор «Икромжоннинг икки қоши оралиғига тутунчак туш»гани ҳам таъкидланди. Лекин биринчи бўлимнинг II бобида Турсунбой ҳақидаги гап давом эттирилиб, унинг Расул буванинг жанозасига «одам боласининг бир – биридан қарзи»ни узиш учун эмас, балки у ерга келадиган Йўлдош Охунбобоевни кўриш учун уйдан чиқиб кетгани айтилади – да, шу билан Азизхон ҳақидаги

гапларга ўтиб кетилади. Турсунбой ҳақидағи гаплар эса chalалигича қолиб кетаверади. Шундан сүнг у билан китобнинг учинчи бўлимининг II бобига келиб учрашамиз. Бу ерда энди Турсунбойнинг олдингилардан ҳам кўра жиддийроқ салбий одатлари билан танишамиз. Канал қурилишидан Умматалининг хати билан етиб келган Икромжон ҳовлига келганда, ўғли велосипедга ел берәётган бўлади. «Ҳозир мени соғинган болам югуриб келиб бўйнимга осилади, деб турган Икромжон»нинг «Турсун!» деб чақиришига, бошини кўтариб, «ҳозир», дейди—да, яна ишини давом эттираверади. Ўғлининг бундай қилиқларига ўрганиб қолган ота «ҳа, феъли шунаقا» деб қўя қолади. Аммо Умматалидан хотинининг касалхонага тушганини, ўлик бола туққанини, бунда ҳам, шунингдек, ўзига кеч хабар етишида ҳам Турсунбой айбдор эканини билгач, «Икромжоннинг панжалари тугилиб, муштга» айланади. Уйга келиб, нега хатни вақтида етказмадинг, деб сўраганда, ўғлидан «Ишим бор эди», деган лоқайд жавобни эшитади. Эрка фарзандининг бунчалик bemexр, беътибор эканидан дарғазаб бўлган ота жаҳл устида уни уриб юбормаслик учун «Йўқол! Кет, кўзимга кўринма!» деб ҳайдайди. Турсунбой эса дадасининг бундай куйиб—ёнишларига, «гуноҳим нима экан» деб ҳайрон бўлади.

Турсунбойнинг феълидаги бундай ғалати одатларга фақат ота—онанинг муносабатларини кўрсатиш билантина чекланилмайди, албатта. Унга холис одамнинг кўзи билан ҳам баҳо берилади. Масалан, уни яқиндан биладиган Умматали: «Икром, табиб табиб эмас, бошидан ўтган табиб, дейдилар, болангни сал тартибга солиб қўй. Ҳозир қайириб олмасанг, кейин ўзларингни қийинаб қўяди». («Уфқ» трилогия, 195—бет), дея кўнглидаги гапни очиқ айтади. Албатта, бундай холис фикр Турсунбой ҳақида шаклланаётган китобхон тасаввурига таъсир этмай қолмайди. Умуман, бу йўналишда берилган эпизодлардан қоладиган таасссурот шу бўладики, бир томондан она — Жаннат хола, ўн олти яшар йигитни ҳали гўдак деб ўйлади, унинг учун ўзини ўтга ҳам, сувга ҳам уриб юради. Иккинчи томондан, ота — Икромжон хотинининг бундай ялаб—юлқашлари яхши эмаслигини, ўғлининг куттганларидан бошқачароқ бўлиб ўсаётганини, бунда ҳаддан ташқари эркалатишлари сабаб бўлганини юрагининг бир четида сезиб туради. Сезади—ю, лекин кетма—кет етти боласини тупроқка кўмиб, кўнгли ярим бўлиб қолган хотинини бундай ишлардан қайтара олмайди, кўнгилчанлик қиласди. Бу кўнгилчанлик эса кейинчалик уларнинг ўзига қанчалик қимматга тушганини, қанчалик руҳий азобларга дучор қилганини трилогиянинг иккинчи китобидаги тасвиirlарда кўрамиз. Ҳар ҳолда «Қирқ беш кун»да Икромжон ва Жаннат холалар фожиасининг баъзи манбаларини,

күп қайтариқлар билан бўлса—да, маълум даражада беришга муваффақ бўлинган, дейиш мумкин.

Сайд Аҳмаднинг У.Норматов билан қилган юқоридаги сұхбатида айтган бир фикри эътиборни ўзига тортади. Унингча, агар ёзувчи қаҳрамонни «аввалдан чизиб қўйилган йўлдан юришга мажбур қиласа, қаҳрамон сунъий, ясама бир одамга айланади. У ўз характеристига мос келмаган қилиқлар қилиши, ўзи хоҳламаган гапларини айтиши, қўлидан келмайдиган ишларни адо этиши керак бўлиб қолади. Бундай китоб қаҳрамонининг саргузашти ўқувчини ишонтирумайди».¹ Агар шу нуқтаи назардан биз юқорида кўрган персонажлар фаолиятига эътибор қиласидиган бўлсак, асарда бу гапларга амал қилинмаган ўринилар ҳам бор эканлигини сезамиз. Бунга Икромжон — Жаннат — Турсунбой образларига даҳлдор гаплардан талай мисоллар келтириш мумкин. Шулардан биттасини кўрайлик. Маълумки, Жаннат хола — кетма—кет болалари ўлавериб юрак олдириб қўйиган аёл. Бунинг учун ўзи қаттиқ изтироб чекади (эҳтимол, қирқ беш ёшларга бориб ҳам ҳомиладор бўлиб юриши шундандир!) ва айни чақда эрининг олдида ўзини қандайдир гуноҳкордек ҳис қиласи. Хўш, шундай экан, ўғли айтганишини қилмагач, наҳотки ўзи оғир оёқли ҳолда бир қоп шолини томдан олиб тушишга, уни келида оқлаб олишга журъат қилган бўлса?! Бунинг оқибатини, эҳтимол, ёшроқ одам ўйламаслиги мумкиндир, лекин Жаннат холадек аёлнинг шундай қилишига ишониш қийин. Бундай иш, демак, ёзувчининг хоҳиши билан қилинган, аниқроғи, қаҳрамон шундай ишга мажбур этилган. Бундай зўраки харакат Турсунбойда кейинчалик содир бўлган хоинликнинг манбалари бўлмиш эркатойлик, худбинлик каби сифатларни бўрттириб кўрсатиш учунгина ёзувчига керак бўлган. Натижада, «қош қўяман деб, кўз чиқарилган» — бир томонни ўқувчига яхшироқ кўрсатиб бераман деб, иккинчи томон вайрон қилинган.

Ёзувчи Икромжон образини яратишда ҳам ана шундай ноаниқликларга йўл қўяди. Аввало шуни айтиш керакки, китобнинг учинчи бўлимидаги Икромжонни воқеалар оқимида фаолроқ қилиб кўрсатишга уринилган. У Лутфинисонинг таъзиясига ҳамқишлоқлари билан келганда, Тоғанинг гапига биноан Тўланбой иккаласи шу ерда қолади. Дастреб Азизхон ўзига келиб олганга қадар бу ерда туриш келишилган бўлса ҳам, Охунбобоевнинг таклифи билан орқада қолган қурилиш участкаси — олтинчи шалолага бориб ишлайди. Бу ерда у «Азизхон Зирилламанинг бошини осмонга етказиб турганда мен оёқости қилмай, деб жон —

¹ У.Норматов. Талант тарбияси. «Ёши гвардия» нашриёти, Т., 1980, 82-бет

жаҳди билан ишга шўнгиг бетади»². Икромжон тупроқ қазишида, ҳатто Азизхон билан беллашиб юрган Эш полвондан ҳам ўтиб бетади. Энди, тўғриси, Икромжоннинг яхши, вижданан ишлаганига эътиroz билдириш қийин. Лекин унинг Эш полвондан ўтиб кетишини ўйлаб кўришга тўғри келади. Бу ерда ёзувчи Азизхонга нисбатан қўллаётган муболагали ифодаларни ўйламай – нетмай Икромжонга ҳам ишлатилиб юборган кўринади.

«Уфқ»нинг иккинчи китоби – «Ҳижрон қунлари»да олдинги китобда гоҳ – гоҳда учраб турадиган драматик эпизодларга тез – тез дуч кела бошланади. Бунга лоақал китобнинг марказий фигуранаридан бири ҳисобланадиганлардан Низомжон бошига кетма – кет тушаётган турмуш ташвишлари, бегоналардан эмас, балки ўз жигарларидан, ўзининг энг яқин кишилари томонидан берилаётган маънавий зарбалар тасвири ҳам мисол бўлиши мумкин. Шунингдек, иккинчи бўлимда Икромжон тимсоли бор бўй – басти билан мураккаб тақдир, ғоят драматик, ҳатто трагик характер сифатида назаримизда намоён бўлади. Икромжон ҳақидаги гапларнинг бошланишидаёқ уруш унинг танасида ўчмас из қолдирганини билиб оламиз. Уни кўргани келган Райимберди тоға назари билан «Икромжоннинг бир оёғи йўқлигини кўриб, юраги жиз этиб кетди. Аммо буни унча сездирмади», («Уфқ», трилогия, 290 – бет) дейилади бу ҳақда. Қадрдони Райимберди тоғанини «юраги жиз этиб» кетгандан сўнг Икромжоннинг ўз ҳолатига, тўрт мучаси соғ одамдан бундай майиб – мажруҳга айланиб қолишига унинг ўзининг муносабатини, шу билан боғлиқ кечинмалари қандай эканлигини тасаввур қилиш қийин эмас. Агар бунинг устига унинг фронтда кўрганларини, кечирган азоб – уқубатларини қўшадиган бўлсак, манзара янада ойдинлашгандек бўлади. Ёзувчи қаҳрамондаги изтиробларга бундай драматик тўйғуларга маҳсус тўхталиб, унинг тасвирини алоҳида бериб ўтирмайди, балки айрим ишоралар қиласди, холос. Ана шунинг ўзи ҳам ундаги ҳолатни, кечган оғир руҳий жараённи тасаввур қилиш учун етарлидир. Масалан, бир ўринда Икромжоннинг қўлтиқтаёфини олиб, «тут тагига бориб, маҳорка ўраб» чеккани айтилади. Шу ҳодисага унинг хотини – Жаннат хола нигоҳи орқали баҳо берилади: «Жаннат эрининг қўлидаги қоронғида нурли чизиқ бўлиб қимирлаб турган чўқча қараб ўйланиб қолди. Эри чекмасди, фронтдан чекадиган бўлиб келибди» («Уфқ», трилогия, 293 – бет). Эътибор берсак, қаҳрамонда кечган мураккаб руҳий жараённи характерли деталь орқали лўнда қилиб гавдалантириб қўя қолишида қаҳҳор она усул қўлланганини сезишимиш қийин эмас. А. Қаҳҳор ўзининг машҳур «Асрор бобо» ҳикоясида тафсилоти берилемаган, лекин ўқувчи

² Саид Аҳмад. Уфқ. Трилогия. Ф.Ғудом номидаги Адабиёт ва санъат нашриёти. Тошкент, 1976, 209-бет. Мазкур агардни олинган кейинги парчалар ҳам шу нашрдан олиниди.

аинглаши мумкин бўлган жиҳат — қаҳрамоннинг олдин бошидан кечган руҳий жараённи кўрсатишда чилим деталидан фойдаланган, Асрор бобонинг чилим чекишига унинг кўп йиллик қадрдони Ҳайдарқул ота нигоҳи орқали баҳо берилган эди. Фикримизча, Саид Аҳмад бу ерда устози изидан бориб, унинг тажрибаларидан ижодий фойдаланиб, қаҳрамони ҳаётининг муҳим бир қирраси ҳақида ўқувчига шу усуlda тасаввур беришга муваффақ бўлган. Бу жиҳатга ургу берәётганимизнинг боиси бор, албатта. Икромжон, ёзувчи талқинича, элликлардан ошиб қолгап, ҳаётда кўп нарсаларни кўрган одам. Урушга боргунга қадар чекиши нималигини билмаган. Фронт ҳаёти, фавқулодда шароит уни бу одатта ўргаттан. Бундай одатни қаҳрамон тенгги одамлар, турган гапки, ҳавасга орттиришмайди. Бунга содир бўлаётган воқеалардан қоладиган таассурот, бошдан ўтаётган ҳар хил ташвишлар, шулардан келиб чиқадиган кучли ички эҳтиёж ундаган бўлиши мумкин. Қаҳрамон қиёфасини гавдалантиришда қўлланилаётган усул — Жаннат хола нигоҳи орқали Икромжоннинг фронтдан орттириб келган янги одатининг берилиши тасаввуримизни шу жиҳатдан тўлдиришга хизмат қиласи.

«Ҳижрон кунлари» нинг сюжет йўналишидаги дастлабки босқичлардаёқ ёзувчи Икромжон тақдирига дахлдор иккита чизиққа диққатимизни жалб этишга харакат қилаётганини сезамиз. Булардан бири Наймандаги тўқайзорларни ўзлаштиришга, иккинчиси эса Икромжоннинг ўғли Турсунбойнинг фронтга кетганлигига дахлдор гаплардир. Биринчи чизиқ, яъни тўқайзорларни ўзлаштириш масаласи дастлаб қаҳрамон тақдирига у қадар алоқаси йўқдек, Райимберди тоға бу гапни Икромжонникида Умматали сўрагандан сўнг шунчаки, одамларга билдириб қўйиш учун айтгандек бўлади. Лекин асаддаги воқеалар ривожи давомида бу чизиқ Икромжон тақдирига яқинлашиб, чатишиб, айни чоқда тобора кенгая бориб, пировардида, бош қаҳрамон учун ҳаёт — мамот майдонига айланиб кетганининг гувоҳи бўламиз. Турсунбой билан боғлиқ чизиқ эса олдин гүё ўзича мустақил ривожланиб бораётганга, алоҳида эътибор майдонида турганга ўхшаб кўринса — да, кейинчалик у ҳам биринчи чизиққа қўшилиб кетади, шу тариқа талқинда ички композицион яхлитликни вужудга келтиради.

Дарҳақиқат, дастлаб Турсунбой билан боғлиқ гапларга кўпроқ диққатимиз қаратилади. Мана, эътибор берайлик. Кеч кириб, келувчиларнинг оёғи тийилгач, эндиғина фронтдан қайтган Икромжон кўчага чиқади, жимжит далаларни кезади. Бу унда муайян бир кайфият ҳосил қиласи.

«Танга ёқадиган эрта баҳор шабадалари фир — фир эсиб, одам кўнглига аллақандай туйгулар

солади» («Уфқ», трилогия, 291 – бет). У айланиб анҳор олдидан чиқиб қолади. Анҳор эса олдинги хотираларни секин – аста қўзғаб, Турсунбойнинг болалиги билан боғлиқ лавҳаларни жонлантиргандек бўлади. Бу лавҳалар Икромжоннинг ўғлидан хавотир бўлиш туйғуларига уланиб кетади: «Турсунбой қаёқларда юрган экан? Кетар олдида Икромжон уни бағрига босолмади. Бу кунлар армон бўлиб қолмасин ишқилиб». Бундай хавотир туйғуларининг даражасини ҳис қилишимиз учун «Икромжон ўз хаёлидан ўзи қўрқиб кетди», дея таъкидлаб ҳам қўйилади. Икромжоннинг анҳор бўйида, фронтдан қайтган биринчи куннинг кечасида кўнглидан ўтаётган хотиралар, ўйлар оқимида Турсунбой гоҳ у, гоҳ бу тарзда кўриниб туради. Бир ўринда у «ҳамма вақт кимнингдир раҳнамолиги бўлмаса, ўзини эплолмайдиган боласини шерга айланиб кетган»дек, «ҳаммадан олдинда, арслондек наъра тортиб, ёв устига ташланаётгандек» тасаввур қиласа, бирдан «унга кийим ярашарди. Ҳозир шинелда қандоқ юрган экан? Ярашгандир» дея ўйлаб кетади. Хаёлидаги ўйларнинг яна бир тўлқинида «Отага у савлатли командирлардек бўлиб» кўриниб кетади. Эҳтимол, дастлаб, айниқса, «Уфқ»ни биринчи марта ўқиётган китобхон учун биз эътибор берадиган бу нуқта у қадар аҳамиятли туюлмаслиги, ахир, ота бўлгандан кейин фронтга кетган ўғлини ўйлайди, ундан хавотир ҳам олади, бунинг нима фавқулодда жойи бор, дейиши ҳам мумкин. Лекин кейинчалик бу гапнинг маъноси ойдинлашади. Икромжоннинг хаёлида кечаетган ўйлар тўлқинининг гоҳ у ерида, гоҳ бу ерида кўзга ташланиб турган Турсунбой билан боғлиқ гаплар кейинги воқеаларга уланиб, асарга қўшимча драматик руҳ бағишлайди.

Шу ўринда роман поэтикасига хос бўлган бир жиҳатни таъкидлаш жоиз. Икромжон – Жанинат – Турсунбойларга даҳлдор воқеалар тасвирида баъзан такрорлар, қайтариқларга дуч келинади Бундай ҳолни трилогиянинг биринчи китобида ҳам кўриш мумкин эди. Иккинчи китоб – «Ҳижрон кунлари» да ҳам бу анчагина учраб туради. Дастлаб булас асарнинг камчилигидай, ёзувчининг эътиборсизлигидай бўлиб кўриниб туради. Шуларни қисқартирса, ихчамлаштирса бўларди – ку, деб ҳам ўйлаймиз баъзан. Масалан, трилогияда Турсунбойнинг ёшлик йиллари, эркатой ва арзанда бўлиб ўсганлиги, ота – онасининг ёлғиз фарзанд атрофида қандай парвона бўлишгани ҳақидаги гаплар анча жойларда такрорланади. Хўш, буни асарнинг фазилати дейиш керакми ёки қусури? Бу масалани аниқлашда ёзувчининг ўз ижодий лабораториясига оид баъзи айтган гаплари муҳим аҳамият касб этади. Адабиётшунос У.Норматов билан қилинган ўша сұхбатда у ҳар бир конкрет асарни, ҳатто образларни яратиш жараёнида маълум бир оҳангнинг таъсирида бўлишини айтади. Бундай кезларда

«...руҳиятимда ғалати кайфият пайдо бўлиб қолади, — дейди у. — Музика, қўшиқ эшитишга майл пайдо бўлади», «Агар ўзим яхши кўрган бирон куй таъсирига тушиб қолсам, — деб давом этади у, — шу оҳангни лейтмотив қилиб оламану, китоб битгунча ўша куй кўнглимда чалиниб туради. Бу менга худди шеърга ўхшаб вазнни сақлашга ёрдам беради».¹ Демак, бу гаплардан трилогия сюжетининг Икромjon — Жаннат—Турсунбойларга доир йўналиши ҳам мустасно эмас. Дарвоҷе, Икромjon тақдирига даҳлдор баъзи эпизодларни яратишда маълум бир оҳангларнинг таъсирида бўлганини ёзувчининг ўзи эътироф этади ҳам. Хуллас, фикримизча, юқорида таъкидланган қайтариқ ва тақрорларнинг трилогия саҳифаларида учраб туриши ёзувчининг ижод жараёнидаги ўзига хослик билан изоҳданиши, бу, сюжет йўналишидаги ички ритм, «шеърга ўхшаб вазнни сақлаш» талабидан келиб чиққан бўлиши ҳам мумкин. Буни ёзувчи онгли равишда, шеърият ёки музика йўлидан бориб, тасвирда муайян йўналишдаги оҳангдорликни кучайтириш, шу орқали драматик тарангликни таъминлаш мақсадида қилганлиги ҳақиқатга яқинроқча ўхшайди.

Икромjon фронтдан қайтган дастлабки кунларда Турсунбойга даҳлдор гаплар бир икки марта, унда ҳам Жаннат холанинг сўзлари ёки хотира — ўйлари орасида бериб кетилади, холос. Шу сабабли бу масала у қадар ўқувчи эътиборини ўзига тортмайди. Икромjon билан Райимберди тоға жой кўриш, ўз хўжаликлари учун қулайроқ ерларни танлаш учун Найман тўқайзорларига биргаликда чиқишиди. Диққатимиз тўқайзор манзарасига, бу ернинг ўтмиши, энди қилинадиган ишлар ҳақидаги икки қадрдан дўстнинг ўзаро суҳбатига қаратилади. Улар тимсолида ёзувчи халқимизга хос ажойиб фазилатни — доим эртанинг ташвиши, ўйи билан яшашнинг жонли ифодасини беради. У томонларда қонли уруш кетяпти, одамлар жон олиб — жон беришаяпти, бу ерда эса шундай қийин бир шароитда янги ерлар очиш, янги қишлоқ барпо этиш ҳақида фикрлашшаяпти... Мана шу аснода ёзувчи китобхонни бир сирдан, Икромjon тақдирига даҳлдор бир хабардан воқиф қиласди. Бу оғир хабар Райимберди тоға орқали, унинг ҳолати, хаёлидан ўтган қисқа кечинма шаклида берилади. «Тоға Икромjonга қандайдир жуда зарур бир гапни айтмоқчи, аммо айттани юраги дов бермайди, — дейилади бу ҳақда. — Шу бир гапи унинг бутун вужудини ларзага солиши, ҳатто тақдирини ўша онда ё у ёқли ё бу ёқли қилиши мумкин. Айтсинми?

¹ У.Норматов. Талант тарбияси. «Ёш гвардия» нашриёти, Тошкент, 1980 йил, 104-бет

Яқинда ҳарбий комиссарлиқдан одам келиб унга Турсунбойнинг фронтга жўнаётган эшелондан қочганини айтиб, бу томонларга келган – келмаганини суриштирган эди.

Айтса, Икромжоннинг ҳоли нима кечади? Мана шу қочоқ – унинг биттаю битта боласи. У фақат шу боласи учун яшаб юрибди. У шу ўғлининг юрт ишига яроқли мард бола бўлганидан фахрланади. Эҳ – ҳе, унинг кўнглида қанча орзулари бор.

Агар Тоға шу гапни айтса... Йўқ, айтмагани дуруст. Вақти келиб, мавриди келиб ўзи билиб олар» («Уфқ», трилогия, 295 – 296 бетлар).

Дарҳақиқат, Тоға қарорини ўзгартирмайди – айтмайди. Икки ўртоқ – икки қадрдан тўқайзорларни кезишади, Икромжон айтган белги – бир пайтлар, канал қазиб юрган кезларда Йўлдош ота томонидан ўтказилган икки тўп толни топиб, янги қишлоқни шу ерда барпо этишни мўлжаллашади. Хуллас, кўп масалаларни муҳокама қилишади ҳамки, бу ҳақда гап бўлмайди. Лекин ёзувчи тасвирдаги оқимнинг остиқи қатламларида, кўзга ташланмасдан, асосий қаҳрамон тақдирни билан ёнма – ён тарзда шаклланиб келаётган бу йўналишни тўхтатиб қўймайди, эътибордан четда қолдирмайди, албатта. Жумладан тўқайзор тасвири берилган эпизодда шундай «туртки»ларни икки ўринда учратамиз. Биринчиси – Икромжон ва Райимберди тоға тамадди қилиб олиш учун ўтиришганда бўлади. Тоға «Икромжоннинг ёғоч оёғига қараб бир муддат ниманидир ўйлаб» туриб, «кўп қийналдингми?» деб сўрайди. Бунга Икромжоннинг жавоби шундай бўлади: «Қирт – қирт кесяптиямки, тентак Турсунбойим кўзимга кўринади. Худди мени кимга ташлаб кетяпсан, деяётганга ўхшайверади. Йўқ, ёлғизимизнинг толеига ўлмадим, омон қолдим. Келсан, у ҳам кетибди. Кетар олдида дийдорини кўролмай қолдим. Ишқилиб, омон қайтсан. Агар худо кўрсатмасин, унга бир нима бўлса, тамом бўламан...» («Уфқ», трилогия. 297 – 298 – бетлар). Кўряпмизки, Икромжон ўзига қаратилган гапни ўғли томонга буриб юборди. Бу эшитганларимиз табиий равища Тоға кечинмалари орқали билиб олинган машъум хабар билан боғланади. Икромжоннинг гапни ўғли томонга буриб юбориши, ўзини қўйиб Турсунбой ҳақида гапириши ўғли унинг ҳаётида қанчалик ўрин тутишини таъкидлаётган, эҳтимолки, маълум даражада бўрттираётган бўлса (чунки китобда ёлғиз ўғлини фронтга кузатган бошқа одамлар ҳам борлигини биламиз), иккинчидан, фронтчи, жанг майдонларини ўз қўзи билан кўрган, унинг нима эканини ўз вужудида синаган отанинг айнан ўша жойларда юрган ўғлидан хавотирланиш туйгуларини бераётир. Буни фақат Икромжоннинг гапларидан эмас, айни чоқда унинг

ҳолатини кўрсатувчи изоҳдан – гапираётганда овози титрашидан билиш ҳам мумкин. Албатта, мана шу картина – Икромжондаги хавотир туйғуси берилган ҳолатнинг ўзигина тасвирга керакли даражадаги драматик оҳангни бера олмайди. Шунинг учун ундаги бу ички тўлқин бошқа бир призмадан ҳам ўтказилади, яъни Икромжондаги бундай ҳолатга Райимберди тоға нигоҳи орқали муносабат билдирилади. «Тоға унга қараб туриб ич – ичидан ёнарди.

Билмайди, билмайди бечора, Турсунбойнинг қочганини билмайди. Қидириб юришганини билмайди. («Уфқ», трилогия, 298 – бет).

Фарзандига нисбатан бўлган соғинчини ҳам, хавотирини ҳам ўзи сезмаган ҳолда сўзлаш оҳангни орқали ифодалаётган Икромжон шу лаҳзаларда дўсти Райимберди у ҳақда нималар ўйлаётганидан мутлақо бехабар ҳолатда гапида давом этаверади: «Ишқилиб, мен бу ёқларда юрганимда болам қайтиб келса, уйдан тополмай сарсон бўлиб қолмасин – да. Келиб қолса, Тоға, ўзинг Найманга бошлаб келасан – да».

Мана шу усул – бир томондан, Икромжоннинг фарзандига боғлиқ туйғуларини, иккинчи томондан, Турсунбойнинг қочоқлиги билан боғлиқ Тоғадаги кечинмаларни ёнма – ён тарзда бериш мазкур ҳолатнинг таъсири бўлишини таъминлаган, тасвирга кучли драматик руҳ бағишлаган.

Романда Саид Аҳмад услубига хос бир ҳолатни таъкидлаш лозим. Бир картина ёхуд ҳодисанинг бирданига икки мутлоқа қарама – қарши жиҳатига эътиборни қаратиш, бир вақтнинг ўзида унинг икки ўзаро зид бўлган қирраларини кўрсатишга интилиш ёзувчи ижодида тез – тез учраб туради. Бундай манзара унинг ҳикояларида ҳам бор эди. Айниқса, трилогияда, хусусан, унинг иккинчи китоби «Ҳижрон қунлари»да бу усулга ёзувчи бир неча марта мурожаат қиласи. Кузатишимизча, ёзувчи бу усулдан икки мақсадда фойдаланганга ўхшайди. Бир хил ўринларда қаҳрамонларнинг турли даражадаги психологик ҳолатларини кўрсатиш, таъкидлаш орқали тасвирдаги ички драматизмни кучайтиришга эришади. Баъзан эса бу усул шароитнинг қанчалик оғир, мураккаб эканлигини кўрсатишда қўлланилади. У айниқса, ёзувчига уруш йилларидағи ҳаётнинг руҳини беришда иш берган. Масалан, қуийдаги парчаларга эътибор қилайлик: «Баҳор баҳор экан. Олисда ўт ёнишига қарамай, шаҳарлар вайрон бўлишига, одамлар ўққа учишига қарамай, барибир баҳор одамлар кўнглига аллақандай илиқлик олиб киради» («Уфқ», трилогия, 285 – бет).

ташлардим...» («Уфқ», трилогия, 313—314 бетлар) деяёттанини бекосдан эшитиб қолади. Дастьлаб у бирдан караҳт бир ахволга тушади, кейин ноқурай иш қилиб қўйганидан қизариб, бош эгиб ўтирган йигитнинг олдига келиб, уни бўғиб, «Айт, нима дединг, айт!» деб туриб олади. Йигитни Икромжоннинг қўлидан Тоға келиб, бўшатиб юборади. Икромжоннинг Тоғага «жавдираб» қараб, «ростми, Райим?» деган сўроғига энди у ноилож «Рост гап, дўстим, рост гап», дея ҳақиқатни очишга мажбур бўлади. Бу гап билан у дуч келган оғир вазиятдаги охирги илинж ҳам йўқолади. Қаҳрамондаги бу ҳолатни ортиқча тафсилотларсиз қисқагина қилиб, «Бирпасда Икромжоннинг қадди букилди — қолди» дея изоҳлайди ёзувчи. Китобхон эса бу қисқа изоҳдан катта маънони англаб туради. Энди Икромжонга Тоғанинг таскин бериш учун айтиётган гаплари ҳам кор қилмай, озгина муддат олдин баҳтиёрик туйғулари оғушида тўлиб — тошиб келаётган одам чексиз алам, изтироб олови ичиди қолади, файриихтиёрий харакатлар қила бошлайди. Мана, ўша ҳолат: «Икромжон бошини сарак — сарак қилди, жаҳл билан кўкрагига муштлади. Мушти қаттиқ бир нимага тегиб оғриди. Энгашиб кўкрагидаги орденни кўрди. У орден олганини унтиб қўйган эди. Жон ҳолатда орденни кўксидан юлиб олди.

— Ол, олиб қўй, Тоға. Тақишига ҳаққим йўқ» («Уфқ», трилогия, 315 — бет).

Дастьлаб ҳатти — харакатлари орқали бизга англашилаётган руҳий коллизия ифодаси энди қаҳрамоннинг нутқига, сўзларига кўчади. «Бош кўтариб қишлоқда юришга ҳам ҳаққим йўқ, — дейди Икромжон изтироб ичиди Тоғага. — Одамларнинг юзига қандай қарайман? Нима деган одам бўлдим энди? И — их! Қани энди, у ярамас шу топда олдимда бўлса, тилка — тилка қилсан. Бўғиб ўлдирсан». Эътибор берсак, Икромжоннинг мана шу сўзларида орқали унинг ўй — фикрларида бир лаҳзада қанчалик катта ўзгариш, бурилиш содир бўлганини сезиш мумкин. Биз отанинг ўғли ҳақидағи олдинги гаплари, ўй — фикрлари, хавотирларидан хабардормиз. Ўша ота — ёлғиз ўғлини еру кўкка ишонмайдиган Икромжон энди уни тилка — тилка қилмоқчи, бўғиб ўлдирмоқчи бўляпти. Икромжондай одам ўғли хоин, қочоқ чиқиб қолганда, эл — юртнинг юзига оёқ қўйганда, киндик қони тўкилган ерни ҳимоя қилишдан бўйин товлаганда бошқача гапни айтиши, ўзгача хуросага келиши мумкин эмаслиги бизга аён. Албатта, бундай хуросага келиш, ёлғиз фарзанди ҳақида бу қадар оғир гап айтиш ота учун осон эмас. Буни умрида биринчи марта бундай шармандали, инсонлик номусини ерга буқадиган маънавий зарбага дуч келиб қолган Икромжоннинг ўсал бир ҳолатидан, сўзларидаги алам,

изтиробга тўла оҳангдан пайқаш мумкин. Трилогиядаги энг мураккаб тақдир — Икромжон образи талқинидаги мана шу дастлабки руҳий «портлаш» лаҳзасини батафсил кўрсатиб, ёзувчи бирданига икки нишонни мўлжалга олади, икки ишни амалга оширади. Биринчиси, отанинг ўғли ҳақидағи ҳақиқатни эшитиб, бу аҳволга тушиши орқали Турсунбой қилган ишнинг нақадар оғирлигини кўрсатиш бўлса, иккинчиси, хоин фарзандини лаънатлаш орқали Икромжоннинг ўзининг қандай инсон эканини таъкидлашдир.

Ёзувчи кўп мурожаат қиласиган усул — бир картинашнинг ўзида қарама — қарши қутбларни кўрсатиш, ўзаро зид ҳолатлар тасвиридан фойдаланиш Икромжон характерини яратиша яхши натижа берганлигини айтиш керак. Мана, Икромжон Тоганинг кузатиб қўйишига ҳам унамай, уйига ёлғиз ўзи келади. Келади — ю «хотинимга нима дейман?» деган ўй хаёлидан ўтади, ўзини бир оз тартибга солган бўлиб ҳовлига киради. Бу ерда дуч келган манзара қўйидағича бўлади: «Айвонда Жаннат хола билан Низомжон гаплашиб ўтиришарди. Жаннат хола сандал устида турган суратни қўлига олиб, Низомжонга кўрсатар, ўғлининг болалиқдаги шўхликларини кулиб, йиглаб гапирав эди» («Уфқ», трилогия, 315—бет). Бу манзара ҳозиргина ўғли туфайли шунчалик куйиб — ёниб, бир амаллаб ўзини қўлга олиб ҳовлига кирган Икромжон учун қандай таъсир қилишини тасаввур қилиш қийин эмас. Лекин у дастлаб ҳеч нарса сездиримайди, айвон лабига ўтириб ёғоч оёғини ечади, орден солинган қизил қутичани ёнига қўяди. Жаннат эрига Низомжоннинг тузалиб қолганини, унга Турсунбойнинг суратини кўрсатаётганини, яъни у киришда ўз қулоғи билан эшитган гапларни яна такрорлади. Икромжон яна ўзининг руҳий мувозанатини сақлашга харакат қиласди. Лекин бу гал бир оз ўзгариш сезилади. Бунга «Икромжон ундан кўзини яширди» деда изоҳ берилади. Лекин у ўзини узоқ ушлаб туролмайди, Жаннатнинг Низомжонга қаратса «болагинам, шундоқ, эрка эди, шундоқ эрка эди, то мактабга боргунча ҳам дадасининг елкасидан тушмасди. Опичлаб гузарга олиб чиқардилар, опичлаб, магазинга олиб кирадилар» деда айтаётган гаплари Икромжондаги амаллаб сақлаб турилган руҳий мувозанатни остин — устун қилиб юборади, «ғайритабиий интилиш билан бир оёқлаб ўрнидан туриб» кетади, хотинига «Бас қил! Овозингни ўчир!», «Бунақа ўғлим йўқ! Бефарзанд одамман!» деда бақиради. «... Ўттиз йил бирга яшаб эридан биринчи марта бу хил гап» эшигаётган Жаннат хола Икромжоннинг важоҳатидан қўрқиб кетади, «Вой, нега унақа дейсиз! Тавба денг! Сизга нима бўлди? Сизга нима бўлди?» деганича каловлануб қолади. Бу драматик лавҳа сўнгида ҳар иккала қаҳрамон тушган ҳолат алоҳида — алоҳида берилади: «Жаннат хола нима бўлганини билолмай, деворга

жамон илжайиб турарди. Унинг бу қараши вайрон бўлган, қонга беланган уйнинг синиқ деразасидан мўралаб эрмак қилаётганга ўхшарди» («Уфқ», трилогия, 320 – бет).

Шу ўринда мазкур драматик картинага хос бир жиҳатни таъкидлаш лозим. Олдинги шу йўналишдаги картиналарга нисбатан бунисида – биз ҳозиргина кўрган картинаада қаҳрамондаги ҳолат, кечинмалар тасвирини фақат оқ ва қора ранглардан иборат қилиб қўймасликка, бу икки қутб ўртасидаги инсон руҳиятига хос бошқа товланишларни ҳам илғаб олишга харакат қилингани сезилади. Масалан, Икромжон Турсунбойнинг панжа излари қолган деворни чопищдан олдин унга узоқ тикилиб қолади. Ўғлининг суратини қўлига олгандаги унинг дастлабки ҳолати эса шундай ифодаланади: «Икромжон суратни юзларига суртиб, ҳўнг – ҳўнг йифлади. Ойнада унинг кўз ёшлари думалаб, рамка четида ҳалқоб бўлиб турди – да, пилдираб пастга оқиб кетди» («Уфқ», трилогия, 319 – бет). Икромжондек мураккаб бир тақдир ифодасида берилган бу муҳим жиҳат – хоин фарзандга нисбатан қарама – қарши қутбларни ташкил қилган тўйғулар оралиғида инсон иродасидан ташқарида бўлган ана шундай психологик лаҳза тасвири кейин ҳам асарда яна бошқа эпизодларда давом эттирилади. Бу мазкур образ талқинига яна ўзгача бир инсоний жозиба багишлаб туради.

Кейинги бобларда ёзувчи шунчалик драматик таранглиқдан сўнг Икромжонга бир оз «дам бергандек» бўлади, қаҳрамон турган мураккаб ҳолат ҳақидаги гаплар ўрнига бошқа, вазиятни хийла юмшатадиган тафсилотлар киритилади. Умматалиницидаги тўй – тантанадан қайтаётган Тоға Икромжоннинг уйи олдидан ўтаётганида эшиқдан қулоқ солади, у ердаги жимжитликдан хавотирга тушиб ичкарига киради. Ҳовлидаги аҳволни кузатиб, «Ҳали ҳам сандал устида бир қўлини пешонасига тираганча» ўтирган Икромжонни, «супада бир тиззасига бошини қўйиб, девор тагида дон талашаётган мусичаларга хомуш тикилиб қолган» Жаннат холани кўриб, ҳамма галга тушунади. Икромжонни бу аҳвoldан қутқариш учун уни нима биландир банд қилиб қўйиш керак, деган қарорга келади. Найманга кўчишнинг бутун ташвишларини унинг зиммасига юклайди. Тоға Икромжонни шунчалик ишга кўмиб ташлайдики, у ёқдан бу ёққа елиб – югуриб, бошига тушган ташвишларини ҳам маълум даражада унугаётди.

«Ҳижрон кунлари»даги мана шу эпизод беихтиёр А.Қаҳҳорнинг машҳур «Маҳалла» ҳикоясида тасвиirlанган воҳеани эслатади. Бошига оғир мусибат тушиб, кампири вафот қилган Ҳикмат бува бутунлай гангиб, нима қилишни билмай қолади. У шундай аҳволга тушадики, энди ўлимдан бошқа илож йўқ, деб

ўйлайди, ҳатто қабристондан гўр қаздириб, бутунлай ўзини шунга тайёрлаб қўяди. Унга на фарзандлари, на бошқалар айтиётган таскин берувчи гаплар кор қиласди. Ҳикмат бувадаги руҳий ҳолатнинг шу сўнгги нуқтасида маҳалладаги айрим донишманд, оқибатли, оқсоқол кишилар чора топишиди — у кишидан хайрли бир ишга бош қўшиб, ёрдам беришини илтимос қилишади. Дастрраб Ҳикмат бува бу «илтимос»ни бажаришга ҳафсаласизлик билан киришади, айтилган нарсаларни тезда топаман — у, кейин ўз режамни амалга ошираман, деб ўйлайди. Лекин иш у ўйлаганчалик бўлиб чиқмайди — айтилган нарсаларни топиш осон бўлмайди. Ваъдадан қайтиш, илтимосни бажармаслик ҳам мумкин эмас. Натижада, Ҳикмат бува бу ишга шунчалик берилиб кетадики, ўзи мўлжаллаган иш — тезроқ кампирининг ёнига бориш ҳам ёдидан кўтарилади. Шунинг учун қабристондан ўзи учун қазилган қабрни бошқалар учун фойдаланишга рухсат бериб юборади.

Дарҳақиқат, ҳикоядаги тасвирининг баъзи ўринларида ёзувчи ўз услубига содиқ қолган ҳолда юмористик оҳанглар ҳам қўллаган. Бу мантиққа зид келмайди. Ҳикмат бува ёшидаги бир одамнинг харакатларини берища бундай оҳангни қўллаш тасвирга ўзгача бир жозиба бағишлади. Лекин бу, асар негизидаги масаланинг ғоят жиҳдийлигига — одамлар ўртасидаги ўзаро ҳамдардлик, бир — бирига нисбатан меҳр — оқибатли бўлиш бизнинг ҳозирги кунларимизда ғоят долзарб масалага айланган бир пайтда маҳаллада яшовчиларнинг аҳиллиги деган гапларни нималарга қодирлигини бадиий кўрсатиб беришга монелик қилмайди. А.Қаҳҳор яхши одамларнинг Ҳикмат бувага муносабати, кўрсатган оқибати уни муқаррар ўлимдан сақлаб қолганини катта санъаткорлик билан кўрсатиб беради.

Албатта, «Маҳалла» ҳикоясидаги Ҳикмат бува билан Икромжон турган вазият ҳам, дуч келган ташвиш ҳам бир — бирига айнан ўҳшамайди. Уларнинг ёшлари ҳам бир — биридан анча фарқ қиласди. Лекин шундай бўлишига қарамай, бу икки тақдир ўртасида қандайдир муштарак жиҳатлар ҳам бор. Бу муштараклик, аввало уларнинг иккаласининг ҳам бошига оғир, тузатиб бўлмас ташвиш тушганлигида бўлса, сўнгра, шу вазиятда ҳар иккаласининг ҳам начор, ноилож аҳволда қолиши, бу аҳводдан чиқиш йўлини билмай караҳт бир ҳолатга тушишида мужассамлашгандир. Шундай бир ҳолатда маҳалладаги оқибатли кишилар Ҳикмат бувани ўлимдан сақлаб қолгани сингари Раимберди тоға Икромжонни ҳовлисига қамалаб олиб, забун, ўз ёғига ўзи қоврилиб ёттан бир аҳводдан кўчага — одамлар даврасига олиб чиқади, эл — юртга яна аралашиб кетиши, ноқобил фарзанд туфайли қадди букилган, ғам — алам ичида қолган дўйстининг ўзини тиклаши учун чора топади.

Түгри, ёзувчи Икромжон тақдирига дахлдор драматик тарангликни бутунлай бўшатиб, тарқатиб юбормайди. Бу тўлқин тўхтаб қолишига йўл қўймай, муайян турткilar воситасида уни сақлаб туришга харакат қиласди. Масалан, топшириқларни зўрга қоронги тушганда бажарган Икромжон ҳисоб бериш учун Тоғанинг уйига келганда меҳмон ўтирган бўлади. Тоға уни қўярда – қўймай ичкарига олиб киради. Мезбон бир иш билан ташқарига чиқиб кетганда, меҳмон Икромжонни гапга солиб, колхоздаги сўнгги ишлар ҳақида сўзлаб қолади. «Қизиқ, бири қаҳрамон, бири қочоқ», дейди. Бу гап Икромжонга қандай таъсир этишини тасаввур қилиш мумкин. Мана, ўша ҳолат: «Икромжоннинг юраги «шув» этиб кетди. Уни кимдир гўё электр токи билан ургандек бўлди. Тили гапга келмай, нималардир деб ғўлдиради. Кейин қизариб кетди.

Икромжон қандай қилиб эшикка чиқиб қолганини билмайди. Ош олиб кираётган Тоғага урилиб кетди. Ўгирилиб унга бир қаради – ю, ўқдек отилиб кўчага югурди» («Уфқ», трилогия, 326 – – бет). Икромжонда яна қайтадан ҳосил бўлган бундай оғир кайфиятни ёзувчи рамзий йўсингда табиат билан боғлаб шундай ифодалайди: Атроф қоронги. Осмонда на ой, на юлдуз бор. Назарида бу қора кечаки бир умр оқармайдигандек эди».

Ҳар ҳолда Тоға кўрган тадбир ўз самарасини беради. Икромжон аҳволига разм солишга, энди нима қилиш кераклигини ўйлаб кўришга ўзида куч топа олади. Бундай пайтда «эр киши сифатида хотин олдида ўзини дадил тутиши, кўз ёшини яшириши, бирон харакати билан алам чекаётганини билдириб қўймаслиги керак» деган хуносага келади. Шу сабабли уйига чеҳрасини очиб, ўзини қўлга олиб киради. Хотини билан биргаликда Найманга кетишини, ўзларининг ҳозирги ҳолати учун шу иш маъқул бўлишини маслаҳат қилишади. Шу пайтгача ўз ташвишлари билан бўлиб қарийб унугилаётган Низомжонни чақириб, унинг мақсад ва ниятларини сўрашади. Хуллас, ҳаммаси Найманга биргаликда кегадиган бўлишади. Лекин эртасига Жаннат тўсатдан айниб, турли важлар билан кейин борадиган бўлади. Гарчи тасвир йўналиши ўзгариб, Икромжон руҳиятидаги драматик коллизиялар ифодаси ҳозирча орқа ўринга ўтган бўлса – да, ёзувчи унинг ички ҳолати билан боғлиқ харакатларига назар ташлашни унутмайди. Масалан, бир жойда Найманга жўнаш олдидан бўлган йигилишда ҳали ҳам кечаги уйида бўлган тантанада кийган кийими билан юрган Умматалининг, унинг хотини Тўти холанинг «ҳар бир харакатини Икромжон қимирламай кузатиб» турганлиги ҳақида гап бор. Яна бир ўринда ҳамкишлоқлар номидан Азизхонга ёзилган хатта қўл қўйишида кўпчилик Икромжоннинг кузатиб турганлиги айтилади.

Учинчи бир жойда эса шулар билан боғлиқ тарзда қаҳрамоннинг кайфиятига ишора бор. «Икромжоннинг қовоғи солиқ. Орқага қарамайди. От ёлларининг силкенишига қараб ўй ўйлаб кетарди», дейилади бу ҳақда. Хуллас, Икромжон ташзи кўринишидан бошقا ишларга, ташвишларга чалғигандек бўлиб кўринса—да, уни биз гувоҳи бўлган ички ғалаён, безовталик, изтироб туйғулари тарк этмаган. Ундаги бу жиҳатни ёзувчи турли муносабатлар, сабаблар орқали кўрсатиб таъкидлаб бераверади.

Икромжон тақдиди ҳамиша трилогиянинг иккинчи китобидаги воқеаларнинг марказида туради, ўзига хос драматик негизни ташкил этади. Модомики, бу образ зиммасига шунчалик масъулият юклаган экан, унинг талқинидаги ҳар бир нуқта, ҳар бир чизиқ чуқур асосланган, мантиқ тарозисида қайта—қата ўлчаб кўрилган бўлиши шарт, албатта. Шу мезондан қарайдиган бўлсак, эътиroz билдирадиган, ёзувчи билан бахслашадиган ўринлар борга ўхшайди. Масалан, Икромжоннинг фронтга бориши, у ердан бир оёғидан ажраб, ёғоч оёқда келишини олайлик. Маълумки, қаҳрамон талқинидаги бу жиҳат асарда ғоят муҳим вазифани бажаради, тасвирга жиддий драматик руҳ бағишлади. Агар биз Икромжоннинг бир оёқлаб ўрнидан туриб кетишиларини, ўғлининг суратини ёғоч оёғига уриб синдиришиларини, тўқайзорда ўлимини топган ёлғиз фарзандининг жасадини қўлтиқ таёқда гўр қазиб кўмишларини тасаввуримиздан соқит қиласиган бўлсак, бу образ тенг ярмига, эҳтимол, кўпроқ ҳам ўз аҳамиятини, таъсирини йўқотган бўлар эди. Демак, шундай экан, бир оёғини ташлаб келган ўша жанг майдонларига, фронтга Икромжон қандай тушди, бу масала асарда қандай асослаб берилган, деган саволлар ўз—ўзидан туғилади. Бунинг боиси бор, албатта. Чунки биз биламизки, иккинчи жаҳон уруши даврида ҳарбий хизматта муайян ёшгача бўлган одамлар олинган. Чунончи, СССР Олий Совети Президум—ининг 1941 йил 22 июнь фармонига биноан 1905—1918 йилларда туғилган кишилар ҳарбий хизматга олиниши эълон қилинган.¹ Тури йўллар ва сабаблар билан фронтга тушган одамлар ҳам кўп бўлган, албатта. Масалан, фашистларни тезроқ собиқ СССР ҳудудидан қувиб чиқариш, бу умумхалқ курашига ўз ҳиссасини қўшиш учун ёшини ё каттартириб, ёки бўлмаса кичрайтириб фронтга кетган кишиларимиз қанчадан—қанча эканлигини ҳам тарихдан биламиз. Бу гапларни таъкидаётганимиздан мақсад шулки, Икромжон биринчи китобда ўқувчига эллик ёшлар атрофидаги киши сифатида тақдим қилинган эди. Катта Фаргона канали қурилишидан сўнг фронтга кетган вақтга қадар ҳам, табиийки, унинг ёшига ёш қўшилгани аниқ. Демак, бу пайтда

¹ Великая Отечественная война 1941-1945. Словарь-справочник. Москва, издательство политической литературы, 1985 г. стр. 12.

эллиқдан анча — мунча ошиб қолган ёшдаги одам бўлади. Хўш, шундай катта ёшдаги одамнинг ҳарбий хизматга олинишини, фронтга боришини қандай асослаш мумкин? Бундай мантиқий саволга китобдан жавоб тополмайсиз. Назаримизча, масаланинг бу томонини ёзувчи ҳисобга олмаган кўринади. Бу масала билан қизиқишимизнинг сабаби шундаки, ўз тенгқурлари орасида фақат Икромжонгина фронтга боради. Бинобарин, бундай жиҳат мазкур образ талқинида қандайдир очиқ ўринлар ҳам борлигини, унинг фаолиятига оид ҳамма нуқталар ҳам мантиқан пухта йўлаб кўрилмаганини кўрсатади.

Юқорида билдирилган мулоҳазаларга шундай якун ясаш мумкин. Адабиётимизнинг йирик намояндаларидан бири бўлган ёзувчи Саид Аҳмаднинг муҳим бир йўналишдаги ижодий йўли, масъулиятни ҳис этиши, бир мавзуни ифодалашдаги узоқ йиллик изланишлари фақат кетма — кет юксалиб борадиган парвозлардангина иборат эмас. Бу йўл ҳеч қачон бирдек равон ва силлиқ бўлмаган. Унинг қанчалик баланд — пастликлардан, кўтарилиш — тушишлардан иборат эканини ёзувчининг қатор асарларини, улардаги баъзи образларни таҳдил қилиш жараёнида кўрсатишга харакат қилдик. Бу айтилганлар, бизнингча, таниқли ва катта истеъдод эгаси бўлган бир ёзувчи ижодининг аҳамиятини пасайтирумайди, уни камситмайди. Шунинг учун унга адабиётнинг, жонли адабий жараённинг табииатига хос хусусият сифатида қараш керак. Қолаверса, у ёзувчилик меҳнатининг қанчалик мураккаблигини, ижодий изланишларнинг қай даражада сертўлқин, ранг — баранг бўлишини яна бир бор тасдиқлади.

МАВЗУ ВА МАҲОРАТНИНГ ЭГИЗАКЛИГИ

Узоқ йиллар мобайнидаиккинчи жаҳон уруши ҳақида фақат унда иштирок этган кишиларгина ёзишлари керак, деган қараш устунлик қилиб келди. Муҳими, бундай фикрнинг тарафдори бўлган кишилар — ҳарбий мавзуда ижод қилаётган, ўзлари ўша жангу жадалларнинг қатнашчилари бўлган таниқли ёзувчилар эдилар. «Кўрилмаган ҳаёт ҳақида асло ёзилиши мумкин эмас, — деган эди шулардан бири, таниқли рус ёзувчиси К.Симонов. — Ҳатто тарихий роман ҳақида гап кетганда ҳам. Чунки у ҳам ўзининг бадиий асоси бўйича — кўрилган ҳаётнинг бошқа шаклдаги ифодаси... Тарихий романда қайсиadir тарзда тарихий, психологик характерларга у ёки бу ўзгаришлар киритиш орқали ўз ҳаётий тажрибасини бошқа даврга ўтказиш ҳодисаси содир бўлади. Бинобарин, уруш, ўзини кўрмасдан у ҳақда ёзадиган кишини ўзгача бир қийин аҳволга солиб қўяди... Биз ўн мартараб вужудимизда синааб кўрганимиз — отишмалар, бомбардимон вақтидаги

инсоннинг сеэгиларини бирор марта ҳам ўлим хавфини бошидан кечирмаган одам қандай қилиб бериши мумкин, ахир?!»¹. Шунга мазмунан яқин фикрларни уруш қатнашчилари бўлган Ю.Бондарев, В.Биков, Г.Бакланов каби ёзувчилар ҳам билдиришган.

Лекин ҳозир тараққиётнинг шундай бир босқичига кўтарилидикки, бунда урушни кўрганлар ҳам, кўрмаганлар ҳам келажакка хаъф солиб турган ядрорий ва кимёвий қирғин – баротларга қарши курашда бирлашишдек, баҳамжиҳат харакат қилишдек тарихий зарурият ўз – ўзидан пайдо бўлди. Зиддиятларга тўла ҳаёт одамлар олдига янги урушларнинг, улардан келиб чиқадиган даҳшатли оқибатларнинг такрорланмаслиги учун ёппасига, оммавий равишда интилиш лозимлиги масаласини кўндаланг қилиб қўйди. Шу талаблардан келиб чиқсан ҳолда турли ўшдаги, турмуш тажрибаси ҳам шунга мос бўлган, истеъодод даражаси хилма – хил қалам эгалари бу ишни амалга оширишга киришдилар. Булар орасида ҳатто ўша бўлиш эҳтимоли бор ядрорий урушлар пайтидаги ҳаётни кўрсатишга характерист қилиб кўришган адабиёт ва санъат намояндалари ҳам бўлди. Лекин булар айрим тажриба – огоҳдантиришлар эди, холос. Бу иш, асосан, тарихдаги охириги, энг қонли, фожиаларга тўлиб – тошган, жароҳати шунчак йиллар ўтган бўлишига қарамай ҳамон битмаётган иккинчи жаҳон уруши воқеаларига мурожаат қилиш орқали амалга оширияпти. Кейинги пайтларда ўтган уруш воқеаларига оммавий равишда мурожаат қилиш замоннинг талабига айланганини, бундай ишга фақат фронтчи, ўша даврни яхши биладиган ёзувчилар эмас, балки кейинги авлод вакилларининг ҳам маънавий хақлари бор эканлигини юқорида номлари келтирилган ёзувчиларнинг ўзлари ҳам эътироф этишга «мажбур» бўлдилар. Жумладан, юқорида сўзлари келтирилган К.Симонов таниқли бир адабиётшунос билан бўлган сұхбатида, ҳарбий мавзунинг узоқ – узоқ йилларгача ҳам ниҳоясига етиб бўлмаслигини, ҳали бу ишда урушни шахсан ўз вужудида синаб кўрмаган кишилар ҳам иштирок этажагини айтган экан.

Модомики замон ижодкорларни – ёшидан, тажрибасидан ва урушни кўрган – кўрмаганидан қатъий назар – битта тарихий заруриятга рўпара қилаётган экан, демак, улар учун бу ҳам ўзига хос бир синов, маҳоратини намойиш қиласидиган майдон ҳисобланади. Бундай жиддий, масъулиятли вазифани фақат ҳақиқий ёзувчилик истеъододи, ўтган уруш ҳақидаги бор гапни ҳалоллик ва рўйи – рост айтиш билан, бу муқаддас, ватандошларимиз қони эвазига битилган тарихни оз бўлса ҳам бузиш, бўяб – безаб кўрсатишга интилиш эса қандай ёмон

¹ «Вопросы литературы» 1973 г., № 1, стр. 159.

оқибатларга олиб келишини, улар хотираси учун қай даражада ҳурматсизлик бўлишини чуқур англаш ҳисобига адо этиш лозим бўлади. Рус адабиётшуноси В.Новиков айтганидек, «Ёзувчи урушнинг фожиавий томонлари ҳақида қанчалик ҳаққоний гапирса, душман устидан қозонилган ғалабада ҳал қилувчи аҳамиятга эга бўлган ҳалқ жасоратининг, қаҳрамонлигининг буюклигини шунчалик кўпроқ англаймиз»¹. Демак, ҳозирги шароит бу мавзуга мурожаат қиласидиган ёзувчининг истеъдод ва маҳоратини ҳам, ижодкорлик бурчи ва замон талабини тушуниш даражасини ҳам кўрсатадиган бир майдон бўлиб қоляпти.

Мумтоз Мұхамедовни китобхонлар таниқли ҳарбий ёзувчиларимиздан бири сифатида билишади. Унинг бу мавзудаги ҳикоялари, қиссалари анчагина машҳур дейиш мумкин. «Кичик горнizon» повести 50 – йилларда тилга тушган асарлардан бири эди. Ёзувчи кейинчалик шгу асарни қайта ишлаб, «Жанггоҳ» деган ном билан романга айлантирди. Асар иккинчи жаҳон уруши воқеаларини анча катта вақт кўламида қамраб олади. Тўғри, унда, асосан, бир партизан отрядининг фаолияти ҳақида гап кетади. Масала шундаки, романда бу отряднинг уруш бошланган вақтларида ташкил этилишидан тортиб, то охирига қадар қилган ишлари, партизанларнинг душманнинг орқа томонидан туриб берган зарбалари тасвирланган. Воқеалар ривожида турли миллат вакиллари бўлган қаҳрамонлар билан танишамиз. Султонали ва бошқа ўзбек йигитлари ҳам бу умумхалқ курашида катта жонбозлик кўрсатишади. Лекин буларнинг ҳаммасини бевосита тасвирнинг ўзидан кўра кўпроқ ёзувчининг ахбороти шаклидаги изоҳларидан билиб оламиз. Бутун асар давомида қаҳрамонларнинг қилаётган ишлари, «Чақмоқ» номли партизан отрядининг фашистларга қарши олиб бораётган кураши ҳақида гап – сўз кўп, аммо шулардан бирор эсда қоладиган, одамни ҳаяжонлантирадиган бадиий эпизодни кўрмаймиз. Бунинг устига асарни ўқиётганда шундай жумлаларга дуч келамизки, уларни бадиий асар, роман деб тақдим қилинган ҳолда қўйлимиздаги китобга қандай кириб қолганлигига ажабланишдан бошқа иложимиз қолмайди. Масалан : «Галдаги ишларни режалаштириб, шитоб билан ишта киришиди. Комиссар деган шарафли номни оқлаш учун астойдил харакат қилди»¹

«Шунақами ҳали? – тутоқиб кетди комиссар. – Барibir жангни яна афсонавий тепалиқдан бошлаймиз, – деди асабий, самимиilik иплари тортилиб, узилгандай ҳис қиларкан ўзини»

¹ Вопросы литературы, №2, 1983 г., стр. 16.

¹ Мумтоз Мұхамедов. Ташланган ясирар. Иккى жылдан 2-жылд F. Гулом номидаги Адабиёт ва санъат национали. Тошкент. 1980 йил, 217-бет.

(ўша китоб, 357 – бет). «Комиссарнинг шахсий ҳаёти ижтимоий – сиёсий курашга айланиб бораётганини қалбан сезді» (ўша китоб, 358 – бет). «Қалби ватанпарварлик ҳисси билан түлиб тошган Тимофей бу ишларни иштиёқ билан бажааради» (365 – бет) ва ҳоказолар. Бундай мисолларни мазкур асардан, түғриси, кўплаб келтириш мумкин. Таниқли ва тажрибали ёзувчининг романида оддий хабардан фарқ қилмайдиган, ҳатто жўнгина ички фикр мантиқига эга бўлмаган бундай тасвиirlарни кўриш, табиийки, ажабланарли ҳолди.

Суннатулла Анорбоев ҳам ўтган урушда душман билан юзма – юз жанг қилган, фронт ҳаётига нимаки хос бўлса, ҳаммасини ўз вужудида синаб кўрган адилларимиздан. Тўғри, бу ёзувчининг ижодида ана шу кўрган – билгандари – уруш даври ҳаёти асосий ўрин эгаллади, дейиш қийин. У, гарчи фронтчи – ёзувчи бўлса – да, кўпроқ тинч ҳаёт билан боғлиқ масалалар ҳақида ёзишни маъқул кўради. Албатта, бу ҳар бир ижодкорнинг шахсий ҳуқуқи, майли билан боғлиқ жиҳат. Ҳар ҳолда С.Анорбоев гоҳ – гоҳда бўлса – да, ўзи кўрган иккинчи жаҳон уруши давридаги ҳаётга мурожаат қилиб туради. У олдин бу мавзуда айрим ҳикоялар ёзган эди. кейинчалик у «Сайли» номли роман ёзиб, асарни уруш даврдаги кишиларимизнинг турмуш ташвишлари тасвирига бағишилади.

Одатда ҳар бир адид ўзининг навбатдаги асарини олдингилардан яхшироқ ёзишга, ундаги воқеаларни, одамлар тақдирини янада қизиқарли, ўқувчини ўзига жалб этадиган даражада қилиб беришга интилади. С.Анорбоев ўзининг «Сайли» романнинг баъзи саҳифаларида бунга муваффақ ҳам бўлди. Бу ўринда асар қаҳрамонларидан бири – Жалолхоннинг ҳаёт йўли билан боғлиқ жанг манзаралари тасвиirlangan саҳифаларни тилга олиш мумкин. Ёзувчи бу образ тимсолида эътиқоди бутун, эл – юртга меҳри баланд душманга нисбатан нафрати кучли кишиларимизга хос хислатларни беришга интилади. Бу хислатлар жанговар ишларда ҳам, одамларга Жалолхоннинг муносабатида ҳам сезилиб туради. Романда Зулфизар образи ҳам, гарчи эпизодик бўлса – да, уруш даврига хос трагизми билан эсда сақланиб қолади. Оғир синов йилларида бирданига икки суюкли кишиси – умр йўлдоши ва ўғлидан ажралиб, жинни бўлиб қолган бу гўзал аёлнинг тақдирiga ўқувчи лоқайд қарай олмайди.

Лекин, афсуски, романнинг ҳамма саҳифаларини ҳам шундай ҳаяжон, қизиқищ билан ўқилади, деб айтиш қийин. Масалан, бош қаҳрамон Сайлиниң тақдирни психологик таҳлил учун жуда кўп материал бериши мумкин эди. Чунончи, Сайлиниң ҳаёти тақдир тақозоси билан ғоят чигал кечади: уч марта оила қуради, лекин ҳеч

қайсисидан у ёлчимайды; биринчиси фожиали ҳалок бўлади, иккинчисидан ажралади, учинчисидан «қора хат» олади; тўнгич фарзанди Ўқтамдан тириклай айрилади; икки етим гўдакни ўз тарбиясига олади; отасинг ва синглиси Соттихоннинг ташвишлари унинг зиммасида бўлади; ўзи ишлайдиган корхонадаги юлғичларни фош этишга тўғри келади ва ҳоказо. Ёзувчи қаҳрамоннинг бошига шунчалик турмуш ғавғоларини қалаштириб ташлайди – ю, булар унинг қалбида қандай садо бераётганлиги, қандай излар қолдираётганлиги билан ҳамма вақт ҳам қизиқавермайди. Оқибатда, Сайлиниңг руҳий дунёси, ички изтироблари, оналик қалби яхши намоён бўлмай қолади. Мана шулардан бирини кўрайлик. Сайли иккинчи марта Маҳамадшер исмли кишига турмушга чиққанида, кўз очиб кўрган умр йўлдоши Жўра полвондан бўлган ўғли Ўқтамни ота – онасиникда қолдиради. Кейинчалик уни бағрига олишга эри Маҳамадшер қаршилик қиласди. Танқислик йилларида бу қариялар неварасини онасининг рухсатисиз фарзандга муҳтож бир оиласа тарбиялаш учун беради. Сайлихон бунга чидай олмай, ўғлини йўқлаб боради, лекин Ўқтамжонни унга кўрсатишмайди. Орадан бир оз ўтгач, бу оила шаҳардан кўчиб кетади, шу билан она ўғлининг изини йўқотади. Сайли кейинчалик тўнгич фарзандини бир – икки бора эсласа – да, унчалик қаттиқ безовта бўлмай қўяди. Анча йиллардан кейин бехосдан радиодан таниш овозни эшитиб қолади ва уни ўғли гумон қилиб, излаб йўлга тушади. Шундан кейингина қаҳрамон ҳам, ёзувчи ҳам Ўқтам ҳақида шу пайтга қадар жиддий ўйлаб кўрмаганларини сезиб қолишиди. Сайлихон ўзини ўзи энди гоҳ койишга, гоҳо эса оқлашга тушади: «Бироқ нафсијамбрини олганда ўзида ҳам айб бор. Шу қидиришни илгарироқ – масалан, Маҳамадшерницидан кетиши ҳамон бошлиши мумкин эди – ку? Ўқтамни топиши, қайтариб олиши ҳам мумкин эди. Чунки ҳақ – ҳуқуқ унинг томонида. Фақат мусулмончилик... лабздан қайтиш инсофдан эмас, деган андишага борди. Отасининг юзини қилди. Ҳа, сўздан қайтиш – иснод. Кейин иш, янги турмуш, янги жойнинг ройишини олгунича вақт ўтди. Бу орада Жалолхон армия хизматига кетди. Уруш. Қидирса, баҳона топилаверади. Лекин тўнгичини излаши, топиши, қайтариб олмаганида ҳам, вақти – вақти билан бориб хабар олиши мумкин эди – ку?»¹

Романда Сайлихоннинг иккинчи ўғли Фанишер образи ҳам, назаримизча, психологик йўналишда бўлиши лозим эди. Лекин ёзувчи бу имкониятдан ҳам етарли даражада фойдаланмайди, оқибатда қаҳрамоннинг қиёфаси хира ҳолатда қолиб кетади. Асарнинг тарбиявий жиҳати ҳақида ҳам баъзи мулоҳазалар айтиш

¹ Суннатулла Амирбаев. Сайли. Роман. F. Ғулом номидаги Адабиёт ва санъат нашириёти. Тошкент, 1979, 202-бет.

мумкин. Бош қаҳрамон Сайлихон, юқорида айтганимиздек, уч марта турмуш қуради, унинг синглиси Соттихон эса иккى марта. Бундай ҳолат психологияк жиҳатдан жуда чуқур асосланиши лозим эди. Роман эса айнан шу жиҳатдан оқсайди. Сўнгти пайтларда С.Анорбоев уруш мавзуига яна қайтиб, ўзининг «Яхшилик уруғи» (1986) тўпламида бу ҳақда бир неча ҳикоялар эълон қилди. Тажрибали, уруш кўрган ёзувчимизнинг бу асарлари ҳам кишида қатор мулоҳазалар уйғотади. Чунончи, «Яхшилик уруғи» ҳикоясида тасвир ҳикоячи қаҳрамон тилидан олиб борилади. Сайфиддин – уруш қатнашчиси, омонсиз жанглардан тирик қайтган одам. Унинг укаси Тожиддин эса Курск атрофидағи тўқнашувларда ҳалок бўлган. Акаси укасини хотирлаб, унинг қабрини зиёрат қилгани боради. Ҳикояда қаҳрамондаги ана шу ҳолат, яъни Сайфиддиннинг укаси қабри тепасида турган пайтда хаёлидан кечәётган ўйлари, хотиралари ретроспектив тарзда берилади. Албатта, ҳикоядами ёки бошқа жанрда ёзилган асардами, воқеаларни қай йўсинда бериш ёзувчининг иши. Лекин ҳар қандай ҳолатда ҳам у меъёрни унутмаслиги, ҳар бир жанрнинг ўзига хос жиҳатларини ҳисобга олмаслиги мумкин эмас. «Яхшилик уруғи»да шу нуқтаи назардан камчиликлар бордек туолади. Ёзувчи ҳикояда кўлланилган тасвирий – ифодавий усулни сунистеъмол қилган кўриниади. Унда Тожиддиннинг деярли бутун ҳаёти, ҳарбий хизматга чақирилганга қадар бўлган барча ишлари, саргузаштлари кетма – кет ипга тизилади. Бу ҳикояда персонажлар сони кўпайиб кетишига ҳам сабабчи бўлган. Тўғри, ҳар бир инсоннинг ҳаётида қизиқарли, эсда қоладиган воқеалар жуда кўп бўлиши мумкин. Лекин ёзувчи у ёки бу жанрнинг талабларидан келиб чиқсан ҳолда уларни саралайди ва ўюштиради. Ижодкорнинг маҳорати ҳам мана шу жараёнда яхшироқ намоён бўлади.

Ҳикоядаги иккинчи камчилик баъзи персонажлар ҳақидаги маълумотларда ноаниқлик, зиддият борлиги билан боғлиқ. Масалан, бир ўринда Холбуви деган бир қўйши аёлнинг номи тилга олинади. Унинг номи гоҳ Холбуви дейилса, гоҳ кампир дея тилга олинади. «Сўна чақсанми, қайдам, қўнғир буқача уқалоғлаб Холбувими ийқитибди. Арқон қўл – оёғига ўралиб қолганми дейман, кампирни анча жойгача судраб сарсон қилиби».¹ Ёки яна: «Етиб борганингда Холбуви кийим – боши дабдала, тирсаклари шилинган, тупроқча беланиб ётган экан. Сен шўрлик кампирни даст кўтариб, уйига элтиб қўйган эдинг». Ҳикоядаги бу жойларни ўқиганда табиий равишда шундай савол туғилади: хўш, бу ерда бир қиз ҳақида гап кетяптими ёки кампир ҳақида? Агар кампир бўлса, нега уни ҳикоячи қаҳрамон гоҳида деб атаяпти? Агар бордию у ёш

¹ С.Анорбоев. Яхшилик уруғи. Ҳикоялар ва очерклар. F.Улом номидаги Адабиёт ва сағъат пашриёти. Тошкент. 1986, 16-бет.

бўлса, кампир дейилишига сабаб нима? Кўряпмизки, кичик бир эпизоддаги тасвир ҳақида бизда шунчалик мужмал, мавҳум, қарама – қарши бир таассурот қоляпти.

Ҳикоядаги учинчи камчиллик асардаги публицистик талқинга мойил нуқталар билан боғлиқ. Умуман, бу масала ҳақида илмда турлича қарашлар мавжуд. Бадий асарда публицистик рух, талқин бўлиши мумкинлигини ҳозир энг машҳур асарлар ҳам тасдиқлади. Лекин бу ўринда гап у ҳақда эмас. Муҳими, асарда қўлланилаётган ўша публицистик талқиннинг қандай вазифани бажараётганида, ҳаҳрамоннинг дардига, ҳолатига қанчалик мос, ҳамоҳанг эканлигидаидир. «Яхшилик уруғи» ҳикоясида шу жиҳатдан ёзувчисига эътиroz билдирадиган талай ўринилар учрайди. Мана, Сайфиддиннинг укасининг қабри тепасида у ҳақда ўйлаган ўйларидан бир парча: «Мана сен, сенинг қаторингда ётган дўйстларинг авлодларимизнинг бутунги фаровон ҳаёти учун, фашизмга қарши қонли курашда жон бердинглар. Сизларга чинакам мардона ўлим насиб этмиш. Шунинг учун ҳам номларингиз мармарга ўйиб битилган: номингиз дилларимизда, тилларимизда. Ҳеч қачон на бўрон ўчира олади, на асрлар сурони» (ўша китоб, 18 – бет). Адиб томонидан ҳикоя ҳаҳрамони Сайфиддин хаёлидан кечеётир, деб даъво қилинаётган фикрлар укасининг қабри тепасида турган одамнинг ўйларига сира ўхшамайди, уни минбардан туриб нутқ сўзлаётган одамнинг гаплари дейиш мумкин. Унинг ўзи ҳақида укасига хайллан айтган гапларига, берган ҳисботига ҳам эътибор берайлик: «Ҳеч нарса ўз – ўзидан юзага келмаган. Мен ҳам яхшилик уругини сочай, деб эл қатори меҳнат қиляпман. Меҳнатимнинг самараси қачон бўлмасин бир кун юзага чиқар, ярқираб дўйстлариминг кўзларини қувонтириб, дилларида эзгулик уйғотар, деган умид билан юрибман...» Ҳикояда айтилмоқчи бўлинаётган бутун гапларнинг магзини ташкил этиши лозим бўлган ҳаҳрамоннинг бу мушоҳадалари шу тарзда берилади. Кўрганимиздек, оҳангнинг баландпарвозлигида, жимжимадорлигида у ҳам олдингисидан қолишмайди. Минбарлардан айтилавериб жонга тегиб кетган бундай оҳангдаги гапларни жигарининг қабрини зиёрат қилиш учун узоқ жойлардан келган бир кишининг ўйларига, кечинмаларига кўчириш ёзувчи учун нимага керак бўлганилиги ажабланарли ҳолдир. Тўпламдаги «Арафа» деб номланган ҳикоя «Яхшилик уруғи»га нисбатан дурустроқ таассурот қолдиргандек бўлади. Тўғри, бунда ҳам газета тилига ўтиб кетиш, ҳаҳрамон кечинмалари берилётган тасвирда «Бироқ факт фактлигича қолади» қабилидаги сийقا жумлалар учрашидек ҳолларга дуч келамиз. Лекин айни тоқда бунда муаллиф жанр имкониятларини ҳисобга олгани, ҳаётий материални жанр табиатидан келиб чиқиб уюштиришга харакат қилгани кўриниб

туради. Бу ерда ҳам иккинчи жаҳон уруши даврига ретроспектив тасвир орқали мурожаат қилинади. Бош қаҳрамон Эшматта неварасининг «уруш—уруш» ўйнаши, бобосидан «сиз ҳам асир тушганмисиз» деб сўраши хаёлан ўша оғир кунларга қайтишига, хотирлашита бир сабаб бўлади. У ўз жанговар ҳаётидан айнан шу сўроқча боғлиқ бир лавҳани эслашга харакат қилади. Шу тариқа урушдаги кичик бир жанг эпизоди, қаҳрамоннинг ҳаёт—мамот чизигидаги ҳолати кўз олдимииздан ўтгандек бўлади. Бу эпизодни беришда ёзувчининг шахсан ўша ҳаётни билиши сезилиб туради. Жанг шароитидаги қаҳрамоннинг ҳолати, харакатлари анча аниқ берилган. Ҳаёт ва ўлим чизиги устида унинг икки фашист билан олишуви ҳам, кейинчалик ўша фашист билан аравада ёнма—ён ётгандаги хаёлидан кечган ўйлар ҳам табиийдек туюлади.

Ҳикояда ёзувчи қўллаган тасвир усули қулай имкониятлар яратган. Жумладан, муаллиф оғир кунларни ҳозирги ҳаётимиз билан боғлайди, одамларнинг шу кунлардан туриб ўша даврда қилинган ишларга қарашларини, шу орқали инсониятга азоб—уқубат, қирғинлик келтирадиган бундай даҳшатларга муносабатни беришга муваффақ бўлади. Ҳикояда тасвиirlантанидек, ўйнаб юрган неварасининг ортидан қараб қолган Эшматнинг хаёлидан ўтаяётган «Кошки эди армия фақат сайил, тантанали кўриклар учунгина сақланса, уруш—уруш фақат болаларнинг ўйнигагина айланиб қолса! Инсоният умрбод уруш балосидан халос бўлса!» (ўша китоб, 21—бет) каби гаплар янги урушга қарши курашаётган кўплаб кишиларнинг фикр—ўйларига уланиб кетгандек бўлади.

Таниқли ёзувчи Ҳамид Фулом ҳам уруш даври ҳаётини яхши биладиган, шу мавзуда бир неча асарлар яратган адибларимиздан. Ҳ.Фуломни урушдан сўнгти йилларида ёзган «Олмос қизи» повести, 60—йилларда майдонга келган «Тошкентликлар» романни муносабати билан адабий танқидчилиқда анча фикрлар билдирилган. Ҳ.Фуломни ўша синов йилларида мамлакат ичкарисида бўлган ўзига тенгдош ёзувчилардан бир жиҳат ажратиб туради. Сайд Аҳмад, Раҳмат Файзий каби ёзувчилар, асосан, ўзларига яхши таниш бўлган, ўзлари бевосита ичиди юрган ҳаёт ҳақида ёзишади. Ҳ.Фулом эса фақат меҳнат фронтидаги воқеалар ҳақидағина эмас, балки жанг майдонларида бўлган тўқнашувлар, ўша шароитдаги одамларимизнинг жасорати ҳақида ҳам бемалол ёзаверади. Ҳ.Фулом урушнинг шундай йўналишдаги ифодасини беришни «Бир миллион можароси»¹ китобига кирган «Мангу олов» ҳикоясида ҳам давом эттиради. Ҳикояда урушнинг биринчи кунларида катта талофтolar кўриб чекинаётган батальоннинг душмандан узоқлашиш, ўрмон

¹ Ҳ.Фулом. Бир миллион можароси. Ҳикоялар ва драма. F.Фулом номидағи Адабиёт ва санъат нашриёти, Тошкент, 1986 йил.

ичига чекиниш учун имкон беришга қолдирилган зенит батареяси ва пулемёт ячейкасининг тақдери, олиб борган қисқа муддатли ҳаёт—мамот олишуви мисолида жангчиларимиз кўрсатган жасоратни бадий ифодалаб бериш мақсад қилиб қўйилган. Асарнинг умумий сюжет йўналиши анча равон, ҳамма қисм ва бўлаклари жой—жойига қўйилгандек таассурот қолдиради. Сержант Саид Убайдуллаев, наводкачи Андрей Никифоров ва оддий аскар Мамед Шихлиевдан иборат зенит батареяси, шунингдек, тўрт пулемётчи ва икки пулемётдан ташкил топган ячейка ҳам ўз жанговар вазифаларини бажарадилар, имкон даражасида душманни тўхтатиб, батальоннинг бехавотир масофагача бориб олишига шароит яратиб бериб, етти жангчидан олтитаси ҳалок бўлишади. Тирик қолган жангчи—сержант Убайдуллаевни эса зенит тўпи яқинида портлаган авиабомба тўлқини зарби узоққа учирив юборади, бу «асабларини буткул қақшатиб, кар ва соқов қилиб» қўяди. Шунингдек, ҳушсиз, караҳт бир аҳволда ётганда сосновкалик қишлоқ Советининг раиси Богдан Иванович Петренконинг хотини Раиса Петровна ва қизи Оксана уни топиб олишиб, партизанлар ёрдамида ўз уйларига олиб келишади. У шу ерда бир неча кун туриб, энди ўзига келай деганда, қишлоққа фашистлар келишади ва уйларни тинтув қилишади. Ўзи ётган жойга чиқиб келган фрицларнинг талайини ўлдириб, сўнгра улар тўдаси турган жойга ташлаган гранатасидан чиқсан ёнгиндан сержантнинг ўзи ҳам куйиб, ҳалок бўлади.

Ҳикояда бевосита жанг манзаралари тасвиридан кўра, пойтахтимиз асосий майдонида бўлган собиқ «Мангу олов»га тез—тез келиб турадиган «сийрак сочи буткул оқарган, юз—манглайнини ҳисобсиз майда ажин қоплаган, томирлари туртиб чиқсан қўйларо қалтирайди»ган бўлиб қолган, «доим одми қора кўйлакда, қора баҳмал камзулда, оддий маҳси—ковушда» юрувчи, «бошига ташлаган дока рўмол» «ўй—хәёлидай, фикр орзуларидай оппоқ» бир нуроний онанинг ҳолатини, қиёфасини ойдинлаштириш асосий муддаога ўхшайди. Очифини айтиш керакки, ёзувчи томонидан қўлланилган бундай композицион усул ўзини у қадар оқламаган. Оддин урушнинг том маънодаги бир трагик воқеаси келтирилиб (ахир, зенит батареяси ҳам, пулемёт ячейкаси ҳам батамом қирилиб кетади—ку!), ҳикоя сўнгида рамзий—шартли бир тасвирга ўтилиб, «Мангу олов»га зиёрат учун келадиган она ҳақида «Агар бирор менга: бу она сержант Саид Убайдуллаевнинг онаси, деса албатта, ишонаман» дейилиши, назаримизда, асардан олинадиган таассуротни ўзgartаририб юборгандек. Эҳтимол, бундай тахминий қиёсларни бирор публицистик асарда қилиш мумкиндири. Лекин ҳикоя ўз табиати билан фоят аниқликни, конкретликни талаб

қыладиган жанр. Бу ўринда жанрнинг ана шу оддий талаби ҳисобга олинмаган кўринади.

Энди бевосита ҳикоядаги бизни қизиқтирадиган асосий воқеаага – жангчиларнинг ўзлари қолган участкада кўрсатган жасорати тасвирига келадиган бўлсак, бу ўта жўн, умумий бир тарзда берилган. Аввало, бу ерда ёзувчи нимага ёки кимга асосий эътиборни қаратаётгани номаълум. Ҳикояда талай кишиларнинг номлари тилга олинади – капитан Зинченко, сержант Убайдуллаев, наводкачи Андрей Никифоров, оддий солдат Мамед Шихлиев, почтальон Зина Соколова, шунингдек, Богдан Иванович Петренко, Раиса Петровна, Оксана ва ҳоказо. Лекин шу персонажларнинг қайси бири атрофида воқеалар уюшаштанини ажратиш қийин. Ҳар ҳолда ҳикоя сўнгидан онага тааллуқли гаплардан, шунингдек, бошقا бир – икки жумлалардан ёзувчининг Саид Убайдуллаевни асар марказига қўйиш нияти бор экани сезилиб туради. Лекин бунинг учун асарда на тайинли бир харакат, на мазкур персонаж руҳиятига боғлиқ ҳаётий ҳодиса акс эттирилади. На ҳиссий – эмоционал кўринишида, на хатти – харакатда образларни бизга яқинлаштирадиган белгилар кўринмайди. Китобхонни ларзага солиши, урушнинг ҳақиқий даҳшатини очиб бериши лозим бўлган эпизодлар инсоний мазмундан, жонли ҳиссиётдан маҳрум бўлгани учун у оддий бир гаплар йифиндисидан иборат бўлиб қолган.

Ҳикоядаги воқеалар аниқ бир жойда, муайян бир шароитда юз беради. Лекин тасвирдан буни англаш, ажратиб олиш қийин. Мана, эътибор берайлик. «... тонг ёриша бошлаши билан аввал гала – гала самолётлар ҳавони қалдиратиб, гарбдан шарққа учиб ўта бошлайди, кейин фронт бўйлаб ўнлаб жабҳаларда тўплар гулдуроси янграйди; бу чексиз садо, тинимсиз варанглашлар, портлашлар, хуллас, даҳшатли қиёмат – қойим асабларни қақшатади, мияларни пармалайди, ўлим хавфини шундоққина бошингиз тепасига қора булатудай келтириб қўяди...» (ӯша китоб, 3 – 4 бетлар). Бу ўта умумий гапларга изоҳ бериб ўтиришнинг ҳожати бўлмаса керак. Энди бундан кўра аниқроқ берилган эпизодларга ҳам мурожаат қиласайлик. Ўзларининг қандай ишга қолаётганини яхши билишган жангчилардан бирортасининг ҳаётидаги сўнгги жанг олдидан бўладиган руҳий ҳолатига эътибор берилмайди. Улар аслда ўзларининг бу ерда қолдирилиш сабабларини ҳам, почтачи қиз Соколова нима учун уйларига хат ёздириб олганини ҳам аскар сифатида тушунмасликлари мумкин эмас. Ҳикояда тасвирланган мураккаб, драматик вазият асносида бирор персонажда ялт этган туйғу, ҳолат тасвири кўринмайди. Гўё булар жонли, ҳали ҳаётдан кўп нарсаларга умидвор бўлган инсонлар эмас, балки қандайдир машиналар, роботларга ўхшайди. Улар охирги жанг олдидан на

ўйлайдилар, на ҳаяжонланадилар. Персонажлардаги кайфиятни бериш мумкин бўлган бошқа восита – хат ёзиш жараёни ҳақида ҳам шуни айтиш мумкин. Мана, Саид ҳақидаги гап: «Саид онасига ёзган хатида соғ – саломатлигини, фронтда жанг қилаётганини, икки қуролдош дўсти билан бирга кечча фашистларнинг учта самолётини уриб туширганини ва жонажон Ватани олдидаги фарзандлик бўрчини сўнгги нафасига қадар адо этишга тайёр эканлигини маълум қиласди» (ўша китоб, 4 – бет). Тўғри, бу ерда Саид онасига ўз хаёлидан ўтаётган нарсаларни ёзмаслиги мумкин. Лекин бундай оғир вазифа олдидан хат ёзаётган пайтдаги ундан кечайтган психологик жараённи ёзувчи кўрсатиши, инсон ҳаётидаги бундай трагик ҳолатни ўқувчи ҳис этиши керак – ку! Инсондаги жасорат ҳам, эътиқод ҳам унинг шундай ҳал қилювчи ҳолатдаги ўйларига, ўзини тутишига, хуносаларига қараб белгиланмайдими? Бундан ташқари зеничиларимиз ҳам, пулемётчиларимиз ҳам жанг бошланганда нишонга бехато урадилар – ҳеч қийналмасдан учиб келаётган «мессер»лардан биттасини уриб туширадилар, келаётган танклардан бирини тўхтатадилар. Немис пиёда аскарлари эса «йўл бўйидаги икки пулемётимизнинг оғзидан тинимсиз сочилиб турган оловга дуч келиб, тубидан арраланган даражатлардай гурс – гурс қулай бошладилар» (ўша китоб, 6 – бет).

Ҳикоя материалидан қанчалик даҳшатли тўқнашув бўлганини тасаввур қилиш мумкин. Лекин ёзувчининг фронт ҳаётига доир бундай эпизодларни бадиий ифодалай олмаганлиги оқибатида трагик кўринишдаги лавҳалар таъсирсиз сўзлар йигиндисидан иборат бўлиб қолган. Шунинг учун олдинги воқеаларга қанчалик эътиборсизлик билан қараган бўлсак, жангчиларимизнинг мажақланган зенит тўпи ва пулемётлар ёнида чўзилиб ётган мурда шаклидаги ҳолатига шунчалик бефарқ қоламиз. Бундай даҳшатли манзара биздаги туйгуларни ларзага келтира олмайди. Юрагимизда бирон даражада акс садо беришга қодир эмас.

Ёзувчи учун ҳикояда уруш даҳшатини кўрсатишда бошқа жиҳатдан ҳам яхши имконият бор эди. Бу – Богдан Иванович Петренко (партизанлар бригадасининг отряд бошлиғи) томонидан жангчилардан хабардор бўлиб туриш учун қолдирилган хотини Раиса Петровна ва қизи Оксаналардир. Бўлган тўқнашувни улар нигоҳи орқали кўрсатиш, унинг асл манзарасини шу йўл билан очиб бериш мумкин эди. Чунки улар бу жангни бошидан охиригача кузатиштан, кучлар нисбати ер билан осмонча фарқ қиласдиган бу ҳаёт – мамот олишувига гувоҳ бўлишган эди: Лекин уларнинг таассуроти, нигоҳи орқали берилган тасвир ҳам умумий гаплардан нарига ўтмайди. Мана, бу қандай берилади: «Она билан қиз кун бўйи давом этган жанг шовқинларини: самолётлар гулдуроси,

бомбалар портлаши, түплар наъраси, танк занжирларининг фижирлаши, пулемётлар тириллаши, автоматлар «сайраши»ни қарайғазорнинг йўлга яқин бир жойида, қалин дараҳтлар орқасида яширинганча эшитиб ўтирадилар. Йўлда бомбаларнинг бот – бот портлаб туриши, тинимсиз харакат, немисларнинг бақириқ – чақириқлари уларга бизнинг жангчиларимиз эгаллаб турган ерларга яқинлашишга имкон бермади» (ўша китоб, 7 – бет). Етти жангчимизнинг фашистларнинг шунчалик катта кучларига қарши олиб борган омонсиз жанг ҳақида улар орқали фақат шу маълумотгагина эга бўламиз, холос. Кейин бирдан атроф – теваракнинг жимиб қолгани, бу файри табиий сукунатдан "она ва қизнинг қалбларига ваҳима" тўлгани, «бир – бирига суюнганича, дараҳтлар орасидан кўриниб турган йўлга маъюс» тикилиши, сўнгра эса гардан шарққа кетаёттан душманнинг танкларию тўплари ва юк машиналарини санашиб тушиб кеттанилиги гапирилади. Тўғри, бу иш ҳам муҳим. Уларнинг бу ҳақдаги маълумоти партизанларнинг фаолияти учун ғоят аҳамиятли. Лекин улар инсонларга хос бўлган ҳиссисётдан бегона эмас – ку! Сал нарида бутун кун давомида еттига ватандоши – еттига тирик вужуд умумий иш учун жон бағишлаб курашаётгани, ҳаёт билан видолашаётгани наҳотки уларга таъсир қилмаса! Ҳатто улар шу даражада ҳиссизки, ҳалок бўлган жангчиларни четроқ жойга олиб келишда ҳам ҳеч нарса ўйлашмайди. Эътибор берайлик. «Она дамини ичига ютганча, қизининг чақон харакатларини кузатиб турди. Оксана ерга кўкрак бериб ётган биринчи йигитнинг қўлини ўз бўйнига солди ва белидан маҳкам ушлаганча судраб, дараҳтзорга олиб кирди. Раиса Петровна дарҳол қизининг ёнига келиб, унга кўмаклашиб юборди: икковлари жангчини майсага ётқиздилар. Жангчи чап кўкраги, ўнг чаккаси ва яна бир неча жойидан ўқ еган, юраги аллақачон тўхтаб, бадани совиб улгурган эди» (ўша китоб», 8 – бет). Улар шу тарзда ишларини давом эттиришиб, бир ярим соат ичига яна икки зенинчи ва уч пулемётчининг жасадини ўрмон ичига олиб киришади. Сержант Сайд Убайдуллаевни эса тирик, аммо карахт, ҳеч нарсани сезмайдиган бир ҳолатда топишиб, уни ҳам бехавотир жойга олиб келишади. Кўряпмизки, урушнинг шундай бир кичик, аммо даҳшатли фожиасини кўриб, на онанинг, на қизнинг юраги қылт этмайди, ҳаяжонланмайди, шошиб ҳам қолмайди, ўзларини худди тинч шароитдагидек совуққон тутишади. Ваҳоланки, улар урушнинг ҳақиқий даҳшати билан энди дуч келишяпти, илк бор бундай тўқнашувга гувоҳ бўлишяпти. Эҳтимол, ёзувчи, улар уруш шароитига тушган одамлар, шунга олдиндан руҳан кўнишиб кетишган, дея эътиroz билдириши мумкин. Ахир, айнан ана шу кўнишиб жараёнини кўрсатиш ҳам инсон қалбининг таҳлили учун бой материал беради – ку!

Бадий асарда инсон ҳар қандай ҳолатда ҳам инсонлигича – ранг – баранг түйғулари, ўй – фикри, ҳаяжони, хавотири ва ҳатто күркүви билан кўрсатилиши керак. Адабий асар шу жиҳати билан қизиқиш уйғотади, у ёки бу даражада аҳамият касб этади. Уруш мавзууда ёзилган асарда ўлим билан юзма – юз турган одамнинг руҳий ҳолати кўрсатилмаса, шундай даҳшатли манзаранинг гувоҳи бўлиб турган персонажларнинг кўнглидан нима ўтаётгани, ҳалок бўлган жангчиларни кўтариб, судраб бошқа жойга ўтказаётганда қандай аҳволда эканлигига ёзувчи қизиқмаса, бундай асар ўқувчига қандай таъсир кўрсатиши мумкин? Ахир, ўтган уруш мавзууга мурожаат қилишининг, у ҳақда асар яратишнинг зарурияти ҳам, мақсади ҳам, моҳияти ҳам – ҳамма – ҳаммаси шунда мужассамлашган эмасми?

Биз иккинчи жаҳон уруши жангларида бевосита иштирок этган М.Муҳамедов, С.Анорбоев ва урушда қатнашмаган бўлса – да уни яхши биладиган Ҳ.Ғулом асарлари ҳақида ўз кузатишларимизни, уларни ўқиши жараёнида хаёлимиздан кечган мулоҳазаларни баён қилишга харакат қилдик. Уларга қараганда ёшроқ, адабиётимизнинг кейинги авлодига мансуб бўлган бошқа бир ёзувчи – Фарҳод Мусажоновнинг «Кўргулик» («Шарқ юлдузи», 1986 йил, 3–сон) номли ҳикояси ҳам эътиборни ўзига тортади. Ф.Мусажонов уруш йилларидаги ҳаётни болалик таассуротлари билан эслайдиган ёзувчилар сирасига киради. Бунинг устига у уруш мавзууга тез – тез мурожаат қилиб турдиганлардан ҳам эмас. Лекин шундай бўлишига қарамасдан, «Кўргулик» ҳикоясида ёзувчи бу мавзуда асар ёзишга имкон берадиган нуқтани топа билган.

«Кўргулик» ҳикоясининг марказида Саври холанинг мураккаб тақдири туради. У ёши бир жойга бориб қолган кампир. Ҳаётдан камчилиги йўқ. Фарзандлари уйли – жойли, бола – чақали бўлиб, ҳаммаси ўзидан тиниб кетишган. Кампир қўлма – қўл – хоҳласа, унисиникига боради, хоҳласа, бунисиникига боради. Янги йилни ҳар йили шундай кутади. Лекин бу галги янги ҳил кутиш ундей бўлмайди. Умри бино бўлиб оғир касал бўлмаган Саври хола бу янги йил арафасида ўзини ёмон ҳис қиласди. Докторга учрашса, юрагининг мазаси йўқлигини айтишади. Бу гапдан кампир ортиқча хавотирланмаса ҳам, умрнинг поёни кўриниб қолганини қандайдир бир ички сезги билан ҳис қилгандек бўлади. «Майли, кўргулик экан... ёшимни яшаб, ошимни ошадим, етмиш тўртга кириш ҳаммага насиб қиласвермайди», – деб кўнглидан ўтказади у. Фарзандларига касаллигини айтиб ўтирмайди. Лекин бир кори ҳол бўлиб қолса, улар «довдираб қолишмасин», деб қарияларга хос одат – пенсия пули жамғармасидан расм – русумлар учун керакли

нарсаларни тайёрлаб қўяди. Аммо ўйлаб қараса, қилиши керак бўлган бошқа ишлар ҳали кўп экан. «Катта келини тўйига тайёргарлик кўряпти, Иккита кўрпачасини қовиб бериши керак, меҳнат ветерани дафтарчасини олиб бориб, ўртanca қизининг уйига телефон ўтказиб беришга ёрдамлашиши керак, уйига кенжа набирасини прописка қилиши керак, ўзидан кейин уй ўшанга қолсин – бечоралар саккиз жон уч хонали секцияда туришади. Қумри опанинг ҳолидан хабар олиб келиши керак. Хуллас, «керак – керак»ларнинг ҳолидан охири кўринмас эди.

Энг асосийси, ўттиз йилча ишлаган қадрдон заводига бир бориб келади. Ҳа, бу шарт!» Эҳтимол, шунинг учунми, фарзандларидан ҳеч қайсига бу янги йилни бирга кутишини «ваъда бермайди». «Сизни олиб кетгани келдим», – деб атайлаб келган набираси Ойсарани ҳам, уларникуга эртага ўтишга кўндириб, жўнатиб юборади. Кампир бозор қилиб келади, кечгача уриниб ҳасип солиб, ўзича бир дастурхон тайёрлайди.

Кампирдаги бу ҳолат, табиийки, китобхонда қизиқиши уйғотади. Тоби қочиб турган бир пайтда уйда ўтириш, фарзанду набиралари билан бирга бўлиш ўрнига унинг ёлғизликка майл қилиши, шу ҳолатда ўзини уринтириб дастурхон тайёрлаши бир оз ғалатидек туюлади ҳам. Лекин сал ўтгач, бу «ғалатилик»нинг сабаблари, мантиқи маълум бўлади. Саври хола кўнглига аён бўлган туйғулардан сўнг мардона бир ишга – ўз хотиралари билан учрашишга, умрини бир сарҳисоб этишга жазм қиласди. Бунинг учун энг қулай жой – унинг ўттиз йиллик умри кечган, не – не ғам – кулфат, шод – хурсандчиликларига гувоҳ, оғир кунларда жон сақлаб қолишида сабабчи бўлган нон заводига келади. Шу тариқа ҳикояга халқимиз ҳаётидаги оғир босқич – иккинчи жаҳон уруши даври, Саври холанинг бу синов йилларидағи қисматига оид тафсилотлар кириб келади. Шу йўсинда ҳозирги кунларимизда уруш даври ҳаёти томон ўзига хос бир ўтиш кўприги ташланади. Кўз олдимиздан аста – секин, худди кино ленталаридағи каби ўша даврнинг оғир шароити, шундай шароитда ҳар бир ишини эридан bemaslaҳat қилмайдиган, ҳар бир қадамини унинг рухсатисиз ташламасликка одатланиб қолган Саври хола, «бошта тушганини кўз кўради» деганлариdek, ҳаётнинг юкига қандай қилиб елка тутиб берганлиги, ўша йилларнинг чидаш қийин бўлган синовларига қандай қилиб чидаланлиги бирма – бир ўта бошлайди.

Ҳаётда ҳар хил одамлар кўп. Айниқса, ўша оғир йилларда инсондаги бор сифатлар кафтда тургандек юзага чиқди – қўйди. Нон заводида аравакашлик қиласдиган, маҳалладош бир кўзи ногирон Баёзқори деган одам ўзидан сўраб ҳам ўтирмай бошлиқлар

билан гаплашиб, унга иш топганини айтади. Саврининг «Вой, уларнинг олдиларидан ўтмай қандай кираман ишга? Эшитсалар, хафа бўладилар» деган гапига «Тўртта норасиданг бўлса, дўппи тикиб сотганинг қайси бирига етади? Гапни айлантирмасдан «хўп» деявер. Қодир эшитса суюнади, ишга кирганингга раҳмат айтади,» дея меҳрибонлик кўрсатади. Саври бу ерга келиб кўп дарддош одамлар орттиради. Айниқса, бир умрга қадрдан бўлиб қолган Кумри опадек меҳрибон аёл билан шу ерда учрашади. Ўзи ҳам қўлидан келганича бу дилпора аёлга мадад бўлишга харакат қиласди. Айни чоқда кўринишидан дағалроқ, эркактабиатроқ бўлган бу аёлдан кўп яхшиликлар кўради. Ҳикояда бу аёлнинг ҳам оғир қисмати, ўзига хос ҳаётий драмаси, дарду мусибатлари ўқувчини ҳаяжонлантирадиган даражада беришга муваффақ бўлинган.

«Кўргулилк»да Саври холанинг хотиралари мисолида оғир дамларда одамлар ҳамиша бир—бирига суюнишлари, вақтида айтилган бир оғиз ширин сўз инсоннинг ҳаётини ўзгартириб юбориши ҳаётий воқеалар орқали кўрсатиб берилади. Масалан, эридан «қора хат» олгач, ўлимни бўйнига олиб ётган Кумрини ёш бола Шералининг бир оғиз «кatta ойи» деб чақириши ҳаётта қайтаради, шу гўдак учун аҳамиятсиз эмаслигини юрак—юрақдан ҳис этади. Фронтдаги эрларидан гоҳ униси, гоҳ буниси маъшум хабар олиб турадиган, «Ўша кезларда сабаб бўлса, бўлди... азоб ва ҳижрон кемириб ёттан юракларини йиглатиб, бўшатиб» оладиган аёллар оғир дамларда бир—бирларининг ёnlарида турадилар, мусибатта бардош беришда, уни енгишда ҳамдардлик қиласди.

Ҳикояда уруш даврининг одамлар тақдирида қолдирган оғир, изтиробли излари қатор эпизодларда маҳорат билан кўрсатиб берилади. Мана, шулардан бирига эътибор берайлик. Саври эридан «қора хат» олган. У ўз навбатини ўтказиб, ишдан уйга қайтаяпти. Бирга ишлашадиган одамлар ўз ҳақларидан унга бир буханка нон беришади. Саври ўзининг ҳолати, мусибати ҳақида ўйлаб, изтироб ва фам юкидан эзилиб кетяпти. «Энг қийини болаларнинг кўзига қараш эди, — деб ўйлайди у, — уларга далда беришга қаёқдан куч олади?

Бироқ куч топиш керак эди. Нафақат бугун, бундан буён ҳар куни, ҳар доим — бир умрга куч топиш керак. Чунки болалари энди фақат унга боқим, ёлғиз унинг қарамоғида. Аравани бирга тортадиган йўлдоши, суюнадиган тоги — эри энди йўқ. Ҳайҳот, энди у танҳо!

Бир умрга танҳо!!» Шундай ўйлар гирдобида уйга келгач, Саври ўзини қўлга олишга харакат қиласди, чунки болаларга бу

мусибатни билдириласлик керак. «У оғзини очиб гапирса, ҳўнграб юборишини билиб индамади, қўлидаги нонни тўнгичига узатди. Нонга маҳдиё бўлган Шерали олдининг онасининг авзойига эътибор бермади, нонни олиб ҳайрон бўлди:

— Ие, ойи, нон нега ҳўл?

— Ҳе, болапақир, шунаقا ҳам савол берасанми? Нон йўл — йўлакай тўккан кўз ёшларимдан ҳўл, деб айтольмайман — ку сенга! — Саври йиғлаб юбормаслик учун лабини қаттиқ тишлади. Зийрак Шерали ҳаммасини дарров тушунди. Ва шу лаҳзада, ё алҳазар, болалиги тугаб, катта одамга айланди — қолди.

— Хафа бўлманг, ойи, мен борман, — дейди у ўта жиддий овозда, — бир амаллаймиз.

Саври миннатдорчилик билан тўнгичининг елкасига қўйини қўйди. Ҳали заиф ва нозик эди ўғлининг елкаси, лекин суюнса бўларди». Ёзувчи уруш даври ҳаётига хос муҳим нуқталардан бирига эътиборни жалб қиласди. Бу Шералининг бошларига туштан мусибатни сезиб, дарҳол руҳан катта одамга айланисб қолганлиги. Шунингдек, «Ҳали заиф ва нозик эди ўғлининг елкаси, лекин суюнса бўларди» деган гапларда ҳам катта рамзий маъно мужассамлашган. Ана шундай «заиф ва нозик» елкаларга давр ўзининг оғир, жуда оғир юкини ташлаганлиги, шу аснода улар гўдакликнинг шавқ — завқларига тўймай туриб катталар қаторидан ўрин олишга мажбур бўлганлиги ўша синов йилларининг энг оддий ҳақиқат эди — ку!

«Кўргулик» ҳикоясининг тили равон, услуби енгил. Ниҳоятда эркин, бирон жойда тўхталмасдан, қоқилмасдан ўқиласди. Ф.Мусажонов ҳаётдаги жиддий, оғир воқеаларни кўрсатмоқчи бўлганда, гапни кўпайтириб, чувалаштириб ўтирумайди. Вазиятни сунъий равишда драматиклаштириш йўлидан бормайди. Балки бундай мураккаб ҳолатларни ихчам ифодалар орқали бериб, муҳими, тасвирда аниқликка, у ёки бу картинани китобхон кўз олдига келтириб, тасаввур қила оладиган даражага етказишига интилади ва кўп ўринларда бунга эришади.

Шу жиҳатдан Йўлдош Сулаймон ижоди ҳам эътиборни ўзига тортади. Ўша оғир йиллар хотирасида учмас излар қолдирганидан бўлса керак, Й. Сулаймон бир қатор асарларини уруш мавзууда яратган. Чунки унинг бу мавзууда роман («Вафо»), повесть

(«Мұхаббат») ва очерклар ёзғанлиги маълум. «Авлодлар»¹ қиссаси ҳам ёзувчининг шу йўналишдаги асарларидан бири. Асарда ёзувчи ўз олдига уруш йилларида турли қирралари билан намоён бўлган ҳалқлар ўртасидаги дўстликни, қардошликни кўрсатишни мақсад қилиб қўйган. Бу қардошлик илдизларини чуқурроқ очиб бериш учун баъзан фуқаролар уруши деган ном билан шўролар тарихига кирган даврдаги ҳаётга ҳам мурожаат қилинади. Асардаги воқеаларнинг марказида украин қизи Мария Елисенко ва унинг юртига таътил пайти бирга бориб, уруш гирдобига тушиб қолган ўн бир яшар ўзбек боласи Искандарнинг тақдири турди. Повестда чегарага яқин бир неча қишлоқдаги ҳаёт ва бир партизанлар қўшилмасининг фаолияти кўрсатилади. Шунингдек, повестда анча катта муддат – урушнинг уч йиллик даври қамраб олинади. Очифи, кичик бир қисса ҳажмида қулочни бунчалик кенг ёзиб юбориш ёзувчини анча чалғитиб қўяди. Асарда урушнинг инсон тақдирида қолдирадиган аччиқ изларини кўрсатиб бериш, шу тариқа тақдир тақозоси билан уруш гирдобига тушган одамларнинг ўша шароитдаги психологиясини тадқиқ этишдан кўра, тезроқ китобхон кўнглига таскин берадиган, уни тинчлантирадиган якунга шошилганлик сезилиб турди. Уруш шароитининг қийинчиллик – ларини, одамлар бошига тушган оғир синовларни қаҳрамонларнинг ички кечинмалари орқали кўрсатиш ўрнига улар ҳақида шунчаки ахборотлар бериш маъқул кўрилади.

Шу асар баҳонасида бир масалага эътибор қилиш жоиз. Сўнгти пайларда эълон қилинган асарларда айрим адабий усулларни сийқалаштиришга ўхшаш бир манзара кўзга ташланаяти. Масалан, биз кўраётган асарнинг қаҳрамонларидан бири Искандар ёмон туш кўради. Тушида бир қарасанг, маҳлукқа, бир қарасанг, маймунга ёки одамга ўхшаб кетадиган оломон ёпирилиб келаётган бўлади. Кейинчалик шу оломон фашистлар бўлиб чиқади. Хуллас, бу туш таъсирида у жуда нохуш кайфиятда, кўзлари қизарган бир ҳолатда уйғонади. Орадан кўп ўтмай ҳақиқатан ҳам фашистлар бостириб келиб қолади. Агар туш детали фақат шу ўринда берилган бўлса, уни гапириб ўтиришнинг ҳожати ҳам йўқ эди. Лекин повестнинг бош қисмида ҳам туш ҳақида гап бор. Унда Насибахон – Искандарнинг аяси нохуш туш кўради, эртасига кечаси эса колхоз тузумининг душманлари томонидан ўлдирилган унинг эри Ёндашалининг жасадини олиб келишади. Мұхаббат Турбованинг «Авлодлар» («Шарқ юлдузи», 1986 йил, 10 –сон) қиссасида ҳам асосий қаҳрамон Фотима умр йўлдоши Сарвардан «қора хат» олишдан олдин ёмон туш кўради. Бундай мисолларни бошқа асарлардан ҳам келтириш мумкин. Бу хил қайтариқлар

¹ Й. Сулаймон. Авлодлар. Қисса ва қатралар. «Ёш гвардия» нашриёти. Тошкент, 1986 йил. Парчаларни шу нашрдан келтирамиз.

Үйкүвчинининг энсасини қотиришдан бошқа нарсага хизмат қылмаслиги маълум ҳақиқатдир. Фақат бу ҳақиқатни ёзувчиларимиз ҳам билиб қўйишса, яхши бўларди.

Ҳарбий прозамизнинг бир қатор намуналарида қаҳрамонларнинг ички ҳолатларини, психологиясини кузатищдан кўра тезроқ шон-шұхратта ўраб ташлашга, шу йўл билан китобхоннинг уларга нисбатан бўлган эътиборини оширишга мойиллик ҳолатлари учрайди. Аслида бундай кўргазмабоп қаҳрамоннинг адабиётга ҳеч қандай алоқаси йўқ. Иккинчи жаҳон уруши фронтларида жангчилар мукофотлар, унвонлар учун эмас, балки юртига бўлган садоқати, қолаверса, оддий фуқаролик бурчи туфайли ҳаёт—мамот кураши олиб боргандар. Ўша пайтлари уларнинг бундай нарсалар ҳақида ўйлашга вақтлари ҳам бўлмаган. Аммо баъзан шундай асарлар ҳам учрайдики, қаҳрамони, гарчи унчалик ҳайрон қолдирадиган даражада ишлар қилмаса—да, кетма—кет мукофот олишдан бўшамай қолади. Бундай асарлар, турган гапки, адабиётимиз рўйхатини безамайди. Энди «Авлодлар» қиссасига қайтайлик. Асарда шундай бир эпизод бор. Мария командирлик қилаётган партизанлар қўшилмасига Жилько келади. У Мариянинг қишлоқдоши, севган йигити Олеснинг ўртоқларидан бири. Унинг ўзи ҳам Марияни пинҳона севади. Мана шу йигит ҳақида айрим гумонли гаплар юради. Жилько Марияга Олеснинг Украина миллатчилари сафиға ўтиб кетганлиги ва коммунистларга қарши курашда ҳалок бўлганлиги ҳақида газетада ёзилган бир мақолани кўрсатади. Марияни бу хабарга унчалик ишонтира олмагач, Олеснинг энг яқин дўстларидан бири Пашконинг номидан унга ёзилган хатни ўқишига беради. Хатда ҳар иккаласининг ҳам (яъни Олес ва Пашконинг) фашистларга хизмат қилаёттанини кўрсатувчи гаплар бор эди. Шунда Жилько билмасдан ўзини фош қилиб қўяди. Чунки Пашко ўша қўшилма сафида жанг қилаётган бўлади. Муҳими, жанговар ишга кетаётгани учун мария Жильконинг қўл—оёгини боғлаб, қамаб қўяди ва эртасига кўпчилик олдида уни фош қилмоқчи бўлади. Лекин барибир бу гаплар унинг дилига хиракик солади. Шу пайтта қадар севган йигитидан ҳеч қандай хат—хабар йўқ. Бунинг устига Мариянинг ўзининг ҳам ишлари кўплигидан у ҳақда ўйлашга вақти бўлмаган. Энди шу воқеа муносабати билан қиздаги ички кечинмаларни, соғинч, хавотир, гумон каби туйғуларни кўрсатиш учун имконият тутғилади. Ҳўш, ёзувчи бу имкониятлардан қандай фойдаланади? Қаҳрамоннинг ушбу ҳолати унинг «...дилини бетайин шубҳалар тиранарди. Мария ўзини қанча ишонтирмасин, кўнглидаги шубҳаларни ситиб чиқариш учун қанча уринмасин, барибир дилининг бир чеккасини туман ўраб турарди» (ўша китоб, 115—бет) дея изоҳ бериш билан чекланиб қўя қолади. Кейинчалик эса бу

масала осонгина ҳал бўлади қўяди. Бир киши Олеснинг сурати ва унга Совет Иттифоқи Қаҳрамони унвони бериш ҳақида фармон чиққан газетани олиб келиб кўрсатади. Уни кўргач, Мария «Олесь, менинг оқ кўнгиллигим, сенинг мардлигингни билардим... сен – тириксан, сен – ўлмайсан! Сенсиз энди мен қандай яшайман, Олесь?!» (ўша китоб, 118 – бет) деган хитобнома гапларни айтади. Шу билан асарнинг энг драматик нуқталаридан бири бўлиши, қаҳрамон қалбидағи ички коллизиялар кўрсатилиши, китобхон ларзага келиши лозим бўлган бир ҳолат яқуиланади. (Шундай талқин М.Туробованинг юқорида тилга олинган қиссасида ҳам учрайди. Унда ҳам психологик таҳлил ўрнига қаҳрамонга олий унвонни бериб, бундай «ташвишлар»дан ҳаммани қутултириб қўя қолинади).

«Авлодлар» қиссасида кўзга ташланадиган бошқа бир камчилик – асарда Ўзбекистон ва Украина ерларида содир бўлган воқеалар тасвири бир – биридан ажralиб қолганлигиданadir. Ахир бош қаҳрамон Мария ва унинг ёнидаги Искандарнинг тақдири буларни бирлаштириб туради – ку, деган эътиroz бўлиши мумкин. Тўғри, ҳар икки қаҳрамонни ҳам повестнинг дастлабки саҳифаларидан бошлаб биргалиқда кўрамиз. Аниқроғи, Искандарнинг воқеалар оқимидағи салмоғи бир оз кейин сезила бошлайди. Лекин бу бошқа персонажларнинг тақдирини яrim чала ҳолда ташлаб кетаверишга асос бўла олмайди – ку! Қиссадаги воқеалар ифодаси Ўзбекистондан Украина тупроғига кўчгач, биз даслабки бобларда танишган персонажлар билан қайта учрашмаймиз. Илк таассуротлар остида улар билан хайрлашишга тўғри келади. Аммо улар билан учрашиш умиди бизни тарк этмайди. Бир – икки жойдаги Мариянинг ҳикояларида, Искандарнинг айрим гапларида уларнинг номлари тилга олинишини эътиборга олмасак, булар ҳақида бошқа маълумотни учратмаймиз.

Бу гапга урғу бераётганимизнинг бошқа сабаби ҳам бор. Маълумки, Мария бир йил Қўқон атрофидаги Қайнарбулоқда ишлагач, бобоси ва бувисидан хабар олгани юртига боради. Бунда у ўзига қадрдон бўлиб қолган хонадоннинг фарзанди. – Халил ота ва Хонбиби холанинг невараси, Насибаҳоннинг якка – ёлғиз ўғли Искандарни ҳам ола кетади. Улар етиб боргандан сўнг орадан бир неча кун ўтгач, уруш бошланиб қолади. Бу шароитда Искандарни юртига қайтариб юборишнинг эса иложи бўлмайди. Улар яшаёттан Олевск қишлоғи чегарага яқин бўлгани учун фашистлар бу ерга жуда тез етиб келиб қолишади. Ёшлар жанг майдонларига йўл оладилар. Қолганлар, жумладан, Мария ҳам, ўрмонга партизанлик қилгани жўнашади. Қишлоқда эса, асосан, кексалар ва болалар қолишади. Искандар Мариянинг буваси Петр Никитич, бувиси Вера

холалар билан биргалиқда қолади. Вера хола вафот эттач, улар ҳам партизанларга келиб қүшилади. Бир нарса ажабланарлики, Искандарнинг бу ерда қолиб кетганидан Мария ҳам, унинг оила аъзолари ҳам унчалик қаттиқ безовталанмайди. Бунга китобхон ишониши қийин, албатта. Чунки Искандарнинг тақдиди уларни ўйлантирмаслиги мумкин эмас эди. Ахир, бу бола улар туфайли бу ерга келган – ку! Буни ҳисобга олмаслик мантиқсизлик бўлиши турган гап. Бир ўринда Искандарнинг шундай ўйлари бор: «Энди қандай кетаман? Нимага келдим? Бувимнинг гапларига кирмадим – Мурғак дили типирчилаган Искандар шу топда Мариядан ҳам хафа бўлиб кетди. – Қистаб қўймади, – ўйлади яна у, – мана энди нима қиласман?» (ўша китоб, 58 – бет). Искандарнинг хаёлидан шундай гапларни ўтиши табиий эди. Лекин ёзувчи қаҳрамондаги бундай жиҳатлар билан унчалик қизиқиб ўтирамайди.

Шунингдек, Искандарнинг ўзи ҳам бу борада унчалик безовталанмайди. Тўғри, бошда унда бир оз шунга ўхшаш ҳолат бордек туюлади. Буни қуийидаги ўринда кузатамиз: нимагадир сўнгги кунларда «уруш» сўзи одамлар томонидан кўп тилга олинадиган бўлиб қолади. Уларда қандайдир нотинчлик қўзга ташланади. Бундай умумий кайфият унинг ҳам мурғак қалбида акс садо бергандек бўлади. «Агар уруш шу ўртада бўлиб, қайтиб кетолмасам, отам, бувим, аямнинг ҳоли нима кечади? Фашистлар ўлдириб қўйишса – чи? Бувимнинг гапларига кирсам бўларкан? Кетгунимизча уруш бўлмасин! Олесь акам, Мария опам нега хафа? Улар бир нимани билишади. Мария опамни тезроқ кетишга кўндираман. Петр Никитич билан Вера бувимни ҳам олиб кетамиз» (ўша китоб, 57 – бет) деган гаплар унинг хаёлидан ўтади. Кейинчалик эса, деярли қишлогини ҳам, бобоси, бувиси ва аясини ҳам эслаб ўтирамайди. Қўлидан келганча бу ерда ортирган дўсти Саша билан биргалиқда катталарага ёрдам бериб юради. Варақалар ёпиштиришади, фашистларнинг байробини қиймалаб ташлаб, ўрнига қизил байроқ тикиб қўйишади ва ҳоказо. Бу ерда ёзувчи Искандарнинг бор – йўғи ўн бир ёшга кирган бола эканини ҳам, унинг Халил ота хонадонида Ёndoшалидан қолган яккаю ёлғиз суюнчиқ эканини ҳам унугади. Бошқа бир жойда Искандар томонидан айтилган гап ҳам галати таассурот қолдиради. Мария унга «сени Ўзбекистонга жўнатамиз», деган гапни айтганди, у ҳеч ўйламасдан «Йўқ!.. Сиз билан қоламан! Уч йилдан бери Сизлар билан биргаман – урушдаман. Ҳеч қаёқча кетмайман», (ўша китоб, 119 – бет) деб жавоб беради. Хуллас, бундай руҳий ҳолатлар тасвири четлаб ўтилган ёки эътиборсиз қолдирилган ўринлар асарда кўплаб топилади.

Биз юқорида ижодий тажрибаси, ёзиш услуби бир – биридан фарқ қиласидиган бир нечта ёзувчимизнинг асарлари хусусида фикр юритдик. Мазкур асарларнинг кўпчилигини бирлаштириб турадиган бир жиҳат борки, унга эътибор қиласлик мумкин эмас. Бу умумийлик иккинчи жаҳон уруши давридаги ҳаёт билан ҳозирги кунларни бир – бирига муайян воситалар, қаҳрамонлар тақдири орқали туташтиришда, шундан келиб чиқиб, замоннинг муҳим маънавий муаммоларига муносабат билдиришга бўлган интилишда кўзга ташланади. Шунингдек, турлича ҳаётий тажрибага эга ёзувчиларимиз бир нуқтага эътиборни қаратган, бир даврни – уруш даврининг ўзини тадқиқ этган асарлар ҳам бор эканини юқорида кўриб ўтдик. Албатта, бу ишни ҳар бир ёзувчи ўз имконияти ва истеъоди даражасида амалга оширган. Масалан, С.Анорбоевнинг «Арафа», Ф.Мусажоновнинг «Кўргулик» каби ҳикояларида, кўрганимиздек, бу иш анча табиий, бадийлик талабалари назарда тутилган ҳолда бажарилган. Ҳозирги кунимиз билан уруш даври ҳаёти жуда силлиқ ва табиий бир тарзда боғланиб кетади. Ҳ.Гуломнинг «Мангу олов» ҳикояси ҳақида эса бу гапларни айтиб бўлмайди. Аввало, унда уруш майдонидаги воҳеалар билан ҳозирги ҳаёт бир – бирига заиф, зўраки боғланган, композицион бутунликка эга эмас. Бундай эътиборсизлик ҳикоянинг бошидан давом этиб келаётган мавҳум таассуротни яна баттар мавҳумлаштириб юборади. Афсуски, биз кўздан кечирган «Жанггоҳ», «Сайли», «Авлодлар» каби асарлар ҳақида ҳам, кўрганимиздек, ижобий гап айтиш қийинроқ.

Шу кузаттганларимиз бир фикрни айтишга асос беради. Иккинчи жаҳон уруши мавзуси – ғоят мураккаб ва масъулиятли мавзуу. Унга қандайдир бир адабий эрмак, бошқа ёзадиган дурустроқ нарса топилмай қолган пайтларда хаёлга келганини тўқиб ташлайверадиган, китобхонни бемалол лақиллатиш мумкин бўлган материал сифатида қарашиб, халқ таъбири билан айтганда, гуноҳ бўлади. Ўтган урушнинг ҳеч унтилмайдиган маънавий сабоқларини замонга хизмат қиласдириш, бугунги тажрибаларимиз асосида келажакни яратиш учун кураш кетаётган ҳозирги шароитда бундай муқаддас мавзуга эътиборсизлик билан ёндашиш, унинг масъулиятини ҳис қиласлик кўзга айрича ташланиб қолади, бундай қалам эгаларидан ўқувчиларнинг ихлосини қайтариб қўяди. Шунинг учун ҳам эстетик ва тарбиявий аҳамияти ғоят баланд бўлган ушбу йўналишда бадий баркамол асарлар яратиш носирларимиз олдида турган энг муҳим ижодий вазифадир.

Инсон – ҳаётдаги жамики мураккабликнинг, тилсимотнинг мужассами. У ўзига хос бўлган хусусиятларни ҳар қандай ҳолат ва шароитларда намоён қиласидиган. Муайян вазият етилгандагина

ундаги ҳақиқиي инсоний сифатлар юзага чиқиши мүмкін. Ижодкор бу жиҳатни ҳисобга олмаслигига, у ҳақда қайғурмаслиги мүмкін эмес. Инсон бор эканки, ҳаётда бундай вазиятлар ҳамиша топилади. Ҳамма гап бадиий асар яратыётган одамнинг кундалик тирикчилик оқимидан уларни ажрата билишида, топа олишида. Бошқачароқ сўз билан айтганда, ёзувчилик нигоҳининг қай даражада ўткирлигига, маҳорат даражасининг баландлигига.

Уруш даври ҳаётида бундай «етилган вазиятлар», инсондаги ички мазмунни тинч шароитдагига нисбатан тез намоён қиласидиган мураккаб воқеалар фоят кўп учраши табиий. Шу мавзуда асар ёзаётган ижодкор учун бу борада имкониятлар чексиздир. Фақат ҳамма гап бу имкониятлардан қандай фойдаланишда, холос. Шу масалада мақсади ягона, умумий, яъни уруш шароитидаги инсонни кўрсатиш бўлган қалам соҳиблари бадиий маҳорат зиналаридан кўтарилаётган пайтларида истеъдоди даражасига қараб унинг турли босқичларига тарқаб кетишади. Бири зинанинг юқори босқичларига қадар чиқиб бора олади, истеъдоднинг қуввати шунга имкон беради, пировардида, адабиётнинг ривожига ҳисса қўшиб, катта ижодий жасорат кўрсатади. Бошқаси унинг ўрталаригача етиб кела олиши мүмкін. Учинчиси эса зинанинг пастки пиллапояларидаёқ қолиб кетади, ёзган асарларида жонли манзаралар ўрнига ялтироқ, жим—жимадор жумлалар тизимини, ҳаётий характерлар ўрнига аллақайси китобданми, кинофильмданми кўчириб олинган одам қиёфасидаги схемаларни ўқувчига тақдим қилишни ўзига эп кўради. Юқоридаги бобда маҳорат зинасининг турли босқичларида туриб ёзилган ана шундай асарларни таҳлил қилишга, уларда қаҳрамонлар характери уруш даври ҳаёти билан боғлиқ қандай воқеалар, вазиятлар орқали очиб берилганини кузатишга, бу борадаги ёзувчиларимизнинг маҳорат даражалари ҳақида ўз мулоҳазаларимизни баён қилишга характерати қилинди.

КИЧИК ШАКЛДА КАТТА ГАП АЙТИШ МАҲОРАТИ

Одатда вақтнинг ўтаётгани фарзандларнинг, авлодларнинг вояга етишаётганига қараб белгиланади. Шу маънода уруш тугагандан кейин кўп йиллар ўтди. Лекин бу йиллар оғир синов кунларини одамлар хотирасидан суреб чиқаргани, хиралаштириб қўйгани йўқ. Балки, аксинча, йиллар ўтган сари иккинчи жаҳон урушининг тарихи шунчалик муқаддас бўлиб, шунчалик салобат касб этиб, у ҳақдаги тасаввурларимиз эса янада тўлишиб, мукаммаллашиб бораяпти. Ватандошларимизнинг қони, имони ва эътиқоди билан битилган бу тарих фақат катталар учунгина эмас, яйни чоқда ўшлар — кейинги авлодлар учун ҳам фоят эъзозли, ифтихорли ва айни чоқда ибратли тарих бўлиб қолаяпти. Ҳозир бу

мавзуга ёзувчиларимизнинг турли авлоди вакиллари мурожаат қилишаётганини, қатор – қатор асарлар яратишаётганини биз юқорида ҳам таъкидлаган эдик. Лоақал, ушбу гапларнинг тўғрилигига ўзбек адабиётининг кейинги 15 – 20 йиллик тараққиёт жараёнига назар ташлаш орқали ҳам амин бўлиш мумкин. Иккинчи жаҳон уруши даврини турли даражада биладиган, уни ўзининг ҳаётий тажрибасидан келиб чиқиб тасаввур қиласидиган ҳар хил ёшдаги ёзувчиларимиз бу мавзуда кўплаб асарлар битишишоқда. Уларнинг ҳаммаси ҳам бадиийлиги, ўша давр ҳаётини ҳаққоний ёрита олиш жиҳатидан бир хил бўлмаслиги турган гап. Бу, албатта, ҳар бир ёзувчининг воқеалар ва характерларни тасвиrlащдаги ўзига хос услуби билан белгиланади.

Ў.Ҳошимовнинг уруш мавзудаги бир қатор асарлари ҳам сўнгги йиллар адабиётимизда алоҳида ажralиб туради. Шу ўринда озгина изоҳ беришга тўғри келади. Ў.Ҳошимовнинг ижодида «уруш ва инсон тақдири» деган масалага муносабат икки хил кўринишда намоён бўлади. Биринчи кўринишга мансуб асарларда уруш оқибатларини тасвиrlащ бош муддао сифатида эмас, балки муайян характер ҳақидаги тасаввурларни кенгайтирадиган тафсилотлардан бири тарзида берилади. Бу тафсилот ташки жиҳатдан шунчаки, йўл – йўлакай айтилаётган гапга ўхшаб кўринса – да, аслда асар сюжети таркибида салмоқли аҳамиятта эга эканлигини, ёзувчи унга катта бадиий маъно юклаётганини сезиш қийин эмас. Чунки ана шу йўл – йўлакай тилга олиниб кетаётган уруш оқибати билан боғлиқ воқеа аксарият ҳолларда оғир фожиавий кўринишга эгадир. Масалан, ёзувчининг «Янга» ҳикоясидаги Акмалнинг отаси уруш йилларида меҳнат баталёонига кетган ва у ердан қайтиб келмаган. Шунинг учун отасининг ҳандай одам эканлигини эслай олмайди ҳам. «Чўл ҳавоси» қиссасидаги Ботирнинг отаси ҳам уруш қатнашчиси, жанг майдонларида бўлган одам. Уруш Ботирнинг тақдирида бошқача из қолдиради. Отаси урушдалигига онаси бошқага турмушга чиқиб кетади, уч яшар гўдак Ботир эса аммасининг қўлида қолади. Отаси урушдан қайтгач, бошқа оила қурмайди, ўғлига бор ҳаётини бағишлиайди. «Гунафша» ҳикоясининг асосий қаҳрамонларидан бири Нигоранинг отаси ҳам урушда ўлган. «Уларни танимайман ҳам...» дейди алам билан у. Онаси мактабда ўн йил фаррошлиқ қилиб қизини ўқитади. «Кўпприк» ҳикоясида эса шундай тасвир бор. Қишлоқ кексалари маслаҳатлашиб, Томчисойга кўпприк қуришмоқчи бўлишади. Кексаларнинг бу ишни зиммаларига олишининг боиси бор: «... қишлоқнинг манаман деган йигитлари урушга кетсан, замон оғир...» Бу ишда, айниқса, Рустам исмли қария ғайрат кўрсатади. У ҳақда «кексайиб қолган бўлса ҳам Рустаммисан Рустам эди – да, ўзиям», дейди ҳикоячи қаҳрамон. Бир вақт улар ишлаётган жойга «қишлоқ томондан соchlари тўзғиган

хотин» югуриб келаёттанини кўришади. Бу Рустамнинг хотини бўлади. У ишлаёттнларга яқинлашганда юз тубан йиқилади. Сўнгра чўккалаб олиб, «Ойинг ўлсин, болам! Ўн гулидан бир гули очилмаган бўтам...» деб фарёд чекиб ҳайқиради. Кимdir Рустамга «ўғлингиздан қора хат кепти» деган хабарни етказади. Шу дақиқадаги, яъни ўғлининг ўлими ҳақидаги хабарни эшитган отанинг ҳолати шундай берилган: «Рустам турган ерида бир қалқиди – ю, қаддини ростлаб олди. Тошдан тошга ўтиб, секин қирғоққа чиқди. Кафтлари билан чаккасини қисиб олганча, узоқ ўтирди. Кўзларидан икки томчи ёш юмалаб тушиб, лабининг ёнида тўхтаб қолди. Назаримда бирданига кексайиб қолгандек бўлди».¹ Рустамдаги бу оғир руҳий ҳолат унинг tengдоши бўлган ҳикоячи қаҳрамон нуқтаи назари орқали берилган. Ёзувчининг «Дард», «Ўзбеклар», «Ҳотам ҳасиснинг хазинаси» ҳикояларида ҳам урушнинг одамлар тақдирида қолдирган фожиали излари ҳақидаги қисқа, лекин сермаъно тасвирларга дуч келамиз. Ў.Ҳошимовнинг «Нур борки, соя бор» романни бутунлай тинч ҳаёт мавзусида ёзилган асардир. Лекин ундаги қаҳрамонлар тақдирига чуқурроқ разм соладиган бўлсак, ўтган уруш баъзиларнинг тақдирида ўчмас из, битмайдиган жароҳатлар қолдирганини кўрамиз. Асарнинг бош қаҳрамони Шерзоднинг отаси урушда бир оёғидан ажralиб келади. Иккинчи оёғидаги снаряд парчаси ҳам зўриқиб кетиб, қорасон бўлади. Охири урушдан орттирган дардлари уни олиб кетади. Романдаги воқеалар оқимида ўзи кўринмайдиган, лекин унинг ривожида билвосита иштирок этадиган тиниқсойлик ўқитувчи Азимжон Эргашев урушдан бир кўзи кўр бўлиб келади. «Одамларнинг айтишига қараганда Азимжон аканинг унаштириб қўйилган қизи бор экан. Унинг урушдан бир кўзи кўр бўлиб келганини эшитиби – ю, бошқа одамга тегиб кетиби. Ўшанда Азимжон ака, энди ҳеч қаҷон уйланмайман, деб қасам ичган эмиш»¹ дейилади у ҳақда асарда. Шерзодни касалхонада даволаган доктор опа Ленинград қамалидан омон чиққан бир болани олиб тарбиялайди, кейинчалик уни уйлантириб, уйли – жойли қиласи, неваралик бўлади. Опа Шерзодга невараси ҳақида гапира туриб, унинг дадаси – асрраб олган ўғли ҳақида шундай дейди: «Дадасиям кичкиналигига шунга ўҳшарди. Фақат жуда озғин эди, касалманд эди. Ленинград блокадасидан олиб келинган етимлар ҳаммаси шунаҳайди. Болам ўлиб қолади, деб жуда қўрқсандим. Йўқ мана, ўзидан кўпайди» («Нур борки, соя бор», 144 – бет). Роман қаҳрамонларидан яна бири Зухранинг дадаси Сулаймон Рустамович ҳам – уруш қатнашчиси. У Зухранинг онаси билан турмуш қуришгандан сўнг кўп ўтмасдан фронтга кетган. Икки йил жангларда қатнашади. Курск остонасида оёғидан оғир яраланиб,

¹ Ў.Ҳошимов. Нимадир бўлди. F.Узом помидаги Адабиёт ва санъат нашриёти Т., 1976, 71-бет

¹ Ў.Ҳошимов. Нур борки, соя бор. F.Узом помидаги Адабиёт ва санъат нашриёти. Т., 1997, 110-бет.

юргига қайтади. Унинг асорати орадан кўп йиллар ўтгандан кейин ҳам билиниб туради. «Нур борки, соя бор»да яна бир персонаж бор. Унинг исми асарда берилмайди. Лекин у иштирок этадиган эпизод романдаги воқеалар оқимининг қайноқ нуқталаридан бири, дейиш мумкин. Бу киши – уруш қатнашчиси. У Сайфи Соқиевичнинг универмаги ёнидаги мактабда ўтказилган учрашувда иштирок этади. Бу ерда унга совға – саломлар беришади. Тантана тугагач, у универмагга кириб, ўша совғани ўраб олиш учун қоғоз сўрайди. Сотувчи йигит эса унга қўпол гап айтади. Уруш фахрийси бундан қаттиқ хафа бўлади. Воқеанинг устига Шерзод келиб қолади. Бу персонажга доир тафсилот энди Шерзод нигоҳи орқали берилади: «Ўнг қўлининг тирсагидан пасти йўқ, ёш боланикideк ингичка, тўмтоқ билаги кўйлагининг қисқа енгидан чиқиб қизарib турарди. Шерзод унинг оппоқ кўйлагига қадалган орден колодкасини кўриб қолди. «Фронтовик экан!» деган хаёл лип этиб фикридан ўтди» («Нур борки, соя бор», 191 – бет). Ёзувчи ижодидаги бундай тасвирларни унинг бошقا асарлари мисолида яна давом эттиравериш мумкин. Шунинг ўзи ҳам бундай кўриниш алоҳида эътиборга ва тадқиқотга муносиб ҳолат эканлигини кўрсатиб туради. Ёзувчи ижодидаги иккинчи кўринишга Ў.Хошимовнинг уруш, инсон қисматида унинг қолдирган аччиқ излари, изтироблари ҳақида кенг, батафсил ва тўғридан – тўғри ҳикоя қилувчи асарлари киради. Булар орасида, айниқса, унинг «Урушнинг сўнгги қурбони» номли ҳикояси ўзининг қатор бадиий фазилатлари билан диққатни тортади.

Ёзувчининг «Урушнинг сўнгти қурбони» ҳикояси адабий танқидчиликда анча юқори баҳога сазовор бўлган асар. Жумладан, устоз танқидчи М.Қўшжонов «Ўткир Ҳошимовнинг «Урушнинг сўнгги қурбони» номли ҳикояси ҳажм жиҳатдан кичик жанр бўлса ҳам ҳикоянинг имкониятлари катта эканлигини кўрсатади», – деб ёзади.¹ Бошقا бир қатор танқидчилар ҳам бу асар ҳақида илиқ гаплар айтишган. Бир қарашда ҳикоядаги воқеаларнинг урушга унчалик алоқаси йўқдек туюлади. Бунинг устига улар жуда қисқа вақт ичида бўлиб ўтади. «Урушнинг сўнгти қурбони»ни ўқиб, у бизда қолдирган оғир таассуротларнинг мағзини чақа бошлаганимиздан кейингина ёзувчи айтмоқчи бўлаётган гапнинг маъноси равшанлашиб, уруш даҳшатини яна бир бор ҳис қилгандек бўламиз. Уруш олови фақат жанг бўлган жойларнинг эмас, балки ундан узоқ – узоқларни ҳам ўз комига тортганини бир оиласда содир бўлган фожиа мисолида кўрамиз. Урушнинг тўрт йил давомида эсиб турган совуқ изғирини одамларнинг ҳаётини ноchorлаштириб, асабларини толиқтириб, таранглаштириб қўйганини, у инсонлар учун оғир бир қисмат эканини англаймиз.

¹ М.Қўшжонов. Мисло ва мезон. F.Гуломи номидаги Адабиёт ва сағъат нашриёти. Тошкент, 1974, 10-бет.

Ҳикоя түғридан – түғри нохуш бир ҳолат тасвири билан бошланади. «Шоикром айвон түғридаги сандал четида хомуш ўтиради. Аллақачон баҳор келиб, кунлар исиб кетганига қарамай, ҳамон сандал олиб ташланмагани, аммо ҳеч ким бу түғрида ўйлаб кўрмаганини у энди пайқагандай ғаши келди. Бўз кўрпа устидан ёпилган, шинни доти қотган қуроқ дастурхон ҳам, ҳозиргина гўжадан бўшаган сопол товоқ, банди куйган ёғоч қошиқ ҳам унинг қўзига хунук кўриниб кетди».² Ёзувчи «баҳор келиб, кунлар исиб кетганига қарамай, ҳамон сандал олиб ташланмагани, аммо ҳеч ким бу түғрида ўйлаб кўрмагани»ни қаҳрамонлар нигоҳи воситасида бежиз эслатаётгани йўқ. Одамлардаги қайфият шу даражага келган. Ҳаётнинг оғир ташвишлари уларни толиқтирган, унча – мунча нарсаларга эътиборсиз қилиб қўйган. Бу парчада ёзувчи бизни фақат Шоикромнинг қайфияти билангида эмас, айни ҷоқда унинг турмуш тарзи, яшаш шароити билан ҳам таништиради. Бўз кўрпа, қуроқ дастурхон, гўжадан бўшаган сопол товоқ, банди куйган ёғоч қошиқ каби кетма – кет қўлланаётган деталлар бизга шу ҳақда тасаввур бераяпти. Ёзувчи йўл – йўлакай «ҳовлининг ярмигача ариқ тортиб экилган қулупнай пушталари», «онда – сонда ранг олган қулупнайлар», қаёқданdir пайдо бўлган шамол, ҳовли этагидаги ёнғоқ дарахти шоҳларининг гувиллаши кабиларни ҳам эслатиб ўтади. Бу дақиқаларда кўпроқ Шоикром хонадонидаги нохуш аҳволнинг сабаблари билан қизиққанимиз учун, дастлаб уларга жиддийроқ эътибор бермаймиз. Ниҳоят, қаҳрамоннинг ички дардларини юзага чиқариб, «Шу кунимдан кўра урушга бориб ўлиб кета қолганим яхшийди», дейиши билан масала бир мунча ойдинлашгандек бўлади, айни ҷоқда қаҳрамонга даҳдор шу лавҳага якун ҳам ясалади.

Энди ёзувчи тасвир йўналишини бошқа томонга буради, диққатимизни янги тафсилотларга тортади. Натижада қаҳрамон ҳақидаги тасаввурларимиз доираси кенгаяди. Шоикромнинг тўқимачилик комбинатида ишлашини, бу ерда монтёрлар етишмагани учун уни урущдан олиб қолишганини, хотини инжикироқ бўлгани учун, онаси Умри хола ота мерос ҳовлини иккига бўлиб, унинг рўзгорини бошқа қилиб берганини, ўзи эса оғир касалга чалинган кичик ўғли Шонеъмат билан нариги ҳовлида туришини билиб оламиз. Шундан сўнг диққатимиз яна асосий воқеалар оқимига қайтади. Вақт алламаҳал бўлганда Умри хола Шоикромларникига чиқади. Суҳбатлашиб ўтириб, онаси гап орасида: «Пайщанда куни Комил тайибнинг уйига борувдим. Ҳар куни наҳорга бир косадан қўй сути ичса, дард кўрмагандай бўлиб кетади, деди», («Дунёнинг ишлари». Қисса ва ҳикоялар. F. Ғулом номидаги Адабиёт ва санъат нашриёти. Тоникент. 1982 йил, 211-бет. Кейинги парчаларни ҳам шу нашрдан келтирилмиш).

² Ўтқир Ҳоинимов. Дунёнинг ишлари. Қисса ва ҳикоялар. F. Ғулом номидаги Адабиёт ва санъат нашриёти. Тоникент. 1982 йил, 211-бет. Кейинги парчаларни ҳам шу нашрдан келтирилмиш.

дейди. Бу гап эр-хотинга турлича таъсир қиласи. Шоикромнинг ҳаёлига тўсатдан хаста укаси келади. Оддинги нохуш кайфиятга яна бир қўшимча – анча кундан бери укасидан хабар олмагани учун руҳан эзилиш, онасининг олдида хижолат бўлиш туйгуси қўшилади. Шу билан бирга бу гап воқеалар ривожини Шонеъмат билан боғлиқ тафсилотларга ҳам олиб келиб улаяпти. Шу ўринда бир нарсани кузатамиз. Ёзувчи қаҳрамон елкасидаги юкнинг салмоини аста-секин ошириб, драматизмни ҳам шуига мос равишда кучайтириб боришга интиляпти. Бу масаланинг бир жиҳати. Унинг иккинчи жиҳати ҳам бор. У шу суҳбат чоғида Шоикромнинг хотини Ҳадичанинг Умри холага қаратса айтган гапидан келиб чиқади. «Ҳозир қўй сути қатта? – деди Ҳадича. – Сигир сути отлиққа йўғу... Шу пайтда сигиримиз туқдан бўларди – я». Бу гаплар, аввало, Ҳадичага маълум даражада характеристика беряпти. Сўнгра эса кейинги воқеалар ривожи учун туртки вазифасини ўтаяпти.

Олдин қаҳрамонни асаблари таранг, тажанглашган ҳолда кўрган бўлсак – да, ўзаро муносабатлар нисбатан «тинч» кечаетган эди. Мана, ниҳоят, ўша «тинчлик» ҳам бузилади. Шоикромдаги кайфият шу даражага борадики, онаси чиқиб кетгач, беихтиёр «портлаб кетади», хотинини ҳақорат қиласи. «Падарига лаънат шунақа турмушнинг! – деди Шоикром бўғилиб. Кейин дастурхонни йиғиштираётган хотинига ўшқирди. – Сениям падарингга лаънат! Тумшуғингнинг тагидан сигирни етаклаб кетса – ю, анқайиб ўтиранг!». Хотини ҳам қолишимайди. Шунга яраша жавоб қиласи. Йиғламсираб гап орасида, «Нима, мениям Илҳом самоварчининг хотинидай сўйиб кетсинмиди?» дейди. Қаҳрамондаги хунобарчилик баттар ошади. «Шоикром хотинини тарсакилаб юбормаслик учун юзини ўгириб, тишини фижирлатди», деб изоҳлайди ёзувчи бу ҳолатни. Ӯ.Ҳошимов Ҳадичанинг гапларидан бу ўринда ҳам воқеалар оқимига туртки берувчи восита сифатида фойдаланади. Эр-хотин ўртасидаги гап – сўзлар оила мұхитини ёриб, кенгроқ майдонга чиқаяпти, замоннинг оғирлигига келиб боғланаяпти, ўша кунлардаги шароитга айрим жиҳатлардан баҳо беряпти. «Сув қалқиса, лойқаси юқорига чиққандай, замон қалқигандан буён ёмон кўпайди. Эрта баҳорда уларнинг тугай деб турган сигирини ўғирлаб кетишди» – дея ёзувчи шароит қанчалик оғирлигини кўрсатишга ургу беради. Шу тарзда тасвирида ички мантиқни вужудга келтирувчи ҳалқалар бир – бирига улаб борилади. Сутнинг шифо бўлиши ҳақидаги гап сигирга, сигир ҳақидаги гап ўғирликка, ўғирлик ҳақидаги гап эса шароитнинг оғирлиги, замоннинг мураккаблигига боғланиб кетади. Ҳалқалар ўзаро туташиб, узайгани сари ҳикоядаги драматик оҳанг ҳам кучайиб, таранглашиб бораверади.

Ёзувчи қаҳрамон қалбидә кечәёттан түйгулар оқимини янги босқичига олиб ўта бошлайды. Энди ундағи нохуш кайфият – тажанглик, серзардалык ички, ёпик ҳолатдан харакатта күчади ва аниқ бир нұқтага қаратилади. Шу ўринде ёзувчи яна «турткі» га мурожаат қиласы. «Шу кунда яна ўғри оралаб қолди, – деди Хадича күрпағаны қоқиб, танча четига соларкан. – Құлупнай қызармасдан битта қўймай териб кетялти». Шоикром бир марта «Ваҳима қилма!» – дейди. Бу билан ҳам Хадичани, ҳам ўзини тинчлантироқчи бўлади. Лекин хотини «турткі» беришда давом этади. Эрининг «ўғри қулупнайга келадими?» деган гапига «нега келмас экан? Бир ҳовучини опчиқиб сотса, бир коса жўхори беради. Ана, бориб қаранг, деворнинг бир чети ўпирилиб ётибди!» дея жавоб беради. Шоикром иккинчи марта «Ваҳима қилма!» – дейди. Лекин бу сафар негадир овози «ғўлдираб» чиқади, «ўзининг ҳам юраги сесканиб» кетади, «кўнгіда пайдо бўлган ғашликни сездирмалик учун ҳовлига» тушади. Ў.Хошимов қаҳрамондаги бу муҳим ҳолатни янада чуқурлаштириши давом эттиради. «У айланиб ёнғоқ тагига борди. Борди – ю, чиндан ҳам деворнинг чети ўпирилганини кўриб, юраги орқасига тортиб кетди. Назарида деворнинг кемтик жойидан бирор мўралаб турғандай бўлди. Ёнғоқ шохларининг шамолда вишиллаши ҳам, оёқ остида тўклилиб ётган девор тупроғи ҳам шубҳали, ваҳимали кўриниб, дарров орқасига қайтди... У чироқни ўчириб, сандал четига ётди – ю, кўнглидаги ғулгула кучайиб кетаверди» («Дунёнинг ишлари». Қисса ва ҳикоялар, 217 – бет). Ёзувчи бу ўринде қўшимишча ёрдамчи воситага – табиат тасвирига мурожаат қиляпти, унга аниқлик берувчи шамол, ёнғоқ дараҳтидан чиқаёттан ёқимсиз овоз каби деталларни ишлатяпти. Бу деталларга олдин ҳам дуч келган эдик. Лекин олдин улар шунчаки, йўл – йўлакай тилга олинниб ўтилган, бирон муҳимроқ вазифани бажармаганди. Бу ўринде эса муҳим бадиий мақсадни очишга, қаҳрамондаги жиiddий руҳий ўзгаришни кўрсатишга хизмат қиляпти. Ёзувчи шу тасвирни яна такрорлайди. Бунда шамол борган сари авжига чиқаёттан, ёнғоқ тобора шубҳали гичирилаётган бўлади. Уларнинг ёнига «аллаким «шип – шип» қадам босиб, айвон лабига келаёттандай бўлади» деган ифода қўшилиб, қаҳрамондаги руҳий ҳолат ифодаси янада қуюқлаштирилади. Бу бошқа воситалар орқали ҳам кучайтирила боради. Ёзувчи ҳикояда Шоикромнинг хаёлидан кечәёттан ваҳималарнигина эмас, балки айни ҷоқда унга монанд бошқа ўйларини ҳам тасвирлайди. Нима сабабданadir шу дақиқаларда у ўзига таниш бир йигитнинг ҳовлисида фарқ пишиб ётган узумларни ўғирлаб кетишганини эслаб қолади. Кўнглида тўсатдан «ўзи йўғида уйини ўғри босса, хотини дод солса, пичноқлаб ташласа. У ёқдан онаси чиқса, униям пичноқласа...» деган ваҳимали гаплар ўтади. Қаҳрамон хаёлини банд этган буңдай мураккаб түйгулар оқими албатта муайян босқичга

күтарилиши, маълум тўхтамга келиши муқаррар эди. «Виждансизлар! Одамларнинг бошига кулфат тушганидан фойдаланиб қоладиганларни қириш керак!» («Дунёнинг ишлари». Қисса ва ҳикоялар, 217 – бет). Бу фикр Шоикромнинг хаёлига қандай келиб қолганини ёзувчи изоҳлаб ўтиrmайди. Чунки қаҳрамон характери мантиқининг ўзи уни шу даражага олиб келган эди. Пировардида Шоикром не умидлар билан боқаётган гунажинини ўғирлаган, ўлим тўшагида ётган укасини охирги насибасидан маҳрум қиласан, бола – чақанинг бирон кунига асқотар деб кўз тикиб ўтирган қулупнайларни териб кетаётган ярамаслардан қасос олишни кўнглига тутади. Бу, албатта, қаҳрамон келган жуда оғир ва машъум қарор эди. Бу ўринда яна ёзувчи табиат тасвирига мурожаат қиласади. Уни тобора ваҳималироқ қилиб бериш учун янги деталлар билан бойитилади. Бу сафар шамолнинг ўкириши, ёнгоқ шоҳларининг шубҳали гийқиллаши ёнига «осмоннинг гоҳ у, гоҳ бу бурчагида чақмоқ» нинг ярақлаши ҳам қўшилади. Олдин бундай ваҳимали тасвир қаҳрамон қалбида ғулгула ҳосил қилиш, уни маълум бир босқичига кўтариш учун берилган эди. Энди эса у бошқа вазифани, яъни шуларнинг натижаси сифатида Шоикромнинг руҳий оламида кескин психологик ўзгариш, бурилиш содир бўлганини тасдиқлаш учун келтириялти.

Шоикром михга илиғлиқ турган икки ўрам симни олади, уларни бир – бирига улаб, усти очиқ қисмини қулупнай пушталарига улоқтиради. Қаҳрамоннинг мана шу дақиқалардаги харакатини, ҳолатини ёзувчи ғоят аниқлик билан чизади. У қандай ишга азму қарор қилганини, бунинг даҳшатини яхши билади. Шунинг учун «Менга деса отиб юбормайдими?!» деб қайта – қайта такрорлаб қўяди. Қўллари қалтираб, аъзойи бадани терлаб кетади. Хотинини уйғотиб, «ҳовлига чиқма, болалар ҳам чиқмасин, ўлади!» – дейди.

Фожиа содир бўлишидан олдин ёзувчи охирги марта Шоикромнинг кўнглида кечеётган туйгуларга эътиборни қаратади. Худди шу пайтда у нимагадир болаларини, хотинини эмас, укасини ўйлаётган бўлади. Шонеъматнинг ёшлиги, мактабда ўқишлари, отаси ўлганда йиғлай олмай ичикиб касал бўлиб қолгани, онаси иккаласи қандай авайлаб катта қилганилари хаёлидан ўтади. Ака бўлиб ўлим тўшагида ёттан укасидан хабар олмагани учун ўкиниб кетади. Булар, табиийки, унга қилаётган ишининг тўғрилигига янада қўшимча далда беради. Келган хуносасини эса қатъийлаштиради. Кўряпмизки, ҳикояда ёзувчи қаҳрамоннинг ҳаётини остин – устун қилиб юборувчи фожиа содир бўлганига қадарги жараённинг ҳар бир нуқтасига алоҳида эътибор қиласиги, вазият ва ҳолатни

оидинлаштирувчи детал ва тафсилотлар ишонарли бўлиши учун астойдил интиляпти. Мана, ниҳоят, ўша фожиа рўй берди. Шоикром кўрқанчли бир овоздан ўрнидан туриб кетди. Чироқни ёқиб, «қулуғнай пуштасида мук тушиб ётган одам гавдасини кўрди – ю, даҳшатдан қотиб қолди». Бу – қотиллиқдан ҳосил бўлган илк таассурот. Бир дақиқа ўзини ўнглайди. «Бошқалари қочди!» – деган фикр хаёлидан ўтади. Шу пайт қаҳрамон дилидаги қилган ишидан даҳшатга тушиш билан ўтилардан ўч олиш туйгуларининг нисбати тенг даражада бўлади. Эҳтимол, инсондаги бундай ҳолат жуда тез, кўз очиб юмгунча ўтиб кетар. Лекин биз бадиий воситалар сеҳри билан уни кузатиш, энг кичик туйгулар харакатини ҳам илғаб олиш имкониятига эга бўламиз. Аммо бу, яна такрорлаймиз, қаҳрамондаги фақат бир дақиқаликкина ҳолат эди. Тасвир давом этади. Шоикром «пушталар устидан сакраб – сакраб юриб бораракан, оёғи ботиб кетаётганини пайқади. Кейин, букланиб ётган одамдан уч қадам берироқда тўхтади – ю бирдан чўқкалаб қолди. Бир лаҳза кўзлари олайиб тикилиб турди – да, кўксидан шамол гувирини ҳам, ўз вужудини ҳам ларзага солувчи бир нидо отилиб чиқди:

– Ойи – и – и!

У бошидан ҳуши учиб бораётганини элас – элас ҳис қилиб ўзини ерга отди. Титроқ қўллари билан лой чангллаганча чўқкалаб, кўксини муштлай кетди.

– Ойи! Ойижон! («Дунёнинг ишлари». Қисса ва ҳикоялар, 219 – бет).

Шоикромнинг кейинги харакатлари китобхон ҳисларини ларзага солади, дейиш мумкин. У телбаларча эмаклаб бориб, ўзини онасининг қучогига отади, муздай юзидан ўпади. Маълум фурсат ўтгач, ўзига келиб, тепасидан турган хотинини, йиглаётган қизларини, «Неча ҳафталардан буён ўрнидан жилмай ётган... қандайдир куч топиб, эмаклаб чиқсан» укасини кўради. Шонеъматнинг гаплари вазиятдан келиб чиқаётган фожиавий маънони янада кучайтириб юборди:

« – Сут ичмай заҳар ичсам бўлмасмиди, – деди Шонеъмат овози титраб.

Шоикром бу ожиз, титроқ товушдан сесканиб, укасига тикилиб қолди.

— Заҳар ичсам бўлмасмиди, — деди Шонеъмат яна ўша оҳангда. Афтидан, у йиғлай олмас, йиғлашга мадори етмасди. Кечаям айтувдим, кўнмадилар. Қулупнайга сут алмашади, дедилар.

Шоикром бошқа ҳеч нимани эшитмади. Эшитолмади. Фойдаси ҳам йўқ эди». («Дунёнинг ишлари». Қисса ва ҳикоялар, 220 – бет). Ёзувчи ҳикояни шу тасвир билан тутатиб қўя қолиши ҳам мумкин эди. Лекин бундай қилмайди. Қуйидаги иловани беради: «Умри холани пешин номозига чиқарищди. Гўристондан чиқиб келишаётганида Шоикром одамларнинг ўзаро гапини эшитиб қолди.

— Уруш тамом бўпти, эшитдингизми?».

Бу илова мўлжалдаги таъсир нуқтасига етиб боради. Ҳикоядаги фожиа оҳангини яна бир парда юқори кўтаради. Демак, уруш тугади. Одамларни оғир аҳволга соглан изтиробли кунлар, ниҳоясига етди. Қон тўкишлар энди бўлмайди. Лекин бу ерда – жанг майдонларидан жуда узоқ жойда одамлар бир онани тупроққа қўйиб келишяпти. У ўз ажали билан ўлмади. Ярамас кимсаларга қарата отилган ўқ унга тегди. Қотил – бегона эмас, онанинг ўз ўғли. Эҳтимол, бу урушдаги энг сўнгти ва энг даҳшатли ўлимлардан бири бўлиши мумкин.

«Урушнинг сўнгти қурбони» ҳикоясида бор – йўғи уч марта «уруш» сўзи тилга олинади. Лекин гап бу сўзнинг қанчалик ишлатилишида эмас. Муҳими, ёзувчи ўша даврни ҳандай тасвирлай олишида, асаддаги воқеаларга китобхонни қанчалик ишонтира билишида. «Урушнинг сўнгти қурбони» гўё яхлит бир организм деб оладиган бўлсак, унинг ҳар бир хужайрасига уруш даври шароитининг руҳи сингдирилиб юборилган. Ҳикоянинг ҳар бир сатридан, лавҳасида ҳаёлларни изгириллари эсиб тургандек бўлади.

Ҳикояни ўқирканмиз, эзгуликка мутлақо зид бўлган, инсон ҳәётини издан чиқариб юборадиган урушни лаънатлаймиз, «у бўймагандан шунча ноxуш, фожиали воқеалар содир бўлмасмиди. Шоикромга ўхшаш одамлар бу қадар даҳшатли аҳволга тушиб ўтирумасмиди», деган гаплар хаёлимиздан ўтади.

УЛУФ ЗОТГА ҚЎЙИЛГАН БАДИЙ ҲАЙКАЛ

Ў.Хошимовнинг «Дунёнинг ишлари» асаридағи қатор новеллаларда ҳам уруш, унинг оқибатлари, инсон тақдирада қолдирган ўчмас излари ҳақида гаплар бор. Ёзувчи буларни асарнинг умумий композицион йўналишидан келиб чиқсан ҳолда

амалга оширган. Асарнинг композицияси турли чекинишларга, ретроспектив тасвиirlарга кенг имкон берадиган тарзда жуда эркин тузилган. Шу сабабли кичик бир қиссада ўнлаб кишиларнинг қиёфасини кўриш ва 40—45 йиллик давр ичида юз берган, бир—бирига ўхшамайдиган воқеалардан хабардор бўлиши мумкин.

Қиссада уруш, унинг инсон тақдираидан қолдирган излари билан алоқадор воқеалар тасвиirlangan новеллалар алоҳида эътиборга сазовор. Ҳикоячи қаҳрамон ва она — Пошша хола образи атрофида улошаётган ўнлаб тақдирлар ичида бу уруш аламзадаларнинг ҳам ўрни алоҳида ажralиб туради. Аниқроғи, улар асарнинг бошидан охиригача иштирок этувчи юқоридаги икки қаҳрамон қиёфасини кўп жиҳатдан тўлдириб, янада тиниқроқ кўрсатишга хизмат қилади. Қиссадаги «Менинг ача холам» новелласида урушнинг инсон қисматида қолдирган аянчли, изтиробли изи ҳақидаги бир воқеа қаламга олинган. Муҳими, ёзувчи бу ўринда ҳам асарнинг умумий йўналишидан, руҳидан четлашмаган ҳолда ушбу муҳим ва жиддий масалага муносабат билдиришга, шунга мос инсонлар қиёфасини чизишга муваффақ бўлади. Яна ибратли жойи шундаки, инсондаги бундай яширин, юзага чиқиши қийин бўлган тўйгуларни кўрсатиш учун ёзувчи жуда қулай ва табиий, китобхонада ҳеч шубҳа уйғотмайдиган воситалар топади. Бу ўринда уруш оқибатлари билан боғлиқ инсоний драмаларни кўрсатишда Пошша хола образи бир майдон вазифасини ўтаса, лўли хотин — Ача хола образи бу майдон ёрдамида персонажлардаги руҳий коллизияни юзага чиқарувчи восита ролини бажаради. «Уруш тутаган пайтлар эди,— дейа новелладаги асосий фикрга диққатни жалб қилади ҳикоячи қаҳрамон — ёзувчи. — Ўшанда гўдак тасаввуримга сифмаган нарсани кейин тушунгандман. Уруш битиб, одамларнинг яраси янгиланган дамлар экан. Бироннинг эшигидан сурнай, биронникидан аза товуши эшитилади...»¹ Лўли хотиннинг Пошша холаникига кириб келиши шундай пайтга, одамларда шундай кайфият мавжуд кезларга тўғри келади. Шуни таъкидлаш лозимки, ёзувчи бу новеллада аввало, асарнинг бошидан — бошқа новеллаларда қатнашиб келаётган бош қаҳрамон она образига тааллуқли гапларни давом эттиради, унга хос фазилатларнинг яна янги бир қиррасини кўрсатади. Чунончи, Пошша холанинг лўли хотин ҳақида турли ваҳимали гаплар эшитиб юрадиган болаларидан бири: «Ойи, лўли келяпти, лўли!» — дейа ҳовлишиб кириб келади. Ҳикоячи қаҳрамон эса ўзининг бу вазиятдаги ҳолатини «Даҳшат ичида ойимнинг пинжига тиқилдим», дейа изоҳлайди. Болаларнинг шунчалик ваҳимасига, қўрқувига сабаб бўлган лўли хотинни қисса қаҳрамони — Паашша хола «Вой, Ача холам — ку!... Келинг айланай»,

¹ Ҳ.Хонимов. Дунёнинг шиллари. Қисса ва ҳикоялар. Ф.Фулом помидаги Адабиёт ва санъат павширисти. Тошкент, 1982 йил, 48-бет.

дэя илтифот билан қарши олади, у билан «айланиб — ўргилиб» күришади, айвончага таклиф қилиб меҳрибончилик күрсатади. Шу тариقا олдинги новеллалардан түлишиб келаётган Она ҳақидағи тасаввурларимизга яна янги бир тафсилот келиб қўшилади. Она меҳри, унинг беҳиёс қалби яна бир янгича товланишда намоён бўлади. Онадаги мана шу жиҳат — инсонларга бўлган меҳр — муҳаббат мазкур новеллада иштирок этадиган персонажлардаги уруш билан боғлиқ чукур руҳий драмани, алам ва изтиробларни кўрсатиш учун шароит яратади лўли хотин Пошша хола билан сўрашгач, ўзидан қўрқиб бир ҳолатга тушган болаларга ҳам, тинимсиз акиллаб атрофида айланадиган кучукчага ҳам, ўзига илтифот кўрсатаётган Пошша холанинг гапларига ҳам эътибор бермай, ерга — бодом соясига хуржунини тўшаб ўтириб олади, яхши тилаклар билдириб омин қиласида — да, ўз иши — фолбинлигига киришиб кетади. Ҳовлига бу воқеадан хабар топган қўшнилар, Ҳожи буви ва ёш келинчак Хайрилар ҳам келишади. Лўли хотиннинг «Ўйинг — да амол бо — ор!... Фаниминг бо — ор!» дэя фол кўра бошлиши билан биринчи бўлиб Пошша хола ўз дардини очади. «Амал нима қиласида, холажон?.. Акамдан хавотирдаман. Минг еримга пичноқ урса, бир еримдан қон чиқмайди. Ҳамма қайтаяпти, акам бечорадан дарак йўқ» («Дунёнинг ишлари». Қисса ва ҳикоялар 47 — бет) дейди у. Асосий қаҳрамон — онадаги бундай руҳий ҳолат тафсилоти ҳикоячи қаҳрамоннинг қўйидаги гаплари орқали ойдинлаштирилади. «Ойим урушга кетган тоғамни кўп гапиради. Адамни касаллиги туфайли урушга олмаган, аммо ойим ҳар икки гапининг бирида акасини эслаб йиғларди». Лўли хотин турли рангдаги тошлар орқали фол кўриб бўлгач, аканг тирик, у келади, деб «башорат» қиласида. Бундан ўзида йўқ қувониб кетган Пошша хола бисотидаги бор нарса — биттагина ялтироқ қошиқни совға қиласи, «Акам эсон — омон келса, бош — оёқ кийим қилиб бераман» дэя яна ваъда беради. Гўё ҳаммаси лўли хотиннинг қўлида, истаса у ҳамма нарсани қилиши мумкиндеқ, Ҳожи буви унга овози титраб мурожаат қилиб: «Болагинамни кўрармиканман? ... Ёлғизгинамни кўриб ўлсам армоним йўқ эди», дэя юрагининг тубида ётган дардини изҳор қиласида. Ёзувчи мазкур новеллада қаҳрамонларнинг руҳий ҳолатини кўрсатишда Қаҳкорона йўл тутади: психологик ҳолат тасвирини батафсил бериб ўтирмаиди, балки бу жараённинг натижаларини беришга, уни харакат ва нутқ орқали юзага чиқаришга муваффақ бўлади. Ҳожи бувининг гапидан сўнг лўли хотин чўнтағини ковлаб ёнғоқдек келадиган қиррали тош олади. Ҳамманинг диққати унда. «Лўли ҳеч нимани эшитмагандек тошнинг у ёғини айлантириди. Унинг қоп — қора қўли билинар — билинмас титрар, аллақандай чизиқлар тортилган тошга тикилиб, тўхтовсиз пичирлар эди.

— Бачангни йўли тўсулгон! — деди у ниҳоят» («Дунёнинг ишлари». Қисса ва ҳикоялар 49—бет). Ёлғизига ўғлига интизор бўлиб, йўлига кеча — кундуз кўз тикиб ўтирган онага у ҳақда айтиладиган ҳар бир гап, хабар қанчалик куч билан таъсир қилишини тасаввур қилиш уччалик қийин эмас. «Ҳожи бувининг кўзларида, ҳамиша маъюс боқувчи кўзларида чўғ ярақлаб кетгандек бўлди.

— Ўзи тирикми ахир? — у инграгандек оҳангда лўли томон талпинди. — Уч йилдан буён на ўлигини биламан, на тиригини, эсон — омонми ишқилиб?

— Амон! Бачанг амон. Кўрасан. Анчо кўрасан».

Тасвирланаётган воқеалар оқимига Ҳожи буви қанчалик «ёриб» кирган бўлса, Хайри ҳам шу тарзда бутун дарду аламлари билан пайдо бўлади. Ҳожи бувининг ўғли ҳақидаги гапларни нафасини ичига ютиб эшишиб ўтирган Ҳайри охири чидай олмай «Асқар акам — чи? Асқар акам қачон келади? Жон хола, бир кўринг! Асқар акамга нима бўлган? Госпиталдан бир хат келди — ю, дараксиз кетди. Жон хола бир кўринг...» дея ҳайқириб илтижо қиласди.

Шу ўринда мазкур новелладаги бир жиҳатни таъкидлаш лозим. Ёзувчи лўли хотиннинг фол кўриш эпизодида деталлар аниқлигига қатъий риоя қиласди. Лўли хотиннинг гапларига ишониб ўтирган бу уч хотиннинг харакатлари ҳозир ғалатироқ, ҳатто кулагилироқ туюлиши ҳам мумкин. Лекин бу тасвир орқали ёзувчи бундан ярим асрдан ошиқроқ вақт олдин кечган ҳаётни, одамларни жонлантирганини, шунингдек, бу аёллар яқин кишиларининг тирик эканига умид уйғотадиган ҳар бир яхши гапга ишонадиган, шундан таскин топадиган, куч — қувват оладиган бир ҳолатда эканини ҳис эта олсак, масала ўз — ўзидан ойдинлашади. Бу аламзада хотинларнинг лўли хотин айтадиган гапларга шунчалик ишонишлари табиийдек, ҳатто зарурдек туюлади. Муаллиф бу ишонч янада мустаҳкамроқ бўлиши устида ҳам қайғуради. Масалан, эътибор берилса, лўли хотин биринчи фол кўришда турли рангдаги бир ҳовуч тошдан фойдаланган эди; иккинчисида қиррадор кичкина тошни турли томонларга айлантиради. Хайри учун фол кўриш эпизодида ҳам ёзувчи бу жиҳатни унутмайди. Лўли хотин унинг кўлига кафтдек кўзгу тутқазиб, унинг тикилиб ўтиришини тайинлайди. Ўзи эса бошқа ойнани олади — да «Ёшини айт» деб сўрайди. Хайрининг жавобларида, айтиш керакки, унинг бутун ҳолати, изтироблари жуда яхши мужассамлашган. «Асқар акамми? — Хайри опа тўсатдан уйғониб кетгандек чўчиб лўлига қаради. —

Йигирма иккода. Агар... агар... — у нимадир демоқчи бўлди—ю, тутилиб қолди. — йигирма иккода, — деди шошилиб. — Ҳозир йигирма иккига кирган. — У бир зум жимиб қолди—да, оҳиста қўшиб қўйди. — Чилламиз чиқмасдан кетган...» («Дунёнинг ишлари». Қисса ва ҳикоялар, 50 — бет). Шунинг учун унинг ҳозирги дақиқада бор умиди лўли хотиндан. Хайрига у худди авлиёдек кўриниб кетади., бутун диққатини кўзига йифиб қўлидаги кўзгуга қараб қотиб қолган, гўё қимир этса, бирон фожиа рўй берадигандек. Ача хола ўзидағи кўзгуни этагига қўйиб ҳуржунга солганда у талвасага тушиб қолади, ночор, бечора, хавотирли бир овозда «Нима?... Нима? Асқар акам...» дей пичирлади. Лўли хотин унинг юзига қарамасдан «Куёвинг амон... Кўзимга кўринде. Куёвинг касал бўлган» деганда олдин бир оз бўшашгандек бўлган Хайри яна умидворлик билан Ача холанинг қўлига ёпишиб, «Қачон, қачон кўраман?... Айтинг, нима кўрдингиз? Қачон келади? Қачон кўраман?» дейди. Мана шу эпизодда Хайрининг руҳий ҳолати, унда ҳар дақиқада лўли хотиннинг харакати, сўзлари билан боғлиқ тарзда бўлиб турган ўзгаришлар фоят хассослик билан берилганини қайд этиш лозим. Бу ерда ёзувчи персонажни фақат ташки томондан кўрсатяпти, унинг харакатларини, юз ифодаларини худди рўпарамиздаги экранда кўриб тургандек бўламиз. Шунинг учун Хайридаги бор ички ҳаяжонни жуда аниқ тасаввур этамиз.

Мазкур новелланинг бошлинишида уч аёл тақдирининг уруш билан боғлиқ томонлари тасвиirlанган ва уларнинг ҳар бири ўзига хос тарзда таассурот қолдирган бўлса—да, секин—аста асосий диққат бир нуқтага тўпланаётгани, бир персонажга қаратилаётгани сезилади. Айниқса, шу масалага оид сўнгги бир эпизод тасвирида бу янада аниқроқ сезилади. Биз юқорида кўрган эпизоддаги Хайрининг: «Қачон кўраман?» — деган илтижоли сўроғига Лўли хотин: куёвинг келади, ой тўлганда осмонга қарасанг, кўрасан, деб жавоб берган эди. Орадан бир хафта ўтгач, ой тўлганда, уч киши Ача холанинг фолини амалда синааб кўришади. Ўша ҳолат — уч аёлнинг олам жаҳон умидлар билан ойга тикилиш эпизоди ҳикоячи қаҳрамон тилидан шундай тасвиirlанади: «Кутилган кечада Ҳожи буви билан Хайри опа бизникига чиқишиди. Дадам ишда эди. Анчагача у ёқ—бу ёқдан гаплашиб ўтиришиди. Кейин болаларга супага жой солиб беришди. Акаларим ухлаб қолишиди. Мен эса нима бўлишини кутиб пойлаб ётар эдим. Ниҳоят, уч аёл бодом тагида яйдоқ жойга бориб, тизилишиб ўтиришиди. Чигирткалар чириллаб, осойишта осмонда тўлин ой сутдек майнин, сутдек илиқ нур сочар эди. Ойим, Ҳожи буви, Хайри опа ойга тикилганча қотиб қолишган, ҳеч қайсиси чурқ этмас, чамаси ҳар бири ўзи излаган одамини ойдан топгиси келар, ойдан топишга умид қиласар, ишонар эди. Орадан анча вақт ўтди. Ҳамон чигирткалар чириллар,

аллақаерда калтакесак чириллаб қолар, ҳовли бурчагида ора — чора әчки ма'раб қүяр, фақат ой, сеҳрли ой жимгина нур сочар эди. Үч аёл эса унсиз қотиб қолишиган, ўзи ҳам, сояси ҳам қылт этмас, уччови ҳам шу ўтиришда ойга тикилғанча ҳайкалга айланиб қолғандек эди» («Дунёнинг ишлари». Қисса ва ҳикоялар, 51 — бет).

Келтирилған парчадан аёллар қанчалик ихлос, эътиқод билан ойга тикилишаётгани, у бутун фикр — зикрини, вужудини банд этгани аниқ кўриниб турибди. Ў.Хошимовнинг маҳорати шундаки, тасвирдаги ичк мантиқни чуқур асослаган ҳолда персонажларнинг хатти — харакатларига, гапларига китобхонни ишонтира олади, инсон кўнглида ўрнашиб қолган чуқур руҳий изтироблар, умид учқунлари айнан шундай натижага олиб келишига бизда шубҳа қолмайди. Тасвирнинг давомига эътибор берайлик: «Энди кўзим илинаётган эди, ҳаяжонли ҳайқириқдан чўчиб кетдим.

— Ана! Ана! Кўрдим!

Бошимни кўтардим — у, икки қўлини ой томонга чўзганча илтижо қилаётган Хайри опага кўзим тушди.

— Ана! Асқар акам! Асқар акам! — Хайри опа нафаси қайтгандек сапчиб ўрнидан турди. — Ана, қаранглар, бошини боғлаб олибди. Дока билан бошини боғлаб олибди!

Бошини боғлаб олган Асқар акани кўриш умидида жонҳолатда ойга қарадим. Йўқ, оймомо ҳамон муаллақ қотиб турар, нимкора доғлардан бошқа нарса кўринмас эди» («Дунёнинг ишлари». Қисса ва ҳикоялар 51 — бет).

Мазкур новеллада персонаж тақдиридаги уруш билан боқлиғ драматик маъно тасвири турлича йўллар билан амалга оширилаётганининг гувоҳи бўламиз. Биз юқорида кўрган эпизодда Пошша хола образи орқали уруш оқибатлари ҳақидаги тасвирга шароит яратилса, лўли хотин тимсолида бу оқибатлар конкретлаштирилади, персонаж қисмати сифатида юзага чиқади, деган эдик. Кейинги тасвирларда ёзувчи шу унсурлар ёнида бошқа бир элементта ҳам эътибор берадётганини, унинг зиммасига новелладаги драматик оҳангни тасдиқлаш, шу орқали унинг китобхонга таъсирини янада кучайтириш вазифасини юклаганини пайқаймиз. Бу — ҳикоячи қаҳрамоннинг тасвир жараёндаги ролига даҳлдор гап. Ёзувчи томонидан қўлланилаётган бундай тасвирий — ифодавий усулни олдинги эпизодларда ҳам кузаттан эдик. Сўнгти парчада берилган Хайридаги руҳий ҳолат ҳақидги

гаплар, аниқроғи, бу ҳолатта унинг изоҳлари тасвиридаги драматик оҳангнинг янада кучайишига сабабчи бўлган.

Персонаж руҳий ҳолатидаги драматизм бошقا воситалар орқали ҳам кучайтирилади. Бу ўринда энди олдин ўзлари шу йўналишда маълум вазифани ўтаган персонажлар – Пошша хола ва Ҳожи буви ёрдамга келади. Хайри Асқар акасини кўраётганини ҳайқириб айтганидан сўнг, улар ҳам: «Вой, қани, қани?... Қани, биз кўрмаяпмиз – ку?» – дея ўрнидан туриб кетишади. Бу эса ёзувчига персонаждаги руҳий ҳолат тасвирини китобхон назарида яна бир бор гавдалантиришга, янада синчиклаб эътибор беришга имкон яратади. «Вой, ана – ку! Кулиб турибдилар. – Хайри опа ҳолдан тойгандек кўксини чангллади. – Худога шукр, тирик экансиз, – бирдан хиқиллаб йиғлаб юборди. – Вой, кўрдим – а, аниқ – таниқ кўрдим – а...». Ёзувчи яна ҳикоячи қаҳрамон орқали Хайридаги ҳолатга изоҳ бериб, тасвиридаги драматик оҳангни кучайтиради: «Хайри опанинг ўсма тортилган қошлари, рангсиз чеҳраси, жуда чиройли эканини биринчи марта пайқадим. У нуқул кулар, йиғлаб туриб кулар, ҳадеб бир гапни қайтарар эди.

– Вой кўрдим – а! Аниқ – таниқ кўрдим – а».

Новелланинг уруш оқибатларига бағишлиланган саҳифаларида персонажлар билан китобхонни бир – бирига боғловчи восита вазифасини ўтаётган ҳикоячи қаҳрамон унинг охирига келиб асосий ўринга чиқади. Уруш оқибатлари билан боғлиқ биз кўрган инсоний драмаларга якун ясади: «Чиндан ҳам Ача холанинг фоли тўғри чиқди. Биттаси тўғри чиқди. Қор тушган куни тогам келди. Қўлтиқтаёгини дўқиллатиб кириб келди...

Ҳожи буви Ача хола айтгандек ўғлини кутди. Кўп кутди. Йигирма йилча кутди. Анча ойдин кечалар ўтди. Кейин... уни маҳалла кўмди. Ойдин кечада Хайри опа аниқ – таниқ кўрган Асқар aka ҳам келмади... Лекин нима учундир Ача холани ҳеч ким айбламади» («Дунёнинг ишлари». Қисса ва ҳикоялар, 52 – бет). Бир қараашда бу гаплар оддий хабарга ўхшаб кетса – да, лекин уларнинг замирига ёзувчи урушнинг даҳшатли оқибати билан боғлиқ чуқур ҳиссий маънони жойлашга муваффақ бўлади. Гарчи бу ерда тафсилотларга кўп ўрин берилмаган бўлса – да, унинг китобхон тушунчасида берадиган акс – садоси фоят таъсирилди. Биз бемалол урушдан соппа – соғ акаси майиб – мажруҳ бўлиб қайтган Пошша холанинг, йигирма йил ёлғиз ўғлининг йўлига интизор бўлиб кўз тикиб ҳаётдан кўз юмган Ҳожи бувининг, келишига қаттиқ ишонган Асқар акаси қайтмагандан сўнгги Хайрининг аҳволини,

қиёфасини, бу ҳақда ёзувчи лом – лим демаган бўлса ҳам, яққол кўз олдимиизга келтирамиз.

Умуман, мазкур қиссадаги уруш йиллари билан боғлиқ новеллаларни ўқиши жараёнида бир нарсани кузатамиз. Ёзувчи асарнинг поэтикаси талабидан келиб чиққан ҳолда, уруш оқибатларига тааллуқли фикрларни кўп ўринларда турли ишоралар, йўл – йўлакай тасвиirlар, парда орқасидан кўрсатишдек ўзига хос ифода усуллари орқали беради. Бу ўринда асарда иштирок этадиган кўпчилик персонажларнинг тақдирида изтиробли изи сезилиб турадиган урушни кўрсатишда, унга муносабат билдиришда ёзувчи қўллаган ўзига хос тасвирий – ифодавий усул ҳақида сўз кетяпти. Матъумки, бадий ижодда ёзувчи бирон ҳодисани бевосита ёки билвосита тасвиirlагани масалани ҳал қилишда асосий омил бўла олмайди. Бутун воқеаларни батафсил, бевосита тасвиirlаб ҳам асарда ҳеч қандай натижага эриша олмаслик, китобхон туйгуларига таъсир эта билмаслик мумкин. Агар ёзувчи истеъодди, маҳорати юксак бўлса, у йўл – йўлакай тасвиirlаб, турли имо – ишоралар орқали ҳам ўз асарида қўзлаган мақсадида эриша олади.

Биз юқорида кўрган новеллада уруш оқибатлари нисбатан анча очиқ тарзда берилган дейиш мумкин. Қиссада яна шундай новеллалар ҳам борки, уларда уруш билан боғлиқ драматик маъно хийла яширинган, парда орқасига ўтказилган, ўралган ҳолда берилади. Бу жиҳатдан асардаги «Ўрис боланинг ойиси» номли новелла эътиборни тортади. Унда Зеби хола номли аёлнинг тақдирида уруш қолдирган оғир из, учмас жароҳат ҳақида сўз кетади. Лекин бунга доир гап – сўзларни ёзувчи ҳамма ўринда ҳам очиқ айтавермайди. Масалан, новелланинг бошланиш қисмида Зеби холанинг «сал – сариқ жингалак соч, кўккўз «ўрис бола»сини – Валини жонидан яхши қўриши», уни еру кўкка ишонмаслиги, нима бўлса унга илиниши, ўғлига бирор тегина кўрса, балога қолиши ҳақида гап кетади. Бунинг боиси қуидагича изоҳланади: «Зеби хола боласини бунчалик авайлаганича бор эди. Дадамнинг айтишига қараганда, уруш бўлаётган жойдан келтирилган болалардан бигтасини берасанлар, деб Зеби хола курсини муштлаб, чунонам тўполон кўтарибдики, ноилож мана шу Валини хатлаб беришибди» («Дунёнинг ишлари». Қисса ва ҳикоялар, 90 – бет). Демак, маълум бўляптики, Зеби хола Валини (асли исми Валентин) етим болалар уйидан ўз тарбиясига олган, бутун меҳрини унга бағишлиаган, унга суюниб қолган. Дастрлаб мазкур персонаж ҳақида шу маълумотта эга бўламиз.

Бир ўринда Валини уриб, бурнини қонатгани учун жўрабошилик мавқеини эгаллаб олган бола Зеби хола томонидан

гаплар, аниқрори, бу ҳолатта унинг изоҳлари тасвиридаги драматик оҳангнинг янада кучайишига сабабчи бўлган.

Персонаж руҳий ҳолатидаги драматизм бошқа воситалар орқали ҳам кучайтирилади. Бу ўринда энди олдин ўзлари шу йўналишда маълум вазифани ўтаган персонажлар – Пошша хола ва Ҳожи буви ёрдамга келади. Хайри Асқар акасини кўраётганини ҳайқириб айтганидан сўнг, улар ҳам: «Вой, қани, қани?... Қани, биз кўрмаяпмиз – ку?» – дея ўрнидан туриб кетишади. Бу эса ёзувчига персонаждаги руҳий ҳолат тасвирини китобхон назарида яна бир бор гавдалантиришга, янада синчилаб эътибор беришга имкон яратади. «Вой, ана – ку! Кулиб турибдилар. – Хайри опа ҳолдан тойгандек кўксини чангллади. – Худога шукр, тирик экансиз, – бирдан хиқиллаб йиғлаб юборди. – Вой, кўрдим – а, аниқ – таниқ кўрдим – а...». Ёзувчи яна ҳикоячи қаҳрамон орқали Хайридаги ҳолатга изоҳ бериб, тасвирдаги драматик оҳангни кучайтиради: «Хайри опанинг ўсма тортилган қошлари, рангсиз чеҳраси, жуда чиройли эканини биринчи марта пайқадим. У нуқул кулар, йиғлаб туриб кулар, ҳадеб бир гапни қайтарар эди.

– Вой кўрдим – а! Аниқ – таниқ кўрдим – а».

Новелланинг уруш оқибатларига бағишлиланган саҳифаларида персонажлар билан китобхонни бир – бирига боғловчи восита вазифасини ўтаётган ҳикоячи қаҳрамон унинг охирига келиб асосий ўринга чиқади. Уруш оқибатлари билан боғлиқ биз кўрган инсоний драмаларга якун ясади: «Чиндан ҳам Ача холанинг фоли тўғри чиқди. Биттаси тўғри чиқди. Қор тушган куни тоғам келди. Қўлтиқтаёғини дўқиллатиб кириб келди...

Ҳожи буви Ача хола айтгандек ўғлини кутди. Кўп кутди. Йигирма йилча кутди. Анча ойдин кечалар ўтди. Кейин... уни маҳалла кўмди. Ойдин кечада Хайри опа аниқ – таниқ кўрган Асқар aka ҳам келмади... Лекин нима учундир Ача холани ҳеч ким айбламади» («Дунёнинг ишлари». Қисса ва ҳикоялар, 52 – бет). Бир қараашда бу гаплар оддий хабарга ўхшаб кетса – да, лекин уларнинг замирига ёзувчи урушнинг даҳшатли оқибати билан боғлиқ чуқур ҳиссий маънони жойлашга муваффақ бўлади. Гарчи бу ерда тафсилотларга кўп ўрин берилмаган бўлса – да, унинг китобхон тушунчасида берадиган акс – садоси фоят таъсирилди. Биз бемалол урушдан соппа – соғ акаси майиб – мажруҳ бўлиб қайтган Пошша холанинг, йигирма йил ёлғиз ўғлининг йўлига интизор бўлиб кўз тикиб ҳаётдан кўз юмган Ҳожи бувининг, келишига қаттиқ ишонган Асқар акаси қайтмагандан сўнгти Хайрининг аҳволини,

қиёфасини, бу ҳақда ёзувчи лом — лим демаган бўлса ҳам, яқол кўз олдимизга келтирамиз.

Умуман, мазкур қиссадаги уруш йиллари билан боғлиқ новеллаларни ўқиш жараёнида бир нарсани кузатамиз. Ёзувчи асарнинг поэтикаси талабидан келиб чиққан ҳолда, уруш оқибатларига тааллуқли фикрларни кўп ўринларда турли ишоралар, йўл — йўлакай тасвиirlар, парда орқасидан кўрсатишдек ўзига хос ифода усуслари орқали беради. Бу ўринда асарда иштирок этадиган кўпчилик персонажларнинг тақдирида изтиробли изи сезилиб турадиган урушни кўрсатишда, унга муносабат билдиришда ёзувчи қўллаган ўзига хос тасвирий — ифодавий усул ҳақида сўз кетяпти. Маълумки, бадиий ижода ёзувчи бирон ҳодисани бевосита ёки билвосита тасвиirlагани масалани ҳал қилишда асосий омил бўла олмайди. Бутун воқеаларни батафсил, бевосита тасвиirlаб ҳам асарда ҳеч қандай натижага эриша олмаслик, китобхон туйгуларига таъсири эта билмаслик мумкин. Агар ёзувчи истеъдодли, маҳорати юксак бўлса, у йўл — йўлакай тасвиirlаб, турли имо — ишоралар орқали ҳам ўз асарида кўзлаган мақсадида эриша олади.

Биз юқорида кўрган новеллада уруш оқибатлари нисбатан анча очиқ тарзда берилган дейиш мумкин. Қиссада яна шундай новеллалар ҳам борки, уларда уруш билан боғлиқ драматик маъно хийла яширинган, парда орқасига ўтказилган, ўралган ҳолда берилади. Бу жиҳатдан асардаги «Ўрис боланинг ойиси» номли новелла эътиборни тортади. Унда Зеби хола номли аёлнинг тақдирида уруш қолдирган оғир из, учмас жароҳат ҳақида сўз кетади. Лекин бунга доир гап — сўзларни ёзувчи ҳамма ўринда ҳам очиқ айтавермайди. Масалан, новелланинг бошланиш қисмида Зеби холанинг «сап — сариқ жингалак соч, кўккўз «ўрис бола»сини — Валини жонидан яхши кўриши», уни еру кўкка ишонмаслиги, нима бўлса унга илиниши, ўғлига бирор тегина кўрса, балога қолиши ҳақида гап кетади. Бунинг боиси қўйидагича изоҳланади: «Зеби хола боласини бунчалик авайлалаганича бор эди. Дадамнинг айтишига қараганда, уруш бўлаётган жойдан келтирилган болалардан бигтасини берасанлар, деб Зеби хола курсини муштлаб, чунонам тўполон кўтарибдики, ноилож мана шу Валини хатлаб беришибди» («Дунёнинг ишлари». Қисса ва ҳикоялар, 90 — бет). Демак, маълум бўляптики, Зеби хола Валини (асли исми Валентин) етим болалар уйидан ўз тарбиясига олган, бутун меҳрини унга бағишлиган, унга суюниб қолган. Дастрлаб мазкур персонаж ҳақида шу маълумотта эга бўламиз.

Бир ўринда Валини уриб, бурнини қонаттани учун жўрабошилик мавқеини эгаллаб олган бола Зеби хола томонидан

калтаклангани, ўз навбатида бу бола ҳам кечаси уни қўрқитиб ўч олгани, натижада Зеби хола қаттиқ бетоб бўлиб ётиб қолгани ҳақидаги воқеа берилган. Пошиша хола – ҳикоячи қаҳрамоннинг ойиси йўл – йўлакай шундай бир гап айтади: «Бечорага шу кўргулик ҳам бор экан... Ўзининг фами етмасмиди...» Зеби хола ҳақида ачиниш, ҳамдардлик билан айтилаётган бу гаплардан мазкур персонажнинг ҳаёти билан боғлиқ кўп «сирлар» бор эканлигини пайқаш қийин эмас. Кейинчалик ёзувчи мана шу «сирлар»нинг маълум томонларини очади. Зеби холанинг уруш туфайли энг яқин кишиларидан жудо бўлиб, бир умр доғу ҳасратда қолган аёл эканлигини билиб оламиз. Бу сир Ҳожи бувининг чорбоғида сумалак баҳонасида бўлган хотинлар йиғилишида очилади. Олдинлари ўта дағал, овозлари дўриллаган, эркак табиат Зеби хола шу ўтиришда қўлига дутор олиб, қўшиқ айтади. Бу аёл ҳақида мутлоқа бошқача тасаввурда юрган ҳикоячи қаҳрамон унинг овозини, қўшиқ куйлашини эшишиб лол қолади, ўз таассуротларини «шунчалик босиқ, шунчалик ўртаниб куйлардиларки, баданим жимиirlаб кетди», дея ифодалайди. Ҳикоячи қаҳрамоннинг гапига кўра, ўша ўтиришда Зеби хола айтган бир қўшиқда аёл кишининг ўз умр йўлдошига бўлган садоқати, соғинчи куйланади. У бу қўшиқнинг сўзларидан, куйланишидан олган таассуротини шундай ифодалайди: «Кейин, катта бўлганимдан кейин ҳам муҳаббат ҳақида, вафо ҳақида кўп қўшиқлар эшигдим. Бироқ, аёл садоқати тўғрисида бундан яхши ашула эшигтганим йўқ»... Иккинчи қўшиқда эса фарзанди йўлига кўз тикиб, ранги «заъфарондек» сарғайган, ҳасратидан қон ютиб, кўзларидан нур кетган онанинг қалби, ундан қўшиқка қўшилиб оқиб чиқаёттган мунгли туйгулар ифодаси бор. Мана, дутор, қўшиқ воситасида Зеби хола томонидан қилинаётган «изҳори дил»нинг таъсири, натижаси ҳандай: «Ҳаммамиз қўрқадиган, кўрганда ҳаммамиз қочадиган Зеби хола шуми? Ўша қўппол, ўша жаҳдор Зеби холами шу? Валининг ойисида шунчадард бормиди? Шунча алами бор эканми? Нимага биз билмаган эканмиз!».

Ҳикоячи қаҳрамон бундай таассуротларининг ифодасидан сўнг диққатимизни энди бевосита Зеби холанинг ўзидағи ҳолатга қаратади. Бунда мазкур персонаж тақдиридаги уруш билан боғлиқ қирралар энди бир оз очилгандек, ойдинлашгандек бўлади: «Зеби холанинг юмуқ кўзларидан икки томчи ёш силқиб чиқди – ю қирра бурнининг четида тўхтаб қолди. Дуторни ёнбошига қўйди – да, кенг енгининг учи билан кўзини артди. Ҳамма жимиб қолган, ҳеч ким биринчи бўлиб гапиришга журъат этолмас эди.

– Ҳеч бўлмаса, Кимсаним келгандаям майли эди, – деди у хўрсиниб».

Бу эпизодда ёзувчи сюжетнинг асосий йўналиши – Она образи билан алоқадор воқеалардан четга чиқиб кетмайди. Лекин айни чоқда йўл – йўлакай қиссадаги бош йўналиш билан боғлиқ тарзда, тасвир мантиқини бузмаган ҳолда, бизга таништириб келаётган, уруш аламзадалари бўлган персонажлар қаторида Зеби хола ҳақидаги гапни ҳам чала қолдирмайди, жуда ўринли ишоралар билан у ҳақидаги тасаввурни тўлдиришга эришади. Асарда бу иш тоят силлиқ ва табиий бир тарзда бажарилган. Зеби хола чалиб қўшиқ айтган дутор ҳикоячи қаҳрамоннинг дадасиники бўлади. Улар Вали билан дуторни уйга қайтиб олиб келишда қулогини синдириб қўйишади. Дадасининг баджаҳ одам эканини, бундай иш учун кечирмаслигини яхши билган ҳикоячи қаҳрамон қаттиқ қўрқади. Вали билан иккаласи синган қулоқнинг ўрнига бир темирни тиқиб қўйишади. Орадан уч кун ўтиб, буни билган дадаси, дарғазаб бўлади, ойисига қаттиқ гаплар айта бошлайди, «кatta жанжал бўлиш» хавфи туғилади. Лекин Пошиша холанинг «Зеби опа чалувди... Сумалакка чиққанимизда... бир чалиб берай, девди...» деб секин, ҳадик билан айтган гапларидан сўнг дадаси нимагадир бирдан ҳовуридан тушиб қолади ва кейинчалик улар ўртасида бу аёл ҳақида шандай гаплар бўлиб ўтади: «– Майли, – деди овози пасайиб. – Зеби чалса, майли. У ҳужрага кириб кетди – да, анчадан кейин бир бўлак ёғоч кўтариб чиқди. Дандон сопли пичоги билан ёғочни кеса бошлади. – Дуторнинг қулогини тутдан қимаса, синаверади, – деди секин. Ёғочнинг у ёқ – бу ёғини ўяр экан, уҳ тортди. – Қараб туриб худонинг ишларига ҳам қойил қолмайман. Ота – боладан бир ойда «қораҳат» келса – я!»

– Шуни айтинг, – деди ойим жонланиб. – Тағин ҳам одамзод чидаркан. Ҳам эридан, ҳам якка – ёлғиз ўғлидан жудо бўлиб ўтириби бояқиши. – У бир зум ўйланиб турди – да, қўшиб қўйди. – Бечора, Валисига жуда суюниб қолган. Ишқилиб, орзу – ҳавасини шундан кўрсин...» (99 – бет)

Кўряппимизки, асарда фақат бир ўринда – дутор чалиб, қўшиқ айтиш эпизодидагина бевосита Зеби холанинг уруш мусибати билан боғлиқ ҳолати берилади, холос. Унда ҳам жуда қисқа, бир лаҳзалик муддатдагина Зеби холадаги оғир, мунгли кайфиятга дуч келамиз. Бошқа ўринларда эса ўзгаларнинг йўл – йўлакай у ҳақда айтган айрим гаплари орқалигина урушнинг мусибат тоши эзиб келаётган бу аёлнинг фожиали қисмати ҳақида маълумотта эга бўламиз. Лекин ана шу биз олган маълумотнинг ўзи урушнинг муайян бир инсон тақдираидан қолдирган изи қанчалик оғир, қанчалик унугтилмас, қанчалик даҳшатли эканини тушунишимизда, уни ҳис қилишимизда муҳим роль ўйнайди.

«Дунёнинг ишлари»даги «Хўжа» новелласида ҳам урушнинг инсон қисматида қолдирган ўчмас изларидан бири ҳикоя қилинади. Тўғри, бу ерда ўлим, урушдан қайтмаганлар ҳақида гап йўқ. Лекин моҳият эътибор билан у ҳам асарда тасвирланган фожиаларнинг бир қиррасини ташкил этади. Новелланинг бошланиш қисмида ҳикоячи қаҳрамоннинг ойиси Пошша хола билан дадаси ўртасида Хўжа исмли бола тўғрисида шундай бир гап бўлиб ўтади: «Бир куни дадам тажанг бўлиб гапириб қолди:

— Ўзиям жуда худо урган хотин экан—да, ўша Раъно! Мана, Эгамберди омон—эсон келди—ку! Ўлармиди ликилламасдан кўмилиб ўтиrsa!

Ойим бир нуқтага тикилганча ўйга толди. Кўзларига фусса чўқди.

— Бошидаям—ку, юлдузи юлдузига тўғри келмасди—я, — деди секин. — Аммо барибир чатоқ бўлди. Икки орада бола бечора тирик етим бўлиб қолди» (100—бет). Шундан кейин ҳикоячи қаҳрамоннинг «Гушундим, Хўжани гапиришлатти. Дадаси урушда юрганида ойиси бошقا одам билан Чирчиқ деган жойга қочиб кетган экан...» деган изоҳидан гап нима ҳақда эканини англаб оламиз, биз танишаётган навбатдаги персонаж — Хўжанинг «ҳар кимга бир қараб жовдираб» туришининг сабаблари аниқлашгандек бўлади. Дарҳақиқат, шундай. Хўжанинг дадаси Эгамберди aka урушга кетганда, онаси Раъно бошقا кишига турмушга чиқиб кетади. Эгамберди aka урушдан мажруҳ бўлиб — чап қўли жонсиз осилиб турадиган бир ҳолатда қайтади.

Ёзувчи мазкур новеллада Эгамберди aka ва Раънохон образларига у қадар кенг ўрин ажратмайди. Бир ўринда Хўжанинг отаси Эгамберди aka госиталда ётганида қўлинни кесиб ташламоқчи бўлган докторларга ҳаммангни отиб ташлайман, деб жанжал қилганини, унинг тўппончаси борлигини, гоҳида ўғлига, онангни қаерда кўрсам, пешонасидан отиб ташлайман, деб туришини билиб оламиз. Бу маълумотлар мазкур персонаж ҳақида маълум тасаввурлар ҳосил бўлишида ёрдам беради. Кейинчалик ёзувчи бошقا муносабатлар билан бу тасаввурларимизни янада кенгайтиради. Аниқроғи, бевосита унинг ўзини кўриш, драматик ҳолатларда кузатиш имкониятига эга бўламиз. Масалан, бир ўринда Пошша холаникида Хўжа билан ойиси яширинча учрашиб ўтиришганидан хабар топиб келиб қолади: «Эшик шарақлаб очилди. Хўжанинг ойиси ярқ этиб қаради—ю, илон чаққандек сапчиб ўрнидан туриб кетди. Остонада ялтироқ тугмали китель кийган Эгамберди aka турар, ранги қув ўчиб кетган, нуқул титрар эди...

— Нега к – к – келдинг?! — деди у ғазабдан тили тутилиб.

— Нима к – керак сенга?! — Энди унинг бутун вужуди, ҳатто боши ҳам қалтираб кетди. Ҳар доим таёқдек осилиб ётадиган чап қўлигача титраб кетгандек бўлди. — Нима к – к – керак, айт! — деди лаблари пирпираб». (107 – бет) Эгамберди аканинг ҳам дарғазаб, ҳам зорланған бир аҳволда собиқ хотинига қарата айтилаётган гапларида, шу аснодаги ҳолатида, унинг бутун дарду дунёси аён бўлади. Кейинчалик Хўжанинг бир муносабат билан «дадам ойимни яхши кўради» деган гапи мазкур персонажнинг руҳий оламига нур бергандек, ёритиб юборгандек бўлади. Демак, Эгамберди aka икки ўт орасида бир – томондан, хотинига бўлган муҳаббат, иккинчи томондан, унга бўлган ғазаб – нафрат туйғулари ўртасида жизғанак бўлиб қолган инсон экан, деган хуносага келамиз. Урушда қанча азоблар кўриб, майиб – мажруҳ бўлиб қолган, қайтиб келгач, ор – номус ўтида куйган бу одамга шунча кўргуликлар ҳам озлик қиласди, тақдир яна ўз «ўйинлари»ни кўрсатиб турди. Кейинчалик бошқа хотинга уйланган Эгамберди aka ўтай онага ўчакишиб бир гал ўғлини қаттиқ калтаклайди. Шундан сўнг кўп ўтмай, Хўжа Чирчиқقا – ойисининг олдига кетиб қолади. Бу хабарни ўғлининг дўстидан эшитган Эгамберди aka оғир, ҳатто аянчли бир аҳволга тушиб қолади: «Унинг қўлидан болтаси тушиб кетди. Бир зум лаблари титраб, тикилиб турди – ю, кўзларига ёш қалқиб чиқди.

— Н – нега, и – нега кетади? — деди инграб. Кейин кафти билан юзини тўстанча, тўнка устига ўтириб қолди. Чап қўли ҳамон таёқдек осилиб турар, ўнг елкаси эса дир – дир титрар эди.

Катта одамнинг йиғлашини биринчи кўришим эди. Кечаки Хўжани урганини эшитганимда қанчалик ёмон кўрган бўлсан, ҳозир унга шунчалик раҳмим келиб кетди». (111 – бет)

Уруш турмушини издан чиқариб юборган, аламзада Эгамберди аканинг кейинги ҳаёти ҳам ташвишли кечганини орадан кўп йиллар ўтгандан сўнг ҳикоячи ҳаҳрамоннинг дадаси билан ойиси ўртасида бўлиб ўтган суҳбатдан билиш мумкин: «Анча йиллардан кейин, ўнинчи синфини битираётганимда Хўжанинг дарагини эшитдим. Кечки овқатдан кейин дадам ойимга гапириб қолди:

— Эгамберди бечора куйиб, адойи тамом бўпти. Чирчиқдан келяпман, — деди. — Ўғли чўнтак кесаётганда қўлга тушганмиш.

Ойим «А?!» деди – ю қўлидан пиёла тушиб кетди». (111 – 112 – бетлар)

Бу гаплардан Эгамберди аканинг бутун қисмати, ҳаёт йўли, бошига тушган турмушнинг шафқатсиз савдолари кафтда тургандек кўриниб турибди.

Новеллада Хўжанинг ойиси – Раъно ҳақида қисқа маълумот берилган. Дастрраб айрилиқларга дош беролмаган, фронтда қон кечиб, жон олиб – жон бериб юрган эрига хиёнат қилган бу аёл ҳақида нохуш таассурот пайдо бўлади, биз ҳам ўзимизча, худди ҳикоячи қаҳрамон каби, «бу хотинни ёмон кўриб» қоламиз. Лекин кейинчалик унинг ўзини бевосита кўриш, кузатиш имкониятига эга бўлганимиздан сўнг унга нисбатан муносабатимиз юшагандек, бу аёлнинг ҳам туйғуларини маълум даражада тушунгандек бўламиз. Аввало, унинг ўзи қилган ишидан пушаймон эканлигини, номаъқул ишининг моҳиятини кейин англаб етганини, турли – туман, бир – бирига қарама – қарши туйғулар гирдобида қолганини сезгандек бўламиз. Унинг жийдазорда ўғлининг орқасидан излаб келиб, яширинча у билан учрашиб юришлари, Хўжанинг бу ишдан воқиф бўлган ўртоғига ҳеч кимга айтмагин, дея ялинишлари шундан далолат беради. Шунингдек, Раъононинг Эгамберди ака билан Пошша холаларникида дуч келиб қолганда, «ранги ўчган, бошини қўйи солганча деворга суюниб» туриши, чиқиб кетаётганда жовдираబ турган ўғлини ўплиб, «дадангни хафа қилма» деб унга тайинлашларида ҳам унинг кўнглидан кечачётган зиддиятли туйғулар аниқ сезилиб турди. Хуллас, новеллада Раъонога тааллуқли жуда қисқа имо – ишоралар орқали бу персонажнинг мураккаб, драматик тақдиди ишонарли кўрсатилган.

Мазкур новеллада, унинг номидан ҳам кўринганидек, Хўжанинг тақдидини кўрсатишга кўпроқ ўрин ажратилган. Уруш шароити одамларнинг бошига соглан оғир синовлар туфайли унинг ота – онасининг тақдир йўллари бир – биридан ажralиб кетади, ҳар иккаласи ҳаёт бўлгани ҳолда, у «тирик етим» бўлиб қолади. Бу ҳол унинг ёшлигиданоқ кўнглини ярим, тилини қисқа, ўзини шафқатталаб қилиб қўяди. Дадасининг урушдан олиб келган шинелини бузоги ямлаб қўйгани учун жўрабоши уни «Молинг ҳам ўзингга ўҳшайди. Хўжалар пешиндан кейин айнийди. Ойинг ҳам айнаб, ўйнаши билан қочиб кетган!» (102 – бет) деб ҳақорат қиласи. Ўз ойиси билан яширинча учрашганини кўрган дўстига «Айтмайсан – а?... Ҳеч кимга айтмайсан – а?» – дея ялинишга тўғри келади. Ўгай онасининг ювиги қўйгани кўйлагини ямлаб қўйгани бузоги учун отасидан калтак ейди. Ниҳоят, ойисини излаб Чирчиқка кетади, кейинчалик тарбияси бузилиб, чўнтак кесаётганда қўлга тушади ва ҳоказо. Шу тариқа уруш туфайли одамларнинг бошига тушган ҳижрон, айрилиқ синови, бу синовга дош беролмай енгилтаклик билан ташланган қадам қанча кишининг

ҳаётини барбод қилган, издан чиқарган, тузатиб, қайтариб бўлмас даражага олиб келган.

Юқорида таҳлил этилган бошқа новеллаларда ёзувчи уруш мусибатларига, уларнинг инсон тақдирида қолдирадиган фожиали изларига эътиборимизни жалб этган бўлса, бу новеллада ҳеч кими жангу жадалда ҳалок бўлмаган хонадонни ҳам уруш вайрон қилиши, одамлар қалбида бир умр унугилмайдиган алам, ўқинч ва изтироблар қолдириши мумкинлиги, умуман, уруш инсоният учун ёт ҳодиса эканлиги катта маҳорат билан ифодаланган.

Агар асарнинг ҳозир биз кўрган новелласида оғир синов ийлларидағи аёлнинг ўз умр йўлдошига қилган хиёнати қанчалик баҳтсизликларга сабабчи бўлгани кўрсатилган бўлса, навбатдаги новелла — «Ой қуёшдан нур олади»да шунга тамомила тескари бўлган инсоний фазилатлар ўқитувчи Рисолатхон тимсолида жонлантирилади. Унинг эри, Холпош холанинг ёғли — Йўлдош урушдан қайтмаган. Йўлдошдан ёдгорлик — ўғли Орифжон қолган. Рисолатхон бир умр эрининг хотираси билан яшашга, унга гард қўндирмасликка аҳд қиласди. Бу аҳдни, ҳатто бир пайтлар ўзига майли бўлган, Йўлдошга турмушга чиқсандан кейингина ундан узоқлашган Афзалхоннинг кейинги муносабатлари — севгиси, илтижолари ҳам буза олмайди. Ёзувчи Рисолатни темир одам тарзида кўрсатмайди. У — инсон, демак, қандайдир вазият, ҳолатларда ҳиссиётта берилиш бу аёл учун ҳам бегона эмас. Масалан, унинг уйига Афзалхондан совчилар келиб кетгач, бир неча кун ўзига кела олмай, турили хаёллар оғушида юради. Бир учрашувда Афзалхон тиз чўкиб, унинг оёқларини қучоқлаб: «Айтинг, нима қилас! Биламан, Йўлдошни яхши кўтардингиз. Мен ҳам яхши кўтардим. Дўстим эди... Лекин энди у йўқ — ку!... Иккаламиз битта расчётда эдик!... Прагада ўз қўлим билан ерга қўйдим. Мен тирик қолганим учун айбдор эмасман — ку! Нима қилас, у йўқ — ку!» (126 — бет), дея илтижо қилганида бу ҳолатта юраги дош бера олмай ийғлаб юборади, бир неча марта унинг бошини, соchlарини силайди. Айни тоқда ўзини қўлга ола билади, ҳал қилувчи дақиқаларда аҳдига, садоқатига зид келадиган иш қилмайди. Афзалхоннинг илтижоларига «Мен — чи, мен?... Мен борман — ку!... У ўлган бўлса, ҳам мен тирикман — ку!» (126 — бет) деб жавоб беради. Албатта, ўзига нисбатан айтилган бир йигитнинг бундай илтижоли дил сўзларига бу тарзда жавоб бериш Риослат учун ҳам осон эмас. Мана шу дақиқалардаги унинг ҳолати ҳикоячи қаҳрамон тилидан қўйидагича тасвирланади: «Шу алфозда Афзалхон акамларнинг бошини силаб, кўзларидан шашқатор ёш оққанча анча турди. Кейин секин бурилди — ю, қорли сўқмоқдан чайқалиб, чайқалиб юриб кетди» (126 — бет). Рисолат турган гапки,

Афзалхон қандай йигит экалигини, унинг ўзига нисбатан бўлган муносабати ўткинчи эмаслигини, Афзалхоннинг онасининг таъбири билан айтганда, «дараҳтни бир тепсанг юзта қиз ёғилади»ган бир пайтда бу йигитнинг ўзига нисбатан бўлган муҳаббатида катта маъно борлигини, ўзининг кейинги баҳти ўз ёнида ва унга озгина майл билдиrsa, бир оғизгина розилик сўзини айтса, кифоя қилишини яхши билди. Лекин у шундай қилишдан ўзини тия олади. Бу иши, гарчи ўзи учун яхши бўлса – да, Йўлдошнинг хотираси учун, ундан қолган ёдгорлик – Орифжоннинг ҳамда қайнонаси Холпош холанинг тақдири учун ноxуш бўлишини ақли, бутун вужуди билан сезади. Шу сезгидан келиб чиқкан ҳолда, у Афзалхоннинг муҳаббатини рад этади. Рисолатнинг кейинчалик ўти ва қайнонасини олиб, Андижонга кўчиб кетиши ва муҳаббат ташвиши фақат Афзалхон учун эмас, унинг ўзи учун ҳам оғир кечганини, бундан қочиб кетишга мажбур бўлганини кўрсатиб туради.

Мазкур новеллада Йўлдошнинг онаси – Рисолатнинг қайнонаси Холпош хола фақат бир ўринда – Афзалхоннинг онаси билан Пошша хола Рисолатни сўраб келганларидағи эпизодда ўринади, холос. Аёллар нима мақсадда келганларини билгач, у изтироб ичидаги қолади, боши ҳам бўлади: «Нима қиласай, уруш жудо қиласи ўғлимдан. Боламнинг ўрнига болам деб этагидан тутган эдим.. Майли, иложим қанча, мени деб ёш умрини ўтказса, худо нима дейди». Асарда бу аламзада, мусибатзада аёл ҳақида бошқа меъумот берилмайди. Буни ёзувчи онгли равишда қилганини сезиб турдимиз. Чунки мазкур новеллада Рисолат характерини тўлароқ очиш, уруш ва инсон тақдири масаласига шу нуқтадан келиб чиқиб муносабат билдириш бош муддао бўлган. Ёзувчи такрорийликдан саҳланишга интилиб, Холпош хола билан боғлиқ чизиқни унчалик ривожлантирганини ҳам, бизнингча, шу билан изоҳланади.

Биз «Дунёнинг ишлари»га кирган бир қатор новеллаларда ётути уруш ва унинг инсон тақдирида қолдирган турли ҳуруларини асардаги боши йўналишдан четлашмаган ҳолда ҳурултиб беришга харакат қилганининг гувоҳи бўлдик. Дарҳақиқат, бу новеллаларда биз дуч келган, танишган персонажлар уруш қулирган фожияли изларнинг бирон жиҳати, бирон қирраси билан танишишимизга, уни бевосита инсон қисмати орқали ҳурул қилиб, кўз олдимизга келтиришимизга ёрдам беради. Лўли ҳурийнинг фолига ишониб, бири акасининг, бири фарзандининг, тири ҳули чилласи чиўмасдан урушга кетган умр йўлдошининг тириккагигини умидвор бўлиб, уларнинг йўлига кўз тикиб ўтирган йўлини кимга, Ҳожи буви ва Хайриларнинг интизор қиёфаси иштирекига ўриашниб қолади. Бир кунида ҳам ўлидан, ҳам эридан

«қора хат» олишдек даҳшатли мусибатларга брдош бера олган, юракдаги дарду аламларини фақат гоҳ—гоҳдагина дутор чалиб, қўшиқ айтиб, юзага чиқарадиган, қолган ҳамма меҳрини асранди ўғли — Вали (Валентин) га бағишлилаган Зеби холанинг тақдири бизни қаттиқ, ҳаяжонга солади. Эри жанг майдонларида қон кечиб юрганда, фақат бугуннинг лаззатини ўйлаб, енгилтаклик қилиб, ҳам ўзини, ҳам уни яхши кўриб, уйланган эри Эгамберди акани, ҳам фарзандлари Хўжани баҳтсиз қилган Раъонинг тақдири кишиларда бир—бирига мутлақо зид бўлган туйгулар, муносабатлар уйғотади. Ҳалок бўлган эрининг хотираси олдида фидойи, бу йўлда ҳар қандай майдан воз кечишга, ҳар қандай муҳаббатни рад этишга қодир, ўз аҳдида событ турга оладиган Рисолатнинг иродасига, жасоратига қойил қолмаслик мумкин эмас.

Шу маънода «Дунёнинг ишлари» даги «Пистачи» новелласи ҳам бундай таассуротлар силсиласида ўзига хос ўрин эгаллайди. Агар ўтган уруш билан тақдири боғланган юқоридаги персонажларга нисбатан бизда хайриҳоҳлик, ҳамдардлик, ачиниш туйгулари бўлса, ҳатто ҳаётда енгилтаклик қилиб ножӯя қадам ташлаган Раънога нисбатан ҳам, ундаги баъзи ўқинч белгиларини кўриб, «эгилган бошни қилич кесмас» қабилида муносабат уйғонса, бу қаҳрамон — Далавой налугчига, унинг қилган ишларига нисбатан ғазаб — нафратимизни бошқаролмай қоламиз. У гузардаги бозорчага кираверишда писта, қурут сотиб ўтирадиган одам. Чумчуқнинг тухумидай қурутнинг иккитасини ўн тийинга, пистанинг кичкина бир стакандагисини йигирма тийинга сотади. «Мабодо бирон харидор молининг қимматлини айтса балога қолади.

— Менга ўргатма, ўв! — дейди кўзлари ғазабдан ёниб. Жаҳли чиққанидан сариқ мўйлови учиб—учиб қўяди. — Закунни сендан яхши биламан! Сенга ўхшаганларни деб қон тўкканман! — У гапининг исботи учун тарашадек қотиб қолган, букилмайдиган ўнг оёғининг товонини ўтирган жойида ерга уриб—уриб қўяди. — Кўрдингми?!» (128 — бет). Ёзувчи бу персонажнинг яна бир хусусиятига эътиборимизни жалб этади. Шу йўл билан уни кўз олдимиизда янада аниқроқ қиёфада гавдалантиришта эришади. «Эрталаблари унинг кайфияти ёмон бўлади. Куранг кўзлари сийрак қоши остидан одамга ўқрайиб қарайди. Қурут санаётганда, стаканга писта солаётганда қўли титрайди», дея дастлаб персонажнинг бир ҳолатига ишора қилинади. «Кечқурунга бориб сал чиройи очилади.

— Жа—а—аренний семичка! — дейди овозини баралла қўйиб. Ўтган — кетганга илжайиб қарайди. Силлиқроқ жувонлар ўтса, сариқ

мўйловини бураб, бошини сарак—сарак қилиб қўяди. Яқинроқ келган киши оғзидан арzon вино ҳиди гупиллаёттанини сезади», (128—бет) дея унинг тавсифига тааллуқли янги, бошқа чизгиларни ҳам кўрсатади.

Мазкур персонаж портретига тааллуқли бир—бирига у қадар тўғри келмайдиган бундай чизгиларнинг берилиши, табиийки, бизни қизиқтиради. Урушга қатнашиб қон тўккан, кейинчалик эса бунчалик исқиқрт аҳволга тушиб ўтирган бу одам ким бўлди экан, деган фикр беихтиёр хаёлимиздан ўтади. Турган гапки, ёзувчи бу персонаж ҳақида батафсил маълумот бермайди, балки асарнинг умумий йўналиши, тасвир мантиқи кўтарган даражада ундаги сифатлар билан таништиришга харакат қиласди. Шу ўринда ёзувчи яна персонаждаги ташқи жиҳатлар тасвирига эътиборни қаратади: «Яқин—атрофда Далавой налугчи келяпти», деса чўчимайдиган одам йўқ эди. У гижинглаган қизил жийрон миниб юрар, ярақлаб турган этиги ҳам, галифе шими, «пўрим» қилиб қўйилган сарфиш сочи ҳам ўзига кўп ярашган эди. Елкасидан ошириб ташлаб олган чарм тасмали сумкаси, қўлидаги қамчиси кишида қандайдир қўрқувга ўхшаган нарса уйготади. Одамлар уни кўрганда азбаройи ҳурмат қилганидан эмас, қўрққанидан салом берарди. Булар ҳозир пистафурушлик қилиб ўтирган одамнинг «уруш энди битган» кезлардаги юриш—туришига тааллуқли. Унинг ўша пайтлардаги фаолиятига оид баъзи тафсилотлар ҳам берилади новеллада. Масалан, урушдан сўнгти ҳали етишмовчиликлар кўп, ҳаёт оғир бўлган вақтларда унинг «айтгани—айтган, дегани—деган» бўлган. «Далавой налугчи солиқни ўз вақтида тўлай олмаган одамларнинг ҳовлисига тўппа—тўғри отда кириб келар, ади—бади айтишиб, вақтини ўтказиб ўтирмас, намат борми, самовар борми, хуллас, яроқлироқ бирон буюмни баҳолаб олиб кетарди». Пошша хола хонадонида ҳам у шундай қилган. Аллақандай қоғозларни кўрсатиб: «Давлат бор, закун бор!» деб, «тегишли жойда гаплашиб қўймайлик тағин» дея дағдаға қилиб, оиланинг, бола—чақанинг кунига яраб турган бирдан—бир илинж—эчкини етаклаб олиб кетади. Мана шу эпизодда Далавой налугчининг маънавий қиёфасига хос баъзи жиҳатлар у билан Пошша хола ўртасида бўлиб ўтган диалоглар орқали яхши очиб берилган. Нима бўлса ҳам Далавойнинг кўнглини юмшатиш, бир илож қилиб эчкини олиб қолиш умидида Пошша хола ялинишга ўтади: «— Ҳеч бўлмаса мана шу қора кўзларни ўйланг. Илоё сиз ҳам шунаقا қўша—қўша ўғиллар кўринг, укам,—деди ҳарсиллаб.

Далавой арқонни қўйиб юбормади. Ижирғаниб юзини ўтири:

— Э, шунаقا қинғир — қийшиқ болалар кўрадиган бўлсам, кўрмадим — э!

Ойим тарсаки егандек сесканиб кетди. Бир зум Далавойга тикилиб турди – ю, арқонни қўйиб юборди. Қалин лаблари титрай бошлади.

— Ол! — деди овози қалтираб. Ўша заҳоти кўзлари жиққа ёшга тўлди. — Ўзимни сўксанг сўқ, болаларимни нимага ҳақорат қиласан, имонсиз? — Кейинги сўзлар бўғзидан йиги аралаш нидо бўлиб чиқди.

— Илоё у дунёю бу дунё тирноққа зор бўлгин, билдингми?! Илоё хонадонинг чақалоқ йифисига зор бўлсин!

— Далавой бирпас безрайиб турди – да, гудраниб сўкинди. Арқонни қўйиб юбориб, орқасига бурилди. — Опкет! — деди ойим қатъият билан. — Эркак бўлсанг, сўзингдан қайтма!

— Далавой уч қадамча юрган жойида шартта бурилди. Арқонни юлқиб олди – да, эчкини эшик томон судраб кетди». (138 – бет).

Бу диалогда бир томондан, Далавойнинг қанчалик тубан, бағри тош одам эканлиги маълум бўлса, иккинчи томондан, айнан ўша жойнинг ўзида Пошша холанинг ғазабли гап – сўзлари орқали бу тоифа одамларга нисбатан муносабат ҳам очиқ ифода этилаётир. Шу эпизоддаги бир деталга эътибор бермаслик мумкин эмас. Пошша хола болаларини ўртага қўшиб, эчкини олиб кетманг, дея ялинганида, Далавой унинг болаларини «қингир – қийшиқ болалар» деб ҳақорат қиласди. Табиатан кўнгилчан, кечиримли бўлган Пошша хола бу ҳақоратдан титраб кетади, феълига зид равишда кескин гаплар айтади, ҳатто «Илоё у дунёю бу дунё тирноққа зор бўлгин. Хонадонинг чақалоқ йифисига зор бўлсин!» – деб қаттиқ қарфайди. Ушбу ўриндаги бу кимсанинг болалардан ижирғаниши ва Пошша холанинг уни қарғагани бу кимсанинг кейинги ҳаётига доир тафсилотларни беришда ўзига хос бир ўтиш кўприги вазифасини ўтайди. Кейинчалик биз унинг уйидаги муаммолари, хулқ – автори, ҳикоячи қаҳрамоннинг таъбири билан айтганда, «оппоққина, дўмбоққина... хотин»ини кунда – кунора уриши, унга «қисир сигирсан» деб таъна қилиши, «Сени минг талоқ қўйиб, онаси ўпмаган қизни оламан!» – деган ҳақоратомуз гаплар айтишдек ярамас қилиқлари билан танишамиз. Ҳақиқатан ҳам Далавой айтганини қиласди – бу хотинини қўйиб, бошқа бир қизга уйланиб олади. Янги хотинни ҳам уриб, «қисир сигирсан» деган тамғани ёпиштироқчи бўлганда, у тегишли жойга арз қилиб, эрини ишдан бўшаттиради. Ниҳоят, у бир куни маст ҳолатда келаётганда, оти ҳуркиб судраб кетади, бели билан оёғи синиб, узоқ вақт касалхонада ётади. Шу тариқа бир вақтлар уруш туфайли турмушда вужудга келган қийинчилклардан ўз манфаати йўлида

фойдаланган, одамлар бошқа ташвишлар билан банд бўлган бир шароитда билган номаъқуличиликларини қилган, ичкилик ва бемаънигарчиликлар туфайли майиб бўлган оёғини мунофиқлик билан «Сенлар учун қон тўкканман!» деб миннат қиласидиган, «пўрим» налугчилиқдан исқиҳт пистафуруш даражасига тушган тубан бир шахснинг маънавий портрети кўз олдимиизда гавдаланади. Шу йўсинда «Дунёнинг ишлари» қисссасидаги қатор новеллаларда уруш оқибатлари, унинг инсон тақдирида қолдирган изларини кўрсатувчи турли характердаги талай персонажлар билан танишамиз.

«Дунёнинг ишлари» қисссасидаги новеллалар таҳлили шуни кўрсатадики, Ў.Хошимов асар воқеалари тасвирида меъёрга қаттиқ амал қиласиди, ундаги бош йўналишдан, асосий муддаодан чалғиб кетмайди. Барча сюжет шахобчаларини ҳикоячи қаҳрамон нигоҳи орқали марказий фокус – Она образи атрофида бир нуқтага тўплайди. Мана шундай тор, чекланган имкониятлардан максимал даражада фойдаланади. Натижада қисссанинг асосий қаҳрамони Пошша хола образи атрофида уюшган, уни тўлдириб ва бойитиб турадиган, бу тимсолни ранг – баранг қирралардан кўришга, кузатишга шароит яратадиган, йўл – йўлакай тасвиirlар, имо – ишоралар орқали ҳам фавқулодда бир маҳорат билан чизилган, ҳар бири мустақил бадиий қиёфасига эга бўлган жуда катта қаҳрамонлар давраси билан танишишга муюссар бўламиз. Шу даврада биз кўздан кечирган новеллалардаги тақдири у ёки бу даражада уруш давридаги ҳаётта дахлдор бўлган персонажлар ўз ўрни ва салмоғи билан ажralиб туради.

Одатда биз айрим ёзувчиларга уларнинг асарларини серперсонажликда айблаб, эътиrozлар билдирамиз. «Дунёнинг ишлари» қисссасини ўқиётганда, гарчи унда биз эътиroz билдириб юрган асарларга нисбатан ҳам персонажлар сони кўп бўлса – да, бундай фикр нимагадир хаёлга ҳам келмайди. Бунинг сабаби аниқ. Асадаги ҳар бир персонажнинг ўз қиёфаси бор, ҳар қайсиси воқеалар ривожи давомида ўз зиммасига юклантган вазифани керакли даражада бажара олган. Бу ҳолат бадиий ижодда ҳамма нарса ёзувчининг ўз олдига қўйган мақсадни уddyалай олишига, истеъдод ва маҳоратига боғлиқ, деган оддий адабий ҳақиқатни яна бир карра тасдиқлади.

Иккинчи мулоҳаза шундан иборатки, «Дунёнинг ишлари» асарида биз кўздан кечирган новеллалардаги айрим персонажлар, уларнинг мустақил ва мукаммал қиёфага эга эканликларини инкор қилмаган ҳолда айтиш мумкин, ёзувчининг навбатдаги йирик эпик асари – «Икки эшик ораси» романидаги бир қатор образларнинг

яратилишида «хамиртуруш»лик вазифасини ҳам ўтаган. Аввало, айтиш керакки, дастлаб қисса билан романнинг ташқи белгилари – қамраб олган даври ўртасида ўхшашлик, умумийлик кўзга ташланади. Сўнгра биз эътибор берган Зеби хола, Хайри, Эгамберди, Раъно, Хўжа, Далавой, Холпош ва бошқа персонажлар тақдирни ўзларининг роман имкониятлари даражасидаги тадрижини топганини, катта кўзгуда турли томонлардан кўрсатилганлигини зийрак китобхон пайқамаслиги мумкин эмас. Бу ўринда биз «Икки эшик ораси» даги Қора амма, Башорат, Шомурод, Раъно, Робия, Умар закунчи, Холпош ва бошқа қатор образларни назарда тутамиз. Бу билан биз ёзувчи ўз – ўзини тақрорлаган деган фикрдан йироқмиз, албатта. Бундай фикрни айтишга ҳар иккала асарнинг табиати, жанр хусусиятлари ҳам асос бермайди. Муаллиф «Дунёнинг ишлари» асарининг воқеий, аниқ ҳаётий асосга эга эканлигини очиқ айтади. «Бу қисса катта кичик новеллалардан иборат. Бироқ уларнинг барчасида мен учун энг азиз одам – онам сиймоси бор. Бундаги одамларнинг ҳаммасини ўз кўзим билан кўрганман. Фақат баъзиларининг исми ўзгарди, холос. Бу одамларнинг қисмати ҳам қайсиdir жиҳати билан онамга боғланган»,¹ – дейди у. «Икки эшик ораси» эса соф бадиий йўналишда яратилган эпик асардир. Биз бу ўринда бадиий ижоднинг ички табиати, қонунияти билан боғлиқ тарзда бир ёзувчи ижоди давомида муайян асарида фойдаланилган ҳаётний материалга яна қайта мурожаат қилиши мумкинлигини, ишнинг натижаси эса ўша ёзувчининг маҳоратига, ўша материалга янгидан қандай ёндашишига боғлиқ эканлигини таъкидламоқчимиз, холос. Айтиш мумкинки, Ў.Хошимов бу ишнинг ҳам уддасидан яхши чиқа олган.

ИЗЛАНИШЛАРНИНГ ҚУВОНЧЛИ САМАРАСИ

Сўнгти йилларда ёзувчи истеъодининг муҳим бир қирраси намоён бўлди. Иккинчи жаҳон уруши даври ҳаёти, умуман, ўтган уруш билан боғлиқ воқеаларни бадиий акс эттириш борасидаги тинимсиз изланишлар, интилишлар ёзувчини «Икки эшик ораси»дек кўп планли, композицион жиҳатдан мураккаб бўлган роман яратишга олиб келди.

Эҳтимол, романни ўқиб чиқсан баъзи китобхонлар, ахир, у фақат иккинчи жаҳон уруши даврига бағишлимаган – ку, деб эътироz билдиришлари мумкин. Тўғри, асарда тасвирланган ҳаётнинг хаёлан хронологиясини тиклашга уриниб кўрадиган бўлсак, у анча катта муддатни ўз ичига қамраб олишини, воқеалар тахминан 20 – йиллардан тортиб, бизнинг ҳозирги кунларимизга

¹ Ў.Хошимов. Дунёнинг ишлари. Қисса ва ҳикоялар. F.Фуломномидаги Адабиёт ва сағъат нашриёти, Тошкент, 1982, З-бет

қадар давом этишини кузатиш мүмкін. Албатта, бир асар ҳажмида шунчалик катта бир давр ҳақида атрофлича ҳикоя қилиш қийин. Шунинг учун ёзувчи баъзи қаҳрамонларнинг тақдирини марказий нуқтага ўрни билан чиқариш мисолида мана шу катта ҳәётнинг турли босқичлари ҳақида гоҳо батафсил, гоҳо йўл – йўлакай, гоҳида эса лирик чекинишлар орқали тасаввур беради. Аниқроғи, мана шу босқичларга хос бўлган характеристерли воқеа – ҳодисаларни муайян инсонларнинг ҳаёти, кечинмалари, тақдир йўли орқали кўрсатишга интилади. Масалан, рўманга киритилган баъзи бир асосий ва эпизодик персонажлар борки, улар ёзувчи учун тасвир қўламини мумкин қадар кенгроқ олишга имкон берган. Ориф оқсоқол, Ҳусан думаларнинг ҳаёти мисолида 30 – йиллар, яъни собиқ шўролар давридаги колхоз тузумига оид воқеалар кўз олдимизда жонлангандек бўлади. Муаллим Самадов тақдирида урушга қадарги ҳаётда содир бўлган ноҳақликлар, шахсга сифиниш иллатлари билан алоқадор воқеалар акс эттирилади. Асар қанчалик кенг даврни қамраб олган бўлмасин, барибир, барча воқеаларнинг, инсоний кечинмаларнинг марказида уруш даври, унинг одамлар тақдирида қолдирган машъум излари, аччиқ, изтиробли хотиралари тасвири туради. Мазкур асарда иккинчи жаҳон уруши билан алоқадор воқеалар қаҳрамонлардаги маънавий – ахлоқий сифатларни синовчи мезон бўлиб хизмат қиласи. Ёзувчи уруш даврини, унинг халқимиз тақдирида қолдирган оқибатларини кўрсатар экан, ўша оғир, фожиали кунлар қаъридан келиб чиқиб, ҳозирги ҳаётимизга назар ташлайди, шу кундаги турмушнинг одамлар ҳаёlinи банд қилган энг асосий, бош муаммоларига ўтмиш сабоқларидан келиб чиқсан ҳолда муносабат билдиради. «Эс – ҳуши жойида одам ўзи ётган бешикни ўзи тепиб, синдирамайди, – дейди ҳаётнинг кўп бўрону синовларини кўрган, уруш туфайли бир кунда икки азамат ўғлидан «қора хат» олган, фарзанд доғи умр йўлдошидан жудо қилган, лекин инсон иродасига қўйилган бир ҳайкал каби ҳамон яшаётган, курашаётган Оқсоқол «Номаълум аскар» ва «Фамбода Она» ҳайкалининг очилиш маросимида. «Эс – ҳуши жойида одам ўз онасига қўл кўттармайди. Аммо ер юзида ҳалиям янги уруш очишни ҳаёл қилаётган номардлар бор. Энди уруш бўлмасин, десаларинг, мана шу қўшалоқ ҳайкални тавоф қилинглар».¹ Ёки «Офтоб ҳар куни кулимсираб уйғонади – ю, одамларга нур улашади, – дейди бизнинг тенгдошимиз, замондошимиз бўлган, гарчи урушдан кейин туғилган бўлса – да, унинг қора сояси тақдирида бир умрлик из қолдирган Музофар. – «Мен борман – ку, бир киприк қоққулик қисқагина умрингда тинч – тутув яшасаларинг бўлмайдими?» дейётганга уҳшайди. Қуёш ҳар куни уйғонган заҳоти шунаقا дейди. Одамлар унинг гапига тушунмайди. Уруш қиласи, бир – бирини

^¹ Ў.Хошимов. Иккى эшик ораси. Ф.Ғулом номидаги Адабиёт ва санъат нашриёти. Тошкент, 1986., 459-бет. Кейинги наричалар шу нашридан олишгани учун фақат асарнинг бетини кўрсатиб кетамиз.

ўлдиради. Гүё ўша уруш амманин Кимсан акамдан жудо қылмагандек. Гүё тұқсонаға чиқан аммам, іоз ёшга кирған Оқсоқол бува ҳалиям фарзанд доғида күймаётгандек. Гүё ўша уруш әллик миллион одамнинг ёстигини құритганига қаноат қылмай, ўзи тамом бўлганидан кейин дунёга келган Мунавварнинг, бегуноҳ Мунавварнинг ҳам жонига чанг солмагандек» (550 – бет).

Романинг композицион қурилиши ҳам ўзига хос. Умуман, ёзувчининг сўнгги йиллардаги ижодида қатор изланишлар яққол кўзга ташланниб турди. Бу мулоҳазани унинг асарларининг композициясига нисбатан ҳам айтиш мумкин. Ана шундай композицион ўзига хослик «Дунёнинг ишлари»да кўзга ташланган эди. Шу йўналишдаги изланишни «Икки эшик ораси»да ҳам яққол кузатиш мумкин. Романда тасвиранган воқеалар, қамраб олинган ҳаёт оқими муайян қаҳрамонларнинг тилидан ҳикояни олиб бориш орқали кўз олдимизда гавдаланади. Шу ўринда бир фикрни таъкидлаш жоиз. Биз, умуман, Ў.Хошимов ижодида биринчи шахс тилидан ҳикоя қилишга мойиллик кучли эканини яхши биламиз. Маълумки, бадиий адабиётда қўлланиладиган бундай ифода усулининг ўзига хос мураккабликлари, чекланган жиҳатлари ҳам бор. Чунки бир қатор атоқли сўз усталари бу усулни унчалик маъқул кўришмайди, унинг ижод жараёнидаги ноқулайликларини таъкидлашади. Чунончи, Ч.Айтматов немис адабиётшуноси Хейнц Плавиус билан қилган сұхбатида йўл – йўлакай шу масалага ҳам тўхталиб: «... менга бугун қаҳрамонни учинчи шахсада тасвираш энг етук методдек туюлади. Агар қаҳрамонни биринчи шахсада тасвиранса, имкониятлар чекланиб қолади»¹, деган гапни айтган.

Бу усульнинг мусбат ва манфий жиҳатлари бор эканлигини атоқли сўз санъаткори А.Қаҳҳор ҳам бир вақтлар Ў.Хошимовга ёзган хатида эслатиб ўтган эди.² Устозининг бу эслатмасини Ў.Хошимов ижодий изланишларида ҳамиша назар – эътиборида тутишга харакат қилди. Ўзига қулайроқ бўлган ана шу ифода усулининг янги қирраларини ахтаришга, янги имконичтларини кашф этишга доим интилди. Мана шу интилишнинг самарасини, жумладан, «Икки эшик ораси» романидаги ҳам кузатиш мумкин.

Танқидчи У.Норматов бир мақолосида романнинг поэтикаси билан боғлиқ ёзувчининг бундай изланишларига эътиборни қаратади: «Шу пайтта қадар, – деб ёзади у, – бизда асар воқеаларини қаҳрамон тилидан ҳикоя қилиш усули бор эди: бунда воқеа кўпроқ бир, гоҳо эса икки персонаж тили, нигоҳи орқали берилар, баъзан эса бир неча персонаж бошдан ўтганларини ҳикоя қилиб берар эди. Бир эмас, бир неча персонаж тилидан ҳикоя

¹ «Новый мир», 1977, № 12, стр. 255

² А.-Қаҳҳор. Ёнлар билан сұхбат. Нутқ, мақола, сұхбат, тақрия ва ғазипмалар. «Еш гвардия» пашриёти, Тошкент, 1983, 3- бет.

қилинган асарлардаги ҳар бир персонаж саргузашти күпинча мустақил, тугал ҳикоя ёки қисса шаклини олар эди. «Икки эшик ораси»да эса ўзгача манзарага дуч келамиз. Бир—икки эпизодни мустасно қилғанда унда алоҳида мустақил, тугал саргузаштлар йўқ; асарда бир неча саргузаштлар параллел равища бир—бирлари билан тулашган, чирмашган ҳолда бериб борилади. Ўнга яқин ҳар хил ёшдаги ҳикоячи персонаж, бунинг устига улар умр поғонасининг турли босқичларида туриб саргузаштларини ҳикоя қиласидар. Кўп ўринда бир ҳодиса икки ёки бир неча персонаж нуқтаи назаридан ҳикоя қилинади, баҳоланади. Масалан, Раъононинг хиёнати ҳам унинг ўзи, ҳам уни шу йўлга бошлаган Умар закунчи, ҳам Робия тили, нуқтаи назаридан борилади, бир ҳодиса уч шахс нигоҳида уч хил талқин этилади³ У.Норматов бу ўринда ўзбек ҳарбий прозасида ёзувчиларимизнинг тасвирий—ифодавий изланишлари билан боғлиқ бўлган муҳим жиҳатга диққатимизни жалб этаётир Бунинг сабаби бор, албатта. Чунки «Икки эшик ораси» романни характер яратиш борасида Ў.Ҳошимовнинг сўнгги йилларда олиб борган тажрибаларининг маълум маънодаги синтези, дейиш мумкин. У ўзининг бир мунча олдин яратган асарларида ҳикоялашнинг турлича шаклларидан фойдаланган эди. «Дунёнинг ишлари» асари ёзувчининг бу борадаги катта ютуғи бўлди. Қисса ўттизга яқин новеллани ўз ичига олади. Уларнинг ҳар қайсида бир неча персонаж тақдири ҳикоя жанри имкониятлари даражасида тасвирлаб берилади. Ҳар бир образ мустақил характерлар сифатида эътиборни ўзига қаратади. Айни ҷоқда улар ҳаммаси йиғилиб, ягона бир марказга бирлашадилар, ёзувчининг бош мақсади—она образини турли нуқталардан, ранг—баранг товланишларда очиб беришга хизмат қиласиди. Тасвирий—ифодавий усул соҳасидаги изланишларни» Икки эшик ораси»да Ў.Ҳошимов янада юқорироқ нуқталарга кўтариб, бу борада янги имкониятларни топди. «Дунёнинг ишлари»да тасвирланган барча воқеалар ва тақдирларда, гарчи улар бир восита—ҳикоячи қаҳрамон воситасида кўз олдимиизда гавдаланса—да, иккита нигоҳнинг, нуқтаи назарнинг ва ҳиссий муносабатнинг ифодаси сезилиб туради. Бу ҳикоячи қаҳрамон ва она—Пошша хола образлариdir. «Икки эшик ораси»да ёзувчига роман жанрининг беқиёс эпик имкониятлари қўл келади. У муаян ҳодисага, қаҳрамоннинг у ёки бу хатти—харакатига муносабатни, баҳолаш мезонини кўрсатиш йўли билан тасвирдаги рангларнинг, оҳангларнинг хилма—хил бўлишига эришади. Бу эса У.Норматов таъкидлагандек, «...асарга ўзига хос полифоник хусусият, сержило маъно бахш этади, асар драматизмини кучайтиради». Шунингдек, психологизм тасвири ҳам чуқурлашади. Романдаги бир эпизодга назар қилайлик. Бунда иккала ўғлидан ҳам

³ У.Норматов. Тақдирлар романни. «Икки эшик ораси» романни шаштаги сўнгти сўз. F.Ғузом номидаги Адабиёт ва санъат нашриёти. Тошкент, 1986, 553-бет.

«қора хат» олган Ориф оқсоқол Қозим исмли аскар йигит билан қочиб кетгән кичик келини Зуҳрани бир ҳафтадан сүңг топиб келиши ва ҳеч кимнинг хаёлига келмаган ишни қилиши – келинини ўша аскар йигиттага никоҳлаб бериши воқеаси тасвирланган. Хўш, мана шу ҳамма биладиган ва гувоҳи бўлган, асаддаги драматик тасвирнинг чўққиларидан бири ҳисобланган бу воқеага бошقا қаҳрамонлардаги акс садо, муносабат қандай бўлган? Робиянинг ойиси – «қора амма:» Етти номус – бир ўлим, болам! Шарманда бўлдик, шарманда бўлдик! Оқсоқол келинини тутиб кепти!... Зуҳра ўлтур бузуқ экан! Дўрмон деган жойда ўйнаши билан бекиниб ётган еридан қайнотаси тутиб кебди. Иккаласиниям бўйнига арқон солиб обкебди» (303 бет). Робия: «Олимжон гапирганда Зуҳра келиннинг тириклигини эшитиб хурсанд бўлган эдим. Ҳозир уни ёмон кўриб кетдим. Тўғри – да! Оқсоқол бунақа иснодни қандоқ кўтаради? Холпош хола – чи! Бир эмас, икки ўғлидан баравар айрилган бўлса! Устига устак келини бунақа қилиқ қиласа! Зуҳра келин Зокир акани яхши кўрарди – ку! «Қора хат» келса, бўлди экан – да!» (303 – бет). Ориф оқсоқолнинг уйидаги бу мажорани кўришни истамаган Робияга Башор опа «Зуҳра ўлиб кетса, майлими?.. Юр, Оқсоқолга ялинамиз. Бечоранинг ёш жонига жабр қилмасин», дейди. У ҳовлига киришгач, илтижо билан «Оқсоқол... Зуҳрахонни мен биламан. Ҳалол жувон! Оқсоқол, менга ишонинг! Тухмат гапларга учманг... Жон Оқсоқол!» (305 – бет) дея мурожаат қиласди. Ҳусан дума: «Ёш – да... Кичиқдан хато, каттадан узр, биродар. Ҳудо хайрингни берсин, кечира қол энди» (305 – бет) дея дўстини шайтонга ҳай беришга чақиради. Умар закунчи аскар йигитни назарда тутиб, «Жим!... Тише! Бизнинг илфор тракторчини, стахановчи Зуҳрахонни йўлдан урган дизертирни қанақа жазолашни ўзимиз биламиз» (306 – бет) дейди. Оқсоқолнинг, сиз менинг уйимдаги ишга аралашманг, дейишига жавобан «Бунақа шармандаликка сиз чидасангиз, биз чидолмаймиз. Ўртоқ колхозчилар! Шу кунгача колхозимизда бунақа хунук иш бўлганми?» (307 – бет) дея бу ишни ўзича баҳолайди. Ёзувчи Умар закунчининг вазиятдан ўз мақсади йўлида қандай фойдаланган – лигига яна эътиборни қаратади: «Қизиқ, – деди лабининг бир бурчи билан кулимсираб. Шунақа истеҳзоли кулдики, ингичка мўйлови қийшайиб кетди. – Белида белбоғи бор одам шундоқ иснодга чидаса, майли, биз нима дердик» (308 – бет). Зуҳранинг опаси, шу хонадоннинг катта келини Фотима аввал синглисини «Жувонимарг!... Илоё Зокир аканинг арвоҳи урсин, хўпми? Сендек синглим йўқ, билдингми! Отамнинг арвоҳига солдим, беномус! Илоё бу кунингдан баттар бўл, шарманда!» (308 – бет) дея қарғаган бўлса – да, бошقا ўрнида қайнонаси – ерда фарёд чекиб ётган Холпош холага ёпишиб, «Қарғаманг, ойижон!.. Дуоибад қилманг синглимни! Майли, бир кунмас бир кун ўзи...» (311 – бет) дея

Зұхрани ҳимоя қылғандек бўлади. Зұхрани аскар йигитта никоҳлаб бермоқчи бўлаётган чолининг харакатларини кўриб, Холпош холанинг фифони кўкка кўтарилади. Бу ҳолат шундай берилади: «Боядан бери айвон ўртасида чўзилиб ётган Холпош хола ярқ этиб кўзини очди. – Дод! – деди тўлғаниб. – Зокир! Болам! Қандоқ чидайман. Илоё арвоҳинг урсин, жон болам! – амаллаб қаддини ростлади – да, кўзи тўла ёш билан Зұхра келинга юзланди. – У дунё – бу дунё косанг оқармасин, жувонмарг! Кун кўриб, куни рўшнолик кўрмагин, имонсиз!» (311 – бет). Чоли домлага никоҳ ўқишига охирги буйруқни берганда, «сўнгти бор оҳ» чекади – ю, «ранги докадай оқариб, боши шилқ этиб ёнига» тушади. Шу алфозда ёзувчи Ориф оқсоқол руҳияти ифодасида чинакам маҳорат кўрсатади. Унинг ички оламида содир бўлаётган барча ҳолат, ўзгаришлар қаҳрамоннинг харакатларига, сўзларига кўчирилади. Шунинг учун ҳам ушбу дақиқаларда унинг юрагида юз бераётган ҳар бир тебраниш эътиборимиздан четда қолмайди. Бу – бежиз эмас. Чунки бу мураккаб, қалтис вазиятда у ҳамма нарсани ҳал қиладиган, содир бўлган воқеа юзасидан ҳукм чиқарадиган одам. Барчанинг нигоҳи унга қаратилган. Тўпланганлар оқсоқолнинг харакатларини фақат кўзлари билангина кузатаётганлари, сўзларини фақат қулоқлари билангина эшиштаётганлари йўқ. Шу лаҳзаларда уларнинг бутун вужуди кўзу қулоққа айланниб кетган. Мана одамлар гувоҳи бўлган ўша манзара: Башор опанинг қилган илтижоларига «Ориф оқсоқол «кишт» деб товуқни ҳайдагандек кафтини тескари қилиб» силкитади; Умар закунчининг буйруғи билан аскар йигитнинг кўлини қайирмоқчи бўлаётган Исмоил мелисага «Сен нонни очиридини текшир, хўпми?!» дейди; унинг келинини – «стахановчи колхозчини» гўё аскар йигитдан ажратиб олмоқчи бўлаётган Умар закунчи унинг ўзининг гапи билан «Белида белбоги бор одам шундоқ иснодга чидаса, майли, биз нима дердик», деб жавоб зарбасини берганда, у «ўқ егандек қалқиб» кетади, хонтахта остида ётган болтани кўлига олади ва «болтани қаҳр билан боши устида баланд» кўтаради; унинг болтали кўлига ёпишган қадрдони Ҳусан думани қаттиқ силкитиб, айвоннинг бурчагига учириб юборади, «тиzzаси билан Холпош холанинг қорнига» тепади, «Шунаقا дегин!» дея «болтани саланглатиб Закунчи томонга икки қадам» босади; шу ҳолатида йигилганлар тасаввур ҳам қиолмайдиган ишни амалга оширишга қарор қиласи – Ҳусан думани Афанди домлани олиб келишга юборади; Оқсоқолнинг важоҳатини кўриб, «ранги бўздек оқариб кетган», мутассил титраётган аскар йигитнинг ёнига гарданига болта дастаси билан нуқиб Зұхра келинни ўтказиб қўяди ва ундан «Керакми, сенга шу?!» деб сўрайди; ниҳоят, Ҳусан дума Афанди домлани олиб келгач, ундан никоҳдаги хотин олти ойдан сўнг боши очиқ саналишини аниқлаб олади ва тўпланганларга мурожаат қиласи:

«Халойиқ!.. Зўрани келинниммас, қизим дегандим. Афсус, толе уни боладан сиқди. Агар ақалли битта боласи бўлганида, Зокиримдан битта зурриёд қолганида, — унинг овози титраб кетди. — Зўра менга битта невара туғиб берганида мана шу қилмиши учун ўз қўйим билан чопиб ташлардим. Неварамни тирик етим қилгандан кўра, ўлик етим қилиб, ўзим боқардим. Нораста болани ҳаром онанинг қўлига бериб қўймасдим. Худо Шокиримга берган туёгини Зокиримдан аяди. Давлат билан фарзанднинг эрта—кечи йўқ. Болам тирик бўлганида Зўра қўчқордек ўғил туғиб берса ажабмасди. Уруш бўлмаганида балки шу бугун невара тўйи қиласдим... — Оқсоқол энтикиб қолди. Юзини четга бурди. Кўзи намланди—ю, аммо йифламади. Ҳаво етмагандек беш—олти марта чуқур—чуқур нафас олди—да, давом этди... — Нима қиласай, Пешонамга сифмаган экан. Зўраям ўзимнинг фарзандим. Йўлига тўғаноқ бўлсан гуноҳга ботаман. — У кутилмаганида икки букилиб, одамларга таъзим қилди. Қўлидаги болта тарақлаб ерга тушди. — Мени маломат қиласа, халойиқ! — деди илтижоли оҳангда» (310—311—бетлар). Сўнгра ўзининг тепкисидан ҳали ҳам ерда йиқилиб ётган, шу ҳолатида Зуҳрани тинимсиз қарғаётган Холпош холанинг олдига «бас!» дея бостириб боради, лекин нимагадир у ерда чўккалаб қолади, кутилмаганда бирдан юмшайди. «Қўй, хотин, ёмон ният қиласа, — деди Холпош холанинг оппоқ соchlари ёйилган пешонасини силаб. — Қўй онаси буям боланг—да! Буниям баҳтини ўйлашинг керак—да, хотин. Сен билан мен эртага бормиз—ми йўқми.. Ана, домла айтди. Эри ўлган хотин олти ойдан кейин боши очиқ бўларкан. Зўра бир ярим йилдан бери бева—ку, онаси» (311—бет). Кейинги воқеалар бир зумда содир бўлади. Оқсоқол «нимага анқаясан, ҳов. Бўлсанг—чи!» дея имиллаётган домлани харакатга келтирди. Никоҳ ўқилиб, расм—руслар тезда тугайди. Ўқувчи тийғуларини ларзага келтирадиган бу манзара шу воқеаларнинг ҳаммасини бизга ҳикоя қилиб бераётган Робиянинг назарида қўйидагича якуп топади: «Ҳовлидаги оломон, айвонда турган бобом, Умар Закунчи, Исмоил мелиса—ҳамманинг оғзи очилиб қолган эди. Зуҳра келин каловланиб ўрнидан турди. Яқин келиб, ўзини оқсоқолнинг оёғига ташлади.

— Отажон! отажон! — деди илтижо билан.

Оқсоқол оёғини тортмади, аммо Зуҳра келинга қарамади ҳам. Шошилмай ўрнидан турди—да, ҳозиргина Холпош холани судраб обкириб кетган уйга йўл олди. Зуҳра келин чўккалаганча ўша томонга қўл чўзди.

— Ота ... — деди секин, умидсиз оҳангда» (312—бет).

Мазкур эпизодда ёзувчи бадиий тасвир имкониятларининг нақадар чексиз, ранг—баранг эканлигини намойиш эта олган десак,

бизнингча, ҳеч муболага бўлмайди. Чунки бир ҳодисанинг ўзини бунчалик теран кўрсата олиш, унга нисбатан бўлган турлича нигоҳларни, хилма – хил нуқтаи назарларни бериши, шу иш дахлдор бўлган асосий қаҳрамонлардан бири – Ориф оқсоқол руҳиятидаги ўта мураккаб товланишларни, тебранишларни жуда нозиклик билан илғаб олиш асарда катта маҳорат, юксак санъаткорлик билан бажарилган.

Санъаткор қай мавзуга қўл урмасин, қай композицион турдан фойдаланмасин, сюжетни қурмасин, ҳикоялашнинг қандай усулини танламасин, пировардида, булар ҳаммаси шу асарда яратилган инсон образини – характерларни жонли ва тўлақонли чизиш ишига хизмат қиласди. Бинобарин, бу масала кўп жиҳатдан асарнинг муваффақиятини таъминлайдиган бош омиллардан биридир. «Икки эшик ораси» романнинг образлар галереяси жуда бой ва ранг – барангdir. Асарда 60 нафар ортиқ персонажнинг номи тилга олинади. Булардан ўнга яқини фаол қаҳрамонлар бўлиб, уларни чинакам бадиий характер даражасига ўсиб чиққан образлар дейиш мумкин. Романнинг образлар системаси, ундаги хилма – хил қиёфаларнинг бадиий жонлантирилиши, бу борадаги ёзувчи маҳорати ҳақида шу пайтга қадар анча баҳслар бўлди, талай мақола ва тадқиқотлар эълон қилинди. Биз эса ишимизнинг умумий руҳидан келиб чиққан ҳолда, бу ерда кўпроқ романдаги бой ҳаётий тажрибага эга бўлганлиги туфайли эл назарида бўлган, уруш даврида фронт орқаси ҳаётининг заҳматларини кўпроқ чеккан, фақатгина фидокорона меҳнати билангина эмас, оғир синов пайтида сабот – матонати билан ҳам шахсий намуна бўлган, элга бош – қош, маслаҳатгўй сифатида унинг юкини енгил қилган табаррук қариялар – отахон ва онахонлар образларига алоҳида тўхталиб ўтишни лозим топдик. Бундай образларга алоҳида тўхталишимизнинг сабаби, уларнинг ёшига бўлган ҳурмат эмас, балки асарда тутган мавқеидир. Романдаги «Қора амма», Ориф оқсоқол, Ҳусан дума образлари ана шундай етакчи тимсоллар сирасига киради. Инсондаги фидойилик, сабот ва матонат каби сифатлар юқоридаги характерлар мисолида ишонарли тасвир этилган. Бу образлар тасвиридаги кўламдорлик уларнинг ҳаёт ва фаолият доираси кенг қамраб олинганлигидагина эмас, балки фалсафий чуқурлигига – бутун ҳалқнинг тарихи, кураши, шиҷоати, фидокорлиги, тантлиги, бағри кенглиги ва соддалигини ўзига сингдириб олган умумлашма образлар эканлигига ҳамдир.

Чунончи, Ҳусан Дума ва Ориф оқсоқол ҳалқ тимсоли бўлган образлардир. Улар ўз умрлари мобайнинда адоқсиз даҳшатларни сабот билан енгиб, она ерига, юртига, имонига садоқатини қон билан, жон билан исбот қилиб келган кишилардир. Фронтда жон

олиб, жон бераётган йигитлар ҳам шуларнинг фарзандлари. Улар ҳам шу юртга, ҳалқа оталари каби садоқатли бўлиб етишадилар. Чунки, ўртада ҳеч қандай ёвуз куч енга олмайдиган маънавий ворислик бор. Ёзувчи фронт билан фронт орқасини худди ана шундай маънавий ип боғлаб турганига алоҳида ургу беради.

«Қора амма» ҳикоясидағи қуйидаги тасвир билан танишайлик: «Шомуроднинг феъли чолимга ўхшайди. Чолим ҳам ўз киндигини ўзи кессан хилидан эди. Колхозга биринчи бўлиб ёзилганида Ориф хўжабойнинг одамлари кечаси уйимизга бостириб кирган. «Ичагингни бошингга салла қилиб кетамиз» деб қўрқитишган. Чолимнинг жуссаси кичик бўлсаям, юраги отнинг калласидек эди. «Шу гапинг учун ҳам колхоз бўламан, қўлингдан келганини қил!» деб тураверган. Босмачи чиққанида кетига кўп тушишди. Бир марта отиши ҳам. Менинг толеимгами, Кимсанимнинг баҳтими, бирон жойи тирналмади. Қайтага оқсоқол билан аскар тўплаб, босмачини Паркатгача тириқтириб келишди» (38 – бет).

Фарзандлар садоқатига ишонч Ориф оқсоқол тилидан тиниқроқ ва аниқроқ айтилади: «Менинг ўғилларим ўлмайди! Ориф оқсоқолнинг ўладиган ўғли йўқ!» – ҳайқиради у ўғиллари ҳақида қора хат олганда. Шу тариқа ёзувчи романда оталар жасорати ва фарзандлар садоқати ҳақидағи гапларни ёнма – ён равишда ривожлантириб боради.

Ориф оқсоқол ва Ҳусан Дума, ўзларининг айтишича, «минг йиллик» қадрдон. Улар романда бир – бирларини тўлдириб, мукаммалаштириб борадилар. Ориф оқсоқол образи ўзининг тўлақонлиги, кучли шахсияти ва етуклиги билан эътиборимизни тортади. Оқсоқол образи деярли романнинг бошидан охиригача воқеаларда фаол иштирок этади ва асарнинг бош образларидан бири сифатида таассурот қолдиради.

Ориф ота – ўзи саводсиз дәхқон. Аммо бутун кучини, борлигини, ҳаётини шу эл, шу юрт учун сафарбар этган одам. У бир вақтлар совет ҳокимиятини қон кечиб, ҳимоя қилган, босмачиларга қарши курашда жонбозлик кўрсатган. Коллективлаштириш даврида эса шу «Қизил дәхқон» колхозини ўзи бош бўлиб тузган, раис сифатида шу хўжаликни илфор даражага олиб чиқкан.

Ориф оқсоқолнинг ташкилотчи сифатидаги бош хусусияти – унинг ҳалқ билан бир тиlda сўзлашишида, унинг дарду ҳасратларини яхши билишида ва кези келганда, унда ҳар қандай шижоатга, ишга сафарбарлик кайфиятини уйғота олишида. Шунинг учун ҳам қишлоқ аҳли уни ҳурмат қиласади, айтган гапини икки қилмайди. Фронтта ёрдам саҳнасини эслайлик. Ўзининг кундалик эҳтиёжини зўрга қондириб юрган ҳалқдан урушга ёрдам уюштириш

осон иш эмас эди. Албатта, кўпчилик бу ишнинг қанчалик зарурлигини ҳис этар, «урушга ёрдам» деганда, ўзининг фронтда қон кечиб юрган ўғли, укаси, жияни, ҳамқишлоғи кўз олдига келар ва ўз томоғидан қайтариб бўлса—да, ёрдам фондига берар эди. Аммо — элчилик. Кўпнинг ичида уч — тўртта заёмдан қочадиган, солиқчи келса, бекиниб оладиган, ўзини эшитмаганга солиб юрадиган одамлар ҳам топилиб қоларди. Ана шундай одамлар билан муомала қилишда қишлоқ совети раиси ва Умар закунчи уларни фақат жазо ҳамда қамоқ билан қўрқитишар, бу ишнинг аҳамиятини одамлар қалбига, ориятига тегадиган қилиб етказа олмасдилар. Ана шундай пайларда Ориф оқсоқолнинг одамлар Аилини яхши билиши, улар билан дәхқончасига тиллаша олиши иш берарди.

Оқсоқол ҳар бир хонадонга эринмай кириб чиқар, бирорни тўғри сўз билан кўндиrsa, бошқа бирорни ориятни ўртага солиб, уялтирап эди. «Хой, белингда белбоғинг борми ўзи? Йигитларимиз у ёқда қонга ботиб юрипти. Сен бу ерда кетингни танчага тиқиб ётибсан, энди бир жуфт этикниям аядиган бўлдингми, нодон!» Оқсоқол йигинда шундай деб ҳайқирганда, ўша четда турган ҳам топган — тутганини олиб чиқиб, ўртага ташлайди.

Бирорга таъсир қилишнинг энг олий усули, ҳақиқий ташкилотчиликнинг бош хусусияти — шахсий намуна. Буни Оқсоқол яхши тушунади ва шунга амал қиласди. Қандай юмуш ҳақида ташаббус кўтармасин, биринчи бўлиб кетмон — ўроғини кўтариб, ўзи олдинга ўтади. Бу ишда ҳам шундай бўлди. Оқсоқол кийиб юрган ягона оёқ кийими — этигини ечиб, урушга ёрдам учун тоширди: «Мен яланг оёқ юрсам ҳам ўлмайман! Тошканни қиши совуқмас!» — дейди у. Шундай деб ҳалқни қўзғатади, уни сафарбар этади — ю, ёмғирда уч кун калиш кийиб картошка қазиб, эски дарди — белининг боди тутиб, ётиб қиласди.

Оқсоқолдаги иккинчи муҳим хусусият — фидойилик. Аммо бу унинг учун кўкракка уриб минбарлардан айтиладиган мавҳум тушунча бўлмай, балки қаҳрамоннинг ҳар бир шахс, воқеа — ҳодисага муносабатида кўринадиган амалий фидойилиқдир.

Чинакам фидойи бўлишнинг биринчи шарти — кишининг ўз манфаатидан кеча олиши, ундан умум манфаати, ҳалқ ва юрт манфаатини устун қўя билиш қобилиятидир. Ориф оқсоқолда худди ана шундай хислат ўзининг олий даражасида намоён бўлади. Ҳалқ учун фидойилик одамларга фидойилиқдан бошланади. Оқсоқол ҳеч кимнинг ғам — ташвишига бефарқ бўла олмайди, уни ўз ғам — ташвишидек қабул қиласди.

Қаҳрамондаги биз дастлаб унинг ўзига бутунлай бегона бўлган одамга – ўқитувчи Самадов (Робиянинг дадаси) оиласи тақдирига муносабатида кўрамиз. Оқсоқол саргардонликда юрган бу оилани колхозга кўчиртириб келиб, Ҳусан думанинг бир хонадонига жойлаштиради. Баҳор чиқиши билан ҳашар усулида уй қуриб беришларини айтиб, оиланинг кўнглини кўтаради, «маълим» ни ишга жойлади. Самадов ноҳақ қамалиб кетганда эса, унинг қизи Робияга Ҳусан дума билан тенг равишда оталик қиласи.

Оқсоқол фрагида инсонга бўлган меҳрнинг чеки йўқ. Ноҳақликка эса тоқат қилиб тура олмайди, унга қарши чиқмаслиги мумкин эмас. Ориф оқсоқол – виждан доимо уйғоқ одам. Умар закунчи Олимжонни ноҳақ жазолаганини эшиттанда, кампиди ўлиб, каловланиб қолган Оқсоқол «Бирдан қаддини ростлади. Худди ўша қадимги Ориф оқсоқолга айланди. Қуюқ қошларини чимириб, хавончадек муштини хонтахтага урди.

— Қачонгача зулм қиласи бу? Совет ҳокимияти борми – йўқми ўзи?.. — Районга бораман! Ўртоқ Абдураҳмоновга йўлиқаман! Уям қулоқ солмаса, Москвага бораман! Робия, ол, давот – қаламингни. Ёз, қизим! Оқсоқол бу ноҳақлик ва зулмни «ҳазм» қилиб, ҳатто арзимаган қўл қўйишидан бош тортган Комил табибининг хатти – ҳаракатларидан қаттиқ хафа бўлади. «Э, муллаваччаларга ўҳшамай ўл! – деди Оқсоқол табибининг орқасидан сўкиб, — Латта! Бола бечоранинг бадани имла – тешик бўлиб кетипти – ю, қўл қўй деса, кўнмайди. Бир жойдаги одаммиш. Раис бир кунмас бир кун жазосини олармиш. Ёмонлик жавобсиз қолмасмиш. Ўргилдим сенга ўҳашаш пайтавақулоқ ўзбекдан! Кетдик, Дума! Табиб даъвогар бўлмаса, мана мен даъвогарман!» (330 – бет)

Ёзувчи Ориф оқсоқол образининг турли вазиятлардаги турли қирраларини очиб бораверади. Кўз олдимизда Оқсоқол тадбиркор, кескин фикрли, душманга шафқатсиз, дўстга меҳрибон, хуллас, мардона бир характер сифатида шаклланиб, тўлишиб бораверади.

Оқсоқол ёши ўтган, онги эски қарашлар таъсирида шаклланган, саводсиз бўлишига қарамасдан янгиликни сергак қабул қиласи. Кўп ҳолларда воқеаларга сергак қараш, вазиятта тўғри баҳо берга билишлик, кутилмаганда энг тўғри қарорга келиши унинг табиати учун жуда характерлидир.

Фронтдаги Кимсан билан қишлоқдаги Робиянинг унаштирилиш тўйини эслайлик. Бир қарагандо, ўзбек одати, уруш вазияти учун ҳақиқатдан ғалати ҳодиса бу. Ўғиллари Кимсаннинг фронтдан ёзган бу илтимоси Ҳусан дума ва «Қора амма»ни

бутунлай шошириб қўяди. «Амма»ни, бир томондан, Кимсан ва Робиянинг ака—сингилдай бўлиб ўсгани ўйлантирса, иккинчи томондан, одамларнинг «Булар келин туширишнинг харажатидан қочиб, асраб олган қизини ўғлига сув текинга олиб бераяти», деб гапириши мумкинлигини ўйлаб ташвиш тортади. «Хўш, нима бўпти? — деди қўлини пахса қилиб Оқсоқол. — Икки ёшнинг юлдузи юлдузига тўғри келган бўлса, сен нимага обидийда қиласан, ахмоқ хотин?!» Ориф оқсоқолнинг бу кутилмаган лўнда холосаси катта муаммога айланиб, кўп хираликлар келтириб чиқариши мумкин бўлган масалани ҳал қиласди — қўяди. «Қора амма» яна қандайдир гумонлар огушида қолиб, иккиланганда, Оқсоқолнинг ғазаби келади: «Афти буришиб кетди. Сандал устига ёзилган қўроқ дастурхонни жаҳл билан муштлади. Туршак жийдалар ҳар ёқса сачраб кетди.

— Икки ёш бир — бирига кўнгил қўйганми, ахир! Оғзига кучи етмаганлар билан нима ишининг бор? Айтдим — ку, қизингга мен совчи бўп чиқаман. Анови мумсик чолингга айтиб қўй: шу пайттacha Ориф оқсоқол совчи бўлиб борган хонадонидан қиличи синиб қайтмаган. Гап шу: қиз — Думаники, ўғил меники. Тушундингми?» (146 — бет). Мана шу ўринларда қаҳрамон характери ўзининг бор виқори билан кўринади. Ёзувчи унинг хатти — харакатлари, гап — сўзларига китобхонда заррача шубҳага ўрин қолдирмайди. Ориф оқсоқолнинг янгиликни сергак ҳис этиш ва ҳимоя қилиш, мардлик, ўз манфаатидан умумманфаатини юқори қўйиш каби фазилатлари биз у билан танишган дастлабки саҳифалардаёқ кўзга яқдол ташланади. Саҳифаларда Оқсоқолни ҳалқ беҳад ҳурмат қиласди, эъзозлайди, ундан бошқа раисни тасаввур қила олмайди. Аммо Оқсоқол ҳам ўз навбатида ҳалқнинг бу ишончини сунистеъмол қилмайди, ўзига бино қўймайди, аксинча, керакли ўринда ўзига танқидий ҳам ёндаша олади.

Янги раис сайлаш йигилиши жанжалга айланиб кетади. Ҳалқ раисни, яъни Ориф оқсоқолдек раисни бошқаси билан алмаштиришга нима ҳожат борлигини тушунмайди. Ҳар томондан «бошқа раис керакмас!», «Оқсоқолнинг ўзи яхши» деган ҳайқириқлар эшитилади. Мажлис издан чиқади, район бошлиқлари ҳам ноилож аҳволда қолиб, янги раис сайлаш иши барбод бўладиган даражага келади. Ана шунда Оқсоқол характерининг энг муҳим қирраси ёрқин очиладиган вазият етилади. Ҳалқнинг раис сифатида фақат шу одамни талаб қилиши унинг обрў — эътиборини кўтарса, Оқсоқолнинг ана шу вазиятдаги хатти — харакати, гап — сўзлари китобхоннинг унга бўлган ҳурматини юз чандон ошириб юборади. «Халойиқ! — деди Оқсоқол фўлдираган товушда. Секин — секин тинчлик чўқди. — Калта ўйлама, халойиқ! Мана, оғир йиллардан ўтиб олдик. Тўкинчилик замон келди. Лекин бундан кейин дехқоннинг ишини кетмон эмас, мошина қиласди. Украина

томонларда бүгдойни машина ўряпти. Яқин орада олимлар ҳаводан ўғит олади...» (59 – бет). Райком секретарининг гапига ҳам қулоқ солмай, шовқин қилаётган халойиқ бу оддий, дәхқонча гаплар таъсирида бир қадар тинчийди. Буни сезган Оқсоқол гапнинг асосий мағзини маъқуллатишга ўтди: «Қани, қайси биринг эплайсан ҳаводан ўғит олишни? Ана, индамайсан! У ёғини сўрасанг менам эпломайман. Хўш, шундоқ экан, нимага шовқин соласан? Бунаقا ишлар, – у йўл – йўл костюмли кишига юзланди. – Ўртоқ Хажайипни қўлидан келади! Нега деганда илми – ҳикматни билади. Райком ўртоқ Хажайипни раисликка лозим кўрибдими, бир нарсани билиб қилган. Гапни кўпайтиришга ҳожат йўқ. Ўртоқ Хажайипга мана мен биринчи бўлиб овоз бераман. Қайси биринг Оқсоқолни ҳурмат қиласанг, қўл кўтаравер!

Оқсоқолнинг ўзи биринчи бўлиб қўлини баланд кўтарди» (60 – бет).

Кўриниб турибдики, Ориф оқсоқол ориятли, мард бўлиши билан бирга вазиятта ҳам сергак баҳо бера олади. Унинг «Райком ўртоқ Хажайипни раисликка лозим кўрибдими, бир нарсани билиб қилган» деган гапларида чуқур маъно бор. Чунки ундан олдин гапирган район раҳбарининг гапларида ички зиддият яқзол кўриниб турибди. У, бир томондан эски раиснинг тадбиркорлиги, ташкилотчилигини тилга олиб, шу туфайли колхоз илфор даражага кўтаришганини айтса, иккинчи томондан, шунга қарамасдан, бесабаб уни янги раис билан алмаштиришни райком номидан тавсия қиляпти. У халқнинг норозилик кайфияти билан ҳисоблашаёттани йўқ. Демак, янги раис сўзсиз, «юқори» дан кимнингдир тавсияси билан сайланаяпти ва сайланиси шарт. Буни Оқсоқол ҳам яхши сезиб турибди. Лекин райкомнинг оқилона иш қилишига шубҳа қилмаган Оқсоқол, шу масалада ҳам ўз зарарига бўлса – да, масаланинг тинч ваижобий ҳал бўлишига ўзи бош бўлмоқда. Бунинг учун жуда катта қалб, орият, мардлик керак, албатта. Аммо шу ўринда Ориф оқсоқол ноҳақликка қарши қурашиб принципидан чекинмадимикин? Йўқ! Чунки у биринчидан, ўзига танқидий қараб, саводсизлиги туфайли янги замон талабларига жавоб бера олмаслигини ўйлайди, иккинчидан райком адашмаслигига имони комил, учинчидан, халқ Умар Хўжаевнинг ким эканлигини билмайди.

Шунинг учун ҳам шу мажлиснинг ўзидаёқ янги раиснинг қўйуп муомаласини эшитгац, яна биринчи бўлиб оёққа туради. Унга биринчи зарбани беради: «Хў! Хажайип! – деди соқоли титраб. – Закунчимисиз, нима бало! Нуқул «закун, закун» дейсиз! «Қизил дәхқон» дагилар закунни сизчалик билмасаям, дәхқончиликка ақли етади» (61 – бет).

Қизиғи шундаки, янги раис биринчи «нүтқи»даёқ ўзини кўрсатиб қўйган бўлса—да, Оқсоқол бағри кенглик билан уни кечиради ва мажлис сўнгида унга уй қуриб бериш масаласини қўяди. Чунки, унинг тушунчасида янги раиснинг қандай яшashi шу колхоз халқининг номи, орияти билан боғлиқ масала.

Шу биргина эпизодда характер бизга қанча қирралари билан намоён бўлади, ҳар бир вазиятдаги ўз хатти—харакати, гап—сўзлари билан Оқсоқол образи кўз олдимиизда борган сайин тўлишиб, у ҳақдаги китобхон таассуроти мукаммаллашиб бораверади.

Ў.Ҳошимов Ориф оқсоқол образини чизишда бир хиллиқдан қочади, характер тасвирида полифонияга алоҳида эътибор беради. Оқсоқол образи бошдан охир жангари, чўрткесар сифатида ва фақат тўғри гапни гапириб, тўғри ишни қиласиган, ғам—койиш нима эканини билмайдиган схематик образ сифатида эмас, балки жонли инсон сифатида бор хислатлари ва нуқсонлари билан кўринади. Инсоний ожизлик ҳам Ориф оқсоқолга бегона эмас. У ҳам пайти келганда ғам—ғусса чекади, ўзини йўқотади, ҳатто тушкунликка тушади. Шу нуқтаи назардан, Ориф оқсоқолнинг икки ўғли — Шокир ва Зокирдан бир кунда «қора хат» келиши ва айниқса, биз юқорида кўрган келини Зуҳранинг қочиб кетиши билан боғлиқ эпизоддаги ҳолати тасвири характерлидир.

Тасвирдаги бу саҳна асарнинг энг драматик, кульминацион нуқталаридан бирини ташкил қиласиди. Худди шу ўринда Ориф оқсоқол ўзида бор шижаот, мардлик ва бағри кенглик билан ҳаётдаги энг фожиали онлардан бирини мардона енгиб ўтади, саросимага тушмасдан ақл билан иш тутади.

Тасаввур қилинг: бутун ҳаёти давомида элга бош бўлиб, гапи икки бўлмай, кўкрагини кериб юрган Оқсоқол кетма—кет икки бор урушнинг даҳшатли зарбасига учради. Бир вақтнинг ўзида икки азамат ўғлидан жудо бўлди—Шокирдан ҳам Зокирдан ҳам «қора хат» олди. Бу даҳшатли зарбадан ҳали ўзига келар—келмас, иккинчи зарба—келини Зуҳранинг аскар йигит билан қочиб кетиши воқеаси уни қалқитиб юборди.

Бу зарбага дош бериш, ўзини йўқотмаслик учун Ориф оқсоқол бўлиш керак эди: у қалқиди, лекин йиқилмади, уруш келтирган навбатдаги даҳшатни ҳам мардона енга олди.

Келини Зуҳра тақдирни ҳал этилган саҳнада характер динамизми ва драматизми ўзининг энг юқори чўйқисига

кўтарилади, уруш даврида кўплаб одамлар бошига тушган бу кулфат шунчаки хусусий, оилавий можаро эмас, балки урушга қарши даҳшатли айбномага айлангандек бўлади. Ёзувчи воҳеага бизни ишонтиради, Ориф оқсоқолдек доно, танти, тадбиркор одамнинг шу вазиятда бундан бошқача харакат қилиши мумкин эмаслигига китобхон амин бўлади.

Романдаги Ориф оқсоқол ва Ҳусан дума образлари ажидарди бир—бирини тўлдиради. Улар иккаласи кўп йиллик қадрдан, энг оғир дамларда бир—бирига суюнчиқ. Ориф ва Ҳусан дума собиқ шўролар тузумидаги босмачилик даври даҳшатларини, колективлаштириш йиллари мураккабликларини бирга, елкама—елка туриб, енгиб ўтишган.

Ҳусан дума — чинакам сахийқалб, содда, самимий, меҳнаткаш типик ўзбек деҳқонининг образидир. У ўз бошидан жуда кўп савдоларни ўтказган. «Оқ пошшо» даврида уни давлат Думасига «халқ вакили» сифатида сайлашган. Аммо у на ўзининг вазифасини, на хуқуқини билмай, Дума йиғилишларида бир соядек ўтириб келаверган. Ўшандан буён уни халқ «Ҳусан дума» деб атайди. Уни босмачилар «колхозга кирсанг, ичагингни салла қилиб кетамиз» деб қўрқитсалар ҳам, «худди шунинг учун ҳам колхоз бўламан» деб сўзида қаттиқ турди. Уни ҳатто отишди, аммо бу йўлдан қайтара олишмади. Мана энди фашист аталмиш малъун унинг тинчлигига, халқи, юртига озор етказмоқда. Аммо энди фанимга қарши от суриб чиқишига унинг жисмоний қуввати етишмайди, ёши ўтган. Лекин ундаги мавжуд маънавий құдрат душманга қишлоқдан туриб ҳам зарба беришга қодир. Ҳусан ота қўлидаги энг буюк қурол — юртга, халқга фидойилиқдир. Бу қурол олдида душманинг ҳар қандай бомбаси ожиз. Мана шу фидойилик, ватанпарварлик романдаги бир қатор саҳифаларда Ҳусан дума образини яхлит, тўла қонли ва ўзига хос характер сифатида тасаввур қилишимизга имкон беради.

Ўғли Кимсанни урушга жўнаташ эпизодида унинг оиланинг асосий суюнчиғи «галанска» сигирни сотиб, «Ўзбекистон танк колоннаси»га топшириб келиши, ҳеч ким қўл урмаган иш—шарбатни далага ташиши ва ниҳоят, аравани қутқаришда ҳалокатга учраб, фожиали ҳалок бўлиши каби тафсилотлар ифодасида биз Ҳусан думанинг чинакам фидойи ва жасур инсон эканлигини кузатамиз.

Ҳусан ота ўзига муносиб ўғил тарбиялаган. Ягона фарзанди Кимсан урушнинг бошланганлигини эшлишибоқ ҳарбий

комиссарликка учрашади ва кўнгиллардан бўлиб фронтга кетади. Ҳусан ота эса Кимсаннинг бу ишини қалдан маъқуллайди.

Ўғлининг бу харакатларини маъқулламаётган кампирига Ҳусан ота дашном беради, юпатади ва оқ фотиҳа бериб, Кимсанни фронтга кузатади. Ҳусан думанинг бу хатти – харакатларида заррача сунъийлик йўқ. Унинг тажрибаси, ҳаёт йўли, эътиқоди худди шу қарорга олиб келиши турган гап эди.

Шунинг учун ҳам чол ўғли бедарак йўқолганлиги ҳақида хабар олганда, саросимага тушади, одамларнинг уни «хоиннинг отаси» деб аташларини ўйлаб, изтиробга тўлади: «Йўқ! – деди ҳансираф. – Закунчи бошқа гапни айтди. Ўғлинг хоин деди, билдингми? – унинг кўзларига яна ёш тўлди. – Мен... – деди кичкина, чайир муштини туғиб. – Мен... хоиннинг отасиманми? Шунча йил хоинни боқдимми?» (282 – бет). Унинг жонига яна ўша «Минг йиллик» қадрдони Ориф оқсоқол аро киради: «Ўша закунчингни... – Оқсоқол уят гап айтиб юборди, чолимнинг устига бостириб борди. – Эшитдингми? Ким айтди, бедарак йўқолганлар хоин бўлади деб, балки партизанларга қўшилиб кетгандир! Шунақасиям бўлади – ку, тўғрими? – Қизиқ, у охирги гапни анча шаштидан тушиб, иккиланиброқ гапиргандек бўлди. Носдан олсанг – чи, – деди қовоғини солиб. – Ана, қаънилик Ҳолмат аравакашнинг ўғлидан ҳам шунақа хабар келган. Нима қипти? Ўғлингдан қора хат келмаганига суюмайсанми, эси паст!

Чолим анча дадилланди (283 – бет).

Ҳусан думанинг онгли, фидойи инсон эканлиги, юқорида эслатилганидек, ягона зотли сигирини ҳам сотиб, фронтга танк ясаш фондига ўтказиб келганлигида ҳам ёрқин кўринади. Бу харакатта Ҳусан отани ҳеч ким мажбур қилган эмас. У бундай ишни қилмасдан ўз меҳнати билан умум ишига улуш қўшиб юравериши мумкин эди. Аммо унинг қалбида ўз шахсий тинчлигидан умумхалқ ишини устун қўйиш туйғуси бор. Шу туйфу уни сигирини етаклаб бозорга олиб чиқишига ва бир қисмига кичик бузоқ, қолганини «Ўзбекистон танк колоннаси» фондига топшириб келишга ундайди. Ҳусан дума фронтга ёрдам уюштирилганда, бисотида бор нарсанинг ҳатто ўзига керакларини ҳам топширади. Фронтдагилар деганда, Ҳусан думанинг кўз олдига қон кечиб юрган ўғли Кимсан келади. У фронтга фақат моддий ёрдам кўрсатиш билан эмас, меҳнати билан ҳам фойдаси тегишини тушунади. Кичкина жуссаси билан ҳар қандай қора ишдан жирканмайди, ҳар бир қилган иши ғалабанинг яқинлаштиришига ишонади. Ҳусан отанинг ҳеч ким қўл урмайдиган иш – далага шарбат ташиш эпизодларини эсланг. Унинг бу жонбозлиги туфайли лавлагилар самовардек – самовардек бўлиб етилади.

Ҳусан думанинг фожиали ўлими эпизоди қаҳрамоннинг умум иши учун фидойилигининг энг юқори нуқтасидир. Иттифоқо, ўта хавфли, драматик вазият юзага келади. Ёш бола ҳайдаб келаётган арава темир йўл устида тўхтаб қолади. Дума учун дала ишида бебаҳо улов — арава ҳам, унинг устидаги ҳалқ меҳнатининг маҳсули — лавлаги ҳам бирдай азиз. Шу дақиқаларда қари чол ўз тинчлиги, хавфсизлиги, ҳаёти ҳақида эмас, ҳудди шу нарсаларни сақлаб қолиш ҳақидагина ўйлади. Поезд келиб қолганда Оқсоқолнинг «ўзингни четга ол» деган ҳайқириғига ҳам қулоқ солмайди, натижада фожиа юз беради. Аммо бу саҳна қанчалик таъсирчан бўлмасин, унда бир оз атайнлик, сунъийлик борлигини ҳам айтиб ўтиш керак. Афсуски, бундай сунъийликлар асарнинг бошқа бир қатор драматик эизодларида ҳам учрайди.

Ў.Ҳошимовнинг муваффақияти шундаки, Ҳусан дума образида чуқур ҳаётий қаҳрамон, чинакам содда, фидойи ва бир сўзли инсон тимсолини яратади.

Ҳусан дума образини нурлантириб турган хислатларидан бири унинг фаол гуманист, чинакам инсонпарвар шахс эканлигидир. Ҳусан ота инсон зотини яхши кўради, ундан қўлидан келган меҳрибончиликни аямайди. У отасиз қолган Робияни ўз тарбиясига олади, уни ўз қизидек вояга етказади, тақдири ҳақида қайғуради. Аммо қизим, деб унинг тақдирини ўзича ҳал қилиб юборишга ҳам интилмайди, қизнинг кўнглига қарайди, уни авайлайди. Робияга Очилбайдан совчи келиш саҳнаси эслайлик: Ҳусан ота бошда бу ишга розилик беради, аммо Робиянинг йигитга кўнгли йўқлигини сезгач шартта нуқта қўяди. Қизини қандай бўлса ҳам кўндиришга харакат қилган кампирини жеркиб беради: «Эшиқдан бобомнинг асабий товуши келди.— Падарингга минг лаънат сендача паканани! Нима қиласан болани қийнаб?!

Ойим мени қайтадан қучоқлади.

— Вой, мен оёқ — қўлидан боғлаётганим йўқ — ку, бобоси!

— Э, ўл! — бобом яна ўшқирди. — Отанг Орифхўжабойнинг ўғлига унашаман, деганда ўламан саттор тегмайман, деб йиғлаганинг эсингдан чиқдими? Томорқанг туйнугидан эмаклаб чиқиб, бўйнимга осилиб ялинган ким эди?

— Вой, ўлай, мен нима қилдим? — деди ойим йиғламсираб. — «йўқ» десанг, садқаи сар!

— Комилнинг жавобини бериб юбор! — Бобом «гап шу!» дегандек кескин бурилиб, эшиқдан нари кетди» (123 — бет).

Ёзувчи Ҳусан отанинг самимийлиги, соддалиги, дәхқонча фикрлаш ва сўзлашларини ҳаётий кўрсата олган. Унинг Ориф оқсоқол билан ҳазиллари, «сен»сирашиб эркалик қилишлари, айни пайтда бир – бирига чинакам самимий инсоний муносабатлари табиий ҳолатда китобхонга етказиб берилган. Унинг «Ориф оқсоқол мени «пажалиста» деб ҳақорат қилди», деб тумшайиб юришлари, ўзаро ҳазил – мутойиблари бу икки қарияни китобхон чин дилдан севиб қоладиган содда, аммо покиза ва самимий инсонга айлантиради.

Ҳусан дума ёнида унинг ўзиdek покиза, содда ва самимий кампири – «Қора амма» юради. «Қора амма» асарнинг етакчи қаҳрамонларидан бири сифатида асарнинг бошидан охиригача фаол ҳаракат қиласди. Кўп ўринларда у етакчи ҳикоячи – қаҳрамондир. Аксарият воқеаларни, қаҳрамонларни биз шу аёл нутқи, ҳикояси орқали кўрамиз. «Қора амма» – бош ҳарфлар билан ёзиладиган она образи. Бу образ Ў. Ҳошимовнинг «Дунёнинг ишлари» қисссасидаги Она образининг янада бошқачароқ шакда мукаммалашган, синтезлашган ифодаси дейиш мумкин. «Қора амма» уруш даврининг ҳамма даҳшатларини бошидан кечирган, аммо оналик, инсонийлик шаънини сақлаб қолган, уларга заррача бўлса – да, доф туширмаган минглаб оналарнинг умумлашма образи даражасига кўтарилган.

Ўзи қоп – қора, кўримсиз, чолининг таъбири билан айтганда, бу «пакана» кампир оиласидаги, қишлоқдаги ҳар бир кишининг тақдиди, энг кичик уй – юмушларидан тортиб, уруш ва бутун дунё ташвишларини елкасида кўтариб келган матонатли инсондир. «Қора амма» биринчи навбатда меҳрибон, сахийқалб онадир. У Робияни ўз қизидан ортиқ севиб, асрраб – авайлаб, вояга етказади. Биз бошда ҳатто уни Робиянинг онаси, деб ҳам қабул қиласиз, кейинчалик уни асрраб олганлигини англаймиз. Унинг одамийлигига таҳсинлар ўқиймиз. Робияни Шомуродга хотин бўлишга кўндириш эпизодларидағи унинг виждан азобларига, иккиланишларига, изтиробларига ачинамиз, у билан бирга изтироб чекамиз. Шомуроднинг тақдиди, келини Раъононинг бевафолиги «Қора амма» ни руҳий азоблар гирдобига солади. Урушдан қайтмаган ўғли Кимсандан айрилиш уни бир умр ўртайди, Робияни унга унаштиганда қанчалик хурсанд бўлган бўлса, уни укаси Шомуродга олиб беришда ўғлини яна бир қайта кўмгандек бир ҳолатга тушади.

Ўзининг шунчалик ғам – ташвишлари етмагандек, «Қора амма» «биз ҳам майли, рабочийларга қийин бўлди» деб бошқаларнинг ташвишини тортади, нон ўғирлаб, қўлга тушган болакайни оломоннинг таёғидан қутқариб қолади, ўғилларидан «қора хат»

келган Ориф оқсоқол, Умар закунчи қалтаклаган Олимжон, қўли синган Музаффарлар билан биргалиқда азоб тортади.

«Қора амма»нинг «Номаълум солдат» ва «Фамбода она» ҳайкаллари очилишида қатнашиш эпизодларини ҳаяжонсиз ўқиши қийин. Худди шу ўринларда кичкина елкасида тоғдек фам кулфатларни кўтариб юрган бу кампир уруш даврининг бош жангчиси, бош ҳаҳрамони сифатида кўринади:

«Боле – ем! – қулогимнинг тагида янграган фарёдан сесканиб кетдим. – Онасининг гўрига тушган боле – е – ем! – Аммам дадамнинг қўлидан юлқиниб чиқди – ю, каловланиб, йигит ҳайкалига талпинди. Югуриб бориб, ҳайкални қучоқлади. – Онасининг доғда қолдириб кеттан Кимсан – и – им?! Жон болам. Жоним болам! – У ҳайкалнинг каскали бошидан қучоқлаб ўпа бошлади. Рўмоли сирғалиб тушиб, ҳайкалнинг автоматига илиниб қолди. Оппоқ соchlари тўзиб кетди (460 – 461 бетлар). Музаффарга «Фамбода она» ҳайкали «Қора амма»нинг ўзгинаси бўлиб кўрингани рамзий маънога эга. «Фамбода она» – худди мана шу уруш даҳшатларини ҳаммадан кўп ҳис этган, азоб тортган, аммо мардона туриб, бу қийинчиликларни енгган «Қора амма»га ўхшаган аёлларга кўйилган ҳайкал эмасмикан, деган фикрлар беихтиёр хаёлдан ўтади. Ватан учун қон тўккан жангчи ва унинг ёнида ҳамиша она ҳайкалининг туриши ҳам, эҳтимол, ана шундандир. Ориф оқсоқол, Ҳусан дума ва «Қора амма» образлари фақаттина Ўткир Ҳошимовнинг ўз ижодидаги эволюция натижаси бўлмай, балки ўзбек адабиётининг бу борадаги тажрибаларини ўзига сингдирган, уни новаторона белгилар билан бойитган ҳаҳрамонлар ҳам бўлиб қолади. Бу каби типлар олдин шу мавзуга қўл урган А.Қаҳҳор С.Аҳмад каби устоз адаблар асарларида ҳам яратилганлиги маълум. Шунинг учун ҳам «Икки эшик ораси» романида уларнинг асарларида учраган айрим оҳанглар, вазиятлар, ўхшаш ҳолатлар билан баъзан дуч келамиз. Чунончи, Ориф оқсоқолнинг иккала ўғлидан «қора хат» келганлигини кампиридан яшириш картинаси А.Қаҳҳорнинг «Асрор бобо» ҳикоясидаги худди шу ҳолатни ёдга туширади. Ҳусан думанинг кампирига: «юрга келган тўй... ҳамма урушга борса – ю, Кимсан тошбақадек бошини ичига тортиб ўтиrsa, ярашадими? Ўз қулогим билан эшитдим – ку, уруш нари борса, бир – икки ойда битаркан. У ёғини сўрасанг, ҳеч ким ўғлингни олдига солиб опкетаман, деяёттани йўқ» (90 – бет) деган сўzlари, Асрор бобонинг камирига қарата айтган сўzlарини эслагандек бўлади. «Қора амма» нинг нон ўғирланган болани жазодан сақлаб қолиши «Сен етим эмассан» фильмидаги шундай эпизодни ёдга туширади.

Аммо бу ўхшашликлар асардан асарга кўчган ўхшашликлар бўлмай, балки бу романга ҳам ҳаётнинг ўзидан кўчган эпизодлардир. Уруш даврининг фожиали оқибатлари ўзбек халқининггина эмас, умуман урушда иштирок этган барча халқлар ҳаёти учун типик ҳодисалар эди. Улар ҳар бир оилада, ҳар бир одам тақдирида у ёки бу кўринишда содир бўлган ва табиийки, шу давр воқеаларига мурожаат қилган санъаткор бу ҳодисаларни четлаб ўтголмайди. Ў.Хошимовнинг муваффақияти шундаки, у олдинги асарларда талқини учрайдиган ҳолатларни, вазиятларни бутунлай ўзига хос тарзда ҳал этади, ҳодисаларнинг, характерларнинг янги қирраларини топа олади ва маҳорат билан уларни бадиий тасвирга айлантиради.

Мана биргина мисол: Ориф оқсоқолнинг келини Зуҳранинг фронтдан қайтган аскар йигит билан қочиб кетиши қайсиdir қирралари билан Ч.Айтматовнинг «Жамила» қиссасидаги шунга ўхшаш эпизодни эста туширади. Биринчидан, бундай ҳодисалар урушнинг фожиали оқибатларидан бири сифатида ҳар бир халқ ҳаётида учраб турган ҳодиса эканлиги Ў.Хошимовга ҳам шундай воқеани кўрсатишга ҳуқуқ беради ва бунга такрор деб қарамаслик керак бўлади. Иккинчидан, Ў.Хошимов бу воқеани драматик ва ўзига хос шаклда ҳал этади, воқеани бутунлай янги қирраси билан кўрсатади. Бу ҳодиса Ориф оқсоқолнинг қай даражада тушунган, одил, танти ва мард инсонлигини намойиш этишга хизмат қиласди.

Биз юқорида фикр юритган уч қаҳрамон – Ориф оқсоқол, Ҳусан дума ва «Қора амма» образлари талқинида айрим нуқсонлар ҳам кўзган ташланади, албатта Назаримизда, ёзувчи қаҳрамонларни аср бошидаги давлардан то бугунги кунларгача олиб келиб, уларнинг ёши ва имкониятларини унтиб қўйғандек туюлади. Айтайлик, Ҳусан дума Октябр тўнташидан олдинги даврда давлат Думасига аъзо эди. Демак, ўша вақтда камида 20–25 ёшларда бўлган деб тахмин қилиш мумкин. Оқсоқол билан тенгдош, шунинг учун «сен»лашиб гаплашишади. Шунга кўра Ориф ота, «Қора амма» роман эълон қилинган пайтда тўқсондан ошиб, юзни қоралаган бўлиб чиқади. Ҳайкал очилишида Ориф оқсоқолнинг «гулдираб» гапириши шунинг учун ҳам шубҳа уйғотади. Ҳусан дума ўлимининг етарли мантиқий асосланмаганлиги, тасодифийлигини олдин ҳам таъкидлаган эдик. Аввало, бир ҳўқиз – арава – ю, лавлаги учун Ҳусан думадек одамнинг ўлиб кетиши «адолатли» эмас. Шу жараён тасвирининг ўзи ҳам китобхонни ишонтира олмайди. Тўрт азамат киши бир аравани йўлдан суриб чиқара олмаслигига ишониш қийин. уни чиндан ҳам чиқариш қийин бўлган экан, ҳуши жойида одам поезд келиб қолганидан кейин ўзини сақлаб қолишга харакат қиласди – ку! Бу жараёндаги айрим деталлар ҳам мавҳум:

айтайлик, олдинроқ араванинг олдинги ғиљдираги темир йўлнинг бир томонига, кейинги ғиљдираги бошқа томонига тиралиб қолди, деб айтилади – ю, кейинроқ араванинг шотиси кўтарилиб кетди, деб қўшиб қўйилди. Агар арава, айтилгандек қўқон арава эмас, балки тўрт ғиљдиракли бўлса, у ҳолда бундай аравада шоти нима қиласди?

Хуллас, бундай драматик ҳолатлар, унданги деталлар жуда чуқур мантиқ йўли билан асосланиши лозим эди.

Ў.Ҳошимовнинг «Икки эшик ораси» романи анча узок тарихий даврни қамраб олган, уруш даҳшатларини ва унинг маънавий оқибатларини мураккаб, фожиали тақдирларда кўрсатиб берган, характерлар пухта ишланган, сюжет ва композицияси, услуби ўзига хос, тили равон ва ширали асар бўлиб, адабиётимиздаги уруш даври мавзусига бағишилаган асарларнинг энг сараларидан бири бўлиб қолиши шубҳасизdir.

Айтилганларни хуносалаб, бир фикрни таъкидлаш лозим. Ёзувчининг иккинчи жаҳон уруши даври ҳаётига бағишиланган дастлабки асари «Урушнинг сўнгти қурбони»даёқ тасвирда эпикликка интилиш сезилиб туради. Бу хусусият тасодифий эмаслигини ёзувчининг «Дунёнинг ишлари» асари мисолида кўрдик. Ў.Ҳошимов асарда ўша давр ҳаётига, кишилар тақдирига хос талай қирраларни беришга, уларни бир неча ракурсларда кўрсатишга муваффақ бўлди. Бошқачароқ айтганда, «Дунёнинг ишлари» асарида ўзи қўллаган композицион усул имкониятларидан келиб чиқиб, ғалати бир тажриба қилиб кўрди, келажакда ёзиладиган йирик асарининг хомаки контурини чизиб, белгилаб олди. Ана шу олдиндан ишлаб, чамалаб кўрилган ҳаётий материал кейинчалик «Икки эшик ораси» романининг вужудга келишида муҳим манба – ўзига хос бир адабий «хамиртуруш» бўлиб хизмат қилди. Шу тариқа ёзувчи ижодида ҳикоя ёзиш билан бошлиланган иккинчи жаҳон уруши даври ҳаётига мурожаат қилиш босқиччма – босқич кўтарила бориб, ўзига хос эволюцион жараёндан ўтиб, ҳозирги кунда кўп планли, катта эпик қамровга эга бўлган роман даражасигача етиб келди.

Х О Т И М А

Юқорида бир қатор ёзувчиларимиз ижоди, уларнинг биз ўрганаётган муаммога алоқадор асарлари ҳақида айтилганларни шундай хуросалаш мумкин: «Уфқ» трилогиясининг вужудга келиш манбаларини ўргангандар адабиётшунос Маҳкам Маҳмудов бир муносабат билан Сайд Аҳмад «Ватан уруши давридаги меҳнат жараёнида туғилган ишлаб чиқариш масалаларидан кўра, ўша вақтда туғилган ахлоқий, маънавий проблемаларни яхшироқ тасаввур ва ҳис қиласи»,¹ деб ёзади. Тўғри гап. Юқорида «Уфқ»даги Икромжон характерига доир билдирган баъзи кузатишларимизда биз ҳам шу жиҳатни таъкидлашга ҳаракат қиласи. Эҳтимол, бу асарнинг узоқ вақтдан бери китобхонлар ва адабиётшуносларнинг эътиборида бўлиб келаётганининг боиси ҳам шунда бўлса керак. Сайд Аҳмад услугуга хос етакчи хусусият – инсоннинг ўзини биринчи ўринга қўйиб тасвираш, ҳар қандай муаммони шундан келиб чиқсан ҳолда кўрсатишдир. Тўғри, ёзувчи бу ишда ҳамма вақт ҳам бир хил даражада маҳорат кўрсатади, юксак натижаларга эриша олади, деб айтиб бўлмайди, албатта. Бундай жиҳатларни биз таҳлил жараёнида кўрсатишга уриндик. Лекин, муҳими, ёзувчи ҳар қандай ҳолатда ҳам ўз услугуга хос бош хусусиятдан чалғимасликка ҳаракат қиласи, хусусан, ўқувчининг ёзувчининг «Умрлик китоби» бўлган «Уфқ»нинг асосий қаҳрамонларидан бири бўлмиш Икромжон характерини ҳар томондан, турлича нигоҳлар орқали кузатиши учун имконият яратади. Натижада бири бошқасига ўхшамайдиган туйгулар курашидан вужуди ларзага келаётган Икромжоннинг қалбини, ундаги умумий руҳиятни яхши ҳис қила оламиз.

Шу жиҳат, яъни у ёки бу характерга хос ички маънони, моҳиятни турли нуқтаи назардан туриб кўрсатишга, бу усулнинг янги ифода воситалари ва имкониятларини кашф этишга интилиш Ў.Ҳошимов изланишлари учун ҳам хос эканининг гувоҳи бўлдик. Ёзувчининг уруш мавзусига алоқадор қатор асарларини ўрганиш шундай хуросага олиб келади. Аниқроғи, бундай услубий хусусият юқорида номлари тилга олинган ҳар икки ёзувчи ижодининг маълум нуқталарида бир – бири билан яқинлашиб кетадиган томонлари борлигидан ҳам далолат беради. Умуман, ўзбек адабиётининг бу икки улкан намояндаси ижодини шу йўналишда ўрганиш ёзувчи бадиий маҳорати ҳақида жиiddий кузатишлар қилишга асос беради. Бу ишни эса алоҳида илмий – тадқиқот ишларида амалга ошириш лозим бўлади.

¹ М.Махмудов. Таллит ва икод фалсафаси. Ф.Фуломномидаги Адабиёт ва санъат наширисти. Тошкент. 1986, 232-бет

Яна бир гап. Адабиётда мавзунинг масъулияти деган гап бор. Бундан шу нарса англашиладики, мавзу залворли деб унга енгил – елли қараш нохуш натижаларга олиб келиши мумкин. Бундай асарларнинг юзага келишидан на ёзувчи, на адабиёт бирон нарсанни ютмайди. Биз келажакда уруш давридек мураккаб бир босқичга мурожаат қиласиган ёш қалам соҳибларига ибрат бўлар деган маънода баъзи номдор ёзувчиларимизнинг асарлари ҳақида танқидий фикрлар билдиридик. Бундан катта хуроса чиқармаслик, бу ёзувчиларнинг бутун ижоди шундай экан, деган фикрга келмаслик керак бўлади. Чунки уларнинг ҳаммаси ҳам адабиётимиз ривожида ўзига хос ўрни бор ижодкорлардир.

МУНДАРИЖА

Муқаддима.....	4
Йўл бошида.....	11
Ҳикоя жанрининг имкониятлари.....	19
Адибнинг умрлик китоби.....	39
Мавзу ва маҳоратнинг эгизаклиги.....	78
Кичик шаклда катта гап айтиш маҳорати.....	99
Улуғ зотга қўйилган бадиий ҳайкал.....	108
Иzlанишларнинг баҳтили самараси.....	127
Хотима	148

Умурзоқ Ўлжабоев

БАДИЙ ТАСВИРНИНГ ҲАҚҚОНИЙЛИГИ

**Босишга руҳсат этилди 2008 йил. 6 март
Қоғоз бичими 60x84 1/16 . Офсет қоғози.
Босма табори 9,5
Адади 500 нусха.
Буюртма раҳами №49
Гулистан ш. 4-мавзе,**

С Университет босмахонасида чоп этилди.